



NAZIONALE

12

VITT. EMANUELE

BIBLIOTECA

11 B

7

M





14-27.e.20



NATVRALIS

PHILOSOPHIÆ

*QVARTÆ PARTIS*

TOMVS SECVNDVS:



# NATVRALIS PHILOSOPHIÆ

*QVARTÆ PARTIS.*

Quæ de ente Mobili Animato  
agit, ad Libros Aristotelis  
de Anima.

TOMVS SECVNDVS.

A V C T O R E

P. M. F. IOANNE  
DE S. THOMA

LISBONIENSI

*Ordinis Prædicatorum.*




Complutensis Academiae publico  
Theologiae Professore in  
Cathedra Vespertina

Collegij S. Thomæ Regente, & Sacre  
Inquisitionis Censore.



BONONIÆ, M.DC.LXXXIV

Typis Iosephi Longi. Superiorum permisso.



# INDEX

## QVÆSTIONVM, & Articulorum.

Summa Textus Libri Tertij  
de Anima pag. I

Tractatus de anima intelle.  
ctiua. pag. 17

## QVÆSTIO IX.

*De Anima Rationali  
secundùm se.*



Articulus I. Quo-  
modo naturaliter  
constet animam  
rationalem, esse  
im-

immortalem, & per se  
subsistentem? pag. 17

**Articulus II.** Quomodo anima rationalis sit entitati-  
uè spiritualis, & forma  
corporis? 32

## QVÆSTIO X.

*De Intellectu agente, &  
possibili.*

**A**rticulus I. Vtrùm sit  
necessè poni intelle-  
ctum agentem distinctum  
à possibili, & quid sit? 53

**Articulus II.** Quomodo in-  
tellectus agens illustret  
phantasmata, & intelle-  
ctum possibilem? 70

Arti-

**Articulus III. Quod sit obiectum adæquatum, & specificatum intellectus possibilis?** 90

**Articulus IV. Vtrum singulare materiale pro hoc statu sit directè cognoscibile ab intellectu?** 110

**Articulus V. Expediuntur difficultates contrà doctrinam præcedentis articuli.** 131

**Articulus VI. Vtrum memoria, syndereſis, ſpeculativum, & practicum ſint diverſæ potentiæ?** 144

# QVÆSTIO XI.

## *De Intellectu, & conceptu.*

**A**rticulus I. Vtrum  
intellectio fit de  
prædicamento actionis,  
vel qualitatis distingua-  
turque realitèr à verbo  
mentis? pag. 155

Articulus II. Vtrum ad om-  
nem intellectiõnem fit  
necessaria productio Ver-  
bi? 180

Articulus III. An sint tres  
operationes intellectus,  
& quid sint? 203

Articulus IV. Vtrum in-  
tellectus possit plura per  
mo-



modum plurium intelli-  
gere . 218

## QVÆSTIO XII.

*De appetitu , & loco  
motivo .*

**A**rticulus I. An de-  
tur appetitus elici-  
tus in animalibus , &  
quotuplex sit ? 228

Articulus II. Quæ sit ra-  
dix libertatis in volun-  
tate ? 246

Articulus III. Quomodo  
originetur libertas vo-  
luntatis à radice extrin-  
seca , quæ est Deus ?  
pag. 262

Arti-

**Articulus I V. Circa quæ  
obiecta versetur liber-  
tas.** 276

**Articulus V. Vtrùm volun-  
tas sit perfectior poten-  
tia intellectu?** 283

**Articulus VI. Vtrùm vo-  
luntas moueat alias po-  
tentias imprimendo ali-  
quid reale in illas?** 293

**Articulus VII. Vtrùm de-  
tur loco motiua distincta  
ab appetitu, & quo-  
modo inueniatur in ani-  
ma separata?** 318

# I SVMMMA TEXTVS

## Libri Tertij de Anima .



AGGREDITVR in hoc libro Philos.explicare naturam animæ intellectiue . Ad quod agit tria . Primum præmittit ea quæ ministrant intellectui scilicet sensus internos, & propterea in principio recolligit numerum sensuum exteriorum , proceditque ad explicandos sensus internos . In secunda parte agit de ipso intellectu. In tertia de consecuto ad ipsum, scilicet appetitu & loco motiuo . Et hæc per 13. capita .

In capit. 1. colligit numerum sensuum exteriorum . Et facit duo . Primò probat non esse nisi quinque sensus . Secundò soluit dubium illud cur sint plures sensus externi .

Circa primum probat esse tantum quinque sensus externos . Et ratio eius reducitur ad hanc formam vt S.Thom. notat hoc lib.lect.1. Quicumque habet aliquod organum sensus per quod cognoscuntur sensibilia , cognoscit per illud organum quæcunque sensibilia pertinent ad talem sensum, sed animalia perfecta habent omnia organa sensus, ergo cognoscunt omnia sensibilia , sed non habent nisi quinque sensus, ergo non sunt plures respectu propriorum sensibilibum . Maior constat , quia qui habet sensum tactus, per illum cognoscit omnes qualitates sensibiles , ergo similiter in alijs sensibus . Minor etiam prob. quia necessario proportionantur media per quæ mo-

uentur sensus, & ipsa organa; sed non datur nisi medium internum vel externum; internum conuenit tactui, & gustui, qui siue externo medio sentiunt, si verò loquamur de medio externo illud solum est aer vel aqua, ignis enim propter summam actiuitatem non patitur à sensibilibus, neque terra propter nimiam densitatem, sola verò aqua & aer facile patiuntur à sensibilibus. Hoc autem medio aeris & aquæ vtuntur visus, auditus, & olfactus, ergo non sunt plures sensus externi quia nec plura media immutantia. Quantum verò probet ista ratio, videri potest apud D. Thom. 1. p. q. 78. art. 3.

Circa secundum proponit difficultatem, quare plures sensus dati sunt à natura? Et respondet, quòd vt non confundantur sensibilia communia cum proprijs: datis enim pluribus sensibus, quædam apprehenduntur à pluribus & sunt communia, quædam à quolibet sensu & sunt propria sensibilia.

Incipit in capit. 2. agere de sensibus internis. Et primo de sensu communi in isto, in sequent. autem de phantasia. Igitur in hoc capit. facit duo. Primò proponit dubium quoddam & soluit. Secundò resoluit dari sensum communem.

Circa primum tale dubium proponit. Cum constet nos cognoscere sensationes nostras, quia cognoscimus nos videre, nos audire, &c. quaeritur an hoc fiat ab eodem sensu vel ab alio. Respondet primò distinguendo in visione quod dupliciter sumi potest, vno modo vt immutatur à sensibili externo, & sic solum videt calorem, alio modo cum facta immutatione percipit se videre, & sic etiam sentit ipsam visionem, & non solum

solum calorem, scilicet in exercitio ipso. Secundò soluit dicendo, quòd ipsa visio seu videns quodammodo dici potest coloratum, quatenus actus sentiendi sit vnum cum sensibili mediante specie, & sic eiusdem virtutis est videre colorem, & visionem quæ specie coloris formatur, & sic potentia qua videmus nos videre non est extranea ab ipsa potentia visiva.

Circa secundum assurgit ex hoc ad probandum dari sensum vnum communem præter istos quinque externos qui de omnium actibus iudicet. Nam licet vnusquisque sensus iudicet de suis obiectis proprijs & discernat inter illa, vt inter album & nigrum ipse visus, tamen non poterit discernere inter album & dulce, quia ad hoc necesse erat cognoscere vtrunque extremum, visus autem non nisi vnum cognoscit, & tamen experimur nos cognoscere istas differentias & discernere inter sensibilia diuersorum sensuum, ergo oportet ponere alium distinctum sensum communem, qui hæc omnia percipiat. Quomodo autem ille sensus communis moueri possit à sensibilibus ita diuersis & in se contrarijs. Respondet. quod ea quæ sunt contraria in sensibus externis, respectu sensus qui est vniuersalior non habent contrarietatem, quia procedit sub altiori ratione, sicut centrum circuli vtit omnes lineas quæ à contrarijs partibus veniunt.

Agit in hoc cap. 3. de phantasia, & facit tria. Primò reijcit antiquorum Philosoph. opinionem qui confundebant sensum & intellectum. Secundò ostendit quod phantasia neque est intellectus, neque sensus. Tertiò ostendit quid sit.

Circa primum excludit opinionem Empedo-

## 4 *Summa Textus*

elis, & Homeri qui non distinguebant intellectum à sensu, eo quod intelligere putabant esse aliquid corporeum sicut & sentire, existimantes vtrunque fieri similitudine corporea, qui terram dicebant intelligi terra, & aquam aqua. Refutat autem hanc sententiam dupliciter, primò quia intelligere solum conuenit hominibus, sentire pluribus, ergo non sunt idem. Secundò, quia intellectu contingit sepè nos falli, & errare, sensus autem non errat circa proprium sensibile, ergo aliud est sensus ab intellectu.

Circa secundum probat phantasiam non esse opinionem, neque sensum, neque intellectum, licet non sine sensu. Non est opinio, quia opinari non possumus cum volumus, phantasiari autem sic, vt enim opinemur requiritur fundamentum & ratio, vt imaginemur sufficit fictio. Item opinionem sequitur fides, & fidem persuasio, hæc autem irrationabilibus non conuenit, quibus tamen conuenit phantasiari. Non est sensus, neque in potentia quia hic semper adest animal, phantasiari autem & imaginari non semper. Quia non semper aliquid apparet: neque est sensus in tactu, tum quia sensus semper est verus circa proprium obiectum, phantasiam autem decipi contingit, tum quia quæ sensu tenemus & tangimus, certo cognoscimus: quæ imaginamur, non certo semper tenemus; tum denique quia in dormientibus datur imaginatio, sensus verò non operatur, sed ligatur. Non est intellectus quia iste est circa prima principia, circa quæ non est falsitas, imaginatio verò sæpè fallitur nec primis principijs innititur.

Circa tertium concludit quid sit phantasia quam definit per proprium actum dicens, quòd

Phan-

## *Libri Tertiij.*

Phantasia est motus factus à sensu secundum actum, idest esse actum internum qui causatur à motione obiecti sensibilis actu cogniti per sensum. Imaginatio enim non versatur circa obiecta ad extra immediatè, sed vt cognita seu sensata à sensibus externis, indeque alia non sensata elicit obiecta autem sensata & cognita possunt potentiam interiorē mouere. Et sic phantasia quæ interior potentia est, ab exteriori sensu non à sensibili ipso immediate mouetur. Dicitur tamen phantasia quāsi apparitio, sumpto nomine à præcipuo sensu mouente, qui est visus & ab eius lumine.

A cap. 4. incipit agere Aristotel. de intellectu potentijs earumque actibus, quæ est secunda pars huius libri, & hoc per quinque capita à 4. vsque ad 8. hoc ordine. In hoc 4. cap. agit de potentia intelligente quæ dicitur intellectus possibilis, in sequ. de intellectu agente, in 6. cap. de duplici actu eius, scilicet simplici apprehensione & compositione in 7. de alijs duobus actibus scilicet practico & speculativo. In 8. colligit quædam quæ conueniunt animæ intellectiue ex prædictis.

Igitur in 5. capit. agit de intellectu possibili, & diuiditur in duas partes. In prima explicat quid sit potentia intellectiua cognoscens, seu intellectus possibilis. In secunda soluit quadam dubia.

Circa primum explicat naturam potentie intellectiue per id in quo conuenit cum sensu & per id in quo differt. Conuenit cum sensu quia est potentia passiuæ seu receptiuæ specierum, non quidem passione propriè dicta quæ est immutatio corruptiuæ, sed receptione intentionali. Vnde

## *Summa Textus*

de colligit intellectum, licet non sit capax passionis propriè dictæ, esse tamen receptivum specierum & nullam ex se habere, sicut materia prima ex se nullam habet formam. Differt verò à sensu in duobus. Primò quia intellectus non est potentia organica seu corporea, alias non posset omnium corporum naturas percipere. Secundò quòd sensus ratione organici auditur ab excellenti sensibili, intellectus verò perficitur à maximo intelligibili.

Circa secundum, proponit quatuor dubia. Primum circa obiectum intellectus an per eandem facultatem cognoscamus uniuersale & singulare, & distinguit singulare ab uniuersali, quia illud dicit aliquid determinatum ad hanc materiam & has condixiones materiales, uniuersale verò solam quidditatem ipsam seu naturam sine conditionibus illis naturalibus. Et sic respondet, singularia materialia (de his enim tantum est sermo) cognoscit per sensum, uniuersale verò per intellectum, in cognitione verò singularium se habere sicut lineam rectam & reflexam.

Secundum dubium, quo modo intellectus sit passivus, cum sit immaterialis, omne verò receptivum ratione naturæ recipit. Respondet, receptionem naturalem seu materiale fieri ratione materiæ, intentionalem verò quæ est passio impropria in immaterialibus debet fieri.

Terrium dubium, an intellectus sit per se ipsum intelligibilis per aliquod superaditum? Respondet intellectum per se esse immaterialem, sed non intelligere se per essentiam suam quia est in pura potentia intelligibili, & non in actu, unde cum recipiat species ab obiectis, ad instar il-

lorum



lorum obiectorum intelligitur, & non immediate à se ipso.

Quartum dubium, cur id quod est intelligibile non semper intelligit. Respondet, quod res existentes in materia sunt intelligibiles in potentia, intelligibile autem in potentia non est idem intellectus nec illi conuenit intellectus.

In capit. 5. agit de intellectu agente. Et facit tria. Primum probat debere dari intellectum agentem præter possibilem. Secundò ostendit in quibus conueniat cum intellectu possibili, & in quo differat. Tertiò explicat quid sit intellectus in actu.

Circa 1. probat debere dari intellectum agentem, ex eo quod datur intellectus possibilis qui non semper est in actu, sed aliquando in potentia, aliquando in actu, ergo oportet quod sit aliquid per quod reducat in actum, alioquin semper erit in potentia, reducitur autem in actum primum per species intelligibiles, ergo oportet dari aliquam potentiam, quæ producat istas formas seu actus primus, & tamen non cognoscit quia cognitio supponit species.

Circa 2. conuenit tribus cum intellectu possibili, primò quia est separabilis à corpore, cum non sit potentia organica, sed spiritualis agit enim in intellectum possibilem. 2. Quod est impassibilis. 3. Quod est immixtus, idest non compositus ex naturis corporeis, neque actus organi corporei. Differt in vno quia intellectus agens est in actu cum sit potentia actiua possibilis in potentia ad recipiendas species.

Circa tertium numerat tres condiciones intel-

lectus in actu. Primò quòd sit res ipsa intellecta non in esse rei, sed in esse representatiuo. Secundò, quòd intellectus in actu sit prior tempore & natura intellectus in potentia ordine perfectionis, quia potentia non reducitur in actum, nisi per id quod est actu, nec scientia aliqua sit, nisi ex præexistente aliqua cognitione, vt 1. Post dicitur. Tertiò quòd intellectus in actu semper est in actu, possibilis verò aliquando est in potentia aliquando reducitur in actum. In calce capit. colligit quòd intellectus est separatus, idest sine organo corporeo, quòd incorruptibilis, quia caret corpore, quòd perpetuus. Quomodo verò intelligat anima separata? Respondet. non reminisci, seu intelligere (scilicet eo modo quo nunc) quia corrumpitur intellectus passiuus, idest phantasia à qua hic dependet intellectiua cognitio & fit reminiscencia.

In capit. 6. Agit de duplici actu intellectus, & facit duo. Primo diuidit actum intellectus in simplicem & compositum. Secundò explicat utrumque.

Circa 1. diuiditur actus intelligendi in simplicem apprehensionem, qua intelligimus res simplici modo vt hominem, equum, &c. & in compositum, qua ista simplicia coniungimus vel separamus, vt faciendo propositionem homo est animal, vel homo non est lapis. In prima nec est veritas nec falsitas, in secunda verò utrumque. Deinde simplex præcedit compositam, & ad illam ordinatur.

Circa 2. explicat operationem simplicem seu cognitionem indiuisibilem ex obiecto suo, distinguitque triplex indiuisibile seu incomplexum. Primum quod solum est indiuisibile ex parte

parte modi licet non sit ex parte rei, vt si aliquod complexum in se per modum vnius accipiat, accipiendo illud per modum vnius extremi, vt si dicatur homo albus ambulat, ly homo albus sumitur per modum vnius. Secundum dicitur indiuisibile quod habet vnā speciem sui licet alias habeat partes, vt domus, homo, lapis, &c. Tertium dicitur indiuisibile secundum modum & rem quod nec actu habet partes nec in potentia, vt punctum.

Secundum autem operationem, quam dictionem vocat hoc est affirmationem vel negationem, dicit esse semper veram vel falsam, intellectum autem esse semper verum vel falsum, intellectum autem non semper esse verum vel falsum, intellectus enim versatur circa quidditatem rei in qua non contingit falli, sed in applicatione huius ad illud, quod est in compositione.

In capit. 7. agit de alia diuisione actum intellectus, scilicet in practicum & speculatiuum. Et facit duo. Primò repetit diuisionem supra positam cap. 5. de intellectu in actu & in potentia, ponitque inter illa duplex discrimen, primum, quod intellectus in actu est idem cum obiecto non in esse rei, sed in esse representationis, intellectus autem in potentia caret illa specie, & sic est res diuersa ab obiecto: secundum, quod intellectus in potentia ordine generationis in eodem homine præcedit intellectum in actu, proceditur enim de potentia ad actum.

Secundò diuidit intellectum in practicum & speculatiuum, & vtrumque explicat. Explicare autem intendit circa intellectum practicum &

## 10. *Summa Textus*

speculatiuum duo . scilicet . quomodo à phantasmatibus moueatur practicus intellectus , & quomodo differat à speculatiuo . Ad hoc autem explicandum præmittit quomodo se habeat sensus in mouendo , huic enim motui assimilatur motus intellectus . Et dicit quod sensus habet tria . Primum . moueri ab obiecto : quoque reducitur de potentia ad actum non per motum physicum & corruptiuium , sed per motum intentionalem , in quo assimilatur sensus intellectui , qui etiam non patitur physicè . Secundo inuenitur in sensu cognitio conuenientis quod natum est causare delectationem , vel tristitiam . Tertium sequitur ex tali sensu in appetitu fuga vel persecutio . Similis ergo motus conuenit intellectui , quia & mouetur à phantasmatibus sicut sensus à sensibilibus , & apprehendit rationem conuenientis , & disconuenientis altiori modo , id est affirmando & negando , & sequitur deinde appetitus vel fuga . Et sicut omnes sensus externi terminantur ad sensum communem ut ad quoddam medium & centrum , ita ad intellectum omnia sensibilia & phantasmata .

Ex hoc ergo explicat illa duo de intellectu practico , primum quod mouetur à phantasmatibus tam in præsentia ut cum aliquid terribile per sensus videtur , quam in absentia ut quando discitur ita circa futura , & deliberatur de illis . Secundum , quod practicus intellectus & speculatiuus non differunt ex parte potentiæ , sed ad idem genus pertinent , quia uterque versatur circa verum & falsum . speculatiuus quidem absolute , practicus verò ut conueniens vel disconueniens ad operandum .

In capit. 3. colligit in summam tria corollaria .

ria. . Primum circa illud quod communiter dice-  
bant antiqui quod anima est omnia : & dicit ve-  
rum esse, sed non in sensu quo ab illis dicebatur.  
Est enim anima omnia , quia omnia cognoscit ,  
per intellectum quidem est omnia intelligibili-  
ter, & vniuersaliter, per sensum sensibiliter, &  
non est omnia realiter in se, sed representatiue  
& per specie: .

Secundum est quod intellectus in omni sua  
cognitione dependet à phantasmate & sensu, eo  
quod res quas intelligimus non sunt subsistentes  
sine sensibili magnitudine & accidentibus vt  
Plato ponebat. Vnde qui speculatur res, op-  
portet & speculari phantasma, quia per illud  
verificatur quod cognoscit intellectus in ab-  
stracto .

Tertium est quod differt inter phantasiā &  
intellectum, quia intellectus habet verum, vel  
falsum in sua compositione & diuisione, phanta-  
sia autem non respicit verum vel falsum.

A capit. 9. incipit vltima pars libri 3. in qua  
agit de potentia motiua, & appetitiua per quin-  
que capit. hoc ordine. Primò agit de facultate  
motiua, capit. 9. & 10. per ipsam verò notificat  
de appetitiua quæ ad motum concurret. Deindè  
comparat potentias, seu principia animæ quoad  
duo, primò quomodo insint animalibus perfe-  
ctis, & imperfectis capit. 11. Secundò quæ nam  
earum sint necessariae quæ nam vtilis solum.  
Tandem in vltimo capit. comparat animam ad  
corpus, ostendens quomodo non possit esse cor-  
pus simplex quod informatur ab anima.

Igitur in cap. 9. agit de potentia loco motiua,  
motu scilicet progressiuo ostendendo quid non  
sit, in cap. sequ. ostendendo quid sit. Diuiditur

ergo hoc cap. in duas partes. In prima indicat dubitationem quandam circa potentias animæ quomodo distinguantur & quòd sint, nam aliqui videbantur ponere illas indeterminate & sine fixo numero, alij diuidebant in partem rationalem & irrationalem, contra quas diuisiones agit disputatiuè, non autem resoluit.

In 2. ergo parte ostendit quod potentia loco motiua de qua in præfenti agitur, nec est vegetatiuum, nec sensitiuum, nec intellectiuum, nec appetitiuum. Non est vegetatiuum, tum quia motus progressiuus non fit sine imaginatione, vegetatio autem vt nutrirî & augeri, ab imaginatione non pendet, tum quia in plantis est vegetatiuum & non progressiuum. Non est sensitiuum, quia in multis animalibus inuenitur sensus, & tamen sunt immobilia vt quæ adhærent faxi; & hoc ex natura sua, non ex priuatione alicuius potentia debita. Non est intellectiuum, quia nec est intellectus speculatiuus cum hic non tractat de agendis sed de naturis rerum in se considerandis, motus autem solum est de agendis quia fit prosequendo vel fugiendo; nec est intellectus practicus, quia sæpè proponitur & præcipitur aliquid fugiendum, vel prosequendum, nec tamen sequitur motus vt patet in incontinentibus. Nec denique est appetitiuum, quia continentes concupiscunt & appetunt, nec tamen mouentur ad operandum.

Assignat in capit. 10. quid sit potentia loco motiua, & quæ principia ad motum concurrant, & facit tria. 1. Assignat principia dirigentia, seu imperantia motum scilicet cognitionem & appetitum. 2. Distinguit diuersos appetitus. 3. Assignat omnia quæ concurrunt ad istum motum,

um, non solum potentiam directiuam, sed etiam organicam.

Circa 1. nomine cognitionis seu intellectus comprehendit non solum intellectiuam, sed etiam imaginatiuam, multi enim sequuntur phantasiam potius quam rationem, & in brutis nullam esse rationem constat. Similiter non intelligitur cognitio speculatiua sed practica, quia speculatiua quaerit ratiocinari propter scire, practica autem propter operari, seu mouere. Sunt ergo ista duo principia motus progressiui, quia non mouetur aliquis nisi propter aliquem finem vel consequendum, vel fugiendum & hoc est appetibile, appetibile autem mouet appetitum in quantum cognoscitur, ergo cognitio & appetitu sunt principia motus, & hæc reducuntur in vnum principium, scilicet in ipsum appetibile cognitum, quod est primum vnde motus incipit in intellectu & appetitu.

Circa 2. docet esse duplicem appetitum, scilicet voluntatem quæ mouetur ab apprehenso per intellectum, & sensitiuum, qui mouetur ab apprehenso per sensum, & hos esse distinctos appetitus patet, quia contrarijs motibus mouentur, quod enim placet vni displicet alteri; & è conuerso, vt patet in continentibus, & in incontinentibus.

Circa 3. docet tria concurrere ad motum progressiuum, scilicet id quod monet, id quod mouetur, & instrumentum motus. Id quod mouet est duplex, scilicet mouens immobile, & motum mouens motum, & hoc est appetitus motus ab appetibili cognito intentionaliter. Id quod mouetur & non mouet est corpus. Instrumentum quo mouet est pars organica vt cor, quod in se habet

## 14 Summa Textus

habet principium & finem motus, quia pulsu & tractu quasi circulatione mouet.

Diuidit cap. 11. id duas partes. In prima ostendit quomodo conueniant principia motus progressui animalibus imperfectis. In secunda quomodo perfectis.

Circa 1. docet etiam imperfectissimis animalibus conuenire appetitum & imaginationem quæ sunt principia motus. Nam appetitus in eis esse constat, quia dolent retrahendo se si pun-gantur, & delectantur. Est etiam imaginatio, quia appetitus non mouetur nisi à propositione conuenientis, vel disconuenientis, sed in aliquibus hoc proponitur valdè confuse & indete minantè, & ita non mouentur in distans.

Circa 2. affirmat perfectissimo animali quale est homo, conuenire perfectissimè principium mouendi, quia per appetitum deliberatiuum mouetur, comparando scilicet, & conferendo vnum ad aliud quod proprium est rationis. Addit Aristot. aliquando appetitum inferiorem non deliberatiuum vincere deliberationem vt in incontinentibus, aliquando è contra deliberatiuum vincere appetitum inferiorem sicut continentes, & hoc est magis naturale, quia inferior naturaliter debet moueri à superiori. Cum autem ratio practica mouet oportet quod non solum concurrat ratio vniuersalis quæ parum mouet, sed etiam particularis, quæ dicit hic & nunc. Et potest peccare ex hoc solum quod particularis male applicet.

In cap. 12. comparat facultates seu potentias animæ inter se & ad diuersa genera viuentium vt ostendat quæ nam sint necessariae, quæ vtilis. Et dedit duas conclusiones. 1. Omnis viuens quan-

diu



diu uiuit, necessario debet habere nutritiuam potentiam, sed non omne uiuens debet habere sensum. Prima pars constat quia in tota vita vel est augmentum vel status: vel decrementum, quorum nullum sit sine nutritione. Secunda pars patet in plantis quæ uiuunt & non sentiunt.


Secunda conclusio Animalibus, sensus tactus & gustus sunt simpliciter necessarij, reliqui solum utiles. Prima pars probat. quia sine tactu, & gustu non possunt quærerè alimentum & sentire noxium vel conueniens, sine hoc autem non potest conseruari vita. Neque potest hoc supplere intellectus, non est enim possibile quod aliquod corpus habeat intellectum sine sensu, vnitur enim anima intellectiua corpori ad acquirendam cognitionem rerum sensibilium, hæc autem per sensus attinguntur. Secunda pars patet, quia gustus & tactus sufficiunt ad conseruandam vitam, reliqui ergo non propter necessitatem, sed propter utilitatem conducunt, quia ordinantur solum ad sentiendum res distantes, non se tangentes.

In ultimo capit. 13. probat Philosophus non posse corpus animalis esse simplex sicut in elementis. Ad quod inducit duas rationes supponendo quod omne sensitium debet habere tactum, ut ostensum est. Prima ratio est quia organum tactus non utitur medio externo quod est corpus simplex ad tangendum, v. g. aer vel aqua, sed immediate sentit rem attactam, ergo corpus tangens non potest esse simplex, sed organicum, quia debet percipere qualitates tangibiles, & sic esse in aliquo temperamento, seu medio ad eas percipiendas, ergo debet esse mixtum

## 16 *Summa Textus*

xtum & temperatum non simplex . Secunda ratio quia tactus non est perceptivus unius tantum qualitatis sed plurium , quia à multis ei potest nocumentum venire, ergo est in potentia ad omnes , & sic debet constare temperamen o earum , non una tantum , est ergo corpus temperatum non simplex .

Ex quo colligit tria . 1. Destructo tactu destrui animal ; quia destruitur sensus alimentum . 2. Sensibilia excellentia corrumpentia tactum , etiam corrumpere animal . 3. Quod simpliciter solus tactus est necessarius simpliciter animali , nam gustus quam supra dixit esse necessarium, id habet propter tactum adiunctum, nam secundum se solum est propter voluptatem cibi .



## TRACTATUS

DE

ANIMA INTELLECTIVA,

QVÆSTIO IX.

*De Anima rationali secundum se.*

ARTICVLVS I.

*Quomodo naturaliter constet animam rationalem esse immortalem, & per se subsistentem?*

LVRES fuisse qui animam nostram immortalem negauerint, tum ex antiquis Philosophis vel potius insipientibus, quam ex modernis hæteticis, seu Atheistis manifestum est. Et quid-

dem Sapientiæ secundo introducuntur quidam dicentes: *Ex nihilo nati sumus, & post hoc erimus tanquam non fuerimus & spiritus diffundetur tanquam mollis aer, & transibit vita nostra tanquam vestigium nubis.* Et non solum aliquos hæreticos & antiquos aliquos Philosophos constat existimasse animas hominum interire sicut & pecudum, sed etiam Aristot., non bene sensisse

fisse de animæ immortalitate non pauca sunt quæ  
 persuadeant, ut sentit D. Gregor. Nissen, licet  
 excusetur à Diu. Thom. 2. contra Gent. capit.  
 79. & quod lib. 10. a. t. 6. & 12. meth. lect. 3.  
 & alijs locis, de quo postea agemus. Certum  
 tamen est subobscurè de hac re Aristot. fuisse lo-  
 cutum & quadam perplexitate detentum, eo  
 quod ex vna parte posuit mundum ab æterno &  
 generationes rerum, negavit autem contra Py-  
 thagoram animas transire de vno corpore in  
 aliud, & contra Platonem negavit easdem res  
 statutis temporibus i enim redire, vnde cogeba-  
 tur ponere omnes animas ab æterno productas in  
 infinitis hominibus, actu nunc esse separatas si  
 essent immortales, ipse autem negavit infinitum  
 in actu 3. physic. Vnde valdè in hac parte Arist.  
 opprimebatur circa animæ nostræ immortalitatē.

*Cæterum* animam nostram immortalem esse  
 & subsistere soluto corpore, ita rationis lumi-  
 ne in sium videtur, ut etiam apud Gentiles &  
 barbaras nationes pro constanti res ista habita-  
 fit, cum ferè omnes agnouerint restare post hanc  
 vitam poenas pro delinquentibus, & pro bonis  
 præmia, de quo. videri potest Clemens Ale-  
 xandr. lib. 4. Strommatum cap. 7. & 8. Orige-  
 nes lib. 7. contra Celsum, Eusebius de præpa-  
 ratione Euang. cap. 18. Lactantius lib. 7. insti-  
 tutionum cap. 8. Cicero in 1. tusculanarum qu.  
 Tertullianus lib. de Anima capit. 54. vbi id tri-  
 buit Platoni, Socrati, & Pythagoræ & videri  
 possunt plura apud Eugubinum lib. 9. de peren-  
 ni philosophia cap. 3. Nicolaum Fauent. lib. 1.  
 de immortalitate animarum capit. 11. aliosque  
 recentiores.

*Fundatur* hæc veritas pluribus argumentis,  
 sed

sed præcipua reduciuntur ad tria. *Primum* ad scripturæ auctoritatem. *Secundum* ad rationem speculatiuam ex operatione animæ deductam. *Tertium* ad rationem moralei ex gubernatione Dei. Quod attinet ad primum, licet tota scriptura nihil principalius nobis significet quam vitam æternam restare post hanc vitam bonis, sicut & malis supplicia æterna. & in vtrisque resurrectionem futuram, nec solum animas bonorum post hanc vitam conseruari speciali aliqua gratia Dei, sed etiam animas malorum, quæ omni gratia Dei carent, atque adeò naturaliter immortales esse debet; specialiter tamen videri potest Sapientiae secundo, vbi error oppositus ad longum refertur, & condemnatur. Item Ecclesiastes 11. *Reuertatur puluis in terram suam, & spiritus redeat ad Deum qui dedit illum.* Item Iob 3. loquens de hominibus iam defunctis. *ibi, inquit, impij cessauerunt à tumultu & ibi requieuerunt sessi robore, paruus magnus ibi sunt, &c.* Item Lucæ 16. *mortuus est mendicus, & ab Angelis poratus in sinum Abrahæ, mortuus est, & diues, & sepultus est in inferno.* Apocalipsi 6. *vidi animas intersectorum propter verbum Dei, &c.* & alia multa loca passim occurrunt, quæ rem istam clarissimè testificantur, nec indigent peculiari ponderatione. Vnde tandem hæc veritas diffinita est in Concilio Lateranensi sub Leone Decimo vbi dicitur. *Cum nonnulli ausi sint dicere de natura anime rationalis, quod mortalis sit, & aliqui temere philosophantes, saltem secundum philosophiam verum esse asseuerent sacra approbante Concilio damnamus omnes asserentes animam intellectiuam mortuam*

mortalem esse, & hoc indubium vertentes; cum illa non solum per se, & essentialiter forma existat, verum & immortalis. Vbi cum Concilium damnet eos qui secundum Philosophiam voluerunt ponere animam mortalem, manifeste supponit naturaliter esse immortalem. Superfluum est autem Sanctorum autoritates pro hac parte adducere, cum nihil tam frequenter apud Patres repetatur, quam animarum post hanc vita præmia, & supplicia, & tandem resurrectio futura.

Quoad secundum, ex his quæ Diu. Thom. docet 1. part. quæst. 75. artic. 2. & 6. & 2. contra Gentil. cap. 79. formare possumus hanc rationem speculatiuam ex propria animæ intellectiue operatione desumptam. Nullum principium intellectualis operationis potest esse dependens a corpore in essendo; Sed anima rationalis est principium intellectualis operationis, ergo in suo esse non est dependens à corpore, sed extra illud subsistit. Rursus illud quod est subsistens independentem a corpore & in se est forma, non potest corrumpi ab aliquo agente creato, licet posset annihilari à Deo, ergo simpliciter anima est immortalis, seu incorruptibilis ex natura rei, licet sit dependens in esse & conseruari à Deo sicut omnia alia entia quantumcunque immortalia.

Primus syllogismus huius rationis est consequentia legitima, vtpotè inferens in *Ferio*. Minor prob. quia illa operatio est intellectualis, quæ potest vniuersaliter attingere omnes naturas corporeas ex parte obiecti, & per abstractionem vniuersalem ex parte modi cogn-

cognoscendi; & aliquo modo saltem discursiue attingit substantias spirituales & separatas, ad hæc enim tria reducit Diu. Thom. probationem intellectualis operationis in 2. contra Gentil. capit. 49. & 66. & quæst. de Anima art. 1. & 1. par. quæst. 75. artic. 2. Et quod possimus intelligere omnes naturas corporeas constat experientia ipsa; quia intellectus noster habet pro obiecto quidditatem sensibilem; unde nulla natura corporea, siue sensibilis datur quam non possit intellectus noster percipere, quidquid enim sensu patere potest penes exteriora accidentia ab intellectu attingi potest quoad substantiam ergo necesse est quod talis potentia careat omni natura corporea sicut visus caret omni colore, vt possit omnes differentias colorum percipere, non tamen caret omni visibili, quia habet rationem diaphani lucidi, & ideo omnia videt sub ratione luci, & per medium diaphanum: ita etiam potentia intellectiua ad percipiendum omnes naturas corporeas debet omni natura corporea carere, quod est esse spiritualem, sed tamen non debet carere omni quidditate & ratione entis, quia omnia admodum entis & quidditatis cognoscit aliàs destrueretur.

*Ex parte etiam modi cognoscendi nempe per modum abstractionis, & vniuersalitatis & comparisonis, & reflexionis constat operationem ipsam debere esse intellectualem, quia talis modus abstractionis, & vniuersalitatis excedit omnia corporalia, quia induit proprietates immaterialitatis, potest enim apprehendere rem abstractam in vniuersali independentem a loco & tempore, quod est proprium rei incorporalis,*  
 & in-



& immaterialis, vniuersale autem sub modo vniuersalitatis abstractum independenter se habet à determinato loco & tempore, immò abstractio quam facit noster intellectus se extendit ad omnes gradus quantumcunque superiores, & analogos sub quibus comprehenduntur etiam ipse res spirituales, sicut sub abstractionem substantiæ in qua conueniunt etiam Angeli, & similiter in abstractione qualitatis, quæ abstrahit à corporali, & spiritali, ergo ex modo operandi, talis operatio intellectualis est, quia modus ille superat omnem corporalem.

*Et ex hoc prob. quoad 3. part. eadem minim.* quia licet non percipiat noster intellectus res spirituales quidditatiuè vt sunt in se, tamen diuersitiè & collatiuè illas attingit, & consequenter aliquid altius omni corpore cognoscit, & altiori modo, hoc ipso, quod per viam remotionis res spirituales attingit negando, seu remouendo ab illis omne quod corporeum est, sicut si visus posse attingere sonum remouendo ab illo quidquid visibile est, rectè colligeremus, quod obiectum visus non esset coarctatum & limitatum ad solum colorem, quia attingere sonum remouendo ab illo omne visibile non statum hoc quod visibile sit specificatum visus, quia nulla potentia potest aliquid attingere remouendo suum specificatum ab illo. Si ergo noster intellectus potest attingere rem spiritualem per viam remotionis, id est remouendo ab illa omnem conditionem corpoream, necesse est quod specificatum talis potentie non sit aliquod corpus, sed aliquid altius omni ratione corporis. Quod verò res spi-

ritualis.



rituales hoc modo attingamus constat, tum experientia enim multa de illis demonstramus: tum ex ipsa inclinatione virtutis, quæ contra omne pondus corporeum, & supra omnem sensum, & delectationem rapitur ad spiritualia, ergo debet illa cognoscere, alias non amaret; tum denique quia ut dicit Apost. Roman. 2. *Inuisibilia Dei per ea quæ facta sunt, intellecta conspiciuntur*, ergo spiritualia attinguntur.

Restat ergo probat. mai. huius primi syllogismi, quod nullum principium intellectualis operationis est dependens à corpore. Et probat. quia intellectualis operatio ut vidimus est spiritualis, & excedens omnia corporalia ergo necesse est quod radix & principium à quo egreditur sit substantia spiritualis, siquidem operatio non habet aliquod esse quod non accipiat à principio à quo procedit, ergo si habet esse spirituale, accipit illud à suo principio, ergo illud non potest esse corporeum, quia non potest dare esse excedens se ipsam. Si autem substantia illa non est corporea, sed spiritualis, ergo est independens in essendo à corpore, quia si esset dependens cum anima sit forma, dependeret utique à corpore ut à materia, alioquin si non dependeret ab ea, ut à materia, ergo remota tali materia & corpore ad huc anima stare posset. Si autem à materia dependet in essendo, ergo debet contineri in ipsa materia & educibilis esse ab illa, & reducibilis in illam, & producibilis ab agente naturali per actionem corpoream, & dispositiones corporeas, ergo nihil illi deest ut sit corporea, siquidem in virtute acti-

## 24 *Questio IX.*

actiua & materiali corporea continetur?

*Quomodo* verò anima cum forma spiritualis sic, informet materiam quin contineatur in illa, dicemus art. sequent. An verò aliquod accidens spirituale imperfectum per modum motionis possit inhaerere corpori, & in eius potentia contineri, dicemus quæst. sequent. artic. 2.

*Sic, ergo* probato, quòd anima rationalis est forma subsistens & spiritualis, restat probare secundum quòd inde deduximus, scil. quòd sit incorruptibilis. Et suppono quòd solum dupliciter potest aliquid corrumpi, scilicet vel per se; vel per accidens, per se corrumpitur id, quòd per se generatur, sicut res subsistens. Per accidens desinit quòd ad definitionem alterius corrumpitur sicut forma, vel accidens quæ desinunt ad destructionem subiecti in quo sunt. Res autem subsistentes habent esse mediante triplici causa, scilicet efficiente à qua fiunt, & conseruantur, & formali, quia forma est que dat esse rei, & materiali, non quæ sit subiectum inhaesionis, hoc enim non datur respectu rei subsistentis, sed quæ sit pars constituens vt in rebus corporeis subsistentibus. Finalis autem causa hic locum non habet, nam finis non dat ipsum esse tanquam principium, sed perficit & consummat tanquam finis, & ordinat ad se. Et licet finis in intentione præcedat ipsum efficiens, tamen non exequitur suum effectum nisi mediante causa efficiente. Materialis etiam causa in præsentī locum non habet, quia anima non est res composita ex materia corporeali, & forma, sed est simplex forma informans

mans materiam , independens autem vi ostensum est à corpore in suo esse , & consequenter a materia quam informat , nec enim habet aliam materiam quam corpoream & sensibilem quam informat , & sic si non dependet à corpore in operando & essendo , etiam non dependet in esse à materia sicut forma non subsistens. Ergo anima non potest corrumpi corruptione per accidens , idest per ablationem subiecti , seu causæ materialis , si enim non dependet ab illa in esse , sublata , illa , adhuc remanet eius esse .

*Solum* ergo potest corrumpi per se , scilicet vel per ablationem causæ formalis , vel per suspensionem influxus efficientis . Primum uon habet locum in præsentī cum anima non sit composita ex forma & materia , sed simplex forma , ergo non potest amittere esse per separationem alicuius formæ dantis sibi esse . Solum ergo potest amittere esse per suspensionem influxus causæ efficientis prout ab illo dependet existentia effectus ; existentia enim rei non potest tolli per contrarium non corrupta eadem forma cuius ratione datū , quia sic deberet tolli vna existentia & succedere alia , si autem alia succedit , manet res existens , quia manet sub aliquo esse , solum ergo potest tolli per suspensionem influxus , quo conservatur in esse à suo generante , & sic nullus negat quòd anima potest desinere , sicut etiam Angelus & cœlum , sed talis desirio erit annihilatio , non corruptio , & sic semper anima manet incorruptibilis respectu agentium naturalium quæ non possunt corrumpere annihilando , & suspendendo in-

26 *Questio IX.*

Auxum quo res conseruantur in esse à suo  
 creante, sicut nec possunt totum esse produ-  
 cere creando, & sic à nullo agente creato po-  
 test separari existentia ab aliqua re, nisi sepa-  
 rando, aut non conseruando formam, qua  
 mediante participatur esse in ipsa re habente  
 formam. Et ideo dicitur, quòd formæ subsi-  
 stenti conuenit esse per se, non per se, idest  
 essentialite, sed per se, idest non per aliud  
 sed immediatè, quæ est propriissima exposi-  
 tio huius propositionis Diu. Thom. *esse per se*  
*conuenit formæ*, quam obscuram & difficilem  
 vocat Suarez vbi supr. num. 20. sed dicimus  
 quòd formæ per se conuenit esse non per se in  
 primo aut secundo modo, cum non habeat  
 connexionem essentialem, vel intrinsecam ip-  
 sum esse cum forma creata sed conuenit per se  
 in tertio modo, idest per se singulariter, seu  
 subsistentèr, quia formæ subsistenti conuenit  
 esse immediatè, & non mediante alia forma,  
 & sic per se subsistentèr, seu immediatè ha-  
 bet esse. Ex quo fit quòd tale esse non potest  
 tolli a tali forma, remouendo aliquam for-  
 mam, sed solum remouendo influxum effi-  
 cientis primi, & talis influxus non potest re-  
 moueri nisi per annihilationem, & suspensio-  
 nem illius, reliqua verò agentia creata solu-  
 possunt corrumpere introducendo aliquam for-  
 mam contrariam, aut impossibilem cum præ-  
 cedenti quæ dabat esse. Potest etiam Deus sup-  
 plere hoc esse assumendo illam formam ad  
 suam diuinam subsistentiam, & existentiam, sed  
 hoc non est corrumpere, sed meliorare & perfic-  
 cere esse formæ.

*Vnde cessant omnes instantiæ Pat. Suarez*  
 contra

## Articulus I. 27

contra hoc axioma, quod esse per se conuenit formæ, quæ procedunt ad probandum quòd esse non conuenit essentialiter ipsi formæ, sed contingenter, immo & de facto separatum est à forma secundum sententiam Thomist. in Incarnatione, in qua humanitas assumpta est ad existentiam diuinam. Sed constat ex dictis quod *ly per se* non sumitur à nobis pro eo quod est essentialiter, & in primo, aut secundo modo per se, sed pro eo quod est immediatè, & in tertio modo per se. Vnde tandem ipse Suarez numer. 24 in hanc expositionem conuenit dicens, quòd si existentia distinguitur à natura, non potest tolli à forma quia per se conuenit illi hoc est immediatè.

*Hæc* ratio non solum probat animam non desinere ex vi separationis à materia, sed etiam postquam separata est non corrumpi, sed semper durare, quia hoc ipso quòd habet esse subsistens vt forma simplex & independens à materia, vel composito, sed solum acceptum ex influxu Dei conseruantis, constat ipsum esse animæ non posse ab aliqua causa creata corrumpi etiam post separationem, quia à nulla causa creata potest impediri, vel auerti influxum Dei, alias posset annihilare, quia remoto, vel impedito influxu Dei creatis, vel conseruantis res totaliter decedit in nihilum.

*Tertia* probatio est moralis ratio deducta ex distributione præmiorum & poenarum, quæ in hac materia magnum habet pondus, & multi sancti ea vtuntur. Supponit au em hæc ratio duo principia lumine naturali nota. *Primum* est dari vnum supremum Rectorem totius vni-

uerſi qui eſt Deus , ad quem pertinet rectè diſponere & providere omnes res vniuerſi , præfertim actiones humanas .

*Secundum* eſt , quòd cum homo ex ſua propria natura rationalis ſit , oportet , quòd ſupremus finis ſit viuere ſecundum rationem & conſequenter ſecundum virtutem , quia virtus eſt quæ homines facit rectè operantes ſecundum rationem . Quare felicità hominis non poteſt conſiſtere in hiſ quæ pertinent ad temporalem fortunam , & ſufficientiam rerum corporalium , quia hæc communia ſunt bonis & malis ; imò plerumque mali magis prosperantur in hac vita , & tamen agunt contra rationem ; neque in hoc attingunt felicitàtem , ſeu finem rationalis vitæ .

*Ex quibus* principijs reducitur , virtuti deberi aliquod præmium poſt hanc vitam , & culpæ poenam , alias non rectè ordinaretur hoc vniuerſum circa actiones humanas & finem rationalis vitæ . Nec enim poteſt virtus habere in hac vita debitum præmium , tum quia ea quæ in hac vita dantur præter virtutem , ſolum poſſunt pertinere ad felicitàtem aliquam temporalem in aliquo bono ciuili vel delectabili , & in ſufficientia bonorum huius vitæ ; hæc autem non poſſunt eſſe conueniens præmium virtutis , quia ſunt inferioris ordinis ad ipſam & propter bonum virtutis , & honoris hæc omnia relinqui poſſunt & debent : vnde ſunt communia malis & bonis , ergo non poſſunt eſſe congruum præmium bonorum : Tum etiam quia in hac vita plerumque virtus caret omnibus iſtis , & eſt in magna tribulatione , & labore , & miſeria , iuxta quòd dicit Apoſtol. 1. ad Corint. 15.

*Si in*

*Si in hac vita tantum in Christo sperantes sumus miserabiles sumus omnibus hominibus.* Non potest autem labor & miseria huius vitæ esse præmium virtutis, cum potius sit exercitium, & merium eius, vtpotè valdè laboriosum: præmium autem virtutis debet esse aliqua felicitas propria hominis vt homo est, & consequenter debet esse libera à miserijs, felicitas enim miseriæ opponitur. Si ergo non omnis virtus in hac vita liberatur ab istis miserijs & labore; non omnis virtus habet præmium & felicitatem sibi debitam, ergo vel perpetuo caret illa, vel debet habere illam post hanc vitam.

*Nec valet respondere ex Soto in 4. distinct. 43. quæst. 2. virtutem secum asserre suum præmium, scilicet pacem internam, voluptatem maximam, honorem externum, & similia. Nam contra est, quia hæc non sunt præmia virtutis, sed proprietates eius, & sic adhuc pertinent ad meritum; non potest autem meritum respicere pro præmio id quod est sibi connaturale & proprium vt meritum est. Adde quòd hæc omnia non sunt coniuncta cum felicitate aliqua, sed compatiuntur cum magna tribulatione & miseria, & labore in exercitio virtutis, quia vt dicit Apost. 1. ad Timoth. 3. Omnes qui volunt piè vivere in Christo Iesu persecutiones patientur, non ergo possunt ista præmiare virtutem, alioquin sua ipsa difficultate & labore præmiarentur, quod est ridiculum; immo posset secundum hanc rationem in republica bene instituta iuste denegari præmium virtuti & pena peccato, quia ipsa virtus est sibi sufficiens præmium, & similiter peccatum est sibi pena & supplicium, ergo iuste potest quodcumque aliud præmium*

vel pena denegari. Honor autem debetur quidem virtuti, sed non semper redditur, vel quia virtus est occulta, vel quia habet aduersarios à quibus potius contemnitur; & ita si non esset alia vita, communiter virtus careret premio.

*Additur* ad hoc, quia vel in hac vita debet homo viuere secundum rationem, vel secundum sensum. Hoc secundum est omnino contra ipsam rationem, nec constituit perfectionem hominis, in eo quod perfectissimum illi est, scilicet in quantum rationalis, si non debet viuere secundum rationem, sed secundum sensum. Si primum, debet in multis contradicere corpori, & appetitus reprimere quos contra rationem esse videmus, & propria commoda contemnere propter altius bonum quod est bonum rationis, & virtutis, ergo illud bonum rationis superat omne bonum corporale huius vite, siquidem etiam suprema bona corporis, v. g. voluptates, & honorem externum homo debet negligere propter bonum rationis, & aliquando etiam vitam ipsam debet postponere bono virtutis ergo si anima desineret cum corpore, inclinatio ad operandum secundum rationem esset inclinatio ad destruendum se ipsum, siquidem relinquendo bona corporis, corpus afficeretur damno & consequenter anima, si cum corpore interiret.

*Quare* relinquitur rem istam demonstrari rationibus naturalibus, & moralibus, quod immérito negat Scotus ubi supra, nec bene Cietan. dixit in 3. cap. Ecclesiastes hactenus nullum Philosophorum demonstrasse immortalitatem animæ. Sed fortasse loquitur de philosophis antiquis,



quis, nam loquendo de ratione D. Th. eam defendit 1. par. qu. 75. art. 2. & respondet ad rationes Scoti.

SOLVUNTUR ARGUMENTA.

**P**rimò instari potest contra rationem deductam ex operatione animæ, quia anima intelligit cum dependentia à phantasmatibus, & à sensibus corporeis, ut nunquam possit absolui, & ab ista connotatione, & dependentia. Vnde ergo constat nobis operationem animæ esse in se spirituales, si nunquam possumus eam independentem à rebus, & sensibus corporeis videre?

*Secundò*, quia ipsa anima non solum quoad operationem, sed etiam quoad individuationem, & consequenter quoad esse dependet à corpore, individuatur enim, & distinguitur individualiter una anima ab altera per ordinem ad corpus, ergo tam ex parte operationis, quam ex parte individuationis habemus indubitata signa materialitatis in anima, & ita quidquid dicitur de modo illò immaterialitatis, & spiritualitatis in operando, vel in subsistendo si regulatur per istas dependentias, omninò enervat istas rationes quia non stat illa spiritualitas cum tanta dependentia, & ordine ad corpus.

*Tertiò*, quando dicitur debere animam carere omni corpore, quia potest intelligere omnia corpora, instatur in primis, quia non intelligit anima nostra omnia corpora simpliciter, sed solum quæ per sensus offeruntur, & eo modo quo per sensus cognoscuntur, nam si à tali modo

extrahantur, ut si ponatur corpus Christi in Eucharistia, non valet intelligi ab anima nostra: Quod si solum loquimur de omni corpore per sensus externos cognito, hoc etiam attingit imaginatiua, quæ ad omnia corpora se extendit hoc ipso quod ad omnia imaginabilia, & tamen non est spiritualis. Deinde dato quod intelligat omnia corpora, non sequitur quod caret omni corporeitate, alias etiam probaretur quod caret omni quidditate, & entitate, quia potest cognoscere omnes quidditates, & entitates; immò ut sensus percipiat aliquod obiectum, non debet carere illo realiter, sed solum intentionaliter, sicut potentia visiva non caret luce, nec diaphanitate, & tamen vtrumque cognoscit. Illa autem ratio de cognitione, & attingentia substantiarum separatarum nihil omnino probat; quia res istas spirituales non cognoscimus nisi ad instar rerum corporearum, & cum connotatione ad corpora, nec potest ab istis connotationibus expediiri nostra cognitio intellectualis, ergo ex hoc nullo modo probatur spiritualitas illius cognitionis, quia non probatur omniimoda separatio à conditionibus corporeis.

*Quartò*, principium intellectuale non excedit omne corporeum, quia intellectus non potest esse perfectior quam natura, à qua dimanat, sed anima est actus corporis, ergo, & intellectus talis animæ. Et confirmatur, quia si esset purè spiritualis, esset se ipsa intelligibilis anima, & ipse intellectus, siquidem intelligibilitas fundatur in immaterialitate, ergo quod in sua entitate est omninò immateriale per se ipsum est intelligibile, & sic ipsa anima redderet intel-

tellectum actuatum sua propria intelligibilitate quando intellectus dimanat ab ipsa, & sic repugnat quod intellectus dimanet ut pura potentia, cum debeat dimanare, ut intelligibiliter actus ab ipsa natura spirituali, à qua dimanat si in se ipsa spiritualis est.

*Quintò*, contra rationem qua ostenditur animam esse subsistentem, & non corrumpi ad corruptionem corporis instatur in primis, quia & si non dependeat à corpore in subsistendo, non tamen à corpore ut à dispositione requisita, seu conditione ut conservetur in esse sicut dependet in individuatione. Deinde illa propositio cui tota hæc ratio innititur, scilicet quod esse per se convenit formæ non rectè intelligitur convenire in tercio modo per se, seu subsistenter, & immediatè quia in primis existentia immediatè convenit supposito, seu subsistentiæ, quia est id quod primò fit, & consequenter, quod primò existit, suppositum autem in homine est corruptibile, ergo ex eo quod alicui immediatè conveniat existentia non sequitur quod non possit corrumpi. Denique quia hoc ipsum quod alicui immediatè convenit potest dependere ab aliquo extrinseco, à quo immutetur, vel corruptatur, sicut quantitas immediatè convenit corpori, & tamen potest multis modis mutari, & corrumpi, verbi gratia, per divisionem, augmentationem, diminutionem, &c. Alia quæ contra spiritualitatem animæ militant, sequenti articulo adducemus.

*Ad primum* Responderi solet, intellectum nostrum dependere à phantasmatibus, & sensibus ut à proponentibus, & ministrantibus

obiecta, non autem tanquam à præsentibus formalis rationem, & modum operandi. Sed quia hoc ipsum est quod quaeritur, restat eius reddere rationem. Vnde addimus hoc ipsum comprobari indicijs, & signis supra allatis: tum quia intellectus taliter cognoscit obiecta corporea quòd etiam supra se reflectitur, ergo oportet quòd eius obiectum sit aliquid superius, & aliud quam illa obiecta corporea ministrata per sensus, siquidem non solum illa cognoscit, sed etiam ad se reflectitur, ergo signum est quòd à sensibus non dependet tanquam à præsentibus, & limitantibus ad se modum cognoscendi intellectus: tum quia percipit quidditates corporum, & interiorem substantiam ad quam non pertingunt sensus, sed solum ad exteriora accidentia, ergo signum est non limitari modum operandi intellectus per obiecta sensus, & ad modum operandi ipsorum. Quare intellectus tantæ amplitudinis est, ut possit saltem per viam negationis, & remotionis discernere inter corporalia, & spiritalia, atque etiam illa attingere separando omnem rationem corporeitatis per viam negationis, quod signum est non limitari, & deprimi operationem intellectiuam animæ ad modum materiale, si enim potest ipsam removere, & remouendo usque ad spiritualitatem obiecti attingere, utique excedit omnem vim cognitionis corporeæ, nulla enim talis operatio potest etiam per viam remotionis excedere suam specificam rationem quæ corporea est, ergo operatio quæ illam excedit, corporea non est.

*Ad secundum Respondetur*, quòd individua-

de animæ sequitur eius naturam non solum in se, sed in ordine ad aliquem terminum prout est communicabilis, vel incommunicabilis alteri, quia indiuiduatio pertinet ad rationem ultimi, seu incommunicabilis si perfecta, & completa sit. Cum autem anima licet in se sit independens à materia & subsistens, sit tamen communicabilis illi, non potest compleri, & totaliter indiuiduari ad se sed in ordine ad materiam cui communicatur. Hac tamen dependentia seu ordo non tollit quin substantia illius animæ non sit spiritualis, & independens in esse à corpore, quia spiritualitas sequitur immaterialitatem rei in sua entitate, communicatio autem illa non est propter esse formæ, quæ in se habet illud, sed propter esse compositi, quod ex illa forma resultat, quia forma licet habeat in se esse, sed non terminatum in se, ut Angeli, sed communicabile; non omnis autem communicatio fit propter dependentiam in esse, sed etiam propter abundantiam.

*Ad tertium Respondetur.* Instantias illas esse inefficaces. Prima quidem quia anima nostra potest attingere omnia corpora quoad suas quidditates, licet non possit attingere naturaliter omnes modos, seu perfectiones, quas potest Deus in corporibus ponere, cum nec etiam Angelus qui pure spiritualis est possit modum illum sacramentalem attingere, & illa similia supernaturalia, quæ fieri possunt in corporibus. Et tamen quia aliquo modo potest anima nostra attingere talem modum saltem credendo illum, & discurrendo circa illum, sufficit ut spirituali modo, & super omnia cor-

pora dicatur intelligere. Similiter substantiam sine quantitate attingit intellectus noster cum multa disputet, & definiat circa substantiam denudatam, quantitate. Imaginatiua autem licet attingat omnia corpora quantum ad id quod per sensus de illis potest attingi, quæ sunt exteriora accidentia, non tamen quantum ad quidditatem, & substantiam, nec uiuendo illis taliter ut per discursum, & per viam remotionis possit attingere ad spiritualia, nec in vniuersali abstractione naturam accipiendo, sed indiuidualiter, quibus tamen modis intellectus corpora attingit, & ideo caret omni corpore ut super corpora omnia possit. Imaginatiua autem licet possit plura fingere, non tamen ens rationis quod est vniuersalitas fundata, sed solum circa singularia fictiones formare potest.

*Ad secundam Instantiam* dicitur potentiam non debere carere obiecto formali sub quo cognoscit, sed omni obiecto materiali quod cognoscit, sicut visus non caret luce, & diaphano, sed colore, unde omnia cognoscit per modum lucidi, & per medium diaphanum. Similiter anima non caret quidditate vel spiritualitate, quia omnia intelligit per modum quidditatis, & spiritualitatis, & ita si haberet aliquid corporum ad modum illius reliqua corpora attingeret.

*Ad tertiam Instantiam* Respondetur etiam ex dictis, quod licet non possit noster intellectus remouere omnem connotationem, & habitudinem ad corpora à quibus accipit cognitionem, & consequenter debet illa connotare tanquam terminum à quo; tamen quia ex parte  
ter-

termini ad quem potest per viam remotionis spiritualia attingere, & per modum vniuersalitatis procedere, ideò ascendit super omnia corpora, & super omnem modum corporeum, qui indiuidualis est, & non vniuersalis, & non alligatur ad rationem formalem corpoream, siquidem potest illam remouere, & ad spiritualia peruenire per viam remotionis.

*Ad quartum Respondetur.* quòd intellectus non est perfectior quam essentia animæ, sed sicut anima in suo esse est independens à corpore potest tamen communicari corpori, vt materiæ, ita intellectus potest obiectiue terminatiue attingere res spirituales, licet communicando obiectis corporeis à quibus abstrahi illam cognitionem. Non pertinet autem ad ipsum informare organa corporea id enim facit anima, sed solum attingere quidditates corporeas modo operandi incorporeo, & independenti ab organo, & hoc ipsum intellectus habet ab anima radicaliter, & ita semper anima est nobilior.

*Ad confirmationem Respondetur,* quòd anima se ipsa est intelligibilis, & actuat intellectum per modum speciei ad cognoscendam suam substantiam, sed non pro omnistatu, sed in statu separationis, in statu autem coniunctionis alligatur cognitio eius ad sensus, & ad obiecta corporea v. ab illis hauriat species, & ita impeditur aliquid intelligere nisi per species à sensibus acceptas.

*Ad quintum Respondetur.* quòd si scilicet anima est subsistens, & independens à materia inferiori, quia non educitur ab illa, neque in eius potentia continetur vt eius modus operandi, non

potest dependere in sui conseruatione à corpore quia sic sublato corpore, vel annihilaretur, vel corrumpetur sicut aliæ formæ: Hoc secundum esse non potest cum supponamus non contineri in materia, nec educi ex illa, ergo nec resolui potest in illam sicut aliæ formæ. Nec primum quia annihilatio non fit per defectum dispositionum, sed per suspensionem concursus diuini. Per hunc autem modum etiam desinere potest Angelus à sed hoc non tollit quod si simpliciter incorruptibilis sicut etiam Angelus. Quod verò instatur contra illam explicationem, quod esse per se conuenit formæ in tertio modo.

*Respondetur*, quod existentia conuenit immediatè supposito ut quod, atque adeo mediante forma ut quò, & ita si forma tollitur non remanet illa existentia. At verò forma habet esse ut quò, non per aliam formam tanquam per principium habendi. Vnde si ipsa forma sit subsistens, & non dependens à materia non potest ab illa tolli existentia per defectum principij intrinseci se habentis ut quò, sed solum per remotionem principij extrinseci à quo deriuatur esse quod est per suspensionem concursus, seu annihilationem. Et non repugnat aliquid conuenire immediatè alicui ut quod, & tamen tolli ab illo, quia tollitur forma, seu principium ratione cuius conuenit, sicut quantitas conuenit materiæ, seu corpori, ut immediatè recipienti quod, & tamen potest multis modis variari quantitas, & extensio. Cæterum quod conuenit immediatè alicui tanquam principio quo non potest separari ab illo nisi tale principium in se desinat, ut si forma non sit subsistens,



ens, sed corruptibilis. Si autem tale principium sit in se subsistens, quod illi per se conuenit non potest ab eo tolli ex defectu principij formalis quod est ipsummet, sed solum ex re motiue efficientis.

ARTICVLVS II.

*Quomodo anima rationalis sit entitatiue spiritalis & forma corporis?*

**D**ifficultas oritur ex eo quod in anima rationali duo coniungenda sunt quæ inter se non videntur cohære, scilicet esse veram, & substantialem formam corporis, & in se esse spiritum, & esse illi connaturale quod informet corpus, & similiter esse connaturale quod sit extra corpus quando est separata.

*Nihilominus* vtrumque certissimum est conuenire animæ rationali licet status informandi corpus sit connaturalior animæ, status autem separationis non ita connaturalis est, nec tamen est violentus, sed prænaturalis.

*Prima pars* constat ex dictis supra quæst. 1. & 1. Physic quæst. 4. definita est enim in Concilio Vientiensi, vt refertur in Clementina vniuersa, de summa Trinitate §. Porro vbi sic dicitur: *Doctrinam seu positionem asserentem, aut verentem indubium quod substantia anime rationalis, seu intellectiue verè, & per se humani corporis non sit forma, vt erroneam & veritati catholice inimicam prædicto approbante Concilio reprobamus.* Et ratio est manifesta quia  
homo

homo componitur ex anima, & corpore siquidem homo non est substantia simplex, alias non posset separari anima à corpore in quo consistit mors. Hoc autem compositum quod vocamus hominem intrinsecè, & essentialiter est rationale, id enim pertinet ad eius definitionem, quòd est animal rationale, & manifestat eius operatio, quæ est discurrere, & ratiocinari, ergo oportet quòd constituatur intrinsecè per formam rationalem, siquidem rationalitas ista seu gradus rationalitatis, & operationis eius non possunt prouenire ab aliquo principio materiali seu ab ipsa materia, quia hæc est communis alijs rebus irrationalibus ut patet in corpore quòd manet separata anima, ergo prouenit à forma, & sic ipsa anima est forma corporis, & oportet quòd sit forma, excedens omnes conditiones materiæ, quia operatio eius propria, quæ est intelligere & ratiocinari non limitatur, & deprimitur ad conditiones materiæ, ut dictum est articulo præcedenti.

Quòd si dicas quòd ipsa anima est totus & integer homo, corpus autem solum est mobile ab ipsa anima, non informabile ab illa. Contra hoc est, quia sic homo non est animal nec propriè haberet operationes animales, & vegetativas, siquidem animal essentialiter est corpus, & operationes eius essentialiter sunt corporæ, & sensibiles, ergo oportet quòd corpus in hoc animali non solum se habeat ut mobile, sed ut pertinens essentialiter ad eius constitutionem, & consequenter quòd sit informabile ab anima per quam constituitur corpus illud animale. Si autem homo non sit animal, sed

sed anima, præterquam quòd est contra eius definitionem, quia dicitur animal rationale non autem anima, sequitur quòd homo inquam homo non sit mortalis, & corruptibilis quia non esset res composita; sed simplex, scilicet sola anima, quæ cum sit subsistens, & non informans non potest corrumpi per ablationem formæ, quia non componitur ex forma, & materia, neque per resolutionem in materiam, quia non educitur de potentia materiæ, nec in ea continetur, ergo neque in eam resoluitur, id enim resoluitur in materiam, quod educitur ex illa.

*At verò quòd anima sit spiritualis, & taliter informet materiam quòd materialis non sit, nec dependens à materia in articulo præcedenti manet probatum ex ipsa operatione talis animæ, quæ est intelligere, excedit enim omnia corpora, tam ex parte obiecti tacti, quam ex parte modi operandi, ut ibi probatum est. Suffragatur denique scriptura, & Concilia in quibus dicitur animas nostras esse spirituales, ut Eccl. i. 12. *Et spiritus reuertatur ad eum qui fecit illum* Psal. 30. & Matth. 27. *In manus tuas commendo spiritum meum*, & in Concil. Lateranen. cap. *Firmiter*, & in Clement. 1. de summa Trinit. ubi definiunt, *Quòd Deus utramque de nihilo condidit creaturam Angelicam, & mundanam, corporalem, & spirituales, deinde humanam quasi communem ex spiritu, & corpore constitutam.**

*Secunda verò pars quòd scilicet status separationis non ita sit connaturalis animæ, nec tamen sit violentus, sed prænaturalis ex eo constat, quia anima naturaliter est forma cor-*

poris, ergo connaturalis actus eius est informare, & communicari per modum formæ, ergo connaturali modo non petit separationem, sed statum coniunctionis. Ad hæc, ille est connaturalis status animæ sub quo creatur à Deo modo ordinario, & conformiter ad naturas rerum, constat autem animas non creari à Deo separatim, sed infusas corporibus iuxta illud Genes. 1. *Inspiravit in faciem eius spiraculum vite*, quia proprium est animæ esse partem hominis, & pars connaturaliter fit in suo toto, de quo videri potest Dns. Thom. 1. par. quæst. 90. art. 4. ergo connaturalis eius status, est status coniunctionis ad corpus. Quod verò status separationis non sit omnino violentus animæ, sed solum p æternæ u alis ex eo patet, quia violentum est quod fit ab exteriori principio passo non conferente vim, sed constat quod anima in se ipsa habet principium subsistendi, & permanendi extra corpus, ergo ad hoc ut permaneat separata, non fit illi aliqua vis, sed iuxta propria principia statum illum sustinet, Dicitur autem præter naturalis ille status, quia non oritur per se, & connaturaliter ex ipsa anima, vel ex modo quo creatur à Deo, sed tanquam accidens extraneum supposita actione corruptiva corporis ei pro-  
uenit.

Ex dictis colligitur animas rationales multiplicari ad multiplicationem corporum, quia anima est forma substantialis, multiplicatis autem corporibus multiplicantur individua hominis, ergo & formæ substantiales individua-  
liter multiplican-ur, quia duo individua substantialia differunt secundum formam, quæ  
est

est principium dandi esse, alioquin si vnā formam haberent, vnum esse haberent, & hæc est ratio Diu. Thom. prim. part. quæst. 76. artic. 2.

SOLVUNTUR ARGVMENTA.

**P**rimò arguitur ex authoritatibus, nam Ecclesiastici 3. dicitur: *Vnus est interitus hominis, & iumentorum, & aqua vtriusque conditio, sicut moritur homo, sic & illa moriuntur, similiter spirant omnia, & nihil habet homo iumento amplius.* Quæ verba maximam continent difficultatem, & saltem probare videntur, quod ex natura sua anima nostra corruptibilis sit, licet beneficio Dei duret post mortem. Quod aperte ducitur in 7. synodo generali in Epist. Sophronij ab eodem Concilio approbata. Item Aristot. lib. 1. de anima textu 12. & 14. dicit: *Quod si intelligere est cum phantasia, vel non sine phantasia non continget sine corpore esse, sed in hoc 3. libr. ext. 30. dicit quod intelligere nostrum non est sine phantasia, ergo clarè colligitur, quod intelligere non est sine corpore.* Similiter in 3. de anima cap. 5. dicit intellectum passibilem esse corruptibilem, sed intellectus passibilis est per quem anima intelligit, ergo anima in quantum intellectiva est corruptibilis. Alia loca omisso ex alijs libris, quæ minus clarè loquuntur, aut eandem continent difficultatem.

*Respondetur*, quod in illo loco Ecclesiastes loquitur Salomon in persona insipientium vt interpretatur S. Thom. 1. par. quæst. 75. art. 6. ad 1. quæ interpretatio vera est, tum quia ibi Salo-

Salomon præmittit. *Dixi in corde meo de filiis hominum, ut probaret eos Deus, ut ostenderet similes esse bestiis, idcirco unus est interritus hominis, & iumentorum, &c.* Quasi dicat hoc in corde meo dico, non de meo sensu, sed de filiis hominum, quibus probandis Deus ordinavit, quod simili modo moriantur homines, & iumenta, & inde seducuntur ipsi ut dicant nihil esse homini iumento amplius: tum etiam quia hæc eadem repetuntur Sapientiæ secundo, & expressè ponuntur esse dicta in persona impiorum, ibi *Dixerunt impij apud se non recte, &c.* Itaque quædam affirmant impij ut vera, scilicet quod idem est interitus iumentorum, & hominum quantum ad corpus, & similis est processus viæ quantum ad indigentiam spirationis, sed malè inferunt, quod nihil habet homo iumento amplius; & quod spiritus iumentorum descendit, &c. Ad auctoritatem 7. Synodi dicitur animas nostras esse immortales beneficio Dei creantis, & conservantis sicut Angeli, non beneficio speciali, aut miraculoso, sed connaturali ad ipsam animam.

*Ad Arist.* licet possemus ab eo nos expedire dicendo in hac materia fuisse lubrice locutum, nec apertè suam declarasse sententiam ob rationem artic. præced. insinuatam, tamen quia S. Th. ipsum defendit 2. contra Gent. cap. 79. respondemus ad primam auctoritatem, quod ibi loquitur Arist. sub conditione si intelligere sit cum phantasia, vel nō sine phantasia tāquam sine organo in quo sit, tunc intellectus non esset separabilis, sed corporeus, quæ conditionalis verissima est. At verò in 3. de anima quando determinatè dicit quod

quòd intelligere non est sine phantasmate, loquitur de phantasmate, vt obiecto, seu vt ministrante obiecta intellectui, non tanquam actu proprio, vel organo operationis intellectiue, & sic omnia consonant.

*Ad alium locum ex 3. de anima Respond.* ibi passibilem intellectum non sumi pro potentia intelligente, quam communiter vocamus intellectum passibilem, sed sumitur pro anima passionibus subiecta, quæ vocatur intellectus, quia intellectui deseruit, & vna ex passionibus eius est reminisci. Ita interpretatur D. Thom. ibi lect. 10. in fine. Et est valde textualis interpretatio, nam paulo ante præmiserat Philosoph. quòd intellectus separatus solum est quod verè est, & hoc est immortale, & perpetuum, subdit autem unmediatè, *non reminiscitur autem, quia hoc quidem impossibile est, passiuus autem intellectus est corruptibilis, & sine hoc nihil intelligit anima.* Sensus ergo Philosoph. est quòd anima intellectiua licet immortalis, & perpetua; non tamen reminiscitur separata, quia tunc est expers passionum, caret enim imaginationibus corporeis, passiuus autem intellectus, idest cognitio cum passione corporea, desinit esse, & consequenter iam non reminiscitur, quia reminiscencia est actus memoriæ, quæ est in parte sensitiua cum aliquo discursu, quæ desinit corrupto corpore. Et hic est passiuus intellectus idest discursus cum passione reminiscentiæ, qui omnino desinit esse, & sine eo non intelligit anima, scilicet eo modo quo nunc intelligit per conuersionem ad phantasmata.

*Secundo arguitur, ratione, quia anima est dependens à corpore in subsistendo, & dat formaliter*

## 46 *Quaestio IX.*

liter esse corporeum, & vegetatiuum corpus; & ab ea dimanant proprietates corporeæ, ut quantitas, calor, potentia sensitiva, &c. ergo nihil ei deest, quominus sit corporea entitatiuè. Anteced. probatur per suas partes, nam in primis anima autem unita non subsistit per se, quia subsistentia reddit incommunicabilem naturam, anima existit communicabiliter ad corpus, & sic non subsistit in illo. Vnde infirmatur illa consequentia, anima habet esse independens à corpore, negat enim Scotus consequentiam in 43 dist. 43. quaest. 2. quia habere operationes stat dupliciter, vno modo sine corpore, ut organo, alio modo sine corpore, ut supposito operante. Primo modo antecedens est verum, sed consequens falsum, secundo verò modo antecedens est falsum, quia non intelligit anima, sed homo. Similiter unio animæ non est spiritalis, quia est corruptibilis, & tamen est in ipsa anima, quia verè unitur, & immutatur in unione ad corpus. Quòd verò anima det gradum corporeum fit maliter, & quòd ab ea dimanent illæ proprietates corporeæ constat ex supradictis quaest. 1. quia in homine non est nisi una forma à qua ille gradus præbeatur, & illæ proprietates dimanent, ergo ab ipsa anima hoc præstari debet.

*Respondet ad 1. partem arg. quantum ad substantiam animæ, quòd subsistentia importat duo, primum est esse per se, ut opponitur modo inhaerentiæ. Secundo importat existentiam per se, ut opponitur omni communicabilitati in alio. Anima ergo dum est in corpore habet esse subsistens priori modo in actu, & secundo modo in aptitudine, quia licet de facto communi-*  
cetur



cetur corpori, est tamen potens separari, & in illo statu separationis actu erit subsistens sine communicatione, sed in aptitudine erit communicabilis. Semper tamen siue in corpore, siue extra habet in se ipsum esse independens à corpore, licet actu sit communicatum corpori. In quo differt ab alijs formis etiam substantialibus, quæ licet negent inhærentiam quæ solum est propria accidentium, tamen non habent prius ipse existentiā, & deinde illam communicant corpori, sed solum sunt principium existendi, ut quò, formaliter autem existentiā non est in ipsa forma, sed in composito ut in recipiente, ipsa verò forma se habet ut ratio, seu principium quo habendi illam sicut albedo non habet in se esse album sed esse album conuenit primo, & per se subiecto, albedo verò est ratio habendi esse album. At verò anima rationalis illud esse substantiale, quod opponitur inhærentiæ non solum habet ut principium quò, sed etiam ut res existens formaliter in esse, licet communicabiliter ad corpus, sicut si albedo haberet in se esse album, ideoquè anima datur in se subsistens quoad rationem habendi esse independens à composito, licet non quoad incommunicabilitatem. Ex hac ratione vocatur à D. Thoma esse animæ etiam ut est in corpore subsistens, id est independens à corpore, & habens in se prius ipsum esse quam in composito, quia ab anima communicatur composito, ita quod est idem esse animæ, & esse compositi, ut affirmant in 1. p. q. 76. artic. 1. ad 5. & 1. 2. q. 4. art. 5. ad 2. verò dicit quòd anima quando est in corpore conuenit ei subsistere aptitudine non actu ut patet in 4. ad Anib. dist. 12. q. 1.

art. 1. ad. 3. Quod intelligitur de subsistentia, quoad rationem incommunicabilitatis quam solum explicat in statu separationis, saltem quoad exercitium non communicandi, quod non habet in statu coniunctionis nisi in aptitudine. Vnde valet illa consequentia, quod si anima habet operationem independentem a corpore ut ab organo cui inhaeret oportet, quod etiam esse ipsius animae sit independens a corpore, licet tam operatio, quam esse communicentur ipsi composito, ut suppositaliter subsistenti, nec enim ex independentia operationis probamus animam subsistere suppositaliter, sed subsistere independentem a corpore, licet communicabiliter ad corpus, ideoque etiam remoto corpore poterit operari operatione illa non dependente ab organo in esse.

*Solum* potest esse difficultas quomodo existentia animae quae spiritualis est, & incorruptibilis communicetur corpori, seu composito, quod existit modo corporeo, & corruptibili, praesertim in sententia D. Thomae, quae non ponit aliam existentiam in composito, quam in ipsa forma, ut patet in locis allegatis, & ex his, quae diximus libro 1. physicorum q. 7 art. c. 8. **C**eterum in hoc eadem restat difficultas in sententia opposita, quae ponit plures existentias partiales in materia, & forma, ut ex illis resultet una tertia composita, quae ipsi toti conveniat, ideo enim partiales sunt, quia faciunt unam totalem. Quomodo ergo existentia spiritualis animae potest commisceri existentiae materiae, ut resultet una existentia tertia, quae conveniat ipsi toti: nec enim una existentia informat aliam ut materiam. Quare sicut ipsa  
enti-

entitas animæ cum spiritualis sit, tamen quia eminenter est corporea formaliter unitur materiæ in ratione formæ, & præbet ei gradum vegetatiuum, & sensitivum, & rationalem, ita ipsa existentia animæ, quia eminenter est corporea potest communicari ipsi composito; & reddere illud existens; sicut etiam subsistentia Verbi licet in se spiritualis sit, & diuina, tamen quia eminenter continet omnem perfectionem subsistentiæ corporeæ, potest per se ipsam immediatè terminare, & reddere subsistentem naturam corpoream, & in sententia D. Tho. etiam existentem. Id ergo habet anima nostra tanquam forma, quod Verbum diuinum tanquam persona quoad hoc quod est reddere rem corpoream existentem.

*Neque* ex hoc sequitur quod separata anima adhuc manet compositum quia manet esse ipsius compositi in ipsa anima, vel quod esse animæ sit generabile, aut corruptibile sicut ipsum esse compositi, siquidem esse animæ est esse compositi, & hoc corrumpitur, & generatur, immò & cum omne ens habeat esse proprium, aliud esse habebit compositum quam anima. *Sed Respond.* facile quod separata anima non manet esse compositi, quia non manet esse animæ vt communicatum, sed vt communicabile, & sic generatur, aut corrumpitur quantum ad ipsam communicationem, & in ratione esse communicati, qua ratione est esse compositi, non in ratione esse absolutè, sicut etiam persona Verbi de nouo incepit esse persona hominis, non persona absolutè. Omne autem ens habet esse proprium, vt distinguitur contra extraneum, seu alienum, non contra commune, seu

communicatum, potest enim ipsum esse proprium totius communicari partibus, vel esse partis communicari toti, & tamen manet proprium, quia illa pars seu forma propria est totius.

*Ad id* verò quod obijcitur de ynione an sit materialis, vel spiritualis. Respondetur, quod vt ostendimus q. 6. physic. non datur ynio quæ sit modus distinctus per modum mediij & rationis formalis yniendi, sed ipsæ partes se ipsis yniuntur quantum ad rationem formalem yniendi, sed non se ipsis applicantur seu immutantur, vt se communicent, & ex ipsis vnitas illa resultet, sed hæc applicatio est ab efficiente ipsam yniõnem, seu communicationem, & ynitatem extremorum, & idè applicatio debet esse superaddita extremis vnibilibus, potestque esse modus & de nouo fit in illis quando de nouo yniuntur, & communicantur inter se, ipsa autem ynio non est nouus modus tanquam ratio formalis yniendi, quia formalis ratio yniõnis est formalis ratio ynitatis resultantis ex ynione, vnitas autem resultans non est modalis, sed substantialis, ergo & ratio formalis est ipsa substantialis ratio extremorum secundum se, solumque illis deest applicatio vt resultet vnitas, & fiat ynio.

*Nec* est putandum nullam omnino perfectionem, & immutationem acquirere animam, ex eo quod sic appl. catur vt sit in corpore & vniamur illi, vt putauit Scotus in 4. dist. 43. quæst. 2. nam saltem acquirit modum aliquem, & statum connaturalem essendi & operandi in corpore, & cum communicatione ad corpus quem statum amittit in separatione à corpore, Et licet  
non

**N**on haberet in corpore aliquid amplius quam communicare se, & perfectionem suam corpori, vt Scotus putat, tamen hoc ipsum, perfectionem aliquam, & immutationem debet ponere in ipsa anima, quia hanc communicationem facit tanquam causa formalis & tanquam pars constituens totum, omnis autem causa creata perfectior est cum actu causat, quam cum cessat causare, & aliquo modo immutatur in causando, & omnis pars connaturali modo existit cum communicatur ipsi toti in actu, sicut lapis, ex eo quod est in centro. Hæc autem immutatio prout in anima subieciatur, aliquid spirituale est non proueniens ab ipso generante quod tantum vnit animam ex parte corporis, coaptando, & disponendo illud ad animam, sed ex parte Dei infundentis animam, corpori, vel reunientis illam, sic enim ordinat illam ad corpus, & facit quod actu communique & extendat suum esse ad corpus; & talis applicatio producit in anima modum aliquem spirituales respicientem corpus quo dicitur in se applicata & communicata illi, sicut etiam Angelus ex eo quod per modum operantis applicatur corpori resultat in ipso vbi quoddam, seu præsentia erga illud corpus qui est modus spiritualis in ipso Angelo, qui amittitur, & acquiritur motu locali; sic multo melius ex eo quod anima non per modum operantis, sed per modum informantis vniatur corpori, aliquis modus resultat in anima quo dicitur applicata, & communicata corpori ab agente spirituali eam infundente, vel reuniente qui modus subiectiuè est in ipsa anima sed cum respiciat pro extremo corpus cui facit præsentem animam, potest desinere ab ani-

ma sicut vbi Angelicum definit quia est , circa corpus , licet vtrumque spiritualis modus sit .

*Deniquè* ad id quod dicitur de communicatione gradus corporei & sensitui , nullo modo probat entitatem corpoream in anima , quia non præbet illos gradus limitate , modo inferiori sicut aliæ formæ , sed eminenter , & secundum quod continentur in gradu rationali qui etiam communicatur corpori non vt dependens ab ipso , sed vt sibi ministret corpus , & deseruiat , & in ordine ad operationem intellectiuam , & ideò eminenter debet continere illos gradus sensitivos , & corporeos tanquam ministrantes , & deseruientes intellectui , eo quod non intelligit nisi accipiendo ex corpore obiecta , quæ intelligit , ideoque requirit potentias corporeas vt ministrantes sibi . Et sic bene possunt emi-

nenter præberi gradus corporei ; & potentia corporeæ dimanare ab entitate

animæ spirituali vt est eminenter

corporea sine vlla dependen-

dentia in esse à corpore ,

de quo iam supra diximus

quæst. 2.

& videri

pos-

test Caietan. 1. par. q.

76. art. 1. circa res-

pensionem

ad 1.

\*\*\*

\*

Q V AESTIO X.

*De intellectu agente, & possibili.*

ARTICVLVS I.

*Utrum sit necesse poni intellectum agentem distinctum à possibili, & quid sit?*



**E**L EBRIS valdè est apud antiquos Philosophos, & recentiores diuisio hæc intellectus in agentem, & possibilem, nec solum ab Aristotele stabilita fuit in 3. de anima c. 5. tex. 19. sed etiam ab alijs Græcis, licet in eius explicatione non parum errauerint. Igitur tria ad eius exactam explicationem in hoc articulo facienda sunt. *Primum* explicare proprium munus intellectus agentis propter quod ponitur à Philosophis. *Secundum*, an sit aliquid extra animam, vel propria ipsius facultas. *Tertium*, an sit potentia distincta ab intellectu possibili.

*Circa primum*, constans sententia est Philosophorum ad hoc requiri intellectum agentem, vt species impressas intellectui possibili tribuat, quas requiri ad omnem cognitionem supra late probauimus q. 4. & 6. Igitur distinctio intellectus agentis, & possibilis, quantum ad formalitatem istam agendi, & patiendi, non sumitur per ordinem ad ipsam cognitionem, quæ est operatio elicta ab intellectu vitaliter, & ita erga illam intellectus actiue se habere debet, sed

sumitur ista diuisio penes formationem intellectus in ordine ad suum obiectum intelligibile : quia enim intellectus eliciens cognitionem prius debet actuari specie impressa representante obiectum , si careat illa , dicitur esse in potentia. vt formetur , & actuetur , & sic vocatur intellectus possibilis , seu passibilis , quia pati debet seu formari à specie ipsa , & obiecto in ea representato . Et quia omni passiuo vt reducatur de potentia ad actum correspondet aliquod actiuū , necesse est , quod si intellectus noster reducitur de potentia ad actum , vt formetur per species intelligibiles , detur aliquod actiuum per quod talis reductio fiat , & tales species producantur in intellectu , & hoc vocamus intellectum agentem ; idest producentem species , & formantem per illas intellectum ad intelligendum .

*Totus* hic discursus ferè ab omnibus admittitur loquendo in generali , & nondum determinando an istud principium actiuum producat species sit in anima , vel extra . Solum Durand. qui negauit requiri species impressas ad cognoscendum , consequenter negauit necessarium esse intellectum agentem , qui illas producat , vt docet in 1. dist. 3. q. 5. Sed tamen addit , adhuc si darentur istæ species non requiri intellectum agentem tanquam potentiam animæ , quæ illas species producat sed sufficere ipsam animam cum phantasia , vt producat illas . Sed nos fateamur illo discursu non probari nisi quod detur tale principium agens species , & actiuè immutans intellectum . Quod verò sit potentia animæ statim probabimus in 2. puncto . Et quod species impressæ necessariae sint ad intellectiōnem , & ad omnem cognitionem , supra q. 6. pro-



## Articulus 1. 55

probatum est. Quod verò substantia animæ se ipsa non operetur sed mediante potentia q. 12. *Physic.* probatum est. Mediante autem phantasia quæ est potentia corporea non potest anima spirituales species producere, nisi eleuet illam ultra suam virtutem, & hæc eleuatio ab alia virtute, & potentia debet provenire.

*Circa secundum punctum*, celebris fuit aliquorum antiquorum sententia ponentium intellectum agentem separatum ab ipsa anima in alia intelligentia infundente species, contra quam disputat D. Thom. 1. p. q. 79. art. 4. & q. 84. art. 4. & 2. contra gen. c. 77. & 78. & alijs locis. Fuit autem hæc controuersia inter eos, qui intellectum distinguebant a sensu, nam qui ponebant intellectum esse sensum, non distinguebant species sensibiles ab intelligibilibus, neque aliud principium a quo istæ species effluerent ponebant, quam ipsa objecta externa, vt ex Democrito refert Arist. lib. de diuinatione per somnium & D. Tho. 1. p. q. 84. art. 4. Qui autem agnouerunt intellectum esse virtutem spirituales, & immaterialem, à sensuque distinctum non facile inueniebant principium, à quo species spirituales fierent, cum ipsa objecta sensibilia ad hoc non sufficerent. Vnde diuisi sunt in tres opiniones. Quidam vt Plato posuerunt ideas separatas, idest quidditates rerum extra indiuidua à quibus dicebant vt ad exemplaribus participari formas entitativas in materia ad essendum, & intelligibiles in intellectu ad repræsentandum vt refert D. Thom. 1. p. q. 79. art. 3. & q. 84. art. 3. 4. & 6. Alij negabant istas ideas exemplariter causantes species, sed ponebant substantiam separatam seu intelligen-

## 56 *Questio X.*

nam effectiue infundentem illas tunc *solum* quando homo intelligit, & habet phantasmata proposita vt determinent ad intelligendum. Quæ fuit opinio Auicennæ, vt refert S. Thom. citat. quæst. 84. art. 4. & 2. contr. gent. cap. 79. Tertia sententia fuit Aristot. 3. de anima text. 17. & 18. lect. 60. apud D. Tho. quod intellectus agens est potentia animæ ex phantasmatibus produçens species intelligibiles in intellectu possibili.

*Hec sententia* Arist. de intellectu agente communiter recepta est ab omnibus Philosophis, & omiſſa illa opinione Platoniorum de ideis separatis, quæ omnino fabulosa est, cum non possit dari in rerum natura aliqua substantia. quæ singularis non sit, vt ostendimus, in Log. q. 3. art. 2. Contra Auicennam, & alios ponentes intellectum agentem esse substantiam separatam probatur sententia Arist. Quia vel illa substantia separata infundit species intelligibiles à sensibus abstractas, & connotantes obiecta sensibilia, vel non abstractas à sensibus, sed pure participatas à spiritualibus substantijs, sicut sunt in Angelis. Hoc secundum nullo modo dici potest cum satis constet pro isto statu animam nostram non intelligere obiecta purè spiritualia, & nihil de sensibilitate connotando, sed solum obiecta sensibilia. Si dicatur primum, talis potentia actiua, & factiua specierum per abstractionem à sensibus non excedit vim animæ nostræ, nec requirit spiritualem actiuitatem omninò abstractam à sensibus, sicut est in illa substantia separata, cum operatio illa abstrahens species à sensibilibus non operetur independenter à phantasmatibus, neque efficiat species repræsentan-

tes

tes sine connotatione ad illa . vt in nobis experimur, ergo non requiritur ad talem operationem virtus spiritalis separata ab omni corpore, sed potius corpori communicans, & sic ista virtus magis connaturalis est animæ coniunctæ corpori, quam substantiæ separatæ.

Quod si dicatur illam virtutem, separatam concurrere ad abstrahendum istas species modo perfecto, & eminentiori, vtpote cum sit causa æquiuoca, & vniuersalis, ex modo tamen animæ nostræ imperfecti, & reddi species illas sic imperfecte, & connotatiue representantes: contra hoc vrgetur rationibus D. Th. 1. p. q. 79. art. 4. & contr. gent. c. 76. & quæst. de anima. art. quia causa vniuersalis non producit se sola effectum proprium causæ particularis, nisi supponendo in ipsa causa inferiori propriam, & peculiarem virtutem respectu talis effectus, vt patet in cœlo, quod est causa æquiuoca respectu horum inferiorum, & tamen supponit in causis inferioribus proprias virtutes, quibus producit determinatos effectus, nisi forte sit generatio rei tam imperfectæ, quod ad illam sufficiat virtus cœli, sicut in animalibus, quæ ex putrefactione generantur, quod in præsentia applicari non potest, cum species intelligibiles, & cognitio intellectualis sint perfectissimi effectus, qui in his inferioribus fiunt, ergo oportet quod præter virtutem superioris intelligentiæ, quæ vt causa vniuersalis concurret, detur virtus particularis, & propria animæ, quæ talem abstractionem à sensibilibus faciat modo particulari, & sibi proprio, & hanc vocamus intellectum agentem; vnde Arist. comparauit, intellectum agentem non ipsi Soli, qui est causa vni-

uersalis, sed lumini recepto in aere, quod est virtus particularis; id autem à quo participatur virtus intellectus agentis in anima nostra est Deus, de quo dicitur, Psal. *Signatum est super nos lumen vultus tui Domine*, quia solus Deus est creator animæ, & lumen ipsi præbens sicut solus infundit species Angelis, & intra intellectum operatur.

*Denique* experimur nos posse intelligere cum volumus, & abstrahere à sensibus intelligibilia, alias si hoc non experiremur, non possemus habere notitiam harum actionum. Omnis autem actio non fit modo connaturali ab aliquo agente nisi per virtutem in eo existentem, nec utitur aliquo cum vult, nisi habeat potentiam operatiuam illius ergo connaturale est, ut habeamus vim, & potentiam abstrahendi tales species, & non solum ab intelligentia separata fiant, & hæc virtus vocatur intellectus agens.

*Circæ tertium punctum* scilicet an sit intellectus agens potentia distincta ab intellectu possibili. Aliqui dixerunt intellectum agentem esse habitum primorum principiorum ut refert S. Thom. q. de anima art. 5. & 3. de intellectu. 10. quod tamen ex eo rejicit Diu. Thom. quia etiam ipsa principia cognoscimus per species abstractas à singularibus, ergo oportet antequam generetur ipse habitus præexistere tales species abstractas, ergo & intellectum agentem abstrahentem illas; ut omnia obiecta intellectus agens reddat intelligibilia in actu. Dande quia habitus principiorum est cognoscitiuus, sicut enim per scientiam cognoscimus conclusiones, ita per habitum principiorum, principia, ergo non potest iste habitus esse factiuus specierum  
impres-

## Articulus 1. 59

impressarum pro potentia cognoscitiva, quia ipse cognoscitivus est, & sic aliquas species debet supponere, quibus primò cognoscat, non autem illas facere. Quando autem Arist. 3. de anima text. 17. & 18. dicit, quod intellectus agens est sicut habitus, & ars loquitur solum per modum comparationis, quia sicut ars inducit formam artificialem in materiam rudem, & in potentia, ita intellectus agens per species impressas tanquam per formas perficit, & aduat. intellectum possibilem. Et dicitur habitus, ut contraponitur privationi, per quam aliquid est in potentia, intellectus autem agens non est in potentia ad recipiendum, sed in actu ad agendum. Ita explicat D. Thom. ibidem lect. 10.

Qui ergo fatentur Intellectum agentem esse potentiam, etiam actum illius negant esse cognitionem, quia cognitio oritur a potentia, & obiecto prout mediante specie representatur potentiae, unde si operatio propria intellectus agentis esset cognitio deberet procedere à specie, & potentia, & consequenter speciem ipsam supponere. Ergo non faceret talem speciem, & sic non faceret omnes species intelligibiles, sed aliqua deberet fieri per actum non cognoscitivum, & illum dicimus esse proprium intellectus agentis, ut distinguitur ab actu procedente à potentia actuata per speciem, & recipiente illam.

Difficilis ergo est, an iste actus factivus specierum, & non cognoscitivus ita adaequatus sit potentiae, ut exigit illam esse distinctum ab intellectu possibili cognoscente. Et aliqui auctores negant distingui has duas potentias, sed esse eandem cum duplici vi, seu efficientia, quod

probabile reputat P. Suarez lib. 4. de anima cap. 8. num. 13. citatque Nimphum, Maiorem, Abulensem.

*Oppositum* tamen tenet D. Thom. 1. q. q. 79. art. 7. & 10. & 3. de anima lect. 10. & in 2. distinct. 17. q. 2. art. 1. Similiturque ex Arist. qui in hoc 3. de anima tex. 17. dicit : *Quod necesse est in anima differentias has easdem in esse, atque quidam intellectus est talis, ut omnia fiat, quidam talis ut anima agat.* Loquitur ergo de illis tanquam de diuersis intellectibus, & differentias, istas potentibus in anima. Ratio autem est : quia intellectus, vel essentialiter est potentia cognoscitiva, ita quod adæquatus eius actus sit cognitio, vel habet duplicem actum inadæquatum, alterum non cognoscitivum, & factivum specierum alterum cognoscitivum, & non factivum earum, nam vno, & eodem actu non potest fieri, cognitio enim procedit elicitive à potentia actiata per species, & consequenter illa efficientia supponit aliquam speciem iam factam, & actuantem potentiam, ut procedat ab illa. Si primum manifestum est intellectum agentem esse distinctum potentiam, siquidem si adæquatus actus intellectus cognoscentis est cognitio non potest alium actum elicere qui cognitio non sit, & sic formatio specierum quibus primò sit cognitio non potest per cognitionem ipsam fieri, sed supponi debent ad cognitionem. Si secundum, in primis non potest uterque ille actus convenire vni, & eidem potentie nisi detur aliqua ratio communis sub qua conveniant illi duo actus, & à qua specificetur illa, unica potentia habens illos. Ratio autem faciendi species sine cognitione, & ratio elicendi  
cogni-

## Articulus 1. 61

cognitionem per species non conueniunt in aliqua ratione communi constituyente vnā potentiam, sed sunt rationes istæ distantes, quod ex se sufficiunt fundare distinctas potentias, vt patet in sensu cognoscente, & virtute emittente species ab objecto, seu faciente illas sine cognitione. Non est autem anima nostra tantæ eminentiæ, vt virtus eius in vnica ratione superiori, & eminentiori vniat illam duplicem virtutem facienti species, & intelligendi, neque in Angelo datur talis perfectio, vt vnica potentia sit factiua specierum, & cognoscentiua.

*Ad hæc* accumulatur aliqua inconuenientia. Primum, quia eadem potentia seipsam moueret, & reduceret de potentia ad actum, esset enim potentia ad species, & faceret illas. Secundum, quia alias etiam possemus dicere, voluntatem, & intellectum esse eandem potentiam inadæquatè respicientem cognoscere, & velle vt consecutum ad cognoscere, quia se habent ordine quodam sicut etiam facere species non cognoscentiæ, ordinatur ad ipsum cognoscere. Tertium, quia alias ratio actiui, & passiui non esset sufficiens ratio distinguendi potentias, cum tamen sint rationes maximè diuersæ, & primæ differentiæ entis; primò enim diuiditur penes actum, & potentiam, & consequente penes potentiam actiuam, & passiuam, quæ fundantur in actu, & potentia, quæ est ratio D. Thom. q. 79. art. 7. ad distinguendum intellectum in agentem, & possibilem quia est diuisio penes passiuum, & actiuum cum tamen non admittat alias diuisiones intellectus.

## SOLVUNTUR ARGUMENTA.

**P**rimò arguitur in fauorem Durand. Quia non potest intelligi quo modo intellectus agens agat in phantasmata, quæ sunt corporea, & element. Item quia alias si intellectus agens formaret species, & non produceret cognitionem, nobilior esset, quam intellectus possibilis, qui cognitionem elicit, siquidem omne agens est nobilius patiente.

*Confirm.* ex duplici exemplo. Primum quia Angelus non minus est substantia intelligens, quam anima, nec minus indiget speciebus. Et tamen non habet intellectum agentem, quo illas acquirat, sed infunduntur à Deo, ergo similiter pertinebit ad Deum præbere animæ species non infusas, sed à sensibilibus abstractas. Secundum est, quia etiam sensus externi indigent speciebus acceptis ab objectis, & tamen non requiritur sensus agens, licet species sint abstractionis rationis, quam ipsum obiectum materiale in se, ergo similiter poterunt species intelligibiles fieri sine intellectu agente.

*Respond.* ad 1. parte argumenti Durand. quod dicemus sequenti art. explicando modum quo intellectus agens agit in phantasmata corporea. Ad secundam probationem Respond. non sequi, quod intellectus agens sit simpliciter nobilior, sed solum in ordine ad formationem specierum in quo intellectus possibilis est illi inferior, quia est in potentia; simpliciter tamen, & respectu actus nobilioris, qui est intelligere, excellit intellectus possibilis, licet dependenter à speciebus, sine quibus non intelligit. Sed de hoc statim dicemus amplius. *Ad*



## Articulus I. 63

*Ad confirm. Respond.* Intellectum Angelico-  
gnosciuum non indigere intellectu agente ac-  
quirente illi species ab objectis : tum quia caret  
sensibus , à quibus immediatè abstrahuntur spe-  
cies intelligibiles , ab ipsis enim objectis imme-  
diatè solum emittuntur species corporæ non in-  
telligibiles quæ non mouent intellectum pro-  
pter suam imperfectionem , & improprietatem  
nec posset conuenienter id fieri , nisi intellectus  
agens Angeli immediatè coniungeretur objecto ,  
vt ab illo species haurirer , & sic non posset à di-  
stanti cognoscere , quod possunt homines . Tum  
etiam , quia Intellectus Angeli non est acquisi-  
tiuus suæ perfectionis , sed à principio statim est  
perfectus , & non in potentia vt perficiatur , si-  
cut inter corpora Cælum statim à principio ha-  
bet suam perfectionem , & omnem formam sibi  
debitam , vnde sicut frustra poneretur potentia  
augmentatiua in Cælo , vt perfectionem quan-  
titatis acquireret , cum ab initio petat habere il-  
lam , ita superflue poneretur intellectus agens in  
Angelo ad acquirendum species , & proficien-  
dum in perfectione intellectus , cum à principio  
debeat esse perfectus , & plenus sapientia , sicut  
dicitur Ezech. 28. de primo Angelo , *quod erat  
plenus sapientia, & perfectus à die conditionis suæ*  
Totum verò oppositum est in anima humana .  
quæ paulatim acquirit perfectionem intellecti-  
uam , & crescit in illa , sicut corpora generabilia  
augmentantur in sua perfectione , vnde sicut  
ista requirunt potentiam augmentatiuam ita illa  
potentiam acquisitiuam specierum , qua est in-  
tellectus agens . Neque id debet fieri à solo  
Deo quia non est connaturale rebus , vt ad pro-  
prias operationes non habeant virtutes proprias ,  
quibus

quibus possint operari cum voluerint, sed à solo Deo id fiat.

*Ad secundum exemplum* de sensu agente iam supra responsum est, quod ipsa objecta sensibilia de se sufficienter possunt emittere species sensibiles, & immutare sensus, & ideo non est ponenda aliqua potentia in ipso animali factiva talium specierum. Neque hoc poterat conaturaliter fieri, cum enim species visibiles, verbi gratia, versentur circa objectum nimis distans, sicut cum videmus ipsum Cœlum, impossibile erat, quod potentia aliqua existens in animali haberet tantam virtutem, ut posset operari etiam circa ipsum Cœlum educendo species ex illo, licet enim sint intentionales, tamen per veram, & realem actionem educuntur de suo subiecto; quomodo ergo sensus agens existens in animali posset ex ipso Cœlo species educere, cum ab illo sit ita distans, nec possit virtutem usque ad illum diffundere, & usque ad seipsum iterum reflectere, cum nec virtus solis, qui tam magnum corpus est, possit tantam reflexionem facere:

*Secundò arguitur* pro sententia Avicennæ ex Arist. 3. de animæ text. 18. ubi inquit: *Quod intellectus agens est separabilis, & immixtus, passionemque vacat, cum sit substantiæ actus.* Et text. 20. inquit: *Quod isse intellectus, non aliquando quidem intelligit aliquando non intelligit, separatus autem est solum hoc quod verè est, & hoc solum immortale, & perpetuum est.* Sentit ergo Aristoteles quod intellectus agens, est intellectus separatus, & substantia quædam ut patet in illis verbis, cum sit substantia actus. Est etiam perpetuo intelligens, quod non conuenit

uenit animæ nostræ, quæ quandoque intelligit in potentia, ergo est aliquid separatum ab anima.

*Ratione* etiam arguitur : quia proprium munus intellectus agentis est illuminare intellectum, hoc autem est proprium virtutis altioris, quam ipsa anima : Tum quia Deus est lux vera quæ illuminat omnem hominem : Tum etiam quia infundendo species, fit illuminatio, hæc autem infusio pertinet ad Deum ; vt patet in Angelis : Tum quia alias posset intellectus cognoscere quæcumque obiecta, quando vellet si intra se haberet vim factiuam specierum, quod tamen constat esse falsum. *Respondetur*, Quod in prima authoritate Aristotel. solum dicit, quod intellectus agens est separabilis, quod verum est, quia manet in anima separata. Quod verò dicit esse substantiam actu, idem est ac dicere, quod per suam essentiam quæ nomine substantiæ intelligitur, est actus, seu actiuus, actiuitas enim fundatur in actu, ad distinctionem intellectus possibilis, qui secundum suam entitatem, seu substantiam est in potentia ad species, per quas formatur, & reducitur in actum. Sic explicat D. Thom. hunc locum Aristot. & sic reddit rationem, quare intellectus ille vacat passionem, idest receptionem, quia per suam entitatem, seu substantiam est actu, idest actiua potentia ; non autem voluit dicere, quod sit substantia aliqua separata, & cum sint diuersæ potentiæ intellectus agens, & possibilis, non est anima in actu, & potentia secundum idem. In secundo autem loco, vt Diu. Thom. interpretatur ibidem circa illum textum, & quæst.

quaest. de anima art. 5. ad 3. Aristot. non loquitur tantum de intellectu agente, sed de tota parte intellectiua, quæ vtrumque intellectum includit agentem, & possibilem, & hæc est anima intellectiua, quæ separari potest à corpore sicut etiã dicit Aristot. 1. 2. metaph. text. 17. *Quod forma nunquam est ante materiam, sed posterius, & manet anima non omnis, sed intellectus;* quod verò præter animam datur intellectus agens separatus, qui species producat in intellectu possibili, nec somniauit Aristot. Cum verò dicit, quod perpetuo intelligit, explicat D. Thom. quaest. 10. de veritat. artic. 8. ad vltimum, quod intellectus agens semper intelligit, quia ex parte sua non deest, quin semper possit intelligere licet desit ex parte phantasmatum, & obiectorum, quæ non semper præstò sunt.

*Ad rationem Responderur:* Quod illuminare per modum proximæ virtutis illuminatiuæ pertinet ad intellectum agentem, sed per modum proximæ virtutis illuminatiuæ pertinet ad intellectum agentem, sed per modum causæ primæ, pertinet ad Deum, qui non impedit causam particularem, sicut non impedit solem, vt illuminet, neque sol lumen aeris, vt immediatè luceat. Similiter concedimus, quod infusio specierum est illuminatio facta à Deo, sed præter illam datur etiã alius modus illuminandi nō per infusionem specierum, sed per abstractionem earum a phantasmatibus, & hoc conuenit intellectui agenti, qui est in anima. Quod verò dicitur, quod aliàs posset intellectus noster cognoscere, quando veller.

*Responderur* hoc non sequi, quia non semper obiecta sunt applicata ipsi intellectui in phantasmati-

formatibus, sicut sol non illuminat nisi detur diaphanum, vel colores. Neque requiritur ad istam abstractionem, quod prius cognoscat obiecta ut ex illis cognitis abstrahat, & formet species, sicut ex obiectis ad extra emittuntur species sine hoc quod cognoscant, sed sine cognitione mouent sensus.

*Tertiò arguitur* in fauorem sententiæ Suarez ad probandum non distingui intellectum agentem à possibili, quia non repugnat eandem potentiam habere vim producendi species, & recipiendi illas ad cognoscendum; in spiritualibus enim idem potest esse principium agendi, & recipiendi, licet non in sensibus. Et ad hoc sunt aliquæ congruentiæ. Primò, quia intellectus possibilis habet vim formandi species ex speciebus præconceptis. Secundò quia hoc modo intellectus noster erit medium quoddam inter intellectum Angeli, & sensum, quia neque ex se habebit species, ut Angelus, neque ab alio agente recipiet illas ut sensus, sed ex obiectis formabit, & recipiet: Tertiò, quia alias in anima separata remaneret illa potentia penitus ociosa, cum ibi non sint phantasmata, à quibus extrahantur species, ergo si non habet alium actum, vacabit ibi.

*Confirmatur*, Quia intellectus agens, vel operatur actione vitali, vel non. Hoc secundum dici non potest, cum sit actio propria animæ, ut anima est. Si primum debet esse actio inmanens, siquidem cum sit potentia spiritualis, in qua non datur pars mouens, & pars mota, sed totum est indiuisibile, consequenter actio manebit in eadem potentia, & sic non producet species extra se intellectus agens, sed in se ipso  
poten-

potentia autem, quae recipit species etiam cognoscit per illas, ergo non distinguitur intellectus possibilis ab agente. Denique omne agens est honorabilius patiente, ergo intellectus agens erit nobilior passibili, ex alia verò parte cognoscens est nobilior non cognoscente, ergo ut ista componantur, idem erit intellectus agens, & cognoscens.

*Resp.* Etiam in spiritualibus diuersa principia esse actiuum, & passiuum, quando circa idem versantur, cum fundentur in illoque est primum distinctiuum in genere entis, scilicet in actu, & potentia. Et praesertim hoc currit in intellectu nostro, quia est pura potentia in genere intellectiuo respectu specierum ergo non solum debet carere illis, sed etiam actiuitate faciendi eas sicut materia prima non solum caret formis naturalibus, sed etiam virtute faciendi illas, quia est pura potentia, & deinde quia intellectus possibilis cum essentialiter sit potentia cognoscitiua non potest alium actum habere, quin non sit cognitio, actio autem intellectus agentis non est cognitio, quia facit species etiam ad primam cognitionem requisitas.

*Et ad primam congruentiam in contrarium.* Respondetur quod intellectus possibilis ex praecognitis speciebus potest alias formare, quia format illas cognoscendo, & componendo, sed prima species non potest formari ex alijs prioribus praconceptis, sed per virtutem non cognoscitiuam, & hoc sufficit ad distinguendum potentiam.

*Ad secundam* dicitur quod ut intellectus noster cognoscitiuus sit medius inter intellectum Angelicum, & sensum, sufficit, quod ipsamet cognitio-

gnitione reluceat hæc mediatio quia scilicet nec habet pro obiecto rem corpoream modo corporeo, vt sensus, nec spiritualement modo spirituali vt Angelus, sed quidditatem corpoream modo spirituali.

*Ad tertiam dicitur* : Quod intellectus agens in anima separata erit ociosus quantum ad nouam abstractionem specierum, quia caret phantasmate à quo abstrahat illas, sed poterit habere alium actum nempe illuminare species iam abstractas in ordine ad actualem usum illarum, si verè talis datur, de quo sequenti articulo & videri potest in D. Thoma quæst. de anima artic. 15. ad 7. vel etiam si nullum actum habeat pro illo statu, debet tamen manere in anima tanquam ornamentum quoddam illius, & virtus, & quia potest anima reuniri corpori, in quo suam operationem exercebit, sicut in corporibus beatis, in quibus manebit etiam augmentatiua, & generatiua potentia propter integritatem naturæ, non propter exercitium actionis.

*Ad confirmationem respondetur* actionem intellectus agentis esse transeuntem, & vitalem, sicut etiam actus vitæ vegetatiuæ transeuntes sunt, & vitales. Et cum dicitur, quod non potest mouere se ipsum, quia non habet partem mouentem, & partem motam.

Respond. intellectum agentem non mouere seipsum, sed intellectum possibilem, & sic distinguitur mouens, & motum. Et non dicitur in viuente vna pars mouere se ipsam, vt vitaliter agat, sed quia vna pars mouet aliam, dicitur ipsum viuens mouere se ipsum, non vna pars se ipsam. Neque oportet, quod omnis intellectus sit cognoscens, sed tantum intellectus formatus

natus per species, non intellectus formans species, quod non currit in sensibus, in quibus obiecta ipsa sufficienter formant species suas, quæ corporeæ sunt, non autem datur sensus formans illas, ut supra ostendimus. Quod denique dicitur agens esse honorabilius patiente.

*Respond.* etiam intellectum agentem esse perfectiorem possibili prout est in statu puræ potentiae, & indigens formari per species, non tamen est nobilior ipso intellectu formato, & vitaliter cognoscente, sicut etiam obiectum est perfectius sensu in ordine ad dandum illi species, non simpliciter, & respectu elicentiae cognitionis.

## ARTICVLVS II.

*Quomodo intellectus agens illustret phantasmata, & intellectum possibilem?*

**O**Mnia munera intellectus agentis ad tria possunt reduci. *Primum* circa species, quas format, & consequenter ad obiecta intelligibilia, quæ in illis refulcent. *Secundum* quoad phantasmata, ex quibus tales species abstrahuntur. *Tertium*, quoad cognitionem intellectus possibilis, quæ ex illustratione intellectus agentis dependet.

*Circa primum*, proprium munus intellectus agentis circa species est facere species actu intelligibiles, & spirituales. Sed quia species non solum debent esse spirituales in sua entitate, sed in ipsa representatione, & consequenter in obiecto representato quatenus representationi illi proportionatur, posuerunt aliqui obiectum, quod representatur in speciebus formatis ab intellectu



## Articulus II. 71

tellectu agente, relucere etiam in phantasmatis cum aliqua intelligibilitate in actu, vel quia ex virtute intellectus agentis aliqua illustratio deriuatur ad phantasmata, per quam obiectiue redditur apparens in phantasmate, id quod singularitatis, & materialitatis est, sicut in pomo facit lux, quod appareat obiectiue color, & non sapor, vel odor: aut quia ex ipsa anima intellectiua, in qua radicatur phantasia producantur phantasmata habilia ad mouendum intellectum, & talisabilitas dicitur ab aliquibus relucetia obiecti intelligibilis, quatenus ab illo potest extrahi species propria intellectus, sed hæc solum est illustratio radicalis, prima verò est formalis, de quo plus tractabitur in secundo puncto.

*Nihilominus* dicendum est, quod obiectum non redditur intelligibile in actu, nisi primò in ipsis speciebus formatis ab intellectu agente non in ipsis obiectis sensibilibus ad extra neque in ipsis speciebus, aut cognitionibus sensuum, neque in ipsis phantasmatibus. Patet hoc, quia obiectum in omni illo statu ante formatam speciem intelligibilem est actu sensibile, & materiale, & repræsentatur vt singulare, ergo non est actu intelligibile, sed in potentia. Non potest autem id, quod in se est materiale, & sensibile in actu, & intelligibile in potentia, reddi actu intelligibile, sine aliqua mutatione, & immaterialitate, quia intelligibilitas sequitur immaterialitatem, obiectum autem ad extra non immutatur, neque fit immateriale. Similiter neque in phantasmatibus, quia semper sunt corpora, & à conditionibus corporeis denudari non possunt nisi totaliter destruantur cum essentiali-

taliter sint corporea, & sensibilia, ergo restat, quod intelligibilitas in actu, & immaterialitas, obiecti primò, & per se reluceat in ipsa specie formata ab intellectu agente quatenus modo immateriali, & abstracto repræsentat quidditatem rei sine singularitate. Nec sufficit phantasma radicaliter esse illustratum, quatenus ex coniunctione ad animam intellectiuam redditur habile, & ab eo abstrahatur species intelligibilis, hæc enimabilitas non reddit phantasma actu immateriale, sed intra limites rei corporeæ relinquit: ergo non constituit illud immateriale, & spirituale, ergo neque actu intelligibile, intelligibilitas enim sequitur immaterialitatem. Quod verò sit habile, ut intellectus agens ab eo abstrahat speciem intelligibilem non amplius ponit in phantasmate, quam connaturalem subordinationem ad intellectum agentem non immaterialitatem aliquam in actu ei convenientem.

## SECUNDA DIFFICULTAS:

**C**irca secundum punctum quomodo intellectus agens concurret cum phantasmate ad productionem speciei intelligibilis, & quomodo influat phantasma in illam speciem, satis diuisi sunt authores. Quidam enim absolute negant phantasma concurrere in genere causa efficientis ad productionem speciei intelligibilis etiam instrumentaliter, sed solum in genere materialis obiecti, & exemplaris, unde intellectus agens educat, & depingat speciem suam. Ita Pater Suarez lib. 4. de anim. cap. 21. num. 12. dicitque esse sententiam aliquorum Thomistarum.

mistarum . Inter Thomistas autem communis sententia est , quod phantasma sit instrumentum intellectus agentis , sed in explicando quomodo sit instrumentum , diuisi sunt , Nam Caiet. posuit , quod intellectus agens operatur in phantasma non per formalem illuminationem , sed per obiectiuam , quam sufficere putat , vt phantasma concurret ad speciem intelligibilem . Distinguitur autem formalis illuminatio ab obiectiua in hoc , quod formalis illuminatio sit per inhærentiam lucis in subiecto illuminato , obiectiua autem per apparentiam obiecti ex assistentia extrinseca luminis sicut in opinione , quæ dicit , lucem non inhærere in colorato , sed in medio , ipse aer illuminatur formaliter , idest inhærenter , color autem illuminatur obiectiuè . Sic intellectus agens phantasmati coniunctus , licet ei non inhærens facit apparere obiectum intelligibile in ratione intelligibilis . Alij è conuerso existimant aliquid virtutis spiritalis , seu luminis derivari ab intellectu agente in phantasmata , illustrarique formaliter sicut lumen probabile est inhærere in corpore colorato , & sicut ars imprimit in strumento aliquid virtutis ad faciendâ artefacta , quo exemplo vritur D. Thom. 2. contra gent. cap. 77. ad explicandum hanc illuminationem intellectus agentis . Alij putant phantasmata non illustrari formaliter , neque obiectiuè à lumine intellectus agentis , sed solum radicaliter , quatenus phantasia radicata in eadem anima spiritali , in qua est intellectus , agens producit phantasmata illuminata , idest habilia , vt ab eis intellectus agens abstrahat species , & hæc habilitas reddit phantasma intelligibile in actu .

## 74      *Quaestio X.*

Ita Ferr. 2. contragent. cap. 77. Tandem alij  
 vt M. Banez, 1. par. quaest. 79. artic. 3. dub. 1.  
 conclus. vltima, & latius dubit. 4. Conimbric. 3.  
 de anim. cap. 5. quaest. 4. artic. 2. Carmelitani  
 hic disput. 20. quaest. 2. Rub. & alij tenent in-  
 tellectum agentem illustrare phantasmata ra-  
 tione effectus ex illis deducti scilicet ratione  
 speciei intelligibilis, in qua solum redditur obie-  
 ctum intelligibile in actu, quod erat intelli-  
 gibile in potentia in phantasmatibus. Sed quo  
 concursu phantasmatum id fiat? Respondent  
 quod vitur intellectus agens phantasmate, vt  
 instrumento leuato, & obiecto eius determina-  
 tur ad producendas determinatas species.

*Dicendum* nihilominus est: phantasma ne-  
 cessario debere concurrere ad producendam de-  
 terminatam speciem intelligibilem in intellectu  
 possibili, neque istum concursum posse saluari  
 alia meliori via, quam ponendo, quod phan-  
 tasma concurrat vt instrumentum intellectus  
 agentis ad talem productionem.

*Prima pars*, huius conclusionis deducitur ex  
 D. Thom. qui in quaest. 10. de verit. art. 6. ad  
 7. inquit. *Quod in receptione, quia intellectus*  
*possibilis species rerum accipit à phantasmatibus,*  
*phantasmata se habent, vt agens instrumentale, &*  
*secundarium, intellectus verò agens, vt agens*  
*principale, & primum. Et ideo actionis effectus*  
*relinquitur in intellectu possibili secundum condi-*  
*tionem utriusque, & non secundum conditionem*  
*alterius tantum, & ideo intellectus possibilis reci-*  
*pit formas vt intelligibiles actu ex virtute intell-*  
*ectus agentis, sed vt similitudines determinatarum*  
*rerum ex cognitione phantasmatum. Idem videri*  
*potest in quaest. de anima artic. 5. ad 6. & 1.*  
part.

part. quæst. 85. artic. 1. ad 3. & 4. & multis locis.

*Ratio* verò est : quia intellectus agens non habet in se actu omnium rerum species determinatè , & distinctè , alias si sic contineret illas , non indigeret anima vniri corpori , vt ex illo per sensus hauriret species , nisi fortè dicatur , quod habet illas confusè , & in communi , determinat verò illas ex coniunctione ad sensus . Sed tunc restaret eadem difficultas , quomodo fieret illa maior determinatio , & distinctio specierum quæ vtique spiritualis esse debet , ex coniunctione ad sensus , & determinatione phantasmatum erga illas . Si autem intellectus agens habet in se , & continet species perfectiores , & distinctiores , quàm sit in sensibus , vel æquè perfectas , anima ex vnione ad corpus non acciperet cognitionem , sed solum imperficeretur in illa . Est autem contra rectum ordinem naturæ , quod naturaliter inclinatur ad id , vnde magis redditur imperfecta in eo quod præcipuo est in tali natura , & ad quod cætera ordinantur scilicet in ipso intelligere , & sic potius deberet inclinari anima , & principalius ad statum separationis à corpore , quia in eo quod sibi proprium est , & specificum , scilicet in intelligere ex propria sua natura magis perficeretur separata à sensibus , quam illis coniuncta , quia naturaliter in se haberet sine sensibus species æquè distinctas , vel distinctiores , quam ex sensibus . Quare intellectus agens ad producendum determinatas species indiget conuerti ad sensus , & ex illis eas debet accipere . Cuius etiam signum accipitur ab experientia , cuius læsa phantasia , aut impedita sensatione , intellectus totaliter impeditur in cognoscendo .

*Secunda* vero pars conelusionis ptobatur : Tum ex reiectione aliarum sententiarum ; Tum ex propriae explicatione . Nam in primis dicere quod phantasmata concurrunt cum intellectu agente solum ratione illustrationis radicalis, est omnino insufficiens , quia ex illa radice phantasia , & actus eius non accipiunt aliquam immaterialitatem , vel virtutem excedentem rationem corporeitatis , materialitatis , quo maneant magis proportionata rei spiritali , qualis est species intelligibilis facienda : ergo quantumcumque ponatur habilis radicaliter si ex ista radice non habet in se aliquid spiritualitatis semper restat eadem difficultas , quomodo possit actualiter influere in spiritalem .

Ex eodem principio eueritur altera sententia, quae ponit aliquid spiritalis lucis derivari ex intellectu agente , quod realiter afficiat , & inhæreat ipsi phantasmati , reddatque phantasma intelligibile in actu , talis enim illustratio immaterialis omnino immutabit istud , & destruet , nam quando primò productum fuit à phantasia illud phantasma , solum fuit productum vt corporeum ergo vt intelligibile in potentia , & nullo modo in actu . Ergo si representatio eius per illam virtutem derivatam ab intellectu agente mouet vt intelligibile in actu , & immateriale in actu , illa representatio mutatur , cum antea solum esset intelligibile in potentia , & consequenter phantasma ipsum immutatur , quia representatio intrinseca est illi ; si autem manet materiale , & intelligibile in potentia , etiam post quam afficitur illa virtute , & immaterialitate intellectus agentis , ergo prout sic non mouet intellectum in actu , sed in potentia : A qua ergo virtute habet mouere actum ?

*Quod*

*Quod* si recurratur ad sententiam Caiet. de apparentia obiectiua in phantasmate, ad quam non requiritur mutatio intrinseca, sed solum extrinseca assistentia, sicut color apparet mediante luce non intrinsecè informante. Contra est, quia vel illa extrinseca assistentia habet aliquam actionem ad hoc, ut appareat obiectum intelligibile, vel nullam. Si nullam ergo non datur ille nouus effectus apparendi obiectum intelligibile, nec enim apparet ex vi ipsius phantasmatismatis, ut à phantasia productum est. Si autem habet aliquam actionem transeuntem, ergo, & terminum, & iste, vel est in ipso phantasmate, & hoc non admittit Caiet. qui non ponit intrinsecam mutationem in ipso phantasmate deriuatam, ab intellectu agente, vel habet effectum illa actio in intellectu possibili, & hoc solum est species impressa, de qua currit difficultas quomodo ad illam concurrat illud phantasma, vel est aliquod iuxta ipsum phantasma sicut lumen in aere diffunditur vsque ad colorem, & illi manet contiguum; & hoc esse non potest, cum illa virtus deriuata ab intellectu agente sit spiritualis, & non possit per rem corpoream magis diffundi, quam in ipso phantasmate immediatè subiectari, quod etiam corporeum est. Quare data illa sententia de obiectiua, & extrinseca apparentia coloris, non est simile in phantasmate, quia apparentia hæc est intelligibilis, & spiritualis, quæ in re corporea esse non potest permanenter, bonè tamen in colore apparere corporaliter vnum, & non aliud.

*Sententia* autem P. Suarez, & eorum qui nullum influxum ponunt ex parte phantasmatismatis in specie intelligibili nisi per modum materiæ, ex

dictis manet impugnata, neque enim possunt explicare istum concursum materiae. Nam in primis fetentur phantasmata non esse materiam, ex qua educantur species intelligibiles, siquidem educuntur ex subiecto spiritali cui inhaerent, ex illo enim educuntur, in quo sunt, species autem non recipitur inhaerens in phantasmate, sed in intellectu possibili. Item dicunt phantasma non esse materiam, circa quam operatur intellectus agens, quia solum operatur circa intellectum possibilem, sed quod praebet veluti materiam intellectui agenti ad efficiendam speciem intelligibilem. Sed quid est illud veluti materia? quod postea declarat Suarez, num. 12. dicendo, quod se habet ad instar materiae, aut excitantis animam, aut verò ad instar exemplaris. Sed totum hoc quod est dicere ad instar, relinquit rem obscuram, & inexplicatam, quia in praesenti inquirimus, quem concursum verè, & propriè habeat phantasma, non ad cuius instar se habeat, nam esse ad modum materiae, vel exemplaris, vel extrahit illud à vera, & propria causa materiali, & exemplari, vel relinquit verè, & propriè intra limites talis causalitatis? Si extrahit, restat explicare, in qua alia causalitate ponit. Si relinquit, ergo non ad instar; sed verè, & propriè materia, vel exemplar est. Et de materia non apparet, quomodo in genere causae materialis concurrat phantasma, cum non recipiat speciem intelligibilem, sique ad illam disponat; nisi dicatur esse materiam obiectivam, sicut Philosoph. comparat phantasmata coloribus ad visum, & Dñ. Thomas prima parte quaestion. 8. articul. 6. dicit: *Quod sensibilis cognitio non est totalis causa intellectualis cognitionis, sed*



*nis, sed quadammodo est materia causa.* Sed hoc ipsum nos fatemur, quod est materia per modum obiecti, seu representantis obiectum, quod redditur intelligibile ab intellectu agente, sicut diximus, quæst. 26. Phis. artic. 2. & hac ratione diximus ibi non esse propriè instrumentum effectuum, sed obiectuum, verè enim hoc habet, sed quomodo hoc obiectum concurrat ad hoc ut reddatur intelligibile in specie facta ab intellectu agente, hoc est quod inquirimus, in præsentia. Similiter excitatio non potest fieri nisi respectu potentie cognoscentis, aut certè quomodocunque fiat, si phantasma est corporeum, & potentia, quæ est excitanda est spiritualis, semper remanet eadem difficultas, quomodo possit id, quod est corporeum, agere in spirituale. Nec sufficit esse radicatum utramque potentiam, & phantasiam, & intellectum in eadem anima. Nam si sola radicatio sufficit, etiam excitabitur intellectus per solum sensum externum, quia radicitur in eadem anima. Nec apparet quomodo cum sint tam varia phantasmata ex quibus determinantur diuersæ species, quæ fiunt ab intellectu agente, sola radicatio phantasie in anima, quæ est indifferens ad omnia illa sufficiat ad tales determinatas species producendas.

*Quapropter* dicendum est intellectum agentem non reddere obiectum intelligibile, aut apparens in ipso phantasmate, sed uti phantasmate tanquam instrumento à se moto, & eleuato ad producendam speciem spirituales, & intelligibilem, in qua primò repræsentatur obiectum modo intelligibili, & immateriali. Quod enim instrumentum corporeum eleuatum virtute

Spirituali possit effectum spirituales producere exemplis, & ratione, & autoritate D. Thom. constat exemplis quidem quia Angelus operans circa aliquod corpus facit, quod in se resulet ubi spirituale dicens ordinem ad tale corpus: ignis eleuatus à Deo torquet spiritus per aliquem effectum spirituales in eis productum: sacramenta corporea eleuata à Deo causant gratiam in anima, vt tractari solet 3. parte quæst. 72. & dicimus in quæst. 26. Physicorum, & licet hæc fiant miraculosè tamen hoc ipsum ostendit, non esse impossibile, quod mediante corpore moto à spirituali agente possit produci effectus aliquis spiritualis.

*Ratio* autem huius est. Quia vnit spiritus ad corpus naturaliter ordinatur ad perficiendum ipsum intellectum, aliàs non poteret naturaliter anima nostra talem vnionem, si ex illa non posset perfici in cognoscendo, ergo oportet subordinari id quod sensitiuum, & corporeum est spirituali virtuti ad formandum id quod pertinet ad perfectionem intellectus, quod vtique non est aliud, quam species. Et sicut virtus artificis determinatur à securi ad producendum incisio. n. acutam, & rursus instrumentum dirigitur ab arte, vt incisio fiat recta, vel orbicularis, ita virtus intellectus agentis determinatur à phantasmate, vt talis obiecti, seu quidditatis speciem eliciat, & rursus phantasma ex illa motione, & eleuatione intellectus agentis producit speciem repræsentantem modo immateriali, & sine conditionibus materiæ illam quidditatem.

*Ex autoritate* etiam D. Thom. constat 1. part. quæst. 85. artic. 1. ad 4. *Quod phantasmata, & illumi-*

## Amiculus II. Si

illuminantur ab intellectu agente, & iterum ab eis per virtutem intellectus agentis species intelligibiles abstrahuntur. Illuminantur quidem, quia sicut pars sensitiva ex coniunctione ad intellectum redditur virtuosior ita phantasmata ex virtute intellectus agentis redduntur habilia, ut ab eis intentione intelligibiles abstrahantur, abstrahit autem intellectus agens species intelligibiles à phantasmatibus inquantum per virtutem intellectus agentis accipere possumus in nostra consideratione naturam specierum sine individualibus conditionibus, secundum quarum similitudines intellectus possibilis informatur. Vbi D. Thoma illuminationem intellectus agentis ponit respectu phantasmatum, abstractionem verò respectu specierum cum autem sine abstractione non detur immaterialitas, & consequenter neque intelligibilitas in actu, frustra dicuntur phantasmata reddi intelligibilia in se ipsis, sed solum species, quia ex illis abstrahuntur obiecta, ut intelligibilia in actu repræsentant. Illuminatio autem phantasmatum non ponitur à D. Thoma in eo, quod aliqua lux, vel perfectio immaterialis ponatur in phantasmatibus, sed solum quod reddantur habilia ut ex eis abstrahantur species, quæ habilitas non est aliquid radicale in phantasmatibus, cum dicantur fieri habilia virtute intellectus agentis, ut etiam dicit 1. parte, quæst. 84. artic. 1. ad 4. virtus autem ista non est radix phantasmatum, hæc enim est anima, & sic non ponitur in eis aliquid radicale, sed actuale, & ideo non potest esse aliud, quam motio, seu impressio aliqua phantasma movetur, & subordinatur intellectui agenti, & sic tanquam instrumentum habilitatur ad species producendas, sicut

securis ab arte habilitatur ad producenda artefacta : qua ratione vocatur intellectus agens sicut ars ab Arist. 3. de anima text. 17. & comparatur phantasma instrumento à D. Thom. qu. 10. de verit. sup. cit. & quodlibet. 8. art. 3.

### TERTIA DIFFICULTAS,

**C**irca tertium punctum communiter à D. Thom. attribuitur intellectui agenti, quod non solum efficiat species abstrahendo, & reddendo obiecta intelligibilia in acta, sed etiam quod illuminet intellectum possibilem manifestando suo lumine prima principia, & mediatè ea, quæ per principia cognoscuntur, ut constat ex D. Thoma quæst. 10. de verit. art. 6. in fine corporis, & tract. Caiet. 3. par. quæst. 9. art. 4. circa dubium secundum, & similiter tribuit intellectui agenti, quod faciat conversionem intellectus possibilis ad phantasmata, ut docet in 3. dist. 14. quæst. 1. art. 3. quæst. 5. ad 3. Difficilius est quod docet in 3. contra Gēt. cap. 45. in fine *Quod anima separata intelligit substantias separatas per lumen intellectus agentis, quod est similitudo in anima intellectualis luminis, quod est in substantijs separatis*, hoc enim est facere intellectum agentem potentiam cognoscitivam, quod nos affirmare non possumus. Et idem docet in quæstione de anima art. 15. ad 9. ubi inquit : *Quod anima separata per intellectum possibilem recipiat species effluentes à substantijs separatis, & per intellectum agentem habebit virtutem ad intelligendum*. Quæ verba valdè obscuræ sunt. Solent etiam distinguere in intellectu agente tres actiones circa phantasmata, scilicet illustrare

strare phantasmata, reddere obiecta intelligibilia in actu, quæ antea erant in potentia, & abstrahere speciem quam producit in intellectu possibili. Itaque difficile videtur tot actus intellectus agentis distinguere tam circa phantasmata, quam circa intellectum possibilem.

*Nihilominus* dicendum videtur, effectus istos intellectus agentis in intellectum possibilem præter productionem specierum, quas primo producit intellectus agens, non esse immediate ab ipso intellectu agente, sed mediate quatenus in speciebus sic abstractis virtus luminis intellectualis reluet, redditis ipsis obiectis intelligibilibus, quæ deferuire etiam possunt ad alia obiecta manifestanda, & attingenda.

Itaque mediantibus speciebus influit intellectus agens in omnes illos actus, qui sunt cognitiones, non autem immediate influere potest, & lumen quod præbet, totum est desumptum ex illis speciebus manifestantibus obiecta intelligibiliter. Sumitur hæc explicatio ex D. Thoma de anima artic. 4. ad 6. ubi inquit: *Quod intellectus possibilis factus in actu non sufficit ad causandam scientiam in nobis nisi præsupposito intellectu agente. Si enim loquamur de intellectu in actu, qui est in ipso addiscente, contingit, quod intellectus possibilis alicuius sit in potentia quantum ad aliquid, & quantum ad aliquid in actu, & per quod est in actu potest reduci etiam quantum ad id, quod est in potentia in actum, sicut per id, quod est in actu cognoscens, principia, sit in actu cognoscens conclusiones, quas prius cognoscebat in potentia. Sed tamen actualem cognitionem principiorum habere non potest intellectus possibilis, nisi per intellectum agentem cognition. principiorum &*

*sensibilibus accipitur, à sensibilibus autem non possunt intelligibilia accipi nisi per abstractionem intellectus agentis.* Reducit ergo D. Thom. dependentiam cognitionis intellectus possibilis ab agente, ad dependentiam, quam illa cognitio habet à sensibilibus. Sensibilia autem sunt objecta, quæ redduntur intelligibilia in ipsa specie, quam intellectus agens abstrahit. Ergo tota ratio illuminationis intellectus agentis mediantibus objectis intelligibilibus, & speciebus habetur.

*Et ratio est.* Quia intellectus agens non potest illuminare cognoscendo, nec lumen aliquod habituale producendo in intellectu, quia habitus si est acquisitus fit mediantibus actibus cognoscitivis, si est infusus non fit ab intellectu agente, sed à Deo. Ergo tota illuminatio intellectus agentis debet sumi ex parte objecti representanti in specie, quatenus ex vno objecto manifestatur aliud.

*Quod* verò attinet ad illos actus, qui numerantur in intellectu agente circa phantasmata, illi non sunt distincti ab ipsa actione productiva specierum, sed solum addunt respectus aliquos, seu connotationes, nam hoc ipso, quod producitur species representans intelligibiliter objectum, quod erat in phantasmatè sensibiliter, dicuntur objecta reddi intelligibilia in actu, & phantasmata ipsa dicuntur illuminata, & habitata reddi ex impressione intellectus agentis, ut tales species producantur, eo quod ista species producitur per ministerium phantasmatum, & consequenter talis productio, & respicit ipsam speciem ut productam, & objecta in ea representata, ut reddita intelligibilia per representa-

tionem

tionem ipsam immaterialem, & totum hoc fit vnica actione, quæ omnia ista requirit, & respicit, sicut agens principale vnica actione respicit instrumentum vt ministrans, & motum à se, & terminum vt productum, & finem ad quem talis terminus ordinatur.

*Ad loca D. Thom.* quæ difficultatem habent, ad primum dicitur. Quod intellectus agens dicitur suo lumine manifestare prima principia non quia præbeat ipsum lumen, qui est habitus primorum principiorum, quia iste habitus acquiritur per aliquem actum cognoscituum, cum non sit habitus infusus, vel innatus, vt docet D. Thom. 1. 2. quæst. 51. art. 1. sed ex ipsa cognitione terminorum assensus, eius generatur, & habitus ipse producitur. Sed quia non indiget ad sui assensum, nisi explicatione terminorum, & hæc per ipsas species etiam vt primò abstractas ab intellectu agente habetur, dicuntur illa principia lumine intellectus agentis manifestari.

*Quod* verò attinet ad conuersionem intellectus ad phantasmata, cum illa conuersio sit cognoscitiua, spectat ad intellectum possibilem. In quo autem consistat ista conuersio explicabimus infra art. 4 & similiter quæ sit eius necessitas. *Ad illa* verò loca, quæ loquuntur de virtute intellectus agentis in anima separata, quorum interpretationes videri possunt apud Ferrat. 3. contra gent. cap. 45. in fine, & Magistrum Banez, 1. parte, quæst. 89. artic. 3. dubio 1. ad 3. Nos breuius dicimus. Quod quando dicit D. Thom. quod anima separata per intellectum agentem habet virtutem intelligendi substantias separatas, & per lumen intellectus agentis,

agentis intelligit illas, non est sensus, quod per intellectum agentem intelligat, eliciendo ipsam cognitionem, vel quod intellectus agens aliquam speciem in anima separata producat, cum non habeat phantasmata, seu obiecta, à quibus illam desumat; sed quia anima separata intelligit se ipsam, & alias animas, & Angelos ad modum sui; speciem autem sui dicitur habere per intellectum agentem radicaliter sumptum, quia anima intelligit se per se ipsam in statu separationis, & ipsa radicaliter est intellectus agens, & ideo per intellectum agentem radicaliter sumptum anima accipit lumen intelligendi, se, & alias substantias separatas in statu separationis, cum in statu coniunctionis accipiat sui, & aliorum species per intellectum agentem formaliter sumptum pro potentia operante circa phantasmata.

### SOLVUNTUR ARGUMENTA

**C**irca primum punctum posset tangi illa difficultas, quomodo intellectus agens reddat obiectum intelligibile in actu abstrahendo à conditionibus singularibus, cum non solum universale, sed etiam singulare directe possit intelligi. Sed de hoc agemus art. 4.

Circa secundum punctum occurrunt difficultates P. Suarez lib. 4. de anima cap. 2. num. 7. quae ferè desumuntur ex communibus difficultatibus circa instrumentum corporeum ad producendum effectum spirituales eo quod non apparet, quæ virtus accrescat instrumento corporeo ad producendam rem spirituales, quia si est virtus corporea est improporcionata ad effectum



ctum spiritualem si est spiritualis non potest efficere, & recipi in phantasmate corporeo. Si non est virtus, sed aliqua unio, vel contactus, vel assistentia causæ principalis, ad instrumentalem, certè non potest illa unio maior esse, quam quæ sit per radicationem in eadem anima, quia hæc est magis indivisibilis, & naturalis, sed sola radicatio non sufficit ad habilitandum phantasma in ordine ad talem effectum spiritualem, ergo neque sufficiet quæcumque unio, scilicet coniunctio causæ spiritualis principalis cum tali instrumento. Quod si sufficeret radicatio in eadem anima non requireretur intellectus agens, ut causa principalis habilitans, sed ipsamet anima per talem radicationem sufficeret ad habilitandum phantasma per modum instrumenti. Specialiter autem cum sententia D. Thom. requiratur in instrumento aliqua actio prævia, ut ad principalem effectum deferuiat, phantasma autem nullum effectum habere possit circa ipsum intellectum, quia corporeum est, neque circa aliud corporeum apparet quid operetur, consequenter non potest habere vim instrumenti; qua ratione in q. 26. Physicor. art. 2. diximus phantasmata non esse propriè instrumentum effectuum, sed obiectuum.

*Respondetur* phantasma cum sit corporeum non posse effectivè operari per virtutem propriam ad effectum spiritualem, aliàs haberet se ut causa principalis, & præterea semper maneret improporcionata illa virtus respectu sui effectus, cum iste sit spiritualis, & illa corporea. Quare operatio phantasmatis ad producendam speciem intelligibilem, debet esse ex virtute participata per modum motionis ab intellectu agente, qui  
est spi

est spiritualis . Et talis virtus spiritualis , quæ datur per modum motionis , seu per modum transeuntis non repugnat subiectari , & inhære-  
 re in re corporea , quatenus corpus est obediens spiritui , & subordinatum ipsi , hoc enim neces-  
 sarium fuit , vt possent communicari spiritualia  
 corporalibus , naturaliter enim corpora reguntur  
 per spiritum , & ei subordinantur , & ab eo  
 mouentur . Et rursus non repugnat aliquas spi-  
 rituales formas perfici ex coniunctione ad cor-  
 pus , & ex hoc minus spirituales sunt , non per  
 aliquid intrinsecum corporeitatis , sed per ordi-  
 nem ad corpora , quibus communicabiles sunt .  
 Et hac ratione inter formas substantiales spiri-  
 tuales , Angelus immaterialior est quam anima ,  
 nō quia in se habeat aliquid corporeitatis intrin-  
 sicè , sed quia dicit ordinem ad corpus cui po-  
 test communicari , dicitur autem aliquid magis ,  
 vel minus spirituale , non solum quia caret cor-  
 poreitate in se , sed etiam quia caret ordine ad  
 corpus . Sicut ergo in substantijs spiritualibus  
 id quod est forma completa , & perfecta sicut  
 Angelus , repugnat informare corpus non tamen  
 hoc repugnat substantiæ spirituali incompletæ ,  
 qualis est anima nostra , quæ hoc ipso minus  
 spiritualis est , quam Angelus , quia , & si non  
 in se includat corpus , ad illud tamen dicit habi-  
 tudinem ; ita in formis accidentalibus formæ ,  
 seu virtutes perfectæ , & completæ , quæ vel  
 sunt formæ principales , vel per modum princi-  
 pij , seu potentiae principalis se habent in ope-  
 rando , nullatenus possunt inhære in corpore ,  
 virtutes autem incompletæ , & per modum mo-  
 tionis , quæ solum ordinantur ad subordinan-  
 dum aliquod corpus spiritui in ordine ad ali-  
 quem

## Articulus II. 89

quem effectum spiritalem, non repugnat informare, & inhæere corpori, vt latius ex D. Thoma ostendimus, quæst. 26. Physic. art. 2. Talis ergo motio communicatur ab intellectu agente ipsi phantasmati, non verò communicatur illi lux aliqua immaterialis, quæ reddat ipsum phantasma in se illustratum: & intelligibile in actu, sic enim non solum moueretur ad producendam rem spiritalem, sed etiam in se spirituale redderetur. Illa autem motio, seu virtus spiritualis ita imperfecta est, vt propriè non sit in genere spirituali, sed reductiue, & ita dicit D. Thom. quæst. 27. de veritate artic. 4. ad 5. *Quod illa virtus propriè neque est corporea, neque incorporea, sed virtus ad incorporeum.*

*Quod* verò dicitur in sententia D. Thom. instrumentum debere operari dispositiue ad effectum principalis agentis.

*Respondetur* hoc verum esse etiam in ipso phantasmate, operatur enim repræsentatiue, & de se habet vim ad operandum repræsentationem, seu speciem similem sui, quia ex speciebus præconceptis natæ sunt fieri aliæ species similes ex parte rei repræsentatæ, sed quod istæ species sint spirituales, & intelligibiles, hoc requirit virtutem altiorē eleuantem illud phantasma, vt possit efficere speciem similem suæ repræsentationis non sensibili modo, sed spiritualis, & intelligibilis ordinis.

*Et licet* sit in alia potentia, tamen quia est coniuncta, & naturaliter subordinata intellectui, potest ab illo accipere virtutem, seu motionem ad operandum, sicut calor existens in igne assumitur vt instrumentum artificis ad fundendum æs, aut faciendum vas artificiosum modifican-

do ca-

do calorem, & temperando, & calor animalis à nutritiua, & generatiua virtute mordicatur ad producendam carnem. Et quia operatio, qua vna species præconcepta producit aliam non est effectiua per modum physicæ alterationis, sed per modum intentionalis, & obiectiuæ actionis, seu repræsentationis, ideò diximus in illa quæst. 26. Physic. non esse instrumentum effectiuum sed obiectiuum; idest non efficiens intentionale.

### A R T I C V L V S III.

*Quod sit obiectum adequatum, & specificatum intellectus possibilis.*

**L**oquimur de obiecto specificatiuo, & adæquato, quia cum intellectus eleuari possit ad attingendum aliquod intelligibile quod sibi non est connaturale, nec proportionatum secundum naturam, vt cum eleuatur ad videndum Deum, distingui communiter solet in intellectu duplex hoc obiectum, proportionis, sc. & extensionis, & primum pertinet ad specificatiuum proportionatum iuxta cuius varietatem, diuersas intellectuum species distinguimus, vt nostrum, & Angelicum, & in Angelico varias species. Secundum autem simul cum primo constituunt adæquatum obiectum.

Ex his emergunt duæ graues difficultates. Prima quomodo intellectus possit excedere suum obiectum connaturale, & specificatum, sic enim videtur excedere suam propriam, & connaturalem quidditatem, quæ ab illo desumitur, non ab obiecto eleuationis, nec facile expeditur  
quo.

quomodo etiam visus, non possit eleuari ultra colorem quantum ad obiectum extensuum, & sic eleuari ad percipiendum sonum vel spiritum, vel Deum. Secunda difficultas, quomodo sit vniuocum adaequatum obiectum intellectus, vnamque induat rationem constituendi vnam potentiam, si coalescit ex obiectis ita diuersis, quæ solum analogicè possunt conuenire, vt Deus visus in se, & creatura modo suo connaturali intellecta. Quibus expeditis restat assignare nostro intellectui obiectum proprium, & connaturale, siue in statu vnionis ad corpus, siue in statu separationis, assignare etiam obiectum extensuum.

*Circa primam* difficultatem suppono intellectum nostrum in suo connaturali obiecto, & modo proportionali intelligendi, v. g. intra limites quidditatis sensibilis, aliquo modo complecti omne ens etiam ipsum Deum, vt cognoscibilis illo modo quo per quidditatem sensibilem attingi, & repræsentari potest. Non est de hoc difficultas, nec in hoc laborandum esset in assignando obiecto proportionato, & extensiuo, quia sic tantum datur vnum formale obiectum proportionatum, ad cuius modum, & limitem trahuntur reliqua omnia quæ materialiter sub eo includi, & tangi possunt. Cæterum cum eleuatut ad Deum clarè visum, ultra illum formalem modum, & rationem intelligendi eleuatur, nec enim Deus clarè visus attingitur sub ratione formali quidditatis sensibilis, nec ad instar alicuius rationis formalis creatæ. Non ergo obiectum extensionis est penes extensionem de vno obiecto materiali ad aliud materiale sub eodem formali, sed de formali proportionato, &  
speci-

specificante ad formale eleuatum, & excedens,  
& proprium alterius superioris intellectus.  
Quomodo possunt hæc fieri? Et si possunt in  
intellectu cur non in visu, & alijs potentijs?  
Hæc est difficultas.

*Varia* sunt in hac parte Authorum sententiæ.  
Præcipue reducuntur ad tres. Prima tenet quod  
Deus clarè visus continetur sub vnico, & eodem  
obiecto specificatiuo, & motiuo intellectus. Se-  
cunda, quod continetur in latitudine obiecti  
materialis, & terminatiui, & hoc sufficit, nec  
oportet attendere ad obiectum, seu motiuium  
formale, de quo P. Snaar. lib. 2. de attributis ne-  
gatiuis Dei cap. 7. Vazq. 1. par. disp. 37. Ad  
quod reducitur quod aliqui dicunt specificari  
intellectum solum ab intelligibili vt sic. Quod  
verò sit naturale, aut supernaturale non pertine-  
re ad specificatiuum, sed ad vires quibus pro-  
portionatur intellectus pro naturali, vel super-  
naturali. De quo videri potest M. Gonzalez, &  
Nazarius ad 1. p. q. 12. art. 1. Tertia senten-  
tia affirmat sub diuerso motiuo contineri intra  
latitudinem nostri intellectus Deum clarè visum  
& alia obiecta. Vndè fatentur, obiectum vt  
specificatiuum nostri intellectus esse analogum,  
non vniuocum in se, de quo videri potest M.  
Bannez, & Zumel ad eundem locum 1. par.  
Potest tamen illud obiectum sic analogum spe-  
cificare vnâ potentiam specificatione vnitatis  
athomæ, quia forma præsertim extrinseca dare  
potest effectum quem non habet, sicut albedo  
facit album, & in se non est alba. Ad quod  
accedunt qui dicunt in intellectu nostro esse tres  
gradus diuerso modo specificabiles, nempe spe-  
cificus in quo conuenit homo cum alijs homi-  
nibus

nibus ; genericus , in quo conuenit cum Angelis ; analogicus in quo conuenit cum Deo , & supernaturalibus , & licet vnus gradus sit excedens respectu alterius , quilibet tamen suum habet proportionatum obiectum .

*Nihilominus* resolutio ex his omnibus colligenda est secundum quod in aliquo attingunt veritatem . Distinguiamus ergo in potentia intellectiua propter suam maximam amplitudinem id quod capacitatis est , quod est commune omnibus intellectibus , & se habet per modum potentiae actuabilis , ab eo quod est luminis , & virtutis connaturalis , quae in vnoquoque intellectu variatur iuxta modum suae naturae . Et dicimus quod respectu capacitatis in qua omnes intellectus creati conueniunt , vnicum est omnium obiectum terminatiuum , quod respectu huius capacitatis specificatiuum est , scilicet omne intelligibile finito modo attingibile . Respectu vero luminis , & virtutis connaturalis , obiectum specificatiuum est illud quod est motiuum talis intellectus iuxta modum naturae cuiuscunque intellectuales substantiae , sicut in nobis pro hoc statu coniunctionis obiectum motiuum , & specificatiuum est quidditas rerum sensibilibum , pro statu separationis quidditas spiritualis ipsius animae , ad cuius modum intelligit reliquas substantias spirituales . Et in vnoquoque Angelo , proprium specificatiuum est ipsa substantia spiritualis propria ad cuius modum reliquas cognoscit , & iuxta illius proportionem : lumen , seu vis intellectiua est maior , vel minor , perfectior , vel imperfectior specificè , sicut natura ipsa specie distincta est . Itaque in intellectu aliud est capacitas , aliud virtus : capacitas corre-

spon-

## 94      *Quæstio X.*

spondet intellectui possibili ut est sub statu puræ  
 potentiæ, seu capacitatis, virtus vero intellectui  
 ut formato specie sibi connaturali, seu modo  
 habendi species connaturales, siue per intelle-  
 ctum agentem abstractas, siue per ipsam spiri-  
 tualem substantiam, & species ei infusas actuetur  
 intellectus, ut à proprio motiuo.

*Prima ergo pars nostræ resolutionis de capaci-  
 tate intellectus, & unica ratione illius, quæ non  
 admittit diuisionem per varias differentias, sed  
 unica est in omnibus intellectibus, sumitur ex  
 D. Thom. 1. p. q. 79. art. 6. ubi inquit: Quod  
 intellectus respicit suum obiectum secundum com-  
 munem rationem entis, eo quod intellectus possibilis  
 est, quo est omnia fieri. Unde secundum nullam  
 differentiam entium diuersificatur intellectus possi-  
 bilis.* Quo loco Caietan. rectè aduertit poten-  
 tiam intellectiuam non adæquari à suo obiecto  
 motiuo, sed solum à terminatiuo. Excedit er-  
 go capacitas specificationem, quæ à motiuo su-  
 mitur, & ita ut dicit D. Thom. respicit pro o-  
 bjecto omne ens, nec in ista amplitudine diuer-  
 sificatur intellectus aliqua differentia entium,  
 sed omnes amplectitur. Constat autem, quod  
 in motiuis specificantibus diuersos intellectus, ut  
 intellectus Angelicos, & intellectum hominis,  
 non ab omni ente sumitur specificatio motiua,  
 sed diuersa à diuersis, ut ab intellectu humano  
 quidditas sensibilis, ab alijs diuersæ naturæ spi-  
 rituales. Videndus est etiam pro hac sententia  
 S. Tho. opusc. 2. cap. 104. ubi explicat quo-  
 modo intellectus noster sit in potentia ad duplex  
 agens, ad connaturale sibi, quod est intellectus  
 agens, & ad supernaturale à quo etiam potest  
 actuari respectu intelligibilium non connatura-  
 lium,



hum, sicut in ligno est potentia ad formas naturales, & artificiales, & sic capacitas ligni extenditur ad artificiale, & naturale, connaturalitas autem ad solum naturale agens.

*Ratio* huius à posteriori satis manifesta est, quia intellectus voster pro hoc statu non potest intelligere spirituales substantias nisi cum ordine, & connotatione ad quidditates sensibiles, in statu autem separationis potest illas intelligere, ut sunt in se, & in statu beatificationis potest clarè videre Deum, ut in se est, ergo capacitas istius potentiae non est alligata modo intelligendi per connotationem ad phantasmata, vel sine illis ad rem spirituales creatam, vel ad increatam in se. Similiter constat dari diuersas species intellectuum, licet omnes istam amplitudinem capacitatis habeant, sicut differt intellectus hominis ab intellectu Angeli, & diuersi intellectus Angelici inter se, ergo ex alio principio sumitur specificatio gradualis in intellectibus, scil. ex proprio, & connaturali motiuo, ab alio verò capacitas, quæ se extendit ad omne intelligibile neque adæquari potest à proprio, & connaturali motiuo vnde sumitur illa gradualis differentia.

*Ratio* autem à priori huius est : quia potentia intellectiua fundatur in immaterialitate excludente omnem materiam, & corporeitatem in se ipsa, quia debet esse potentia merè spiritualis, sed hoc ipso quod habet immaterialitatem sic segregatam ab omni materia habet capacitatem ad quodcumque intelligibile, quia modus informandi, & immutandi potentiam intellectiuam ex parte obiecti intelligibilis quantumcunque sit intelligibile perfectissimum non est aliud, quam  
modus

modus spiritualis, & immaterialis, ergo hoc ipso, quod aliqua potentia immaterialis est, est capax cuiuscumque intelligibilis, quia est capax ut spirituali modo actuetur. Igitur exclusio omnis immaterialitatis, quæ constituit potentiam spirituales in se, hoc ipso habet infinitatem quandam respectu omnis intelligibilis, quatenus modus actuandi cuiuscumque obiecti intelligibilis non excedit modum actuandi spirituales; & sic adæquatum, & specificatum obiectum capacitatis intellectuales est omne obiectum spirituali modo informatum, quod est omne intelligibile, & hoc est obiectum terminatum intellectus, licet pro graduali differentia diuersorum intellectuum deseruiant diuersa obiecta motiua, quæ diuersum lumen, & modum intelligendi præbent intellectui, & sic intellectus quantum ad actiuitatem luminis, & virtutis intellectuales diuersificatur secundum diuersas naturas, in quibus fundatur, & secundum quorum modum redditur potentia intellectuales actualior, & perfectior in ratione virtutis operatiales, remanente semper capacitate passiuæ ad omne intelligibile in quocumque intellectu.

*Dices* : Cur non dicemus idem de potentijs sensitiuis, quod quilibet sensus quantuncumque infimus, & externus hoc ipso habet capacitatem, & coaptationem ut à quocumque obiecto sensibili actuetur, eo quod obiectum sensibile quantuncumque perfectum nihil aliud petit quam sensibili modo actuare potentiam, licet quantum ad vim operatiuam quilibet sensus habeat diuersam speciem sensibilis potentiae ab alio, sicut quaecumque potentia intellectuales habet capacitatem ut actuetur à quocumque intelligibili,

ligibili, licet secundum vim operatiuam, & gradualem diuersitatem, vnus intellectus differat ab alio specie.

*Respond.* esse disparem rationem in intellectu, & in sensu in hac parte, quia capacitas in intellectu excedit vim operatiuam connaturalem, & specificationem, quæ sumitur ab obiecto motiuo, in sensu autem capacitas cognoscendi omnino limitatur ad eius connaturalem virtutem operatiuam, & ad obiectum motiuum ab eoque adæquatur tota eius capacitas.

*Ratio* est quia omnis capacitas cognoscendi prouenit ex vna radice, nempe ex immaterialitate, quanto enim aliquid magis segregatum est à materia, magis aptum est fieri alia à se non in ratione ipsa materiali, & entitatiua, sed in formali repræsentatiua. Sed hæc immaterialitas in spirituali natura generice sumpta est completa, & perfecta, quia omni corporeitate caret, vnde hoc ipso proportionem habet, vt actuetur ab omni obiecto carente corporeitate, quale est obiectum actu intelligibile, & immateriali, quia modus actuandi omnium istorum obiectorum in eo conuenit, quod modo spirituali actuent potentiam, & ita capacitas seu proportio receptiua omnium illorum vna, & eadem est; sed virtus operatiua, & lumen quo fertur in obiecta, non potest eiusdem rationis esse in omnibus, quia hoc non fundatur in sola immaterialitate, seu præcisa carentia materiæ, sed in actualitate maiori, vel minori ipsius naturæ spiritualis, quæ tanto maior, vel minor est, quanto magis, vel minus accedit, & assimilatur ipsi actui puro, qui est summa spiritualitas, & inde sumuntur di-

uersæ species in intelligentijs , vt docet D. Thom. cap. 6. de ente , & essentia .

Cæterum potentiæ sensitivæ ex ipso genere sensibili , opposito modo procedunt , quia ex ipsa sensibilitate potius habent esse in materia , & corporeitate , nec ab ea se expediunt . Vnde ex ratione generica sensibili non habent capacitatem determinatam ad omne sensibile , quia potius sensibilitas , & corporeitas ex genere suo impedit tantam capacitatem , & sic cum ex genere suo sensibile non sit segregatum ab omni materia , sed tantum habeat de immaterialitate , quantum de virtute operandi super conditiones materiales , inde fit quod capacitas potentiæ sensitivæ adæquatur ab eius virtute , & ratione motiua , nec ultra potest extendi , & eleuari , quia eleuaretur ultra adæquatam obiectum cognoscendi , si ultra motiuium eleuaretur . Et hæc est ratio cur visus non potest eleuari ad audiendum , quia eius capacitas , & non solum vis operatiua , seu modus operandi limitatur ad visibile , nec aliam immaterialitatem habet ad cognoscendum nisi tantum circa visibile , cum de se potius habeat materialitatem , & corporeitatem ex ipsa ratione sensibilitatis , vnde non induit immaterialitatem absolutè , & simpliciter per carentiam materiæ , sed limitatam pro respectu ad obiectum à quo intentionaliter immutatur iuxta suam proportionem .

*Ex his colligitur* non esse assignandum obiectum analogicum intellectui , neque ex parte virtutis passivæ , neque ex parte virtutis proportionatæ , & connaturaliter operatiuæ . De hoc 2. non est difficultas cum virtus eius operatiua , & hunc sit ynius speciei , vtpotè à na-

tura

ura vnius speciei orta , & sub vnica ratione formali , & motiui tendens ad obiectum . De primò verò scilicet de capacitate dicimus esse vniuocam , & eius obiectum vniuocum , non in ratione entis , & secundum se , sic enim constat complecti omne genus entis , & totam eius amplitudinem , quæ analoga est , sed in modo quo intellectus passiuè est actuabilis , & eleuabilis ad intelligendum , scilicet vt finito modo obiectum intelligibile est , hoc enim constituit genericam rationem intellectus creati , quæ vniuoca est , cum pertineant omnes creaturæ intellectuales ad vnum prædicamentum , & similiter omnes intellectus : solum autem finito , & infinito modo intelligi analogizat in genere intelligibili , quia sola hæc ratio constituit intellectus diuersorum generum , & prædicamentorum , scilicet diuinum , & creatum . Intellectus verò creatus secundum capacitatem respicit omne intelligibile finito modo ; sicut materia prima omnes formas modo substantiali , & idè vniuocè receptibiles , licet aliquas solum supernaturaliter acquirere possit , scilicet quæ iam defierunt esse , & tamen vniuocè eas respicit , quia vniuocè cum illis componit si ponantur .

*Colligitur* secundò : Quodnam obiectum adæquatum sit nostri intellectus , quodnam proportionatum , & specificum connaturale . Adæquatum enim est omne illud intelligibile , quod finito modo attingi potest , siuè per eleuationem , siuè per connaturalem virtutem . Sub qua latitudine non solum includitur omne ens , quatenus attingi potest sub proportionato , & connaturali modo cognoscendi , sed etiam vt eleuari potest ultra talem modum , & partici-

pare modum cognoscendi superioris intellectus etiam ipsius Dei per visionem beatam, quod quidem licet excedat naturales vires, seu operatiuam vim intellectus non tamen excedit capacitatem ipsius intellectus, vt dictum est. Ens etiam rationis sub isto obiecto continetur non tanquam obiectum excedens, & eleuatum sed tanquam formabile, cognoscibile ad instar entis realis, & induendo modo illius.

*Obiectum* autem proportionatum nostri intellectus pro hoc statu vnionis ad corpus est quidditas rei sensibilis, & quidquid per connotationem ad illam cognoscibile est, vt dicit D. Thom. prima parte, q. 84. art. 6. Et nomine quidditatis non solam substantiam prædicamentalem intelligimus, sed quidquid per modum naturæ alicuius, & essentiæ concipi potest, etiam accidentia, & modi, immò, & singularitas ipsa ad instar essentiæ alicuius accipi potest. Pro statu vero separationis obiectum illius proportionatum est quidditas spiritualis propriæ substantiæ, de quo videri potest D. Thom. p. par. q. 89. art. 1. 2. vbi hoc ipsum affirmat. Et constat manifestè, quia anima pro hoc statu non potest immediatè res spirituales attingere, eo quod ab obiectis sensibilis accipit cognitionem suam, nec alio modo intelligit, quam ex sensibilibus, & conuertendo se ad phantasmata, vt experientia ipsa testatur, & ipsa natura animæ postulat quæ cum sit infima in toto ordine intelligibili maximè conformatur intelligibili infimo, & imperfecto quale est intelligibile in potentia. Hoc autem debet esse aliqua quidditas non spiritualis, & immaterialis in actu, sed immaterialis in potentia, & per  
abstra-

abstractionem facta intelligibilis in actu, & ita vocatur quidditas rei sensibilis, ex eo enim quod ad modum quidditatis, & substantiæ accipitur modo intelligibili res illa concipitur, & va abstrahens à conditionibus materialibus, v.g. à loco, & tempore alijsque sensibilibus à quibus abstrahunt res spirituales, tale enim intelligibile connaturaliter debet inesse alicui intellectui, & non alteri quam nostro, qui coniungitur sensibus, vt ab ipsis sensibilibus possit cognitionem suam haurire per modum quidditatis ea intelligendo, & abstractè.

*Quod verò* obiectum proportionatum animæ separatae sit quidditas spiritualis praesertim ipsiusmet animæ constat: quia tunc caret conuersione ad corpus, neque intelligit accipiendo species à sensibilibus, sed accipiendo infusas à Deo, & per conuersionem ad substantias separatas, & sic pro illo statu habet vim operatiuam altioris luminis, & perfectioris rationis formalis, scilicet sub ratione totaliter separata à corpore etiam quo ad connotationem.

**SOLVUNTUR ARGUMENTA.**

**P**rimò arguitur. Potentia passiva seu capacitas nostri intellectus distinctum obiectū, & amplitudinem habet, quam eius virtus operatiua seu connaturale lumen, ergo, & distinctam specificationem, siquidem hæc sumitur ab obiecto; hoc autem inconueniens est, quod vna, & eadem potentia plures habeat specificationes.

*Confirmat.* quia adhuc currit eadem difficultas propter quam distinguimus capacitatem in-

Intellectus à vi operatiua, nam ad videndum Deum non solum eleuatur potentia passiuā, sed etiam virtus operatiua, & actiua intellectus, nec sola ratio generica intellectus, sed etiam ratio specifica, homo enim in quantum homo glorificatur, virtus enim actiua, specifica eius influit in visionem Dei vitaliter ergo eleuatio datur ultra specificatum proprium, & sic non est necesse illam capacitatem passiuā distinguere.

*Confirmatur secundò*, quia vel illa capacitas passiuā est potentia merè naturalis, vel obediēcialis. Si dicatur primum, non potest extendi nisi ad obiectum naturale, non ad supernaturale, ad hoc enim non seruit nisi potentia obediēcialis. Si dicatur secundum, petimus principium, & non explicamus difficultatem, inquirimus enim rationem, quare potest eleuari obediēcialiter intellectus ad videndum Deū, non autem visus ad audiendum, & reddimus rationem, quia Deus non est extra capacitatem obediēcialē intellectus, cum hoc ipsum sit quod inquirimus, quare obediēcialiter est capax, si intra eius specificatum naturale non continetur?

*Respondetur*, distinguendo antecedens, habet distinctum obiectum quasi genericè, & includendo sub sua vniuersalitate specificatum, concedo, habet distinctum quasi specificè, & constituens diuersam specificationem aëgo. Et sic non est distincta specificatio in vnica potentia, sed capacitas amplior ex ratione generica seu comuni intellectus, quam ex specifica vt explicatum est. Et sicut corpus ratione materiæ quæ est capax plurium formarum, est etiam capax plurium accidentium communium,



niam, quæ ab ipsa non dimanant, & ita est amplior potentia passiuæ corporis, quàm actiuæ, nec propterea plures specificationes habet, ita suo modo in genere intelligibili plura potest intellectus passiuè, quàm actiuè. Et hæc potentia passiuæ etiã est in Angelo, quia licet non habeat intellectum passibilem sicut in nobis, idest quod sit pura potentia sine vlla specie, aut quod sit in potentia respectu intellectus agentis, habet tamen ita amplam capacitatem passiuam, sicut noster intellectus. Quando autem eleuatur intellectus noster supernaturaliter, non accipit nouam specificationem, vel speciem ex illa eleuatione, quia essentialis species semper est natia, sed accipit accidentalem participationem superioris specificationis, idest diuini ordinis, qui essentialiter conuenit Deo.

*Ad primam confirmat. respondet.* eleuari potentiam intellectus operatiuam, ipsamque beatificari, & influere in visionem vitaliter vitalitate eleuata, sed tota ista eleuabilitas conuenit actiuitati illi vt capacitatem habet passiuam, non enim capacitas illa aliquid distinctum est à vi operatiua intellectus, sed ipsa vis operatiua capacitatem habet ratione suæ genericæ rationis, vt spiritualis est, & carens omni corporeitate, ad hoc vt eleuetur ad operandum ultra suam connaturalem vim specificatiuam. Et beatificatur homo in quantum homo, & secundum specificam rationem sui intellectus, vt tamen eleuatam ad altioremodum, quam suus specificus modus intelligendi, nam si in illo solo maneret, non beatificaretur, sed ille specificatiuè sumptus beatificatur, vt tamen eleuabilis est supra se ratione capacitatis passiuæ ad omne in-

intelligibile quæ ipsi communis, & generica est pro omni intellectu. Aliud est ergo quod eleuatur, aliud ratione cuius eleuabilis est.

*Ad secundam confirmat. respondet.* illam capacitatem potentiæ intellectiuae esse entitatiuè naturalem, respectiue autem seu terminatiue respicere, tum agens con naturale, tum supernaturale, & respectu huius obedientialis est. Cum verò instatur, quia in hoc petimus principium, negatur; nos enim non reddimus rationem cur hoc vel illud obiectum contineatur intra latitudinem huius intellectus, quia est capax illius obedientialiter, sed dicimus capacitatem intellectus extendi ad omne intelligibile finito modo, quia spiritualis potentia est, & ex hoc sequi, quod potentiam obedientialem habeat ut sit eleuabilis ad quodcūque intelligibile, etiam ad Deum clarè visum. Nec est difficile quod tantæ capacitatis potentia emanet à determinata animæ natura, nam substantia ipsa animæ ex eo quod spiritualis est, tantæ capacitatis est radicaliter, quantæ intellectus ipse formaliter.

*Secundò arguitur*, non minus differt intellectus noster ab intellectu Angeli, vel Dei, quam visus ab auditu, sed visus non potest eleuari ad audiendum etiam per participationem, & per eleuationem accidentalem, ergo neque intellectus noster ad intelligendum modo Angelico vel modo diuino, etiam participatiue. Quod verò ex generica ratione intellectus respiciat omne intelligibile, non obstat, nam etiam visus ex generica ratione respicit sensibile in communi, & sic poterit eleuari participatiue ad omne sensibile in particulari. Quare exemplum que vulgo affertur de oculo noctuæ, qui potest eleuari

elevati ad videndum solem sicut aquila, non tenet, quia oculus noctuæ, & aquilæ sunt eiusdem speciei, licet vnus perfectior alio, vnde eleuatio ad illum non est extractio à proprio specificatiuo. Intellectus autem noster, & Angeli specie differunt, & multò magis intellectus noster, & intellectus Dei, vnde eleuatio ad illum est ad aliquid extra specificatiuum suum. Dicere autem quod intellectus noster, & Angeli non differunt specie, falsum est, cum naturæ ipsæ diuersæ sint specie, & consequenter immaterialitates. Nec valet dicere quod intellectus habet potentiam passiuam seu capacitatem infinitam, sensus autem restrictam, & limitatam. Contra enim est, quia intellectus etiam finitam capacitatem habet, tum quia finitus est, & finitæ immaterialitatis, nec potest infinito modo intelligere, tum quia alias non satiaretur videndo Deum finito modo, quia alij modi restarent videndi Deum in infinitum. quorum est capax, & illos desiderare potest.

*Respondetur*, intellectum hominis, & Angelii simpliciter specie differre sicut, & eorum naturæ, quia specificatio sumitur in ipsa actiuitate, & virtute operatiua, quæ in illis diuersæ speciei est. At verò capacitas passiuæ quæ sumitur ex ratione communi, & generica spiritalis potentia excedit specificationem virtutis operatiuæ in speciali, & est susceptiua cuiuscunque intelligibilis, vt dictum est. Ceterum sensus, nec ratione particularis specificationis, nec ratione generice capacitatis est capax vt eleuetur ultra suam specificam vim operandi, quia hæc capacitati suæ adæquatur, eo quod generica ratio sensibilitatis non habet de

se immaterialitatem determinatam sed potius materialitatem, incipit autem elevari super materiam ex ipsa determinata virtute operandi supra conditiones materiales, & cognoscendi determinatè, unde concidit in illis virtus operativa, & capacitas immaterialitatis suæ. Spiritualis vero potentia ex ipsa communi ratione caret determinatè omni corporeitate, & est immaterialis perfectè, capaxque omnis intelligibilis, ut explicatum est. Quare nec vimur illo exemplo oculi nocturnæ, & aquilæ per omnia, nec negamus differre specie intellectum nostrum, & Angelicū, licet aliqui dicant differre hos intellectus a ratione proprietatis, ad naturas, non in ratione potentia, & respectu ad objecta.

*Quod si intelligatur de his intellectibus quoad capacitatem passivam verum est, quia idem obiectum terminativum habent, sed hoc pertinet ad rationem communem, & genericam omnis intellectus. Si verò intelligatur quod specificam rationem operativæ virtutis, & gradualis differentia, non potest esse verum, quia idem est esse proprietatem, & esse potentiam, est enim proprietas ut qualitas, & est de genere potentia ut qualitas, est. Itaque ratio generica in intellectibus est determinatæ capacitatis, quia spiritualitatem determinatam habet, & est indeterminatæ actiuitatis, & solum in genere, & in confuso illam dicit, determinatur autem ad hanc, & illam actiuam virtutem per specificationes suas.*

*Ad ultimam* replicam de infinitate intellectus, dicitur quod intellectus habet capacitatem finitam categorematicè, infinitam tamen fincategorematicè, & secundum quid tū quia in  
infi-

infinitum potest cognoscere secundum magis ;  
tūm quia infinita accidentia potest attingere si-  
mul, vt anima Christi infinitas cogitationes ;  
tūm quia rem infinitam potest attingere, sci-  
licet Deum licet finito modo . Et quod additur  
de satietate visionis beatæ, Respondetur, illam  
& si minimam, perfectè satiare, quia etsi non  
omni modo attingatur Deus ex parte cognoscentis  
ex parte tamen rei cognitæ attingitur omne  
bonum, & attingit rem infinitam continentem  
in se omnes illos modos infinitos quibus potest  
atingi, & sic licet illos non habeat formaliter,  
& ex parte cognoscentis, habet tamen obiecti-  
uè, & ex parte rei visæ, sicque in illo possidet  
omne bonum, quod sufficit ad satietatem sim-  
pliciter voluntatis .

*Tertio arguitur*, potentia passiuæ intellecti-  
uæ debet habere aliquod specificatiuum, cum ipsa  
sit alicuius speciei, ergo tale specificatiuum de-  
bet esse ei proportionatum siquidem potentia, à  
quo accipit speciem, debet proportionari illi ;  
ergo in illo non potest includi intelligibile su-  
pernaturale, siquidem hoc semper est excedens,  
& nunquam proportionatum specificatiuè, &  
intrinsecè, sed tantum obedientialiter, & sic si  
eueatur illa potentia, vltra specificationem  
suam eueatur . Quod si dicatur potentiam il-  
lam passiuam respicere pro specificatiuo sui in-  
telligibile connaturale tantum . Contra est,  
quia si ita est solum illud habebit pro specifi-  
catiuo, & sic si eueatur vltra, eueatur supra spe-  
cificatiuum suæ capacitatis, quod est manere in  
eadem difficultate .

*Confirm.* quia ens naturale, & supernaturale  
sunt diuersi ordinis, & exigunt principia intel-

lectiua diuersi ordinis vnum exigit lumen naturale, aliud supernaturale, ergo non possunt specificare potentiam vnius tantum ordinis & speciei, qualis est potentia intellectiua, praesentim, quia res supernaturalis non potest prius esse in sensu, quam in intellectu ergo non potest ad obiectum nostri intellectus pertinere, quia obiectum intellectus prius debet esse in sensu, quam in intellectu, cum ab illo accipiat.

*Respondetur*, capacitatem illam intellectus secundum se, & secundum communem, & quasi genericam rationem, non habere obiectum specificatum, seu motiuium connaturale, sed terminatum complectens genericè omnigenus intelligibile finito modo actiuis, & sic non indiget obiecto proportionato suae naturae, & specificationi positivae, sed non repugnante suae capacitati, nam ista capacitas non est positiva proportio respectu omnium obiectorum, sed positiva respectu connaturalis actiui seu motiui, negatiua autem seu non repugnans respectu supernaturalis, & sic non constituitur aliquod specificatum ex naturali, & supernaturali, quia reuera illa capacitas non specificatur, sed generica, & communis est omni intellectui, siquidem non pertinet ad speciem determinatam illa capacitas, sed ad genus intellectuale, sufficitque habere vnum obiectum adaequatum terminatum genericum, quod conuenit in vna ratione communissima, scilicet intelligibili finito modo actiuis, siue supernaturaliter, & per eleuationem actus, siue connaturaliter, & proportionatè; nec requiritur ad vtrumque positiva capacitas, sed  
suffi-

sufficit non repugnantia ad vnum, & positiua potentia ad aliud, specificatur autem, & positiuè contrahitur, & constituitur illa capacitas ab obiecto motiuo proportionato sibi; sed hoc non est secundum amplitudinem totius capacitatis, sed secundum propriam virtutem, & lumen, & secundum gradum suum.

*Ad primam confirm. respondetur* quod naturale, & supernaturale, licet sint diuersi ordinis, possunt tamen conuenire in aliqua ratione obiectiua communi (nam etiam qualitates supernaturales prædicamento, & genere conueniunt cum naturalibus) quæ sit terminatiua adæquatè vnius potentiæ, conueniunt enim ratione intelligibilis finito modo, & in hac ratione non solum res creatæ supernaturales, sed ipse etiam Deus conuenit cum reliquis obiectis in vna ratione intelligibili in communi, & in confuso, secundum quam potentia intellectiua est capax omnis intelligibilis finito modo, non autem existimandum est quod supernaturale seorsum, & secundum rationem particularem respicitur à potentia intellectiua, sed vt conuenit in aliquo communi cum naturali, nec enim habet proprias vires potentia intellectiua ad attingendum supernaturale secundum se, & seorsum a naturali, seu est eleuabilis ad illud. Quod verò supernaturale non cognoscatur prius in sensu, non obstat, quia non est connaturale obiectum, quod est quidditas sensibilis, sed eleuatum, & supernaturale, ideoque non est necesse prius attingi in se à sensu, attingi enim à sensu pertinet ad obiectum connaturale nostri intellectus, non ad omne.

## ARTICVLVS IV.

*Primum singulare materiale pro hoc statu sit directè cognoscibile ab intellectu.*

**I**N hac difficultate concertatio est inter Scholam D. Thom. & Scoti, & quælibet suos habet fautores. Scotus ergo in 4. distinct. 45. q. 3. sentit dari in nostro intellectu speciem rei singularis materialis directè, & propriè repræsentantem illam. Quia verò Scot. ponit, primum quod noster intellectus cognoscit non esse singulare, sed speciem specialissimam ut patet in primo distinct. tertia q. 3. & nos tractauimus in q. 1. Physic. non videtur ponere has species repræsentatiuas singularium esse omnino primas quas format intellectus agens, alias non repræsentaretur primum species specialissima, sed res singularis, Scotum sequuntur plures ex antiquis, ex modernis autem P. Suarez, lib. 4. de anima cap. 5. & disput. 6. metaph. lect. 6. Rub. Valentia, & alij quos citant Carmelitani. disp. 18. q. 6.

*Oppositam* sententiam tenet S. Thom. prima parte q. 86. art. 1. & q. 85. art. 1. ad tertium, Cai tan. ibi, Ferrar. secundo contragentes cap. 100. Capreol. in 1. distin. 35. q. 2. in solut. ad argumenta contra 4. concl. Fons. 1. inmet. cap. 2. lect. 5. q. 3. & probabiliorē reputant Conimbr. 3: de an. cap. 5. q. 4. art. 3. & communiter Thomistæ.

*Pro resolutione* huius aduerte tria. Primum non posse loqui vel de specie impressa, vel de expressa seu conceptu. Et de ipsa impressa, vel quæ sit beneficio intellectus agentis aut equam intel-



## Articulus IV. III

intellectus intelligat , vel quæformatur ab ipso intellectu cognoscente ex præconceptis speciebus . Nam maior difficultas est de specie impressa an directè repræsentet singulare , quam de cōceptu , & magis de specie primò abstracta , quàm de formata ex alijs præconceptis speciebus .

*Secundò* aduerte , quod singulare potest dupliciter cognosci . Primò in actu signato , & ut quidditas quædam est , nam etiam modus ille singularitatis suam habet naturam , & quidditatem , & sic potest cognosci ab intellectu , sicut una ex alijs quidditatibus . Alio modo potest cognosci in actu exercito , scilicet prout rem ipsam singularizat , & sub conditionibus singularibus , & materialibus modificat . Et sic inquirimus an directè attingatur ab intellectu , sicut videmus attingi à sensu . Et differentia est inter istas duas cognitiones , quia in prima attingitur indiuiduatio ut forma quædam secundum se , in secunda attingitur id quod participat eius effectum formalem , ut subest illi .

*Tertio* aduerte aliud esse cognoscere rem aliquam directè , aliud propriè , vel distinctè . Cognoscere propriè seu distinctè contraponitur huic quod est attingere rem solum in confuso , & in communi , vel secundum aliquid extraneum , & quod sibi proprium non est proprium enim opponitur communi , vel extraneo , & distinctum opponitur confuso . At verò directè cognoscere contraponitur ei quod est reuerti seu regredi supra principia ipsa cognitionis , siuè sint principia elicentia ut potentia , habitus species , & ipsa anima , siuè sint ministrantia , sicut sensus ministrant intellectui , & sunt distinctæ potentiæ ab objectis ipsis , nam si ipsamet obiecta sunt

sta sunt quæ præbent species, uon redditur indirecta seu reflexa cognitio ex eo quod tendatur in illa, sicut in sensibus externis directa cognitio est in obiecta, licet ab illis species. ministrantur sensibus. Undè constat non esse idem obiectum directæ cognitionis, & obiectum immediatè attractum: nam etiam secundarium, & mediatum obiectum directè attingi potest, & sine reflexione si ex parte principij elicientis non se teneat.

*Dico primò*, species impressa intelligibilis quæ pro hoc statu abstrahitur à sensibus non potest representare singulare directè sub exercitio, & modificatione singularitatis, benè tamen ipsam singularitatem potest attingere per modum quidditatis. Hac conclusio est expressa *Diu. Thom.* qui non negat posse intellectum cognoscere singularia quæ cognoscit sensus, sed non eo modo quo sensus, scilicet secundum dispositiones materiales, & accidentia exteriora, sed penetrando ad intimam naturam, ut dicit q. 10. de veritat. art. 5. ad quintum. Ut autem naturam ipsam intelligat, debet relinquere, quod modificationis materialis, & exercitij singularitatis est, vel ut ipsammet singularitatem intelligat, debet per modum quidditatis eam accipere, & non sub modificatione, & exercitio materiali, sed tale exercitium non nisi reflexè, & connotatiuè potest intelligere ab aliquo conceptu quidditatis reuertendo ad exercitium ipsum singularitatis quod relinquit in sensibus. Docet ergo *S. Thom.* hanc conclusionem prima parte, quæst. 86. artic. 1. & in 3. de anima lect. 8. & quæst. de anima art. 20. & quodli. art. 11. & 12. & alibi sæpe nec oportet  
verba

verba adducere , quia clarissima sunt . .

Sumitur autem ex Aristot. eadem conclusum in 1. Physicorum text. 46. vbi inquit : *Quod vniuersale est notum secundum rationem , singulare secundum sensum .* Et in 3. de anima text. 10. vbi dicit : *Quod anima sensitiua parte discernit calidum , & frigidum , quarum quaedam est ratio caro , alia verò esse carnis discernit , aut separabili , aut sese habente ad se ipsam , perinde ac sese habet cum extensa fuerit linea flexa .* Ita so habent Aristot. verba , ex quibus D. Thom. alijque interpretes sumpserunt hanc locutionem , quod intellectus qui vocatur à Philosopho *pars anima separabilis* , cognoscit esse carnis cum se habet quasi linea extensa , rationes verò indiuiduales in carne , vt frigidum , vel calidum attingit parte sensitiua , seu per sensus , & quasi per lineam flexam ab intellectu . Resp. Suarez lib. 4. de anim. cit. nu. 9. mentem Arist. solum esse , quod idem sit intellectus qui cognoscit vniuersale , & qui singulare , sicut eadem est linea extensa , & reflexa . Et quandocumque Aristot. dicit quod sensus est singularium , intellectus verò vniuersalium , sensus est quod sensus est solum singularium , intellectus . . . vò vniuersalium , & singularium . Sed hæc responsio non euacuat vim testimonij Aristot. nam neque ipse , neque nos negamus intellectum nostrum cognoscere vniuersale , & singulare , sed non eodem modo vtrumque , neque eodem modo sensum , & intellectum , & de hoc diuerso modo est tota quæstio quid sit . Vnde responsio Suarez non est ad punctum difficultatis , sed ad id quod supponit difficultas . Itaque cum Aristot. ponat diuersum mo. n  
in c.

in cognoscendo vniuersale, vel singulare in intellectu, quod etiam ipse Suarez fatetur dicens, quod sicut eadem linea curua est, & recta habens se tantummodo diuersimodè, ita, & intellectus duo illa cognoscens; restat explicare hunc diuersum modum, quo intellectus cognoscit singulare, & vniuersale, & qua ratione dicatur intellectus in cognoscendo singulare, se habere sicut lineam flexam vt statim probabitur: non autem explicat P. Suarez in quo illa reflexio, & ille diuersus modus consistat.

*Fundamentum* huius conclusionis sumitur ex propria, & formali ratione, & modo quo procedit intellectus in cognoscendo, ab eo quo procedit sensus. Etenim tunc aliquod obiectum incipit pertinere ad intellectum, & sub ea ratione attingitur propriè, & directè, sub qua incipit esse intelligibile, & discerni à sensibili; constatenim quod sicut intellectus, & sensus sunt potentiae valdè diuersae, ita in suis obiectis intelligibile, & sensibile differre debent, & ratio intelligibilis necessariò est, quæ directè attingitur ab intellectu; sed res sensibiles redduntur intelligibiles per hoc quod tale obiectum remouetur à materialibus conditionibus, quæ ipsum singularizant, & solum per modum quidditatis attingitur, ita quod quidditas, seu substantia rei, est proprium, & per se obiectum intellectus, ergo non potest intellectus directè feri ad hæc obiecta prout modificata illis materialibus conditionibus, quæ singularizant, sed prout ab illis abstrahit, ergo directè non potest attingere singularia sub exercitio singularitatis, & materialium conditionum; sed sub ratione quidditatis. Maior est certa; & minor probatur,

## *Articulus IV. 115*

tur, quia res sensibiles vt subsunt conditionibus materialibus, quibus singularizantur possunt attingi à sensu, id enim constat experientia ipsa, quia sensibus cognoscimus res sicut in se existunt ad extra, & ibi existunt cum conditionibus materialibus vt singularizata ab illis; ergo quandiu sub illis conditionibus sunt, nondum intelliguntur, vt pertinentia formaliter ad intellectum, & vt obiecta actu intelligibilia, secundum id in quo primo discernitur intelligibile à sensibili, siquidem sub illo statu, & conditionibus, adhuc attingi possunt à sensu, ergo ibi nondum relucet id quod est proprium intellectus, sed ad summum id quod est commune sensui, & intellectui etiam in opposita sententia, quæ dicit vniuersale propriè cognosci ab intellectu, singulare autem, & ab intellectu, & à sensu; sed intellectus quæcunque obiecta intelligit, sub propria ratione intelligit, non sub ratione communi sibi, & sensui, siquidem quidquid attingit est intelligibile, vt intelligibile autem discernitur à sensibili, & non dicit rationem illi communem, ergo sub hac ratione intellectus directè rem attingit; sed vt probatum est quandiu res intelligitur sub conditionibus materialibus, & exercitio singularitatis, intelligitur vt sensibilis, & sub ea ratione quæ à sensibus potest attingi, & de facto attingitur, vt autem per modum quidditatis attingitur, redditur intelligibilis, & immaterialis ex ipso modo quo accipitur, scilicet sine materialibus conditionibus locis, & temporis, &c. ergo ratio quidditatis, & non modificatio singularitatis est proprium obiectum intellectus, quidquid autem cognoscit aliqua potentia, sub ratione

## 116 *Quaestio X.*

tionem proprii obiecti attingit, & non aliter. Alias excederet modum proprium, & essentialem operandi. Quare solum poterit intelligi singulare ab intellectu prout ad modum quidditatis accipitur, non ut subest exercitio singularitatis, & sub eius modificatione, sub hac enim ad modum sensibilem reducitur ipsa quidditas.

*Dices primò* singulare etiam reddit intelligibile, non quatenus spiritali modo repræsentatur idest per speciem entitatiuè spiritualement, & modo spiritali, quod non fit in sensu, licet ex parte rei repræsentata, obiectum materiale sit 2. Quidditas rei non videtur proprium: ac formale obiectum intellectus, tum quia non semper intelligimus quidditates rerum, sed raro, & difficulter; tum quia qui interiora penetrat, etiam exteriora attingit, & ita intellectus attingens essentiam, etiam passionem, & accidentia eius attingit, ergo non solum sub ratione singularitatis, & exterioritatis potest intellectus res cognoscere: tum denique quia etiam intellectus Angeli respicit interiora rei, & quidditatem, & tamen directè attingere potest indiuidua, ut S. Tho. docet 1. par. q. 57. art. 2. ergo hoc non debet obstare ut intellectus noster etiam directè attingat singularia, licet in quidditatem feratur.

*Ad primam Respond.* quod valde materialiter, & per accidens respicitur specificatum proprium intellectus, & discretio eius à sensu, si solum ponitur differentia in ipsa entitate speciei, non in obiecto repræsentato, & modo repræsentandi eius. Nam obiectum repræsentatum est, quod specificat, & discernit, non entitas

## Articulus IV. 117

titas speciei. Vel ergo obiectum sub eiusdem conditionibus, & materialitate manet, sub quibus erat obiectum sensuum, vel non. Si non manet, ergo relinquit illas, ergo non fertur directè in illas intellectus, siquidem abstrahit ab illis, & relinquit illas, & sic habemus intentum, quod singularitas non directè ab intellecta attingitur, sed relinquitur. Si verò obiectum manet sub eisdem conditionibus, & materialitate, parum refert quod entitas speciei ei repræsentantis sit spiritualis, siquidem entitas non specificat, sed obiectum, hoc autem manet omnino idem sicut in sensu, ergo, & specificatio, & sic non respicitur ut intelligibile in esse obiecti, nec manet proportionatū in esse obiecti, ipsi potētia, ergo nō attingitur ab ea.

*Ad Secundam Respons.* aliud esse intelligere quidditatem rei, aliud ad modum quidditatis. Intellectus non semper intelligit quidditatem rei, quia non semper penetrat rem ut est in se; semper tamen ad modum quidditatis intelligit, quia ex modo suo conatur interiora penetrare de qualibet re, siue accidens sit, siue substantia. Et ideo quidditas dicitur à Philosoph. propriū obiectum intellectus 3. de anima tex. 26. & ibi à D. Thom. lect. 11. Et 2. 2. quæst. 8. artic. 1. *Dicitur*, inquit, *intelligere quasi intus legere*: & hoc manifestè patet considerantibus differentiam intellectus, & sensus nam, cognitio sensitiva occupatur circa qualitates sensibiles exteriores, cognitio autem intellectiva penetrat usque ad essentiam rei, obiectum autem intellectus est quod quid ut dicitur 3. de anima. Quare licet intellectus de facto non semper penetret usque ad quidditatem rei, modus tamen cognoscendi de se debet esse

gisse tendens ad quidditatem, quod non posset esse si representatio ipsa speciei directè esset ad obiectum sub modificatione materiali, & singularitatis conditionibus, quæ exterius occupant, & ad interiora non intratur, nisi his remotis, quia quidditas communis est de se, & ideo sine conditionibus singularitatis accipitur.

*Et ad secundam probat.* dicitur, quod qui cognoscit interiora, etiam exteriora attingit, sub modo tamen interiorum, & ut ad illa pertinet, & ordinatur. Vnde intellectus, vel intelligit singularitatem in actu signato, & per modum quidditatis, & tunc directè cognoscit illam, vel si exercitio attingit, oportet quod fiat conuersio eius ad sensus, in quibus sub hoc exercitio representatur, & à quibus abstrahit obiectum intelligibile. Et ita ut diximus quæst. 1. Physic. intellectus etiam quando intelligit rem quoad an est, non abstrahit ab ipso quid est, sed in ipsa quidditate attingit prædicatum communissimum, scilicet rationem entis ut sic, & ordinem ad esse.

*Ad tertiam probat.* dicitur, quod Angelus intelligit quidditates multo intimius, quam nos, non abstrahendo à singularibus, & discurrendo, sed comprehendendo, & secundum influxum à superiori causa à qua emanant, scilicet à Deo. Vnde quia incipiunt à substantia, & ab interiori radice, possunt directè procedendo usque ad indiuiduationem peruenire, quæ ibi fundatur, & radicatur, & procedit à Deo, sicut ipsa natura, & quidditas; Angelo autem representantur res, prout à Deo originantur in hoc vniuerso, & secundum quod habent connexionem in vniuerso. Nos autem non attingimus sub-

stantiæ



stantiam, & quidditatem rei incipiendo ab ipsa ; sed ascendendo à singularitate , & relinquendo conditiones eius , quia à sensibilibus accipimus, relinquendo quod sensibilitatis proprium est , quia est solum in potentia intelligibile non in actu . Vnde non attingitur singularitas , nisi vt ex parte termini à quo , atque adeo per reflexionem , & connotationem ad sensus , in quibus directè repræsentantur singularia .

*Dico secundò* Conceptus formati ab intellectu de re singulari sub illa reflexione , & connotatione ad phantasmata ad quæ fit conuersio, non repræsentant directè singulare, licèt possint esse proprii, & distincti conceptus rei singularis .

*Prima pars* conclus. deducitur ex D. Thom. 1. par. quæst. 86. artic. 1. ad 2. vbi inquit : *Quod singulare non impeditur intelligi , quia singulare, sed quia materiale , quia nihil intelligitur nisi immaterialiter .* Et solut. ad 3. *quod singulare, quod sensus intelligit concretè , intellectus intelligit abstractè , & immaterialiter , quod est cognoscere in uniuersali .* Ex quo fit argumentum . Ratio quæ obstat repræsentationi directæ rei singularis, est materialitas , sed conceptus non est minus immaterialis, immò multo magis , quam species impressa, cum repræsentet obiectum intellectui in actu , & consequenter minus potentialitatis habet in ratione intelligibili , ergo oportet quod repræsentatio ipsa conceptus, immaterialis sit , ergo non repræsentat directè singulare aliàs negandum esset , quod ratio non cognoscendi singulare directè non sit eius immaterialitas , sed singularitas ipsa , quod negat S. Thom. Et certè si semel ponitur quod immaterialitas conceptus non repugnat directæ repræsentationi.

præsentationi rei singularis, non video quomodo colligi possit ex immaterialitate intellectus, & speciei impressæ, quod non possit directè cognosci, aut repræsentari singulare. Ad hæc ut intellectus noster cognoscat per reflexionem singularia, oportet quod conuertatur supra phantasmata, & illa conuersione utatur ad cognoscendum singulare, sed hæc conuersio fit per ipsum conceptum non per speciem impressam, quia fit per cognitionem, quæ ipso conceptu terminatur, ergo maximè conceptus est qui reflexione cognoscit singularia, & attingit illa, immodò si conceptu non fieret reflexio, & indirecta repræsentatio, non verificaretur, quod intellectus cognosceret singulare indirectè, seu reflexè.

*Dices* conceptus reflexus supponit directum ergo reflexa repræsentatio singularis in conceptu supponit aliquem directum conceptum supra quem cadat, sed potest aliquis formare primum conceptum ex singularibus, ut si quando primo excitatur, attendat ad aliquod singulare, ergo tunc non habet conceptum reflexum, siquidem non supponit alium priorem. Quod si dicatur supponere phantasma supra quo cadat; **Contra** est quia tunc non habet intellectus speciem repræsentantem ipsam phantasiam, aut phantasma ut reuertatur supra ipsum, & frequenter experimur nos concipere, & formare propositiones de singularibus, nulla habita recordatione phantasmatis, vel phantasie, sed obiecti tantum, quomodo ergo tunc formatur conceptus reflexus de singulari in phantasmate?

*Respond.* reuera reflexionem fieri super phantasma ipsum, quia ibi, & non alio conceptu  
priori

priori ipsius intellectus, repræsentatur singulare: & dicitur reflexio, quia non licet non super actum ipsum, vel potentiam elicientem, est tamen super actum, vel potentiam originantem cognitionem intellectus.

*Et ad replicam Respondetur*, non requiri speciem repræsentantem ipsum phantasma vel phantasiam seorsum ab obiecto, nec quod cognoscatur in actu signato quid sit phantasma, vel phantasia, sed sufficit dari speciem repræsentantem obiectum, ut abstractum à phantasmate, & consequenter connotantem illud in obliquo, sicut etiam cum reuertitur intellectus super actum suum, non habet propriam speciem actus seorsum ab obiecto, sed repræsentando obiectum tanquam cognitum, seu terminans cognitionem, reuertitur ad considerandam cognitionem ipsam. Vnde ratione talis connotationis, conuertitur intellectus ad phantasmata, in quibus singularia ipsa repræsentantur, quæ reflexio sufficit ad cognoscendum singulare, ut mox dicemus, licet aliquando etiam perfectiori reflexione utatur intellectus, scilicet reuertendo super actum suum, & ex actu ad phantasma, non tamen semper id requiritur, ut mox dicemus. Non ergo semper experimur ipsa phantasmata, & phantasiam secundum se, semper tamen experimur conuersionem ad obiecta phantasmatum, scilicet ad singularia secundum condiciones repræsentatas in phantasmate.

*Secunda pars conclusionis* quod conceptus ille sit proprius, & distinctus singularium, non videtur admitti ab aliquibus antiquioribus Thomistis, qui solum admittebant conceptum confusum rei singularis, ut Caiet. 1. par. c.

86 artic. 1. & Capr in 1. distin. 35. quæst. 2. solut. ad argum. cont. 4. conclus. Alii verò oppositum tenent vt Ferriar. 1. cont. Gent. cap. 65. circa 8. rationem ad 3. dub. & Bannez 1. p. quæst. 86. artic. 1. dub. 2.

*Ratio* sumitur ex Diu. Thoma, quia intellectus cognoscit singularia vt sunt extrema propositionum quas format, & secundum quod vnum singulare discernitur ab alio, format enim hanc propositionem Petrus est homo, Petrus non est Paulus, Ioannes non fuit Christus, & similia; extrema autem illa si non cognoscuntur determinatè, sed in confuso pro aliquo homine, non certificabitur intellectus de illa veritate determinatè, nec poterit discernere vnum indiuiduum ab alio, nec enim discernuntur per rationem confusam, siquidem in illa conueniunt. At D. Thom. simpliciter concedit quod cognoscit intellectus per reflexionem extrema illa propositionum de termino singulari, vt patet pr. par. quæst. 86. art. 1. & quæst. 10. de verit. art. 5. ad 3. & in 4. dist. 50. quæst. 1. art. 3. ad 3. & alijs locis, ergo concedit determinatam, & propriam distinctionem conceptus, siquidem terminus, qui in illa propositione ponitur, & cognoscitur est determinatè singularis, & ponitur ibi, vt discernitur determinatè ab alio indiuiduo, quod fieri non potest per conceptum communem, vt cum dicitur Socrates non est Plato. Denique ad proprium conceptum indiuiduorum sufficit cognoscere eorum distinctionem, & comparationem inter se, & cum vniuersali, intellectus autem comparat vniuersale ad singulare, & singularia comparat inter se attingendo eorum distinctionem.

Distinctionem, & per ordinem ad vniuersale faci-  
ciendo inductionem ex indiuiduis ad ipsum vni-  
uersale, ergo non est cur negemus intellectui  
proprium, & distinctum conceptum singularem,  
& non solum confusum, licet vtendo reflexio-  
ne, & consequenter phantasmate in ordine ad  
quod fit reflexio.

*Dices* si conceptus rei singularis est proprius,  
& tam n reflexus, ergo oportet quod quia re-  
flexus, est directe non repræsentet singulare,  
sed vniuersale, & consequenter conceptus sin-  
gularis erit conceptus communis, & vterius  
oportet quod omnis conceptus rei vniuersalis,  
proprie repræsentet rem singularem, quia in  
omni conceptu vniuersalis dari debet conuersio  
ad phantasmata, quæ sunt singularia determi-  
nata, ergo si hæc reflexio sufficit ad conceptum  
proprium rei singularis, omnis conceptus quæ-  
cumque abstractus rei vniuersalis, erit pro-  
prius rei singularis hoc ipso, quod conuertitur  
ad phantasmata.

*Respondetur* conceptum rei singularis, vel  
communis differre penes modum tendendi ad  
cadem obiecta, scilicet quia opposito modo  
procedunt, nam conceptus rei vniuersalis ab-  
strahit à phantasmatibus habet pro termino ad  
quem ipsum vniuersale, & pro termino à quo,  
singulare à quo abstrahit, & quod relinquit,  
conceptus autem rei singularis habet pro ter-  
mino à quo vniuersale, non quod relinquit,  
sed à quo reflectit ipsum conceptum ad singula-  
re, quod in connotato, & obliquo, & vt ter-  
minum à quo repræsentabat, illud enim obli-  
quum, & connotatum exprimit, seu attendit  
conceptus, & attendendo, & exprimendo co-

gnoscit ex reflexione ab ipsa natura communi, quam repræsentabat. Conceptus autem denominantur vniuersalis, vel singularis ab eo quod ultimè intendit, & vt terminum ad quem vbi sistit, denominatur, ideoque conceptus communis non est singularis, quia quod in vno est terminus vltimus, non est in alio. Non sufficit autem quæcumque conuersio ad phantasmata vt conceptus dicatur singularis, sed conuersio ad phantasmata exprimens, id quod in connotatione, & in obliquo tantum repræsentabatur in conceptu communi, & à natura vniuersaliter, & in communi repræsentata tendens ad singulare phantasmatis vt ad vltimo intentum.

*Disseruiò* species impressæ, quæ formantur in intellectu nostro ex præconceptis speciebus, seu conceptibus rerum singularium etiam non repræsentant illa adæquatè, & directè, sed sicut ipsi conceptus à quibus formantur, licet possint repræsentare propriè, & distinctè singularia. Supponit hæc conclusio, id quod S. Thomas affirmat pr. par. quæst. 12. artic. 9. quod intellectus natus est ex præconceptis speciebus formare alias species, quæ in memoria manent. Istæ ergo species cum formentur ex conceptibus; & conceptus repræsentent singulare propriè, & distinctè, licet per aliquam reflexionem ad phantasmata, formare etiam possunt species repræsentantes singulares distinctè, & propriè, sed non directè, neque adæquatè.

*Ratio* sumitur ex dictis, quia illa species sic formata immaterialis est, ergo debet repræsentare modo immateriali, & secundum leges repræsentationis immaterialis, id est cum segregatione à materialibus conditionibus saltem ex ipso

ipſo modo repræſentandi, licet ex parte rei repræſentatæ, poſſit illud quod connotatiuè, & in obliquo pertinebat ad ſpeciem, exprimi, & attingi diſtinctè, per reflexionem tamen. Et deinde, quia ſic repræſentabat ipſe conceptus à quo ſpecies illa formata eſt, quia vt oſtendimus conceptus etiam non poteſt repræſentare directè, ergo neque ſpecies illa, quia excedere non poteſt conceptum à quo formata eſt. Dices, ille conceptus à quo formata eſt ſpecies habet duo, & reſpicere naturam vniuerſalem, & terminare reflexionem ad ſingulare quod eſt obiectum phantaſmatis. Quid ergo prohibet formari ſpeciem repræſentantem de illo conceptu, non naturam vniuerſalem, ſed terminationem ſolum reflexionis, & conſequenter ipſi ſingulari erit adæquata, quia tantum repræſentabit ipſum?

*Reſpondetur* obſtare duo, tùm ipſa immaterialitas ſpeciei non ſolum in entitate, ſed etiam in repræſentatione, debet enim neceſſariò correſpondere illi obiectum repræſentatum immaterialiter, ergo ſine conditionibus materialibus quæ ipſum reddunt ſenſibile, atque adèò non intelligibile, & immateriale actu: tùm quia ſi repræſentat terminationem reflexionis vt talem, oportet ibi præſupponi directum in ordine ad quod reflexa illa terminatio ponitur, ergo ſi de illo conceptu accipitur id quod pertinet ad terminationem reflexionis, non poteſt accipi illa repræſentatio vt adæquata eſt ſingularium, ſed vt deriuata à natura vniuerſali directè repræſentata, alias reflexionem non terminat, ſed abſolutè, & directè repræſentabit ſingulare, quod in illo conceptu antea non erat.

*Ex quibus colliges quomodo anima separata possit intelligere singularia corporea per species quas hinc secum deferret, nam animam separatam non solum cognoscere singularia, quæ apud se sunt, sed quæ in hac vita cognouit, constat ex illo Luc. 16. vbi dictum fuit ad diuitem Recordare quod recipisti bona in uita tua, & ipse recordabatur se habere quinque fratres, & sic oportet ponere in anima aliquas species rerum singularium quæ hic cognouit, - & tunc non potest uti conceptu conuertente sed ad phantasmata, quia caret illis, ergo vel habet uti nouis speciebus à Deo sibi infusis, vel aliquibus quæ remanserunt in memoria ex hac vita, & formatæ sunt ex speciebus præconceptis circa singularia. Et primum solum non sufficit, quia species illæ infusæ non sunt ita perfectæ, & efficaces sicut species intellectus Angeli, quia nec virtus ipsa animæ est ita fortis sicut in Angelo, ideoque species infusæ in anima magis repræsentant res in communi, quam possint descendere usque ad singularia. Vnde necesse est quod ut per illas species etiam singularia attingantur, ab aliqua determinatione species illæ vniuersales, & superiores determinentur, scilicet vel per precedentem cognitionem, vel per aliquam affectionem, vel per naturalem habitudinem vel per diuinam ordinationem, ut docet S. Thom. pr. par. quæst. 89. art. 4. & q. 19. de ver. art. 2. præcedens ergo cognitio in hac vita habita relinquit in ipsa memoria speciem non solum repræsentantem rem, sed etiam reflexionem eius, quam habuit in vita ad phantasmata in quibus singulare repræsentabatur, aut etiam affectus inde secutos in voluntate, & reliqua omnia connotata, quæ explicabantur in illo conceptu,*

*& sic*



& sic licet anima separata non reflectat ad phantasmata, retinet tamen species representantes eam reflexionem, quam in hac vita habuit ad tale, vel tale singulare, & sic representat illud modo reflexo antea facto in hac vita, & illa specie representato.

*De necessitate conuersionis ad phantasmata.*

**S**ed inquires, an ista reflexio ad phantasmata, & cognitio directa singularium sit idem quod conuersio ad phantasmata, quæ communiter ad omnem cognitionem pro isto statu dicitur necessaria, & quid sit illa; an verò requiratur reflexio supra istum actum intellectus, & potentiam eius, ut inde deueniatur ad phantasma, & cognoscatur singulare?

*Respondetur* non requiri ad cognitionem singularis, reflexionem supra proprium actum intellectus, quæ est reflexio rigorosè dicta, sed sufficit reflexio super phantasma, quod est actus alterius potentiae; dicitur tamen reflexio, quia est ordinatio actus, & conuersio ad potentiam vnde originatur ipsa cognitio intellectus. Aliquando tamen datur etiam prima reflexio, & mediante illa potest etiam pertingi ad singulare in phantasmate, ut S. Thom. docet quæst. de anima, artic. 20. ad 1. ex his quæ 2. loco ponuntur, & quæst. 5. d. verit. artic. 5. Sed tamen non requiritur semper hæc reflexio, quia hæc ordinatur ad cognoscendum actum intellectus in actu signato, experimur autem nos cognoscere singularia ad extra sine hoc quod aliquid attingamus

mus de actu nostro, vel reflectamus ad illum, non ergo requiritur ista reflexio super actum intellectus ad cognoscendum singulare, imò nec super ipsum phantasma ut actus quidam est in se, sæpius enim experimur nos in intellectu agere de singularibus sine hoc quod recordemur actus phantasie, & multi qui Philosophiam ignorant, quid sit ille actus, non attingunt. Sufficit ergo reflexio ad obiectum repræsentatum in phantasmate, quod est singulare, hoc enim connotatur in ipsa specie abstracta ab intellectu agente, tanquam terminus à quo, qui relinquitur, exprimitur verò directè in ipso phantasmate. Et per hoc quod intellectus conuertitur ad attendendum, id quod connotatiuè in sua specie repræsentatur, dicitur conuerti seu reflectere ad phantasmata, idest ad obiectum directè repræsentatum in phantasmate.

*Et quid hæc reflexio intellectus ad phantasmata sufficiat ad cognoscendum singulare, sumitur ex D. Thoma prima parte, quæst. 86. artic. 1. ubi inquit, Quod intellectus noster indirectè, & per quandam reflexionem potest cognoscere singulare, quia sicut supradictum est, etiam postquam species intelligibiles abstraxeris, non potest secundum eas actu intelligere, nisi conuertendo se ad phantasmata, in quibus quoties intelligibiles intelligit ut dicitur in 3. de anima. Reducit ergo S. Thom. reflexionem cognitionis attingentis singulare ad ipsam necessitatem conuertendi se ad phantasmata in cognitione sua, quæ conuersio tunc dicitur reflexio, cum attendit intellectus ad id quod connotatiuè, & quasi in obliquo in specie*

specie intelligibili repræsentatur, & respicit illud vt principaliter, & vltimatè intentum ad cognoscendum. Et si ad hoc plures attendissent, non ita aspera apparet eis sententia Diui Thomæ de cognitione singularium indirectè, & per reflexionem, quia hoc solum reducit ad conuersionem ad phantasmata secundum quod per hanc conuersionem intenditur cognitio singularitatis, quæ solum in obliquo tangitur in specie immateriali, & abstracta.

*Necessitas* autem huius conuersioni ad phantasmata in quolibet actu nostræ intellectiōis traditur à Diuo Thoma, prima parte, quæst. 85. articul. 7. ex Aristot. 3. de anima, text. 39. vbi dicitur: *Quod nihil sentiens, nihil addiscet, aut intelliget, sed oportet cum speculari, aliquod phantasma speculari.* Cuius rationem affert ibi D. Thom. quia proprium obiectum nostri intellectus est quidditas materialis, seu natura, aut substantia, aut interioritas rei existentis, in materia corporali. Cum ergo natura hæc non existat nisi in aliquo indiuiduo, non potest cognosci ab intellectu plenè, & completè, nisi vsque ad indiuiduum se extendat, eo quod intellectus nititur cognoscere verum, & ad hoc ordinantur eius conceptus, & cognitio, veritas autem sumitur per conformitatem ad esse, esse autem inuenitur in indiuiduis, ergo vt intellectus ad veritatem ordinet conceptiones suas, oportet eas ordinare ad esse, quod inuenitur in singularibus, & consequenter ad phantasmata, in quibus singularia repræsentantur. Ad hæc, cum species illæ sint abstractæ à singu-

laribus materialibus, licet non repræsentent hoc aut illud determinatè, sed in communi, tamen non possunt totaliter abstrahere à connotatione indiuiduorum, quia natura illa sic abstracta similitudinem ad rem existentem in indiuiduis habet, & ita sicut in concipiendo res non potest totaliter præscindere ab aliquo esse, vel ordine ad esse, vel ad instar esse, quia ens sub quo omne obiectum intelligitur, dicit ordinem ad esse, ita non potest præscindere ab aliqua similitudine indiuidui in quo solum reperitur esse, & ita conuerti ad phantasma est necessarium in omni cognitione in qua adumbratur aliquod esse rei sensibilis, quod in solis singularibus inuenitur, singularia autem in sensibus repræsentantur. Et hoc ipsum testatur experientia, quando enim conamur aliquid perfectè intelligere, formamus phantasmata, in quibus ea inspiciamus, quasi ad similitudinem singularium veritatem explorantes, vel si non adhibentur phantasmata conuenientia est periculum declinandi ad falsitatem.

Quod verò reducitur hæc dependentia à phantasmatibus ad pœnam peccati, vt facit Scotus in 1. distinct. 2. quæst. 3. distinct. 45. quæst. 3. vel ad subordinationem naturalem potentiarum, quarum si vna attingit illudmet obiectum quod alia, oportet quod vna operante, altera etiam operetur, optimè refutatur à Caietan. 1. par. quæst. 84. artic. 7. quia etiam ante peccatum: Adam intelligebat per conuersionem ad phantasmata, & accipiendo species à sensibilibus, vt docet S. Thom. 1. p. quæst. 94. artic. 2. ad hoc enim anima naturaliter

## Articulus IV. 131

Faciliter vnitur corpori, vt per sensus accipiat species, & dependenter ab eis intelligat, hoc autem naturale est animæ, nec ex peccato ei prouenit, aliàs ratione peccati peteret esse in corpore, & dependenter à corpore intelligere, & species accipere. — Eadem autem ratio est accipiendi species, & vtendi illis, quia virtut illis eo modo quo repræsentant cum connotatione ad corpus. In statu autem glorificationis non habebit anima istam dependentiam à phantasmatibus, quia habebit scientiam infusam non acceptam à sensibus, quæ ipsi animæ separatæ dabitur, & cum reuniatur corpori, habebit ita plenum dominium in illud ex glorificatione, quod potuerit vti scientia animæ separatæ sine dependentia à sensibus, constat enim quod tunc perfectè cognosceat Angelos, quod non esset si non vterentur scientia animæ separatæ. Quod verò operante vna potentia circa vnum obiectum, etiam alia potentia quæ illud attingit circa idem debeat operari, est falsum, cum potius tales potentia se impediant si vna intense opereatur circa idem quod alia; phantasmata autem potius adiuuant intelligentiam, vt experientia testatur.

## ARTICVLVS V.

*Expediuntur difficultates contra  
doctrinam præcedentis  
articulis.*

**P**rimò arguitur, quia singulare materiale directe intelligi, neque repugnat ex parte spe-

re speciei repræsentantis, neque ex parte ipsius conceptus, ergo ex nulla parte. Antecedens, quoad primam partem probatur, tum quia species Angelorum non minus, immò multò plus sunt spirituales, & immateriales, quam nostræ, & tamen repræsentant etiam directè ipsam singularitatem, vt admittimus, ergo ex parte speciei, seu repræsentationis speciei non repugnat species rei singularis repræsentans indirectè illam; tum etiam quia non videtur repugnare, quod detur species expressa repræsentans directè singulare, vt plures authores sentiunt, ergo neque repugnabit dari speciem impressam saltem formatam ex præconceptis speciebus repræsentantem singulare, siquidem non minoris immaterialitatis est conceptus, seu species expressa, quam impressa, ergo si potest stante illa immaterialitate repræsentare conceptus ipsum singulare, cur non species impressa?

*Confirmatur*, quia in anima separata remanent species repræsentantes singularia determinata, sicut Luc. 16. de illo diuite dicitur, qui recordabatur se habere quinque fratres, & quod recepisset bona in ista vita, quæ omnia singularia sunt determinata, & sensibilia, & tamen hæc singularia non intelligit per conversionem ad phantasmata vt de se patet, quia cessant cum corpore in quo subiectantur, neque per species de nouo infusas, quia hæ non possunt distinctè, & perfectè repræsentare indiuidua sensibilia, quæ apud nos sunt, eo quod non potest anima tanta efficacia operari circa istas species infusas, sicut Angeli, vt supra ex D. Thoma diximus, ergo species

cies quas hinc defert debent rei repræsentare distinctè, & determinatè ipsa singularia. Præterquamquod illæ species, vel sunt supernaturales, & sic anima indigeret supernaturali lumine ad cognoscenda obiecta singularia sensibilia, & consequenter ex vi status naturalis illa non cognosceret, vel si sunt naturales, ergo connaturale erit animæ cognoscere, singularia materialia directè, atque adeò id etiam pro hac vita debbit eiconuenire.

*Respondetur*, negando antecedens. Ad primam probationem dicitur esse longè disparem rationem de speciebus Angelicis, & de nostris, nam species Angelicæ infunduntur à Deo, & repræsentant res prout à Deo derivantur, & ut dicit Augustin. secunda, de Genesi ad litteram, cap. 8. *Quia infra Angelos sunt ita causantur, ut prius fiant in cognitione rationalis creatura, ac deinde in genere suo*, quod testimonium citat, & sequitur S. Thom. 1. par. q. 55. art. 1. Quare species illæ non repræsentant singularia accipiendo à rebus repræsentationem, sed à principio ipsarum rerum quod est Deus. Ex hoc autem cernitur differentia, quod species nostræ non possunt immaterialem repræsentationem obiecti induere (nam quod entitatiuè species ipsa immaterialis sit, non formaliter consideratur in specie sed materialiter) nisi exuendo conditiones materiales sub quibus sensibilibus repræsentantur obiecta, & ideo ut ad tales conditiones materiales conuertatur intellectus, non potest directè tendere per abstractionem, quia abstractio potius elongat ab illis, sed

sed indiget reuerti, seu reflecti ad sensus, ubi materiales illæ conditiones repræsentabantur, & attingebantur. At verò species Angelicæ cum non sumantur à rebus, sed deriuentur à Deo quod est principium immateriale causans res materiales, non repugnat quod species ab ipso exemplatæ repræsentent immateriali modo naturas in vniuersali, & extendantur vsque ad indiuidua sub eis contenta directè, eo quod non repræsentant illas naturas prout abstrahunt ab indiuiduis, sed prout descendunt à Deo; à Deo autem non formaliter deriuantur natura, sed etiam indiuiduatione.

*Quare* nos non dicimus omni speciei intelligibili repugnare repræsentationem directam rei singularis, sed speciei quæ fit intelligibilis per denudationem, & abstractionem à conditionibus materialibus, non quæ est intelligibilis per participationem à principio spiritali causante res materiales, quod est Deus.

Et sic etiam species Angelicæ non adæquantur singularibus, sed vniuersaliori, & eminentiori modo repræsentant, tam naturas quam indiuiduationem. Vnde non indigent reflectere, & conuerti ad sensus repræsentantes singularia, cum sensus non sint principia suæ cognitionis, sed ex ipso rerum omnium principio habent etiam singularia attingere.

*Ad secundam probationem* dicitur, quod ut iam ostendimus, etiam non datur conceptus repræsentans directè singulare benè tamen distinctè, & propriè supposita reflexione ad phantasmata, ut iam probatum est, licet verum



sit quod in specie ipsa impressa connotatiuè, & in obliquo continebantur ipsa singularia prout ab illis repræsentabat abstractè, & ideo conceptus exprimit conuersione ipsa ad phantasmata id quod in connotato solum, & in obliquo erat in specie. Vnde ille secundus conceptus exprimens singulare, repræsentat quidem illud distinctè, & propriè, idest tanquam vltimum terminum quem intendit, sed ex priori conceptu derivatum in quo natura directè repræsentabatur in vniuersali, & ideo dicitur reflexus, quia ex priori conceptu descendit, & ex natura vniuersali reuertitur ad eius indiuiduationem; vt si autem conceptus reflexus stat benè quod directè repræsentent id quod respectu prioris reflexum est; sed tamen ipsemet conceptus rei singularis vt diximus, quia immaterialis est, non repræsentat singulare tantum, & adæquatè, sed vt contentum in natura communi, & ex illa reuertens, & descendens ad inferiora. Nunquam ergo datur conceptus, seu repræsentatio immaterialis adæquata singulari materiali sed requiritur quod sub modo immateriali illud repræsentetur, modus autem non est quod sola entitas speciei sit spiritualis, sed etiam formalis ratio attingendi, & repræsentandi naturam immateriali modo, idest abstracto à conditionibus materialibus, licet ad eas attendendas ex parte rei cognitæ reflectat.

*Ad confirmationem respondetur*, quod anima in statu separationis intelligit ad modum Angelorum tanquam spiritus separatus, non vnitus, nec accipiens à corpore. Et ideo accipit species infusas, & derivatas non ab ipsis rebus

rebus, sed ab ipso rerum principio Deo, nec sunt ei supernaturales, sed pro illo statu con-  
natrurales. Sed tamen propter imperfectionem  
luminis intellectualis anima non potest ita perfecte penetrare usque ad indiuidua  
ex vi illarum specierum sicut Angelus, ideoque  
indiget determinatione aliqua, vel ex praecedenti  
cognitione relicta, vel ex aliqua noua  
immuratione, aut ordinatione diuina circa  
ipsam facta ut dictum est. Quare species quas  
hinc secum defert in quibus repraesentabatur  
singulare sub modo immateriali, & cum  
reflexione, etiam deferuire possunt ad deter-  
minandas illas species infusas vniuersales, si-  
quidem singulare repraesentant, sed eo modo  
quo fuit cognitum, idest cum reflexione.

*Secundo arguitur.* Quia si species abstra-  
cta non repraesentat singulare, sed naturam  
incommuni, seu modo indifferenti, oportet  
quod ad formandum conceptum de re sin-  
gulari, licet per reflexionem, determinetur ab  
aliquo, sed non ab aliquo intra intellectum,  
quia illud si est vniuersale aequae est indifferens,  
si singulare, inquiram quomodo producat  
ab intellectu, & erit eadem difficultas: nec ab  
aliquo extrinseco, v.g. à phantasmate, quia  
cum sit corporeum, & extra intellectum, non  
potest illum determinare intrinsecè, cum non  
sit intra illum, nec determinat quia est ob-  
iectum cognitum, alias ad formandum concep-  
tum rei singularis deberet cognoscere  
ipsum phantasma quod est contra experien-  
tiam; nec etiam assignari potest qua specie co-  
gnoscat ipsum phantasma cum de re sin-  
gulari non sit species in intellectu ante ipsam  
refle-

reflexionem - vniuersalis autem species non sufficit, reddit enim difficultas quomodo determinatur ad hoc singulare phantasma? Nec denique determinat phantasma speciem vniuersalem per aliquam sympathiam potentiarum, quia hæc sympathia nihil immutare potest in repræsentatione ipsa speciei, & in conceptu producto, & cum hæc sympathia semper detur, quia non est aliud quam naturalis connexio potentiarum, semper intellectus cognoscet singulare.

*Confirmat.* quia absurdum videtur tantum requiri ad cognoscendum substantias separatas in hac vita sicut ad cognoscendum singulare materiale, illas autem solum cognoscimus connotatiuè, & in obliquo, si ergo similiter dicimus nos cognoscere singularia, æquiparamus illa substantijs separatis, cum tamen hæc contineantur sub quidditate materiali quæ est obiectum proportionatum intellectus, substantiæ verò separatae extra illud sunt.

*Respondetur,* speciem repræsentantem vniuersali ter, & indifferenter, determinari ad formando conceptum de re singulari, extrinsecè quidem ab ipso phantasmate vt ab obiecto magis determinato ad quod conterritur intellectus, intrinsecè verò à specie ipsa abstracta, quæ in obliquo, & de connotato habitudinem importat ad illa singularia phantasmatum tanquam ad terminum à quo relictum, repræsentat enim naturam abstractam ab illis, vnde relinquit aliquam connotationem, & habitudinem ad illa, ratione cuius semper illa repræsentatio, & cognitio per eam facta à phantasmatibus dependet. Itaque ipsa

ipsa species representans naturam mouet etiam ad cognoscendum obliquum, & connotatum talis naturæ, & originem vnde primo abstracta est, & similiter ad verificandum id quod de illa natura cognoscitur, quia verificatio fit in ordine ad esse, & ad singularia in quibus natura existit, vt iam explicauimus. Ad cognoscendum autem reflexè aliquid non requiritur noua species directè representans, sic enim reflexio non esset, sed eadem quæ directè representat vnum, seruit pro reflexione quatenus in obliquo, & connotato representat aliud, sic enim ostendimus in logica q. 2.3. ex varijs locis D. Thom. quod reflexa cognitio non fit per aliam speciem ab obiecto directo, sed per ipsammet quatenus connotat, seu dicit habitudinem aliquam ad id quod reflexè cognoscendum est, puta ad actum ipsius intellectus vel phantasie, vt videri potest in q. 10. de verit. art. 9. ad 4. & 10. & in 3. dist. 23. q. 1. art. 2. ad 3, vbi docet actum, habitum, & speciem, cognosci reflexè per speciem ipsius obiecti, quatenus connotat potentiam, seu principia cognoscendi. Sic ergo per speciem representantem vniuersale non quomodocumque; sed vt abstractum à phantasmatibus, à singularitate vt à termino à quo, habet vnde reflectere, & reuerti possit super ipsa singularia, quæ in phantasmate directè representantur, & ita sufficit extrinseca, & obiectiua determinatio ex parte phantasmatum cum intrinseca illa representatione speciei connotatiuè, & in obliquo attingentis singularia. Et quando dicitur quod si phantasma determinet vt obiectum cognitum, necesse est

est

est cognoscere ipsum phantasma, Respondetur, quod non est necesse cognoscere ipsum phantasma, v<sup>t</sup> res quædam est in se, sed sufficit cognoscere obiectum eius, quod est singulare, & sic reflectetur supra representatum in phantasmate, licet non reflectatur super entitatem phantasmat<sup>is</sup> representantis. Nec sunt ita difficiles istæ reflexiones, quin multo maiores faciant quotidie etiam homines rusticissimi, licet entitates conceptuum pauci intelligant, sed hoc non requiritur ad reflexionem singularem.

*Ad confirm. respond.* substantias separatas, & singularia materialia è diametro opponi in modo cognitionis nostræ, licet vtraque videantur, connotatiuè, & solum in obliquo attingi ab ipsa, Substantiæ quidem separatae, quia excedunt omnem quidditatem materiale<sup>m</sup> etiam abstractè cognitam, singularia autem materialia quia non perueniunt adhuc ad talem abstractionem sine qua obiectum non proportionatur spiritali potentiæ abstrahenti, & immaterialiter cognoscenti; & ideo non eodem modo, sed extremè diuerso, & opposito cognoscuntur; sicut etiam effugere possunt intellectum aliqua obiecta, quia excessiuæ cognitionis, vt Deus, alia quia minimæ entitatis, & etiam in visu quædam, quia valde lucida alia quia nimis minuta, non videntur, sed opposito modo.

*Tertiò arguit.* quia istè modus cognoscendi singularia opponitur cognitioni eorum distinctæ, ergo non est ponendus. Anteced. prob. quia semel abstracta specie hominis ab aliquo individuo, quando alius occurrit, vel  
alia

alia species abstrahitur, vel non. Si non abstrahitur, ergo iste homo in singulari non poterit distinctè cognosci, quia species quæ est in intellectu fuit abstracta ab alio homine, & consequenter ab alio phantasmate, & ad illud dicit connotationem, & habitudinem, non ad aliud phantasma representans alium hominem in singulari. Si tamen abstrahitur alia species representans hominem ab alio individuo abstractum, erunt duæ species in intellectu eiusdem rationis, & speciei, quod in sententia D. Thom. est impossibile, in alia, superfluum.

*Confirmat.* quia si cognitio singularium est per reflexionem non ad ipsam entitatem phantasmatis, sed ad obiectum, hoc in omni cognitione intellectus pro hoc statu inuenitur, & sic omnis cognitio intellectus esset cognitio rei singularis. Nec videtur ista directæ cognitio singularium requirere magnam perfectionem cum conueniat sensui, & quidquid conuenit potentiae inferiori, conuenire potest superiori; nec tanquam imperfectionem quæ non possit nostro intellectui conuenire, cum intellectui Angeli conueniat directè intelligere singularia per suas species, quæ abstractiores sunt nostris.

*Respond.* negando anteced. Ad prob. dicitur quod species semel abstracta ab vno individuo, si aliud individuum occurrat, pro eodem etiam applicari potest, nisi forte ex tali individuo melius natura ipsa communis intelligi possit, quæ ex priori modum plene intellecta erat, tunc enim noua species produci poterit eo quod in istis speciebus variatio representat-

## Articulus V. 141

sentationis, est variatio intrinseca cum repræsentatio ipsa naturalis sit. Cæterum si in ipsa natura communi non est aliquid variandum, sed solum in nouo indiuiduo cognoscendo, non oportet nouam speciem generari, sed illa eadem poterit ad diuersa indiuidua, quæ in phantasmate occurrunt; applicari, ad omnia enim similia vnum simile sufficit, in quo omnia conueniunt. Quod si ipsa indiuidua inter se habeant accidentia distincta, & dissimilia, ad illa concurret species illorum diuersorum accidentium, quæ in intellectu generantur, nam etiam accidentia in communi abstrahuntur, & secundum quidditatem suam, & vbi diuersa occurrunt accidentia, diuersæ species illorum accidentium applicantur, & sic cognoscitur diuersum indiuiduum. Vbi autem est eadem similitudo naturæ, & accidentium, eadem species sufficit cum diuersa applicatione, sicut etiam idem habitus prudentiæ ad omnia singularia applicatur media cogitativa, de quo D. Thom. in 1. pa. q. 36. artic. 1. ad 2. & 2. 2. q. 47. artic. 6. ad 3. & quæst. 10. art. 5. vbi ostendit quomodo per motum mentis ad phantasmata se miscet intellectus singularibus.

*Ad confirmat. respond.* quod licet in omni cognitione indigeamus conuerti ad phantasmata, sed non semper eodem modo; aliquando enim vtimur phantasmate vt connotato tantum in specie intelligibili, & sic ab ipso singulari conuertimur ad naturam ipsam in communi, & in confuso cognoscendam, non distinctè in hoc vel illo indiuiduo, & tunc cognoscitur res in vniuersali, & indiuidua  
quoad

quoad distinctam eorum cognitionem relinquuntur, solum verò aliquid inconfusio accipitur simile phantasmati, & mediante phantasmate verificandum in re, & in esse singulari, & in hac cognitione non dicitur intellectus cognoscere singularia. Aliquando verò utitur intellectus phantasmate descendendo ab illa confusione, & ratione communi ad percipiendum aliquid distinctè in singulari quod in phantasmate repræsentatur, & tunc utitur reflexione speciei ad experimentum distinctè in intellectu, id quod connotatiuè, & in obliquo solum repræsentabatur in specie, in phantasmate autem directè, & ita incipit habere illud pro termino ad quem ultmato, & sic dicitur cognoscere singulare. Nec ista cognitio alias comparationes, vel difficultates habet, quam procedere à communi seu confuso ad distinctum, quod cuilibet etiam rustico datum est. Et quod intellectus noster directè non cognoscat singularia sicut sensus est propter perfectionem supra illum, cognoscit enim idem quod potentia inferior, sed aliori modo, & non sicut ipsa, & dicit S. Thom. 1. p. q. 86. art. 1. ad 4. Quod verò non cognoscat directè sicut Angelus provenit ex imperfectione sua, quia sumit immateriales species denudando à materialibus obiectis, & sic relinquere debet materialitatem singularitatis, Angelus verò accipiendo ab ipso immateriali principio species repræsentantes non solum naturam, sed etiam individuationem, quatenus totum à Deo descendit sub modo immateriali, non autem accipit speciem adequatam cuilibet singulari, sub modo

mate



Materialitatis eius. Itaque tam noster intellectus, quam Angeli intelligunt singularia non per adæquationem, sed per vniuersalitatem. sed noster intellectus abstrahendo illam, & relinquendo singularitatem, Angelus verò descendente à Deo etiam singularitatem contemplantur.

Ex quo denique soluantur minutiores objectiones, v. g. quod intellectus illud directè debet cognoscere, à quo fortius mouetur, mouetur autem à singulari, quod est in sensu, quia sensus est immediatum eius motiuum. Item saltem indiuiduum substantiæ debet directè cognoscere, quia sensus non cognoscit substantiam, sed exteriora accidentia, & sic non est alia potentia, à qua directè cognoscatur. Item intellectus directè comparat vniuersale singularibus, & à singularibus cogit abstrahit vniuersale, & singularia inter se comparat & distinguit, ergo oportet quod directè ipsa singularia attingat, præsertim cum prius illa cognoscat, quam vniuersale, hoc enim ab illis abstrahit. Et præsertim hoc currit in intellectu practico, qui versatur circa singularia. Sed respond. ad primum, quod intellectus mouetur à singulari non immediate, sed mediante intellectu agente reddente speciem immaterialem, & spiritalem, non solum in entitate, sed etiam in representatione, & ita non mouetur à singulari per adæquationem ad ipsum, sed per vniuersalitatem sub qua continetur illa singularitas, & à qua abstrahitur vniuersalitas, & ita fortius mouet singulare ad apprehendendum naturam eius, non singularitatem eius. Ad 2. respondetur, quod  
sub-

substantia individualis ut hæc cognoscitur a sensu ut sensibili per accidens, ab intellectu non per adæquationem, sed ut contenta sub vniuersali substantia, nec est necesse directè attingi ab intellectu. Ad tertium dicitur, quod vniuersale repræsentatiuè inuenitur in specie facta ab intellectu agente, qui non cognoscit, sed ex phantasmatibus per superiorem, & eleuatorem virtutem efficit speciem immaterialiter, & abstractè repræsentantem.

Vniuersale autem cognoscitiuè, & comparatiuè fit ab ipso intellectu, non quidem primo cognoscendo singulare distinctè, sed primo cognoscendo valdè in confuso, & in communi, deindè per reflectionem singulare attingendo, & postea etiam comparatiuè, & collatiuè ex singularibus vniuersale eliciendo, & iterum ad singularia descendendo ut voluerit. Et sufficit illa reflexa cognitio ad intellectum practicum, qui versatur circa singularia, ut affirmat D Thom. locis supra allegatis in respons. ad 1. argumentum, & sumitur ex Philos. 3. de anima tex. 57. & 58.

## ARTICVLVS VI.

*Utrum memoria, sinderesis, speculatiuum, & practicum sint diuersæ potentiae.*

**P**RIMO inquires an memoria propriè dicta inueniatur in intellectu, & an sit potentia ab ipso distincta.

*Respond.*

*Respondetur*, quod memoriæ duo actus seu officia attribuuntur. Primum est conseruare species, quod non pertinet ad actum cognoscendi, sed ad passiuam informationem, & retentionem specierum. Secundum est recordatio præteritorum, quod pertinet ad actum cognitionis. Fuerunt ergo qui vtrumque munus memoriæ, denegauerunt parti intellectiui, vt de Auicenna refert S. Thom. 2. contr. gent. cap. 74. & quæst. 10. de verit. artic. 2. & hoc idè quia ipse existimabat, species non existere in potentia, nisi dum actu cognoscit: & præsertim, quia noster intellectus pro hoc statu cum vult cognoscere præterita, præsto habet memoriā sensitiuā, vnde species hauriat, ad quid ergo opus est seruare species in intellectu pro recordatione præteritorum? Quod confirmatur, quia idè sensus externi non indigent conseruatione specierum, quia possunt eas ab obiectis accipere quoties voluerint, ergo etiam superflue ponuntur in intellectu, cum ad manum habeat phantasmata, vnde illa extrahat, cum voluerit. Alij qui ponunt intellectum directè cognoscere singularia consequenter non poterunt negare, quod in intellectu detur vtrumque memoriæ munus, scilicet, conseruare seu retinere species, & actum recordationis elicere.

*Nihilominus* S. Thom. sententia inter vtrumque media via procedit. Nam contra Auicennam docet in parte intellectiua conseruari species, & negat memoriā quantum ad actum recordationis quo directè cognoscat singularia præterita. Sumitur ex ipso D. Thom. 1. p. q. 79. art. 6. & q. 10. de ver. art. 2. adiuncto

etiam eo quod docet 1. p. q. 86. att. 1. & suprà ponderauimus de cognitione singularium reflexa. Vndè pro ista parte probanda, quod non datur actus memoriae in intellectu quantum ad directam notitiam rei praeteritae quae semper singularis est, vniuersale enim non praeterit, sed solum res prout existens, non est opus aliam adhibere probationem, quam quae praeced. articul. allata est ad probandum non dari cognitionem singularium directam in intellectu. Et ex eiusdem principijs manet probatum, quod datur quantum ad indirectam, possunt enim manere species in intellectu representantes singulare à se cognitum reflexè, & ita per speciem representantem obiectum vt cognitum à se, & ipsum actum suum quo cognouit, recordatur intellectus rei praeteritae, vt docet S. Thom. dicta quaest. 79. art. 6. ad 2. in fine, & q. 10. de verit. art. 2.

*Quare* solum restat probare primam partem sententiae D. Thom. contra Auicennam. Et hanc probat S. Doctor, quia spiritualis, & immaterialis natura, qualis est intellectus non minus est conseruatiua specierum quas recipit, quam materia corporalis, cum potius natura spiritualis immutabilior, & firmior sit. Species autem de se sunt formae permanentes, non sicut operationes, & actus secundi, praesertim quando sunt species indifferenter representantes res in absentia, & in praesentia, vt videmus dari in parte imaginatiua, & tales sunt etiam in intellectu, qui vtique in absentia etiam intelligere potest, ergo non est ratio cur intellectus non conseruet illas. Deinde, quia intellectus non perdit habitus, sed

con-

conferuat illos, alias non diceremur scientes in habitu, sed solum quando actu intelligimus, ergo similiter conferuat species, quia habitus scientiarum ex illis formatur, & ex illis dependet: immò si quis amitteret species quibus posset scire, statim habitum scientiæ amitteret, sicut anima carens speciebus, quando creatur, non potest dici sciens etiam si entitatem habitus haberet, quia non est proxime potens ad actum cognitionis, & scientiæ, carendo speciebus. Et ita Aristot. 3. de anima text. 6. dicit. *Animam esse locum specierum, non totam, sed intellectiuam*, locus autem conferuatiuus est rei locatæ, ergo, & anima specierum, quæ non in essentia animæ, sed in potentia intelligente sunt.

*Et quia memoria propriè dicitur per ordinem ad actum eius cognoscitiuum*, qui est recordari, vbi non est propriè recordatio, neque memoria est, vt etiam sentit Diu. Thom. quæst. 10. de verit. art. 8. Sola autem conferuatio specierum non facit simpliciter memoriam, etiam si sit conferuatio speciei de re preterita, quia ista per se ordinatur ad actum, & ita vbi deficit actus memorandi, propriè deficit memoria.

*Ex quo patet id quod vocamus memoriam in intellectuâ parte*, scilicet conferuare species, non petere distinctam potentiam ab intellectu, quia in potentijs immaterialibus ad conferuandum seu retinendum non sequitur peculiaris dispositio, quæ diuersam exigit potentiam, sicut in corporalibus petitur distinctum temperamentum, & organum ad diu conferuandum, quam ad simpliciter recipiendum, in

spiritualibus autem ipsa natura immaterialis recipiens immaterialiter, sufficit ad diu conseruandum, quia immaterialia minus sunt subiecta mutationi, & corruptioni. Et sicut intellectus recipit habitus quos diu conseruat, ita poterit conseruare species quantum est de se sine additione alterius potentiae quo usque ab aliquo contrario corrumpantur. Non ergo opus est distincta potentia memoriae pro eo quod est conseruare species pro actu autem memorandi multo minus, quia non cognoscit directe, sed reflexe singularia praeterita ut diximus, hoc autem proprium est intellectus, qui solum indirecte cognoscit singularia: ergo quantum ad hoc sufficit potentia intellectiua, nec enim penes indirectos seu reflexos actus potentiae distinguuntur, sed penes directos, quando inducunt diuersum immaterialitatis modum in cognoscendo.

*Ad fundamenta Auicennae.* Ad 1. respond, Species permanere in absentia sensibilium, ut constat in parte sensitua cum recordamur rei absentis, aut mortuae, & sic non possunt dari species solum quando quis actu cognoscit, alias postquam aliquis desistit cognoscere, & obiectum etiam desinit esse, non possunt cognosci, quod aduersatur experientiae. Ergo multo magis species intelligibiles non debent ab actuali cognitione obiecti, quia magis immateriales sunt, & ad obiecta absentia se excedunt. Quod verò dicitur non indigere intellectum conseruatione specierum cum ad manum habeat phantasma, & memoriam sensituiam, vnde accipiat,

*Resp.*

*Respondetur*, hoc futile esse, tùm quia magis hoc pensandum est ex ipsa natura specierum, & intellectus, quæ sunt immateriales, & magis se conseruant, quia minus corruptioni sunt obnoxia; tùm quia manet in anima separata, vt possit recordari singularem quæ hic cognoscit, & per illas species determinare eas quæ sibi infunduntur, vt diximus præced. art. tùm denique, quia intellectus recordatur non solum res ipsas, sed etiam actus suos, & se hoc, vel illo modo intellexisse, vel voluntatem affectam fuisse, & hoc non conseruatur in memoria sensitua cum sit quid spirituale, ergo in intellectu, vt possit huius recordari.

*Ad confirmationem respondetur*, esse diuersam rationem de sensibus externis, quia cum non possint cognoscere nisi in præsentia obiecti, & ita præsentis, vt non sit impeditum emittere species per medium, frustra seruarietur species in sensibus. In potentijs verò quæ cognoscunt res in absentia, aut in vniuersali, & indifferenter ad præsens, vel absens; & immaterialiter, oportet conseruare species, tùm propter fines dictos, tùm quia natura earum id exigit vt explicauimus.

Nec pertinet præcisè ad intellectum cognoscere præteritum, nisi vel in comuni, & per modum quidditatis, quod non est actus memoriæ quæ præcisam quidditatem non respicit, sed sub existentia præterita; vel comparando, præteritum ad præsens, & futurum, sub qua relatione intellectus mentitur tempus vel solum indirectè illud cognoscit, & non per distinctam realiter potentiam ab intellectu, sed per eandem secundum

*Quod* diuersa officia vel formalitatem.

*Secundo inquires*, an sint diuersæ potentia: ratio superior, & inferior?

*Respondetur*, negativè, quia per rationem superiorem, & inferiorem, non designantur diuersæ potentia:, sed diuersa principia regulatiua actionum, quia per rationem superiorem intelligitur ratio seu lex suprema quæ respicit rationes æternas, ratio vero inferior est quæ respicit temporales, vt ex D. August. 12. de Trinit. c. 4. & 7. & 8. docet S. Thom. 1. p. q. 79. art. 9. & 1. 2. q. 74. art. 7. & 9. & 10. Igitur ratio superior, & inferior habent se sicut principia vniuersalissima, vel minus vniuersalia, quorum vnum potest regulari, aut reduci, vel defendi per aliud, sicut in scientijs, Metaphysica vtitur altissimis principijs, ideoque sapientia dicitur, Physica verò, aut Mathematica, principijs minus vniuersalibus, & quæ per priora regulantur, & in artibus, illæ quæ sunt superiores, & architectonicæ respiciunt altiora principia, quam inferiores seu ministrales; sic in practicis rationes æternæ respiciunt vltimum finem, & sunt suprema: regulæ seu principia agendorum, rationes verò temporales sunt regulæ inferiores, & per priores regulandæ. Omnia autem hæc comprehenduntur sub vno modo intelligendi, & sub vniuersalitate entis, ideoque non magis pertinent ad diuersas potentias, quam artes superiores, & inferiores, scientiæ superiores, & inferiores, principia vniuersalissima, vel minus vniuersalia, quæ omnia inter se ordinata sunt, & sub eodem modo intelligendi ad modum quidditatis sensibilis contineri possunt.

*Dices*



## Articulus VI. 151

*Dices* appetitus sensitivus immediate regulatur à cogitativa, hæc verò movetur à ratione, ergo ad distinctas potentias pertinent ratio inferior, & superior. *Resp.* cogitativâ quidem esse movens inferius, non tamen rationem inferiorem, aliud enim ratio inferior est, aliud movens inferius. Ratio inferior est principium regulandi modo rationali, licet non supremo, & vniuersalissimo modo ratiocinandi. Cogitativa autem non regulat, & movet rationali modo, sed si in aliquo deliberat aut regulat est ex participatione ratione mouentis, & deliberantis. Vnde per se, & primordialiter non est ratio regulans.

*Tertio inquires* an speculativum, & practicum petant distinctas potentias? *Respondetur*, negativè quantum est ex vi practici, & speculativi, nisi alias differant in diversa immaterialitate, sicut speculativum Angeli, & practicum hominis.

*Ratio* autem est quia ad eundem intellectum pertinet attingere veritatem in se, & ex illa dirigere operationes, & voluntatem quæ est inclinatio consecuta ad intellectum. Constat enim quod intra idem genus intelligendi & in eadem potentia potest dari cognitio veritatis, & directio operis seu voluntatis, quia ad cognitionem per se sequitur inclinatio seu voluntas, & ita cognitio per se est directivè voluntatis in agendo. Speculativum autem & practicum distinguuntur per hoc quod speculativum apprehendit res vt sciat illas, practicum autem dirigit vt exequatur seu faciat extra intellectum, nam ad dirigendum speculationem ipsam intra intellectum sufficit specula-

culatio, & non requiritur practica directio; quia speculatio antecedenter ad practicum habere debet sufficientia principia ad dirigendum se, vt sine errore procedat, & vt attingat veritatem, alias non posset antecedere practica directionem vera, & recta speculatio, ergo directio, & ordinatio speculationis, non est practica, sed speculatiua, & ideo in Logica qu. 1. defendimus Logicam esse speculatiuam quia non dirigit opus quod est praxis, sed opus quod est speculatio, & ideo antevertit omne practicum, quia practicum sequitur ad speculatum vtique ordinatum, & rectum, & non errori subiectum, quod fit per regulas Logicales. Nec ratio boni, quam respicit practicus intellectus est bonum vt appetibile formaliter, sed vt dirigibile, & cognoscibile, & sic non extrahitur, ex ratione veri, bonum enim etiam est verum, & cognoscibile.

*Quarto inquirens*, an synderesis, & conscientia sint distinctae potentiae ab intellectu?

*Respond.* negatiue, vt docet S. Thom. 1 par. q. 76. art. 12. & 13. sed synderesis nominat habitum principiorum regulantium practice actiones, conscientia vero applicationem eorum ad operandum: neutrum autem distinctam potentiam exigit ab intellectu. Et licet aliqui dixerint synderesim ad voluntatem pertinere, quia versatur circa bonum, tamen quia non versantur circa illud per modum inclinationis, & affectus, sed per modum directionis regulantis, quae fit per iudicium, ideo ad potentiam iudicatiuam, & cognoscitiuam pertinet. Vnde dicitur Psal. 4. *Signatum est super nos lumen vultus tui Domine.* Et Rom. dici-

dicitur ostendi legem naturalem scriptam in cordibus, ostensio autem ad intellectum pertinet; quod etiam affirmat Hier. homil. 1. in Ezech. Aug. lib. 2. de Serm. Domini in monte, D. Thom. cit. locis. Et ratio est, quia sicut in discursu speculatio oportet deuenire ad aliqua principia naturaliter nota in ratione, ut ne sit processus in infinitum, ita in practicis ad aliqua principia naturaliter nota in ratione regulantis, & conuenientis, ut quod bonum est faciendum, malum fugiendum, & habitum talium principiorum vocamus synderesim.

*An verò sit habitus acquisitus, an naturaliter congenitus.* Respondetur, aliquos sentire, quod est omnino indistinctus ab ipso intellectu. Sed D. Thom. 1. 2. cont. gent. cap. 78. dicit habitum principiorum esse partim acquisitum, partim naturalem. Est acquisitus, quatenus dependet à speciebus, ut ex ipsorum terminorum cognitione innotescat, & ita de se intellectus, antequam species aliquas acquirat, sine ullo habitu est, cum enim habitus iste sit lumen determinatum, & circa determinata obiecta ad quæ inclinat, non potest esse idem cum potentia, & ex sola eius indifferetia, & potentialitate resultare, sed ex aliqua determinata representatione obiectorum, quæ speciale lumen determinent, & circa specialia obiecta inclinationem ponant. Est autem naturalis ille habitus non formaliter in se, & radicaliter, quatenus positis speciebus & explicatis terminis ex ipsa natura intellectus prouenit tanta adhæsiō, & inclinatio ad illam veritatem, quod nullo modo potest ei dissentiri, sed naturali vi adhæret illi euidentiæ

& hoc modo dicitur habitus ille naturalis non in sui productione quasi à natura detur, sed in ipsius adhæensione, & assensu ex naturæ proportionem ad illam veritatem stabilito.

*Conscientia* dicitur applicatio scientiæ seu regulæ, & principiorum illorum ad operandum, unde habet se tanquam actus se applicatio non vt habitus, nec vt distincta potentia. Pertinet autem ad intellectum, quia est applicatio dirigens, manifestans, &c. licet supponat motum voluntatis, cuiusmodi illa applicatio voluntariè fit, & practico modo, ea generaliratione, qua omnes potentie applicantur à voluntate ad operandum. Unde conscientie tribuitur id quod intellectus est, vt scire, Ecclesiast. 7. *Sic enim conscientia tua*; similiter iudicare, & testificari, 1. ad Corinth. 10. *Vt quid libertas nostra indicatur ab aliena conscientia*, Rom. 2. *Testimonium illis reddebat conscientia*. Et similiter dicitur conscientia ligare, excusare, condemnare, &c.

Quæ omnia ad cognitionem spectant. Nec obstat quod etiam dicitur bona vel mala, hoc enim est, quia est regulativa, & applicativa ad bonum, & malum sicut etiam dicitur intellectus bonus Psalm. 110. qui est intellectus practicus. Aliquando tamen attribuitur nomen conscientie ipsi synderesi, cuius veritas applicatur ad operandum, attribuendo nomen effectus ipsi causæ, vt ex Patribus docet S. Thom. 1. p. q. 79. ar. 1. n. & videri etiam potest q. 17. de verit. Plura de conscientia pertinent ad Theologos 4. 2. q. 19.

*De intellectu, & conceptu.*

ARTICVLVS I.

*Verum intellectio sit de predicamento actionis,  
vel qualitatis, distinguatur quæ  
realiter à verbo mentis?*



RES sententias generaliter in hac parte reperio. *Prima*, intellectiōem esse actionem de predicamento actionis tanquam formalis causalitas, cuius terminus productus, est verbum, seu conceptus. Ita Conimb. hic cap. 8. q. 3. art. 3. Fonseca 5. metaph. c. 15. quest. 10. lect. 2. Et alij etiam ex Thomistis.

*Secunda* sententia tenet consistere intellectiōem in qualitate, sed non distinguì à verbo mentis, produci tamen hanc qualitatem vera, & propria actione distincta ab ipsa intellectiōe sicut qualibet actio distinguitur à suo termino. Ita P. Suarez lib. 1. de Trinit. cap. 6. num. 5. & lib. 3. de anima cap. 5. nn. 11. miraturque valdè Thomistas distinguentes actum intelligendi à verbo tanquam duas qualitates impugnare Scotum, qui distinxit ipsum dicere ab intelligere, siquidem si ponunt duas qualitates, debent ponere duas etiam distinctas actiones sicut, & termini sunt distincti. Sententiam Suarez sequitur etiam P. Vasquez. 1. p. disput. 38. cap. 2. & disp. 141. cap. 4. qu. 3. &

patrocinator Scotus qui sentit verbum mentis non esse aliud quam actum intelligendi in facto esse, vt colligitur ex eius doctrina in 1. dist. 3. q. 3. & q. 6. §. *Ad argumenta opinionum.* Addit autem Scotus in 1. dist. 2. q. 7. & dist. 27. q. 1. & 2. quod dicere, & intelligere sunt distinctæ actiones ex natura rei, quem ex eo redarguit Suarez, quia si verbum, & actus intelligendi idem sunt, ergo per quam actionem producit verbum, producit etiam actus intelligendi, & sic eadem actio erit dicere, & intelligere, quia habet eundem terminum, verbum, & actum intelligendi.

*Tertia* sententia est intellectiōem esse veram operationem de genere qualitatis, quæ per se respicit terminum cognitum, seu obiectum, non terminum productum, virtualiter tamen esse productiuam verbi, & hoc verbum est qualitas distincta ab ipsa intellectiōe. Prima pars est Caietani 1. p. q. 79 art. 2. §. *Quoad secundum*, & q. 34. art. 1. ad 2. Errariensis 2. contra Gent. cap. 9. in fine & c. 82. §. *Quod si obijciatur*. Capreoli in 1. dist. 35. q. 1. art. 3. & aliorum plurium quos citant, & sequuntur Carmelit. hic disp. 21. q. 1. num. 6. Secunda pars, quod virtualiter sit actio productiua termini sequuntur iidem authores, qui licet dicant esse qualitatem, non tamen agnoscunt contra Scotum distinctionem, seu productionem verbi distinctam ab ipso intelligere, vt Caiet. 1. p. q. 27. art. 1. Bannez, Zumel, Nazarius super eundem locum. Tertia pars quod sint duæ qualitates verbum, & intellectiō, sequitur ex sententia prædicta, quæ ponit intellectiōem esse qualitatem, & tamen producere verbum  
vide-

viderique possunt authores apud Carmelitanos citato loco q. 3. num. 42.

*Dico ergo primo* in Sententia Sancti Thom. quatuor sunt ponenda in intellectu nostro ad intelligendum requisita, scilicet potentia, seu virtus (ad quam etiam pertinet habitus, seu lumen) species intelligibilis, actus intelligendi, & verbum, seu conceptus, aut species expressa. Constat hoc ex ipso D. Thom. q. 8. de potentia art. 1. ubi inquit : *Quod intelligens in intelligendo ad quatuor potest habere ordinem, scilicet ad rem quæ intelligitur, ad speciem intelligibilem, quia fit intellectus in actu, ad suum intelligere, & ad conceptionem intellectus, quæ quidem conceptio à tribus prædictis differt.* Id ipsum docet q. 9. de potentia art. 5. & videri etiam potest in q. 4. de veritate art. 2.

*Nec potest dici* quod D. Thom. non docet differre verbum ab ipsum intelligere, ut est qualitas in facto esse, sed ut est actio tendens in fieri ad verbum ut ad terminum. Cæterum cum actio ista non sit actio de predicamento actionis, sed qualitatis, ut ex D. Thom. ostendimus, relinquitur quod sit qualitas distincta hoc ipso quod D. Thom. dicit differre intellectionem à verbo, de qua distinctione statim agemus. Ratio autem conclusionis ea est quam insinuat D. Thom. citato loco, quia ista quatuor ita se habent, quod vel possunt ab invicem separari, vel vnum est causa alterius, ergo distinguuntur. Antecedens patet nam species, & potentia separantur aliquando, quia datur potentia sine specie ut in nobis, illa verò acquiritur, & advenit, vel per  
acqui-

acquisitionem, vel per infusionem. Ab ipso verò intelligere distinguitur potentia, & species, tum quia intelligere est operatio procedens ab illis; tum quia aliquando non intelligimus actu, sed in potentia, Et eodem modo distinguuntur à verbo quod est actualis terminus intellectionis. Verbum autem distinguitur ab intelligere non quia verbum ipsum possit separari ab intelligere actuali, sed quia verbum est aliquid procedens per intelligere tanquam imago expressa per actum exprimentem, alioquin si non esset res procedens per intellectionem vt expressiuam, & consequenter distincta ab illa, non possemus ex nostro verbo colligere, & explicare productionem Verbi diuini per intellectionem, vt communiter faciunt Patres, & Theologi. Potest tamen ipsum intelligere inueniri sine verbo, ideoque separatur ab illo, in diuinis quidem manifestè Spiritus Sanctus, & Filius intelligunt, & non produunt verbum, in nobis autem probabiliter visio beata illud non producit vt dicemus infra.

*Dico secundò.* Intellectio etiam vt distinguitur à conceptu producto non est actio de praedicamento actionis, sed de genere qualitatis. Itaque est actio metaphysica, cuius munus est per modum actus ultimi, & secundum actuare ipsum operantem, & sic manere in illo, non autem se habere praecise, vt via, & motus ad rem productam: sicque actio metaphysica de se, & formaliter solum respicit pro termino obiectum, non productum, licet secundo non repugnet producere.

Hanc conclusionem saepe docuimus, & est expressa



## Articulus I. 159

expressa D. Thom. opusc. 48. tractatu de actione cap. 7. ubi concludit. *Quod actio immanens non est directe in predicamento actionis*, Excluditur autem à predicamento actionis propter duo.

*Primum*, quia actio predicamentalis dicit aliquid fluens cum motu, ut docet S. Thom. in 1. distin. 8. quæst. 4. artic. 3. ad tertium, non quia actiones instantaneæ non pertineant ad predicamentum actionis, sed quia debent esse immutativæ, & illativæ passionis, eo quod actio quæ est predicamentum se habet comparativè ad passionem, unde actio non inferens passionem non est de genere illius predicamenti. Intellectio autem per se, & formaliter non infert passionem, sed tanto perfectior quanto minus pendet ab immutatione, & passione, nam licet antecederet ad cognitionem requiratur in nobis aliqua mutatio, quatenus indigemus recipere aliquam speciem, vel lumen, siue à Deo infundente, tamen ipsa elicientia actionis si perfecti est, non fit cum aliqua passione, quia si hoc esset, ordinaretur intellectio ad acquirendam aliquam formam in subiecto, qua acquisita cessaret actio, inducta enim passione per receptionem formæ productæ actio cessat, & solum remanet passio. At verò intellectio non cessat per acquisitionem aliquius formæ, quia etiam producto conceptu, seu verbo quod est eius terminus, remanet intellectio contemplans in illo, immò tunc est perfectior intellectio, quando iam perfectè formatum est verbum, ergo intellectio formaliter loquendo, & ut perfecta non infert passionem, nec  
respi-

## 160 *Questio XI.*

respicit terminum productum, seu formam qua acquisita cesset, & ita non est actio inferens passionem, terminatam in illam, sed solum respicit obiectum vt consideratione attractum.

*Secundum* fundamentum est, quia intellectio ordinatur ad perficiendum ipsum operans, non ad perficiendum ipsum operatum, ergo non est formaliter actio de prædicamento actionis. Patet consequentia, quia actio formaliter loquendo est via, & causalitas non autem finis ultimatè intentus, ad hoc enim datur actio vt aliquis terminus transeat de non esse ad esse. Vnde pertinet ad ipsum fieri, seu ad ipsam tendentiam termini in facto esse. At verò intellectio non precisè se habet vt via, & causalitas alicuius termini, seu effectus, sed vt perfectio ultimatè intentata ab intellectu, & si aliquem effectum habet, potius ordinat illum ad se, quam è contra, eo quod perfectio intellectus non est in producendo aliquem effectum, sed in attingendo veritatem, & si producit effectum, verbi gratia cōceptum, est vt in eo contempletur veritatem, & sic contemplatio est ultimum quod actuatur, perficitque intellectum, vnde beatiudo quæ est summa perfectio intellectus in actuali intellectione, & contemplatione consistit. Intellectio ergo, & contemplatio sunt operationis fines, non actiones viæ, & ideo non pertinent ad predicamentum actionis, quæ tantum est via, & causalitas, vnde D. Thom. comparat ipsum intelligere intelligibili 1. par. quæst. 14. artic. 4. & expressius quæst. 34. artic. 1. ad 2. vt infra  
in vl-

in vltima conclusione ponderabimus, & assignat illam causam, quia intelligere non significat actionem vt ab agente exeuntem; vbi excludit illam à prædicamento actionis, non enim solum dixit non esse actionem exeuntem extra agentem, sed non exeuntem ab agente, quod est negare rationem viæ, & causalitatis præcisè ordinatæ ad terminum.

Et totum hunc discursum complexus est S. Doctor 1. contra Gentil. cap. 100. vbi inquit: *Quod huiusmodi actiones immanentes sunt perfectiones eorum quorum sunt operationes, & possunt esse vltimæ, quia non ordinantur ad aliquod factum quod sit finis. Operatio verò, vel actio ex qua sequitur aliquid præter ipsam, est perfectio operati, non operantis, & comparatur ad ipsum sicut ad finem.* Ita Diu. Thom. quia ergo actus immanens non ordinatur ad terminum producendum vt ad finem, sed ad obiectum intentionaliter attingendum, quæ attingentia est perfectio operantis, ideo immanens non est directè actio de prædicamento actionis, nec per se productiua. Et in hoc etiam conuenit Scotus in 1. distinct. 2. quæst. vltima, & dist. 26. & in alijs locis quæ id ostendit dicere ab intelligere, quia actio immanens qualis est intellectio non producit aliquid vt constat ex 9. metaph. & 1. ethic. Sed differimus à Scoto quod ipse non posuit intellectionem esse virtualiter actionem productiuam, & ideo dixit quod dicere non est actus intelligendi, licet sit actus intellectus; inconsequenter vero ponendo, quod verbum non distinguitur ab intellectione in facto esse, di-

se, dixit esse duas actiones distinctas intelligere, & producere verbum. Vt autem in hoc explicemus nostram sententiam.

*Dico* tertio expressio productiua verbi, sui dictio non est actio distincta ab ipso actu immanente intellectionis; sed ipsa intellectio est virtualiter actio productiua verbi; nec indiget intellectio alia actione per quam producat, quia procedit per emanationem, neque alia actione, non producat, quia ipsa virtualiter est productio. Hæc conclusio communiter tenetur à discipulis D. Thomæ 1. par. quæst. 27. artic. 1. ubi videri potest Caietan Nazarius, Bannez, Zumel, & alij. Est expressa D. Thomæ, nam in quæst. de verit. artic. 2. ad 5. inquit: *Quod in nobis dicere non solum significat intelligere, sed intelligere cum hoc quod est ex se exprimere aliquam conceptionem; nec aliter possumus intelligere nisi huiusmodi conceptionem exprimendo, & ideo omne intelligere in nobis, propriè loquendo est dicere.* Similiter in 4. contra Gentil. cap. 11. dicit: *Quod verbum est terminus operationis intellectualis, intellectus enim intelligendo concipit, & format verbum.* Et idem habet opusculo 13. & 14. Et ad idem consonat quod dicit 1. par. quæst. 27. artic. 1. *Quod quicumque intelligit, ex hoc ipso quod intelligit producit verbum.*

*Ratio* conclusionis est, quia dicere est productio verbi exprimentis, & manifestantis rem non quomodocumque, sed vt intellectam & cognitam, seu vt terminum intellectionis, sed res non potest reddi intellecta in actu nisi per ipsum intelligere, & intelligi, ergo neque  
potest

## Articulus I. 163.

potest verbum procedere ab intellectu nisi per ipsum intelligere. Maior manifesta est, quia verbum non potest exprimere rem ipsam nisi aliqua imagine vitali, & animata, & non alia vitalitate quam cognitionis, quia non pertinet nisi ad principium cognoscituum verbum ipsum, & imago, siquidem est locutio, & locutio solum pertinet ad principium cognoscituum, ergo debet exprimere rem ut vitaliter affectam ab ipsa cognitione, ergo non solum ut intelligibilem in actu primo, sed ut intellectam in actu secundo. Unde etiam per voces exteriores non solum representamus res, sed etiam cognitionem nostram, id autem representabat verbum interius quod vox exterius. Constat etiam quod verbum exprimit rem ut locutam, ergo ut cognitam, quia incognitum non est locutum, ergo similiter ipsa locutio, seu dictio erit cognitio.

*Vnde prob. min.* quia res non dicitur intellecta nisi ratione intellectionis, intelligi enim essentialiter dependet ab intelligere, ergo expressio rei per modum intellectæ est expressio ipsius intelligere, seu ipsum intelligere ut expressivum, & manifestativum, de se enim intelligere manifestatio est, & lumen, vnde per se habet esse expressivum, seu manifestativum, aliquando quidem ex necessitate, & indigentia, quia obiectum ipsum non est sufficienter explicatum, & evolutum, & ita proceditur ab imperfecto ad perfectum, sicut in nobis fit per discursum, & cogitationem, & sic præcedit verbum intelligere perfectum, sed procedit ab intelligere imperfecto, & infieri,

164 *Questio XI.*

fieri, & generaliter quodcumque formatur verbum, ipsum fieri verbi, etiam est intelligere inferi. Aliquando verò procedit verbum ex abundantia intelligendi, quatenus intellectus quantò perfectius intelligit, tantò magis facit impetum ad manifestandum se, naturaliter enim intellectus est manifestatius, & communicatius sui, & quia manifestat res ut intellectas, oportet quod illud dicere, seu exprimere sit substantialiter intelligere. Et hoc modo procedit. Verbum diuinum per intelligere Patris non ex indigentia, sed ex intelligentia. *Secunda pars* conclusionis quod ipsa intellectio sit virtualiter actio productiua, constat ex præcedente, quia dictio est ipsamet intellectio ut expressiua, sed dictio est actio productiua verbi, ergo intellectio ut expressiua est productiua, & cum sit de genere qualitatis ut ostensum est, solum virtualiter erit actio productiua. Et deinde, quia intellectio procedit ab intellectu, & specie, ut à virtute productiua sui, & ipsius verbi mediante intellectione, siquidem ut diximus verbum est terminus expressus ipsius intellectionis, sed intellectio non se habet ut virtus intelligendi, & ut principium per modum actus primi, siquidem intellectio est actus secundus intelligentis, & vltimum quo constituitur in actu, ergo si verbum procedit mediante intellectione, non procedit mediante illa ut virtute, & actu primò producentis, ergo ut mediante actione productiua, quia illud quod se habet, ut actus secundus inter producents, & productum, est ipsamet actio productiua, siue formaliter, siue eminenter. Vnde constat quod ipsa-

## Articulus I. 165

ipsamet intellectio, licet sit qualitas, tamen quia habet rationem actus secundi, & ita eminenter est actio productiva, de se habet procedere à suo principio eo modo quo procedit actio, scilicet per modum emanationis non per actionem mediam superaditam.

*Dico quarto* intelligere, & dicere differunt, ut res, & modus, intelligere autem, & verbum differunt, sicut res, & res.

*Prima pars* sumitur ex Diuo Thoma prima parte, quæst. 34. artic. 1. ad 3. ubi inquit: *Quod dicere, & intelligere differunt, nam intelligere importat solam habitudinem intelligentis ad rem intellectam, in qua nulla ratio originis importatur, dicere autem importat principaliter habitudinem ad verbum conceptum, nihil enim aliud est dicere quam proferre verbum.* Et in 4. de veritate artic. 2. ad quintum inquit: *Quod in nobis dicere non solum significat intelligere, sed intelligere cum hoc quod est exprimere aliquam conceptionem.* Ergo secundum Diu. Thomam distincta habitudo importatur in ipso dicere, quam in intelligere, & consequenter diuersus modus.

*Ratio est manifesta*, quia dicere identificatur cum intellectione, quia ut probauimus non est actio distincta, & seorsum ab illa. Ex alia parte actualis dictio ponit aliquam habitudinem in intelligere præter ipsam substantiam intellectionis, quia intellectio de se non dicit habitudinem productui, nec respicit terminum ut productum, sed ut cognitum, dicere autem respicit terminum ut dictum, seu productum, iste autem respectus, seu.

166 *Questio XI.*

seu habitudo, aliquis modus est. Potest etiam separari ab intellectu, licet non è contra, vt in visione beata secundum sententiam probabilem non generatur verbum, & in diuinis intellectio prout in Filio, & Spiritu Sancto non producit Verbum; ergo reperiuntur signa distinctionis modalis, quia dictio nunquam potest esse sine intellectu, bene tamen intellectio sine dictione, distinguuntur ergo istæ formalitates, quatenus intelligere respicit obiectum vt præcisè intelligibiliter attingendum, dictio autem vt productiuè, & ponendo in esse ipsum verbum.

*Quoad* secundam partem conclusionis, constat ex dictis, quia intellectio non est actio, quæ sit sola, & pura causalitas, sicut actio de prædicamento actionis, sed est qualitas ipsius operantis, vt in conclusione secunda ostensum est. Quod verò ipsum verbum sit etiam qualitas, constat, quia est imago expressa representans obiectum, ergo si species impressa est qualitas, quia representatiua est saltem virtualiter, non minus erit qualitas species expressa, quia perfectius representatiua est, & magis in actu, quam species impressa. Item etiam quia per expressionem generatur aliquid simile ipsi species impressæ, quæ est principium intelligendi, & exprimendi, ergo oportet quod sit qualitas sicut ipsa species, non modus aliquis ipsius, aliàs non diceretur simpliciter illi similis, ita vt ex sua ratione non repugnet, quod ipsa verbi productio sit generatio vt in verbo diuino, vt dicitur 1. p. quaest. 27. artic. 2.

*Dico ultimo* intelligere formalissimè consistit



fit in operatione habente se per modum actus  
ultimi ipsius intelligentis in ordine ad obie-  
ctum, ideoque formalitas illius ut distinguitur  
à dicere magis consistit in actuatione quam  
in origine. Ita sumitur ex Diuo Thoma pri-  
ma parte, quæst. 34. artic. 1. ab 3. ubi inquit :  
*Quod intelligere solum dicit habitudinem intel-  
ligentis ad rem intellectam, ubi nulla ratio ori-  
ginis importatur* ; licet enim intelligere origi-  
netur ab intellectu, & emanat vitaliter ab eo,  
quia operatio vitalis est, tamen non reddit  
intelligentem ex eo solum quia procedit, sed  
quia obiectum attingit, & in illa attingentia  
objecti non explicatur formaliter modo origi-  
nis, sed supponitur.

*Et ratio est*, quia illud est formaliter intelli-  
gere, ex qua formaliter, & immediatè seq ui-  
tur intelligi in obiecto, & attingentia illius in  
subiecto, ita quod constituatur intellectus at-  
tingens obiectum, tunc enim principaliter  
denominatur intelligens, quando constitui-  
tur apprehendens obiectum, ergo licet ad hoc  
ut vitali modo fiat ista apprehensio requira-  
tur egressio ab ipso intelligente, tamen hoc  
est commune omnibus actibus vitalibus ; ut  
autem specialiter constituatur in ratione in-  
telligentis oportet, quod id habeat secundum  
attingentiam obiecti, in qua completur ratio  
apprehensionis, licet ut vitalis sit rationem  
processionis supponat, & requirat in nobis in  
quibus vitalis actus est operatio superaddita  
potentiæ, & ab illa vitaliter emanans ; in Deo  
autem intelligere non est superadditum in-  
tellectui, nec procedit ab illo, aliàs distingue-  
retur ab illo realiter. Quare principalis ratio  
intet-

Intellectionis, ut intellectio est, non est ipsa egressio, seu origo ab operante, sed actuation ipsa qua in genere intelligibili constituit intellectum in actu secundo coniunctam ipsi obiecto seu tendens ad illud intentionaliter, & intelligibiliter. Cuius signum est, quia intelligere non ordinatur, solum ad terminum aliquem egredientem, & procedentem quale est verbum, sed etiam ipso producto adhuc intellectio actuatur, & informat intellectum, & ita perficit illum tanquam ultima actualitas, non tanquam via ad terminum.

Et ex his colligitur quomodo dicatur intelligere se habere ad formam intelligibilem sicut esse ad formam naturalem, ut docet D. Thom. prima parte, quaest. 14. artic. 4. & quaest. 34. artic. 2. ad secundum ubi inquit: *Quod intelligere se habet ad intellectum in actu sicut esse ad ens actu, non enim intelligere significat actionem ab intellectu exeuntem, sed in intellectu manentem.* Quam rationem etiam attingit quaest. 54. artic. 2. Hoc autem non intelligitur de ipsa intellectione ut est dictio, seu expressio, sic enim non se habeat ut esse actians, sed tanquam actio, & productio effectiva; sed intelligitur de ipsa intellectione ut praecise est ultima actualitas intellectus in ordine ad obiectum; & sic enim actuatur, & informat intellectum, & formam intelligibilem in esse intelligibili, illumque constituit in actu ultimo, & perfecto, & ita maxime convenit ipsi contemplationi. Non repugnat autem, quod actio quando est immanens deus esse ipsi agenti, licet non quando est transiens, ut docet D. Thom. questione illa 54. citata,

non

non quidem esse physicum, & naturale, hoc enim supponitur, ut operatio intelligendi exeat ab intelligente, sed esse intelligibile, quod accidentale est in creaturis in quibus intellectio est operatio emanans; in Deo autem est ipsum esse substantiale, sed ibi emanat intellectio, ut operatio.

## SOLVUNTUR ARGUMENTA

**P**rimò arguitur ad probandum quod intellectio, ut distinguitur à Verbo non potest esse qualitas, sed de prædicamento actionis, nam expressè negat Philosophus actus immanentes esse qualitates, ut patet 10. Ethic. cap. 3. *Nec enim, inquit, virtutis operationis qualitates sunt.* Constat autem operationes virtutis actus immanentes esse, & 9. Metaph. cap. 9. diuidit veram, & propriam actionem in immanentem, & transeuntem: ergo vtrique debet esse propria actio, quia vtrique est membrum illius diuisi.

*Confir.* quia non potest intelligi, quod intellectio sit vera, & propria qualitas nisi sit effectus propriè per actionem productus, quæ enim est ratio ut ad talem qualitatem non detur actio, sed sine actione dimanet: præsertim cum in nostra sententia dimanatio passionum à natura fiat per actionem non ipsius naturæ, sed generantis, in præsentem autem non est actio generantis, quia illa qualitas attingatur, ergo non est emanatio per modum propriæ passionis, erit ergo emanatio per modum veræ actionis.

*Respondetur Aristotelem in primo loco lo-*  
*De Anima Tom. II.* H qui

qui de qualitatibus permanentibus quales sunt habitus, non de qualitatibus transeuntibus quales sunt actus, & intellectio, & cum sit actus non pertinebit ad habitum, sed ad dispositionem. Et hoc sumitur ex ipso textu Philosophi, quia in illo loco soluebat quoddam argumentum Platoniorum contra Eudoxium, quo probabant declarationes non esse de genere bonorum, quia boni dicimur per qualitates, delectatio autem non est qualitas, sed motus, ergo non est de genere bonorum, sed imperfectorum, quæ argumentatio non valeret nisi *ly qualitas* sumatur pro qualitate permanente, qua modo permanenti dicimur boni. Resp. autem Philosophus, quod etiam operationes virtutis sunt qualitates, scilicet non permanentes, & tamen bonæ sunt, non ergo ratio boni restringitur ad solas qualitates permanentes, sed etiam ad operationes, quæ sunt actus seu qualitates transeuntēs.

*Ad secundum locum ex 9. Metaphysicor.* dicimus potius stare pro nobis, nam ibi in text. 15. diuidit Philosophus actiones ex parte potentiarum, dicendo: *Quod quarundam potentiarum actiuarum finis est solus usus potentie, & non aliquid operatum per actionem, sicut ultimus finis potentie est visio, & præter eam non fit à potentia visiva aliquod opus operatum, in quibusdam verò potentijs actiuis fit aliquod opus præter actionem, ut ab arte edificatua fit domus* Et subdit, quod actio inmanens non perficit aliquod operatum, sed ipsum operans. Et ita est in ipso sicut perfectio eius. Unde potius colligitur, quod operatio inmanens ut visio, & intellectio non sunt actiones  
de præ-

de prædicamento actionis, sed de genere qualitatis eò quod non se habent, vt pura, & nuda causalitas tendens ad effectum, sed vt perfectio vltima ipsius operantis, siquidem etiam producto effectù remanet actiuans vitaliter ipsum operantem, quod non haberet si esset actio de prædicamento actionis, desinit enim producto effectù.

*Ad confirmationem Respondetur*, quod qualitas quæ est operatio, & actus secundus, non procedit per aliam actionem, benè tamen qualitas, quæ non est operatio, nam hoc ipso quod est actus secundus immanens, eminenter habet vim actionis transeuntis. Et non indiget alia actione media procedere, quia ipsa, actus seu operatio est; & ad qualitatem, quæ actus non est, datur actio. Nec dicitur emanare tanquam propria passio, sed ad modum quo actiones emanant, quia non procedunt media alia actione, aliàs esset processus in infinitum, quia illa alia actio exigeret aliam actionem qua procederet. Quare non solæ passiones sunt quæ emanant, sed etiam actiones & relationes, siuè actio sit de prædicamento actionis, siuè sint actus, & operatio de prædicamento qualitatis, licet enim non sint actiones cum imperfectione quæ est motus, sunt tamen actiones perfectæ. Et ideo non debent carere illa perfectione actus secundi qua se ipsa emanat ab agente, hoc enim non fundatur in imperfectione motus, sed in ipsa ratione actus secundi.

*Secundò arguitur*, quia vel intellectio est vera, & propria causalitas ipsius verbi vel non; si hoc secundum, ergo verbum produ-

atur alia actione, quam cognitione, siquidem aliqua actione debet produci, unde dictio distinguetur ab intellectione; nec intellectio erit eminenter actio, sed tantum qualitas absoluta, & consequenter producet per aliam actionem. Si dicatur primum, non est cur intellectio excludatur ab actione prædicamentali, aut cur dicatur qualitas, quia non possunt in unum convenire qualitas quæ dicit entitatem in facto esse, & actio seu causalitas, quæ dicit rem in fieri, & tendentia, fieri enim est aliquid imperfectum, qualitas autem in facto esse dicit perfectum existentiam. Nec potest dici; quod actio quæ non est qualitas non solum importat causalitatem, & fieri, sed etiam fluxum, & motum. Nam contra est, quia illuminatio, & aliæ actiones instantaneæ verè, & propriè sunt actiones, & tamen sunt sine motu: ergo non requiritur motus successivus, sed sufficit mutatio, hæc autem etiam invenitur in intellectione, nam intellectio illa, & conceptus informant intellectum, eique inhaerent, & mutant ipsum de non intelligente in intelligentem, ergo habent rationem propriæ actionis. Denique gratis dicitur, quod ad rationem actionis propriæ requiratur, quod sit cum motu, & fluxu, de se enim solum exigit quod sit causalitas constituens causam efficientem in actu causantem, ergo sicut causa efficiens non dicit esse moventem, sed causantem, ita neque actio dicit essentialiter rationem motus, sed causalitatis, præsertim cum motus sit post prædicamentum, actio autem prædicamentum sit.

*Respondetur*, intellectionem habere veram  
& pro-

& propriam causalitatem, licet non cum imperfectiōe, sed eminenter, & perfecte neque enim ratio causalitatis restricta est ad prädicamentum actionis nisi sit cum tali imperfectiōe, quod tantum ordinetur ad effectum, ut via, & tendentia ad terminum, non autem propter se operatur tanquam ultimum quod intendit agens. Et hoc ideo, quia prädicamentum actionis est, quod denominat agens ab effectu secuto, seu passione subiecti, condiuitur enim actio quæ constituit speciale prädicamentum contra passionem, licet enim ista sex ultima prädicamenta non sint denominationes extrinsecæ, dependet tamen eorum denominatio ab aliquo extrinseco, ut docet 9. Thom. opusc. 48. tractat. de sex ultimis prädicamentis, & nos diximus in logica q. 19. Quare ut aliqua actio sit de hoc prädicamento oportet, quod respectu subiecti sit mutatio, seu motus, & respectu effectus sit pura, & mera causalitas ordinata ad ipsum. Quod si ratione sui operatio aliqua seu actus secundus quaeritur, nec propter effectum producendum tantum, sed etiam producto effectu manet, & perficit ipsum operantem, & non solum operatum, talis actus secundus excedit prädicamentum actionis, quæ non quaeritur propter se, sed propter effectum, & ut via ad illum, sed est de prädicamento qualitatis, quia subiectum actuatur, & qualificatur. Et quando dicitur, quod non possunt conuenire in vnum causalitas, & qualitas.

*Respondetur*, id verum esse de causalitate imperfecta, & tantum ordinata ad effectum, quæ cessat effectu producto, utpotè via ad illum,

H. 3. illum,

illum, non de causalitate perfecta, & eminenti quæ potius ordinat effectum ad se, & ordinatur ad perfectionem ultimam operantis. Et ita manet, etiam effectu productò, sicut productò verbo adhuc manet intellectio, licet in quantum gerit officium causalitatis respectu conceptus producti, inferior ipso videatur, sed tamen simpliciter est perfectior, quia non sinit in hoc, sed etiam manet, & perficit operantem post effectum productum, neque est solum via ad perficiendum operatum.

*Ad id verò quod dicitur etiam in intellectione inueniri mutationem.*

*Respondetur*, quod inuenitur mutatio quasi metaphysica, idest reductio actus primi ad secundum, non autem physica quæ consistit in corruptione vnius, & positione alterius formæ in subiecto, eo quod est actus secundus non de se ordinatus ad effectum, sed propter se, & ratione sui perficit operantem, & non solum operatum, talis autem mutatio non pertinet ad prædicamentum actionis, sed excedit illud. Et ita licet conceptus, seu Verbum producat, ut inhærens, & educitur de ipso subiecto non tamen requiritur, quod id fiat per educationem seu actionem formalem, sed per eminentem, quæ est ipsa qualitas intellectiois, ut actus secundus, & operatio virtualiter productiua, & consequenter educiua, ipsa autem intellectio non educitur per aliam actionem, sed se ipsa emanat sicut alie actiones, & relationes. Quare non gratis dicitur requiri ad prædicamentum actionis quod sit causalitas cum motu, eo quod-



quod est causalitas imperfecto modo, & ordinata præcisè ad perfectionem ipsius operati; & ad eius esse, non ad perfectionem operantis, ideoque mutationem rei operatæ importat, & corruptionem oppositi etiam in instantaneis.

*Quod* si inquiras, quomodo potest intellectio esse virtualiter actio, nisi conveniant ei conditiones actionis, quarum non est, ut identificetur cum re producta tanquam fieri, & causalitas cum termino, intellectio autem si est qualitas non potest identificari cum verbo, quod est qualitas distincta, & sic non identificata; nisi dicatur quod est virtualiter actio, quia habet virtutem emittendi verbum, & actionem productivam eius; sed tunc intellectio se habebit ut actus primus non ut actus secundus, quia sic esset virtus emittens actionem.

*Respondetur*, quod actiones immanentes non habent omnes conditiones transeuntis, sic enim non eminenter, sed formaliter essent sicut ipsæ. Illa autem conditio actionis, quæ identificatur cum termino solum convenit actioni, quæ præcisè est via, & causalitas effectus, & ordinata ad ipsum, non verò eius actionis, quæ per se est ultimum ad quod ordinatur operans, & ad perficiendum ipsum, non verò solum ad perfectionem operati ordinatur: hæc enim non identificatur cum effectu, sed etiam productio effectu perficit operantem. Quare actus immanens solum est virtualiter actio, quia est actio quantum ad emissionem, & originationem effectus, non quantum ad identificationem, & subordinationem ad effectum. Nec tamen dicitur se habere ut virtus in actu primo, quia for-

maliter est actus secundus perficiens operantem, & originans effectum operatum, non tamen sistens in ipso, & subordinatu illi, sed potius effectum ordinans ad se, vt perficiat operantem in illo : in quo valdè assimilatur actioni diuinæ, quæ vt actio est, tenet se ex parte Dei, & solum infert mutationem in effectum, operatur quippè Deus per actionem immanentem, & in hoc imitatur eum actio immanens creata, quod emittit ex se effectum, & est actus secundus originans ipsum, non autem identificatur ei, sed sola mutatio ipsius quæ est fieri passivum eius, non autem facere actuum quod ex parte actionis immanentis se tenet. Cum autem Philosophi dicunt actionem, & passionem non distinguere nisi modaliter, loquuntur de actione, quæ identificatur cum motu, hæc enim non distinguitur realiter à passione, & termino, sed modaliter.

*Primo arguitur* quia dictio est actio distincta ab intelligere, ergo &c.

*Anteced. probatur primo*, quia intelligere est qualitas distincta à verbo in nostra sententia, ergo distincta actione procedit quam ipsum verbum, verbum autem procedit per dictionem, ergo distinguitur dictio ab intelligere 2. Quia dictio supponit intellectionem, quia ex hoc quod intelligit procedit verbum, vt dicit S. Thom. 1. par. quæst. 29. art. 1. & ex alia parte intelligere vt contemplari, supponit dictionem, quia in verbo dictio sit contemplatio. Similiter dicere importat ordinem originis, intelligere habitudinem informationis, quia intellectus actuatur ab objecto, vt  
docet

docet S. Thom. 1. par. quæst. 34. art. 1. ad 1.  
ergo distinguuntur vt actio, & non actio 3.  
Quia separari potest intelligere à dicere, quia  
vt dicemus sequenti artic. datur aliquando  
intellectio sine hoc quod producat verbum,  
ergo non sunt eadem actio, intelligere, &  
dicere.

*Confirmatur*, quia ipsa intellectio habet  
quidquid requiritur ad rationem verbi, ergo  
ipsa non est dictio, sed dictio est id quò pro-  
ducitur.

*Antecedens* constat, quia verbum est noti-  
tia, vt illud vocat S. Thom. 4. de veritate,  
artic. 2. ad 2. intellectio autem notitia est.  
Intellectio etiam manifestat, quia actu per il-  
lam attingit obiectum intellectus; est etiam  
qualitas, & non dicit rationem originis, sed  
informationis, ergo habet quidquid requiri-  
tur vt sit expressa representatio, & qualitas  
manifestans non per modum tendentiæ, &  
viæ, sed per modum qualitatis informantis,  
& termini.

*Respondetur* negando anteced. Ad primam  
probationem. Respondetur in primis illam  
conseq. quæ est P. Suarez 1. de Trinitate cap. 6.  
num. 5. esse infirmam, quia esto intellectio,  
& verbum sint distinctæ qualitates, non se-  
quitur debere produci diuersa actione, ea-  
dem enim actio potest habere plures terminos  
inadequatos, & inter se ordinatos.

*Secundo* addimus, intellectionem esse  
qualitatem per modum actus secundi, &  
operationis, & ita esse virtualiter, seu emi-  
nenter productiuam; vnde, & quia opera-  
tio est, exit emanando à suo principio,

non per aliam actionem, & quia virtualiter productiua est, non per aliam actionem, sed per se est expressiua.

*Ad secundam* probationem dicitur quod dictio supponit intellectionem, & intellectio dictionem secundum diuersas considerationes, non tanquam duo omnino diuersa, sed ut formalitates, seu modi eiusdem operationis; supponit enim dictio intellectionem sicut formalitas, seu modus rem ipsam cuius modus est, sicut sensitiuum supponit vegetatiuum non sicut entitatem, & formam diuersam, sed ut gradum eiusdem. Et ita cum dicit D. Thom. quod quia intelligit, concipit seu dicit, non est sensus quod una actio est causa alterius, sed quod in eodem actu una perfectio, seu formalitas est ratio alterius, ex quo enim aliquid est dicens seu loquens, quia est intelligens, non entitate diuersa, sed eadem includente utramque perfectionem. Et contemplatio supponit verbum productum in quo contemplatur, & productionem eius, non tanquam actionem distinctam, sed tanquam vnā, & eandem secundum diuersos status, seu respectus, nam cognitio est formatiua sui obiecti faciendo verbum, quod cognoscendo, & exprimendo format, & sic ut respicit obiectum cognitum est cognitio, ut expressum, & formatum in ratione representationis est expressio, & productio, rursusque cognitio perficitur in ratione contemplationis in ipso verbo expresso, & producto in quo obiectum attingitur. Quod verò intellegere secundum se non importet habitudinem originis, sed informationis, non infert distincti-

stinctam actionem entitativè, sed formaliter, idest quoad habitudinem, seu formalitatem exprimendi, idem enim actus, seu operatio est actus secundus potentiae, virtualiter tamen est actio productiva, seu expressiva conceptus, non per novam entitatem actionis, sed per diversam eiusdem cognitionis habitudinem. Ad 3. probationem dicemus sequen. artic. non enim dicere separatur unquam ab intelligere, sed è contra quod est signum distinctionis modalis.

*Ad confirm. respond.* verbum manifestare representando, intellectionem autem manifestare operando, & cognoscendo, & verbum dicitur notitia terminativè, seu per modum termini in quo fit notitia. non formaliter, & per modum operationis, ut etiam advertit S. Thom. 1. p. q. 34. art. 1. ad 2 differt autem esse manifestativum, & expressivum per modum representationis, vel per modum operationis & actus, quorum primum dicit rationem imaginis, & similitudinis tanquam res expressa & dicta; secundum autem dicit rationem actus ultimi, & tendentiae ad obiectum, ut

cognitum, non faciendo illud praesens

per modum similitudinis, sed praesens

factum vitali actu attingendo,

& operatione ipsa, seu actu

ultimo representatum

obiectum co-

gnoscen-

do.

\*

## ARTICVLVS II.

*Verum ad omnem intellectiōem sit necessaria  
productio Verbi.*

**S**Vpponendum est quod vt sup. q. 8. artic.  
3. attingimus necessitas ponendi verbum  
in nostra intellectiōe ex duplici principio  
fundari potest. Primò propter ipsum obie-  
ctum, secundò propter ipsam potentiaē ope-  
rationem. Propter ipsam actionem fundant  
hanc necessitatē plures authores qui existi-  
mant verbum, ideo solum requiri vt ope-  
ratio ipsa terminum habeat, eo quod illam ope-  
rationem existimant esse formaliter de præ-  
dicamento actionis, actio autem sine terminò  
dari non potest; vnde respondent difficultati  
non posse dari intellectiōem actionem sine  
verbo, & in Deo etiam intelligere habet ver-  
bum, licet non sub omni consideratione, sed  
vt est intelligere secundum in Patre. Sic sen-  
tiunt P. Suarez disput. 18. metaph. sect. 2. a nu.  
7. & lib. 2. de attributis negatiuis, cap. 12. &  
13. Videri etiam potest lib. 5. de anima cap.  
6. Conimbricenses. 3. de anima cap. 8. q. 3. ar.  
2. Molina 1. p. quæst. 27. art. 1. Vazquez, Rubio  
Montesinos, & alij quos citant Carmelitani hic  
disp. 21. q. 5.

*E contra* verò apud D. Thom. & eius scho-  
lam verbum requiritur in intellectu non ex  
parte potentiaē, aut operationis eius vt pro-  
ductiua, sed ex parte ipsius obiecti, vel vt red-  
datur præsens si sit absens, vel vt reddatur suf-  
ficienter immateriale, & spirituale in ratione  
termini

termini intellecti, & cogniti intra intellectum, nec solum sit intelligibile in actu primo per modum speciei impressæ; vel denique vt reddatur obiectum manifestatum in aliqua representatione tanquam res dicta, & locuta. Et ad duo prima requiritur verbum ex indigentia ipsius intelligentis, & obiecti intellecti ad tertium autem requiritur verbum propter abundantiam intelligendi quatenus ex abundantia cordis os loquitur, & propterea dixit Augustinus, quod verbum in Deo non procedit ex indigentia, sed ex intelligentia, quia non procedit vt reddat essentiam diuinam intellectam in actu, aut Patrem intelligentem, quia essentia se ipsa est in actu puro intelligibilis, & intellecta, sed vt manifestetur, & representetur in imagine, id quod est in intelligentia.

Hæc Sententia sumitur ex D. Thom. qui necessitatem ponendi verbum in nobis desumit ex prima, & secunda causa, in 1. contra gent. cap. 53. vbi inquit: *Quod intellectus per speciem rei formatus intelligendo format in se ipso quandam inuentionem rei intellectæ, quæ est ratio ipsius quam significat definitio. Et hoc quidem necessarium est eo quod intellectus intelligit indifferenter rem absentem, & præsentem, in quo cum intellectu imaginatio conuenit, sed intellectus hoc amplius habet, quod etiam intelligit rem vt separatâ à conditionibus materialibus sine quibus in rerum natura non existit, & hoc non posset esse nisi intellectus inuentionem sibi prædictam formaret. Idem docet 4. contra Gent. cap. 11. & opusc. 13. & 14.* Et quod requiratur etiam propter manifesta-

tionem specialiter videri potest in q. 4. de veritat. 2. præsertim ad primum & alijs locis ubi docet, quod Pater dicendo verbum manifestat, & exprimit totam Trinitatem, & omnem creaturam, vt etiam docet 1. parte, quæst. 34.

*Ratio* & fundamentum huius conclusionis facile constare potest, quia in præcedenti articulo ostendimus intellectionem ex se non esse actionem productiuam, nec respicere terminum vt productum, sed vt cognitum, vnde propter assignandum terminum à tali actione productum præcisè non est ponendum verbum, sed vltèrius oportet assignare necessitatem producendi tale verbum, & hanc non possumus desumere nisi ex obiecto, quod in esse obiecti formari debet intra intellectum, & intra ipsum poni vt intelligatur, eo quod intellectus est potentia perfectè trahens res ad se, & vnies illas sibi non solum vnione quadam tendente ad rem vt est extra, sed intelligente illam secundum omnes respectus, & modos quibus potest res ipsa præscindi, componi, comparari, diuidi, &c. Hæc autem omnia requirunt obiectum cognosci, & attingi prout est intra intellectum, quia extra illum non est res ipsa abstracta, comparata, diuisa, &c. Sed hoc sortitur beneficio intellectus, ergo potentia, quæ de se cognoscitiua est obiecti secundum omnes istos modos quos sortitur intra se, & non extra, necesse est terminari ad obiectum vt intra se formatum, & non vt præcisè manet extra se. Nec sufficit ad hoc obiectum esse intra potentiam speciem impressam, tum quia species impressa tenet se



## Articulus II. 183

ex parte principij eliciendi intellectiōem, actus autem intelligendi non terminatur ad ipsam speciem impræssam, quia sic semper deberet esse reflexa, utpotè conuertens se ad suum principium à quo elicitur: tūm etiam quia ex eadem specie impressa possunt formari plures conceptus, seu species expressæ, quia potest intelligi res secundum diuersos respectus inclusos virtualiter in eadem specie, vel secundum comparationem vnius speciei ad aliam, ergo non sufficit species impressa, ut ad illam terminetur intellectio, sed requiritur determinata, & expressa species in qua determinatè proponatur intellectui ex parte termini ad quod inuolutum est in specie impressa ex parte principij.

*Ad hoc* si obiectum est absens, ita ut in se ipso terminare non possit cognitionem, necessariò requiritur, quod hæc terminatio suppleatur in aliqua repræsentatione, nec sufficit ipse actus intelligendi, quia iste est ipsa cognitio, non res ipsa cognita, multò minus species impressa, quia ab ipsa ut à principio elicitur cognitio, ergo in illa non habet rationem termini nisi per reflexionem, reflexio autem supponit actum directum, & de illo inquiremus quem terminum habeat. Quod si obiectum sit præsens sed non sit spirituale, & proportionatum ipsi intellectui, manifestum est quod ad ipsum prout sic non potest terminari intellectio nisi reddatur proportionatum, & spiritualizatum etiam prout terminat cognitionem, obiectum autem non redditur spirituale, & immateriale nisi intra intellectum, quia denudatio à materialibus conditionibus

## 184. *Questio XI.*

Nus non conuenit rei materiali ad extra, sed  
 prout intra intellectum. Quod si obiectum  
 ipsum in se spirituale sit, vel est extra ipsum  
 intellectum sicut vnus Angelus respectu alte-  
 rius Angeli, & tunc non potest Angelus ille  
 distinctus deservire alteri per modum speciei  
 etiam impressæ, quia non potest intra ipsum  
 intellectum per suam substantiam poni, cum  
 non habeat aliquam vnionem ad ipsum, ne-  
 que per modum formæ, cum sit substantia,  
 & intellectus accidens, neque per modum  
 materiæ cum non sit eius subiectum,  
 neque per modum efficientis, cum non  
 causet intellectum nisi solus Deus. Si verò  
 substantia Angeli sit intima intellectui, vt est  
 respectu sui proprii intellectus cuius est sub-  
 iectum, & cui seruit per modum speciei im-  
 pressæ, adhuc non sufficit pro specie expressa  
 terminante intellectionem, quia vt probat  
 D. Thom. 4. contra Gent. cap. 11. cum intelli-  
 gere Angeli non sit eius substantia, seu eius es-  
 se, etiam verbum, seu conceptus Angeli non  
 est eius substantia, sed accidens. Cuius pro-  
 bationis efficacia consistit in hoc quod ver-  
 bum repræsentat obiectum, vt intellectum,  
 & cognitum, & non solum vt intelligibile,  
 ergo si intelligere, & intellectui est accidens,  
 etiam verbum vt intellectum oportet quod  
 sit accidens, & non substantia, tunc etiam  
 quia vnā, & eandem rem contingit multi-  
 pliciter intelligi, & non vno tantum modo, &  
 ideo intelligere quod per modum operatio-  
 nis nascitur ex intelligente, non potest esse  
 eius substantia, seu eius esse, quia hæc debet  
 esse fixa, & determinata, operatio verò est  
 mul-

**M**ultiplex, & varia manente eadem substantia, ergo etiam terminus illius debet esse varius, & multiplex, siquidem potest diuerso modo intelligi idem obiectum, per terminum autem qui est verbum, constituitur obiectum in ratione intellecti, ergo per aliquid accidentale, & non per suam substantiam debet terminare ipsam operationem; & hoc intra intellectum, quia formatio, & expressio obiecti fit per cognitionem, & locutionem, seu manifestationem internam, & sic oportet quod talis terminus formatus, extra ipsam cognitionem non sit, & consequenter neque extra potentiam.

*Quod si inquiras*, quomodo ipsum verbum possit deferuire ad cognoscendum obiectum nisi prius cognoscatur tanquam imago representans, cum tamen nullus experiatur se prius videre hanc imaginem ut in ea videat obiectum? Quomodo etiam potest per cognitionem formari, si ipsa cognitio non respicit obiectum nisi in ipso verbo representatum?

*Respondetur* quod imago est duplex alia exterior, & instrumentalis, quæ ut cognita ducit incognitionem obiecti, & talis imago prius debet attingi, & cognosci quam obiectum ipsum; alia est interior, & formalis quæ non est obiectum cognitum, sed ipsa est ratio, & forma terminans cognitionem, & hæc non debet esse cognita obiectiue, sed solum cognitionem reddere terminatam formaliter respectu obiecti, debet autem formari per cognitionem ipsum verbum, quia ut dictum est verbum representat rem ut cognitam, & intellectam, & sic intellectione ipsa debet formari

uari. Et vocatur aliquando verbum à D. Th. instrumentum, quo intellectus utitur ad cognoscendum, ut quod lib. 5. artic. 9. sed tamen non sumit instrumentum pro signo instrumentali, quod obiectiuè mouet potentiam, sed pro medio intelligendi formali, & intrinseco ipso cognoscenti. Nec repugnat quod eadem cognitio simul cognoscat, & formet, ut dicit D. Thomas opusc. 14. sicut si visio emitteret ex se lucem vel colorem, simul videretur, & produceret obiectum suum, aliàs si prius formaretur verbum, oporteret prius dicere quam cognoscere, & illa dictio seu locutio tunc modo fieret, dicendo quoddam non cognoscit. Est ergo ipsa cognitio considerata inferiori, & in statu imperfecto formatiua verbi, ipso autem formato redditur perfecta, & completa cognitio tanquam contemplatio, licet etiam postea iterum possit dicere ad manifestandum obiectum ex abundantia intelligentiae, ut iam supra explicauimus.

*His suppositis*, circa principalem difficultatem articuli, illi qui existimant verbum poni in intellectu ex eo præcisè, ut sit terminus productionis, consequenter in omni intellectione, nulla excepta, ponunt produci verbum. Ita P. Suarez lib. 2. de attributis negatiuis capit. 21. & alij supra citati. Qui verò tenent intellectionem de se non esse actionem productiuam, sed requiri verbum ut obiectum reddatur proportionatum, & terminans cognitionem per modum rei intellectæ, affirmant in omni intellectione requiri verbum in qua obiectum ipsum per suam entitatem non est intelligibile, & intellectum in actu, &  
hoc

hoc respectu omnis obiecti creati inuenitur, respectu autem Dei clarè visi, probabilius est non formari verbum creatum, quod immediate repræsentet illum in esse intellecti.

Itaque hæc sententia duas habet partes. *Prima*, quod in omni intellectu circa obiectum creatum, vel Deum non clarè visum, formatur verbum. Quæ sine dubio est sententia D. Thom. ut videri potest 1. part. q. 27. art. 1. & q. 9. de potentia art. 5. & quæst. 4. de verit. art. 2. & 4. contra Gent. cap. 11. & multis alijs locis in quibus expressè ponit verbum esse distinctum a specie impressa, & ab actu intelligendi, præsertim illa quæst. 9. de potentia art. 5. & quæst. 8. art. 1. & alijs locis præcedente art. citatis. Ratio verò constat ex dictis, quibus probauimus necessitatem ponendi verbum.

*Secunda* verò pars sententiæ propositæ quo respectu Dei clarè visi non detur hoc verbum creatum, sumitur ex dictis, & ex ratione Diu. Thom. qua 1. p. q. 12. art. excludit omnem similitudinem, repræsentatiuam Dei in se in quo genere intrat verbum, concedit autem S. Doctor similitudinem ex parte potentiae, seu virtutis, id est lumen attingens Deum in se, sicut etiam visio attingit Deum in se, negat autem similitudinem per modum imaginis, & repræsentationis, quia similitudo virtutis, seu luminis, & ipsius visionis consistit solum in proportionem actiuitatis, & operationis erga obiectum, quæ est proportio per modum tendentiæ, & respectus; non repugnat autem rem inferiorem tendere, & respicere superiorem, & creaturam ad Deum in se. Re-

*Re.* Representatio verò est per modum similitudinis, qua vel convenit per adæquationem vnunt cum altero, vel continet illud vt semen rem genitam, nihil autem creatum adæquatur Deo, aut continet illum vt est in se. Vnde ratio Diui Thomæ explicatur, quia representatio ipsa in qua formalissimè consistit ratio speciei, licet entitatiuè sit accidens, intelligibiliter tamen debet esse eiusdem immaterialitatis cum obiecto, quod immediatè, & primò representat, siquidem ipsa representatio speciei realiter inuenitur in ea, & non est aliud quam ipsa res representata immaterialiter, & intelligibiliter sumpta. Sic ergo illa realitas, quæ est representatio speciei in ratione representationis formaliter, & in esse intelligibilis, quæ comparatur ad obiectum, vel est creata, vel increata; si increata, est actus purus in esse intelligibili; & consequenter non potest inueniri in entitate creata. Si creata, in infinitum distat ab obiecto increato, multò magis, quam representatio corporea ab obiecto spirituali in se, implicat autem, quod representatio corporea propriè, & immediatè representet rem spirituales, vt est in se.

Nec obstat quod etiam implicat visionem corpoream attingere rem spirituales, cum tamen non implicet visionem creatam attingere Deum.

*Respondetur* enim visionem implicare ex alio principio, quia scilicet res spiritualis est omnino extra obiectum adæquatum sensus, quod non currit in intellectu creato respectu Dei. Representatio autem speciei utrobique  
repre

## Articulus II. 189

repugnat ex eodem principio, scilicet ex defectu similitudinis, & immaterialitatis cum obiecto.

*Nec dici potest quod representatio speciei entitatiuè est creata, sed terminatiuè increata, & quod finito modo representat Deum; Nam contra est, quia representatio speciei, licet quoad entitatem sit inferior obiecto, quoad immaterialitatem tamen est impossibile, siquidem in ipsamet specie representatio formaliter sumpta continetur intelligibiliter, & intentionaliter ipsum obiectum immediatum cuius est species, ergo, & immaterialiter, quia, intelligibilitas in immaterialitate fundatur, sed continentia illa subiectiuè est in specie, nec solum extrinsecè, & terminatiuè species est immaterialis, sed etiam in ipsa specie intrinsecè immaterialitas inuenitur, quia representatio intrinsecè in ea inuenitur, & hæc debet esse intrinsecè immaterialis, quia intrinsecè intelligibilis, & eiusdem immaterialitatis cum obiecto, quia immediatè ei est proportionata per similitudinem. Quod verò accidens representet substantiam, ideo est quia possunt esse eiusdem ordinis in immaterialitate, & intelligibilitate, licet non in entitate, immaterialis autem intelligibilitas est quæ per se attenditur in specie, non entitas; sed si immaterialitas intelligibilis fuerit diuina, & actus purus, hoc ipso non capitur in entitate creata, sed debet etiam entitas esse diuina, quia actus purus nulli potentialitati miscetur. Quod verò Deus representetur finito modo, nihil refert, quia etiam finito modo non potest representari Deus in se intelligibilitate creata, & quæ*

& quæ sit propria alicuius creaturæ, sic enim repræsentetur per effectum, & non in se ipso immediate finito modo, ergo licet finito modo repræsentetur, tamen si quidditativè attingitur ut est in se, hoc ipso illa intelligibilitas non est creata, quia non est alicuius rei creatæ, sed pertinet ad quidditatem Dei, & est actus purus, quia non immediate proportionatur alicui rei creatæ, ergo rei increatæ, ergo est propria Dei, & sic actus purus; sicut etiam non potest species corporea repræsentare quidditativè rem spirituales, licet non comprahensivè, & omni modo.

*Tota* hæc implicatio currit similiter in specie expressa, quia species expressa etiam est similitudo, & repræsentatio intellectualis obiecti, immediate illud repræsentans, & consequenter immediate ei proportionatur. Repræsentat autem obiectum non ut intelligibile sicut species impressa, sed ut in actu intellectum. Ex parte quidem obiecti eadem implicatio est atque in specie impressa, quia idem obiectum est. Quod verò sit finito modo intellectum non magis conducit ut repræsentetur per speciem creatam, quam quod sit finito modo intelligibilis per speciem impressam, & tamen ut diximus etiam hoc modo repugnat dari speciem creatam Dei in se immediate.

*Quod* verò reddatur intellectum in actu à me, quod non videtur habere posse divina essentia per se ipsam, quia solum est intellecta à se per se ipsam, non à me, sed per aliquid superadditum, non obstat, quia esse intellectum duo dicit, alterum quod obiectum sit appli-

catum



catum ad intelligere per modum termini, alterum quod sit formatum vltima actualitate, ita quod ipso intelligi constituatur in actu vltimo intelligibilitatis. Primum requiritur in visione beata, sed non requiritur verbum à se formatum, sed sufficit applicatio, & unio ad obiectum seu verbum iam formatum, sicut intellectus postquam formauit verbum, cum in ipso contemplatur obiectum non format nouum verbum sed vnitur, & applicatur formato: sic Deus est de se non solum intelligibilis, sed in vltimo actu intellectus respectu omnis intellectus cui præsens, & vnitus esse potest intine. Vnde posita unione eius in intellectu per modum speciei, potest per ipsum actum intelligendi beati respici Deus vt verbum formatum, & sibi vnitum, & sic ad ipsum terminari, sicut si conceptum vnus poneret Deus in mente alterius, & ad illud terminaretur intellectio. Secundum autem esse non potest, quia intelligibilitas Dei attingens eum vt in se est, nulla creata intelligibilitate formari potest, sed hæc semper distat in infinitum, & sic non repræsentat Deum, in se immediatè, sed effectum Dei.

SOLVUNTUR ARGVMENTA,

**P**rimò argu. ex Patre Suarez, 3. de anima. cap. 5. ad probandum, quod verbum, non ponatur propter indigentiam obiecti sed vt sit terminus actionis productiue, nam in primis D. Thom. vbiq. loquitur de verbo non adstruit illud ex indigentia obiecti sed propter vim intellectiōis, vt patet 1. p. q. 27.

q. 27. artic. 1. ubi ait: *Quicumque intelligit hoc ipso quod intelligit procedit aliquid intra ipsum, quod est conceptio intellectus ex vi intellectus proneniens.* Et q. 9. de potentia art. 5. ait: *Quod verbum est de ratione ipsius intelligere.* Et q. 4. de verit. art. 2. & super Ioannem cap. 1. lect. 1. & 4. contra Gent. cap. 21. ait: *Angelum formare verbum, & tamen habet substantiam suam sibi præsentem intuitu, ergo verbum non ponitur propter indigentiam obiecti, scilicet ut reddatur præsens intellectui.* Ratione etiam arguitur quia si ex indigentia obiecti producit verbum, maxime quia obiectum est absens, & per ipsum verbum redditur præsens, sed si hæc ratio valeret nunquam produceretur verbum nisi in cognitione abstractiva, & ita Angelus se cognoscens, verbum non produceret. Si verò dicatur præter hanc præsentiam Angeli requiri aliam magis intimam, & veluti penetrationem potentiae cum obiecto. Contra est, tum quia intellectus speciebus impressis informatus, sufficienter habet obiectum iuxta sibi unitum, nec est cur magis penetratum, & unitum requirat: tum denique quia non repugnat: quod species impressa simul se teneat ex parte principij cognoscendi, & sit terminus in quo reluceat obiectum, quæ enim in hoc est repugnantia?

*Respondetur* de mente Diui Thomæ satis constare locis supra à nobis allegatis, præsertim primo contra Gent. cap. 53. & in illis locis quæ allegat P. Suarez, ut quæst. 9. de potentia artic. 5. & quæst. 8. artic. 1. aperte distinguit speciem intelligibilem impressam, & actum

& actum intelligendi, & verbum intellectum, & tamen ipsum intelligere ponit esse actionem immanentem, quæ non est de prædicamento actionis, nec per se respicit terminum productum, sed cognitum, ut articulo præcedente ex ipso Diuo Thoma ostendimus, ergo non propter indigentiam actionis, ut habeat terminum requiritur verbum, sed propter indigentiam obiecti ut reddatur sufficienter præsens, & unitum non solum entitatiuè sicut est substantia Angeli suo intellectui, sed etiam intelligibiliter per modum intellecti in actu quod accidentale est etiam ipsi Angelo.

*Ad rationes respondetur*, ad primam probationem dicitur non solum requiri verbum propter absentiam physicam obiecti, hæc enim non semper inuenitur, sed etiam ut obiectum in ratione termini cognitionis reddatur immateriale, & intentionale in actu ultimo, ut D. Thom. affirmat 1. contra Gent. citato, cap. 53. & ad hoc non sufficit præsentia quam habet obiectum in specie impressa, hæc enim præsentia tenet se ex parte principij ad producendam intellectionem, non autem per modum termini, quia ad hoc oportet, quod intellectus reflecteretur super ipsam speciem, & ita non seruit ad intellectionem directam: tum quia species impressa continet obiectum per modum intelligibilis, non per modum intellecti, & expressi in actu secundo, quod enim aliquid sit intellectum, & expressum, necessariò dependet ab intelligere, & exprimere, species autem intelligibilis præcedit ipsum intelligere, & exprimere, ergo non potest in ipsa representari

194 *Questio XI.*

obiectum vt expressum, & intellectum in actu  
 vbicunque operatio intelligendi, & exprimendi  
 est aliquid accidentaliter superueniens ipsi spe-  
 cies, & intellectui, & ita species impressa exi-  
 stit in intellectu etiam ipso non intelligente  
 per illam, species autem expressa cessante in-  
 tellectione cessat quia repræsentat rem vt in-  
 tellectam in actu: tum denique quia species  
 impressa repræsentat cum aliqua indifferentia  
 & potentialitate determinabili per expressi o-  
 nem verbi, & intellectionem, siquidem intel-  
 lectio, quæ est accidens superueniens intelle-  
 ctui, potest variari, fierique modo cum di-  
 uersa attentione, modo cum diuersa inten-  
 sione, ergo oportet quod species impressa re-  
 ducatur in actum, & terminetur per ipsum  
 intelligere, & consequenter quod ipsum ver-  
 bum distinguatur à specie impressa, eò quod  
 in verbo expressè, & determinatè repræsen-  
 tatur obiectum, vt taliter, vel taliter intelle-  
 ctum in actu secundo, non vt solum intelli-  
 gibile in actu primo. Vnde patet cur repu-  
 gnet speciem impressam tenere se ex parte ter-  
 mini intellectionis, vt petitur in vltima proba-  
 tione.

*Secundo* arguitur ad probandum in omni  
 intellectione formari verbum etiam in visio-  
 ne Dei, primò quidem autoritate D. Thom.  
 tum 1. parte q. 27. artic. 1. vbi inquit: *Quod*  
*quicumque intelligit, ex hoc ipso quod intelli-*  
*git, procedit aliquid intra ipsum;* quod frustra  
 limitatur ad intellectionem rei creatæ, vel  
 intellectionem abstractiuam, aut alias simi-  
 les limitationes, aliàs non probaret D. Tho.  
 dari in Deo processionem verbi, si non datur  
 in no-

in nobis nisi cum tot limitationibus, cum quibus non datur in Deo : tum etiam in quaest. 4. de veritate artie. 2. dicit : *Quod omne intellectum in nobis est aliquid realiter quod cedens ab alio, & hoc vniuersaliter verum est de omni quod à nobis intelligitur siue per essentiam videatur, siue per similitudinem.* Vbi etiam includit visionem diuinam, in qua videtur Deus per essentiam, & non per similitudinem. Ratione etiam probatur, quia omnis intellectio est vera, & propria operatio seu actio, ergo debet habere terminum, quia actio non habens terminum, nihil agit, & sic non est actio. Si verò intellectio non est actio, sed qualitas producta, ergo supponit actionem per quam producat, & sic illa actio erit intellectio vt operatio, qualitas verò illa erit verbum vt terminus actionis. Et dato quod intellectio illa in ratione intellectionis non habeat terminum productum, sed cognitum, adhuc tamen non repugnat in visione beata, quod illa intellectio sit expressiua, & manifestatiua eius quod intelligit per modum locutionis, ergo per talem expressionem, & dictionem producet verbum, non quidem ad reddendum obiectum intellectum in actu, sed vt dictum, & expressum à beato.

*Respondetur* ad primum locum S Thomæ, quod illa verba *Quicumque intelligit*, non est necesse quod distribuant pro omnibus indiuiduis, sed pro omnibus generibus intelligentium, quasi sit sensus, in omni natura intelligente ex eo, quod natura intellectiua est, habet, quod procedat aliquid intra ipsam, &

non solum extra, siuè hoc contingat in omni individuo, siuè non. Intentum enim Sancti Thomæ in illo articulo erat probare contra Sabellianos, & Arrianos, quod datur in Deo processio aliqua ad intra, & hoc probat, quia in omne intelligente datur processio ad intra per actionem immanentem. Ad hoc autem impertinens est quod in omni individuali actione procedat verbum, sufficit autem, & conducit quod in omni natura intelligente detur processio ad intra, sic enim optimè iafert, quod etiam in natura diuina seu in Deo qui intelligens est, datur aliqua processio ad intra, & tamen non probat quod in omni individua intellectione datur processio ad intra hoc enim esset nimis probare, cum in Deo Spiritus Sanctus, & Filius intelligant, nec tamen producant ad intra verbum. Quod, & Sanctus Thomas aduertit dum eodem loco, quæst. 34. artic. 1. ad 4. afferens eandem propositionem. Quicumque intelligit, &c. vt inde probaret, quod etiam Verbum producit aliud verbum, limitat illam propositionem, vt intelligatur de omni intelligente facundo non de eo quod intelligit vt verbum procedens, sicut intelligit Filius.

*Ad secundum locum respon.* D. Thom. loqui de his qui intelligunt non per similitudinem, sed per essentiam quæ non est ipsum intelligere, & intelligi per seipsam, sed indiget operatione accidentali, & de se est in potentia vt sit intellecta in actu qualis est essentia quæ est actus purus, & cuius immaterialitas non compatitur repræsentari repræsentatione, & immaterialitate creata, quæ longè illi  
impro-

improportionata est. Et hoc sumitur ex ratione ipsa quam reddit Sanctus Thomas, ibi; quia *ipsa conceptio*, inquit, *est effectus actus intelligendi*, quia scilicet, ubi essentia aliqua non est suum intelligere, nec sua conceptio, sed conceptio est effectus actus intelligendi ibi necessario requiritur, quod procedat, & producat verbum, quia hoc ipso quod conceptio est effectus, ipsa essentia seu obiectum per quod fit cognitio non est per se in ultimo actu intelligibilitatis, sed per aliquid superadditum quod est effectus actus intelligendi, & sic ubicumque verbum est effectus intellectio producere debet illud. In visione autem beata, diuina essentia quæ est species intelligibilis se ipsa est in actu ultimo intelligibilitatis, cum sit actus purus, & consequenter non per aliquem effectum redditur intellecta representatiuè, sed solum illa immaterialitas quæ est actus purus redditur tactus per actum visionis beatæ, & ei vnitus in ratione termini.

*Ad* rationem iam respondimus præcedenti articulo, intellectionem esse actionem metaphysicam, idest actum secundum operantis non physicam formaliter, idest causalitatem ipsam operantis, & sic non petit essentialiter terminum productum, sed cognitum, licet virtualiter possit esse actio vt dictio expressiua est, ipsa autem intellectio, licet sit qualitas, emanatiuè tamen procedit, & non per aliam actionem, quia actus secundus est, veraque operatio, vnde non indiget alio actu secundo constitui agens, vt producat illam. Nec tamen superfluit verbum, quia est simili-

litudo per modum termini repræsentans seu reddens præsens obiectum . In visione autem beata, nec per modum locutionis, & expressionis potest verbum produci, quia verbum sic procedit in ratione dicti, & expressi quod repræsentat obiectum secundum propriam, & immediatam immaterialitatem eius, repræsentat enim obiectum, ut intellectum in actu, & consequenter sub actualitate ultima intelligibilitatis, & immaterialitatis diuinæ, quod repugnat in repræsentatione seu immaterialitate creata. Nec sufficit repræsentare illam, ut intellectum à visione creata, quia visio ipsa non est obiectum seu res intellecta, sed essentia ipsa, ac proinde, licet connotetur quod sit cognita à me, immaterialitas tamen, & intelligibilitas sub qua repræsentatur non est mei, qui sum cognoscens, sed obiecti cogniti, & repræsentati.

*Ex quo* soluitur instantia, quæ solet hic molestè fieri, quia verbum non ponitur nisi ad hoc ut reddatur obiectum intellectum à me, non ab alio, Deus autem ex se non est intellectus in actu à me, sed à se, ergo ut repræsentetur essentia diuina non absolutè ut in actu secundo intellecta in se, sed ut limitatè intellecta à me, requireretur verbum creatum, quia sic limitatè esse intellectam à me, aliquid accidentale, & temporale est. Sed respondetur, ex dictis quod esse intellectum in actu dupliciter dici potest, vel respectu obiecti, quia de se solum est intelligibile in actu primo, redditur autem in actu ultimo intellectum, vel respectu subiecti, quia appli-

catè



catè istud subiectum redditur intellectum, idest apprehensum, & tentum ab isto. Dicimus ergo quod verbum ponitur vt reddat obiectum intellectum in actu vltimo ex parte obiecti, secundum quod intellectum in actu vltimo condiuiditur contra intelligibile in actu primo, & hoc modo diuina essentia vt obiectum intelligendum, & ordinis intelligibilis est in actu vltimo intellecti, non solum à se, sed respectu cuiuscunque modi quo possit intelligi, quia est infinitè intellecta, in actu, ita quod per nullam actualitatem possit reddi magis in actu. Cæterum vt reddatur obiectum illud intellectum applicatè ad istud subiectum, idest tentum, & apprehensum ab eo, non requiritur verbum seu species expressa, sed sufficit intellectio ipsa, seu actus cognoscendi, quo redditur obiectum ipsum in se, & ipsum verbum, & conceptus infinitus applicatè vnitus isti limitatè, sicut etiam in ratione speciei impressæ vnitur, quod supra aliquibus exemplis declarauimus.

*Tertiò arguitur*, quia per illud intelligere creatum habet diuina essentia vniri in ratione speciei expressæ, ergo aliquid producit de nouo per talem intellectionem, scilicet diuinam essentiam esse vnitam in ratione verbi & conceptus, quod ante non erat, hoc autem non producit in ipsa essentia, ergo in ipso intellectu. Maior probatur, quia intellectio illa etsi non format verbum reddendo rem intellectam in esse obiecti, reddit tamen obiectum intellectum applicatè ad istud subiectum, ergo ipsam essentiam vnit in ratione verbi, & speciei expressæ ipsi intellectui, &

sic aliquid de nouo producit, videlicet illam vnionem.

*Confirmatur*, quia Deus non potest supplere intellectionem se ipso, quia est vitalis operatio, ergo neque rationem verbi, quia est vitalis terminus repræsentans. Patet consequentia, quia non minus repugnat suppleri terminum vitalem, quam operationem vitalem, non minus enim repugnat quod sit filius alicuius, qui ab eo non est genitus, quam quod sit generatio alicuius, quæ ab eo non processit.

*Confirmatur secundo*, quia aliàs non esset ratio cur etiam substantia Angeli non seruiat sibi ipsi pro specie expressa, siquidem est sufficienter immaterialis, & intima intellectui, cum deseruiat illi pro specie impressa. Nec requiritur quod sit suam intelligere, vt deseruiat pro verbo, nam apud nos intelligere, & verbum distinguuntur realiter, & tamen deseruiat verbum ipsi intellectui, vt forma, & ratio intelligendi, sufficeret ergo quod ipsum intelligere terminetur intus ad essentiam unitam in ratione speciei, illamque sua luce aduet, non quod verbum producat. *Respond.* quod circa vnionem essentiae diuinæ in ratione speciei expressæ, quidam Thomistæ censent produci per intellectionem nostram modum quendam vnionis, & hoc modo saluant quod habeat terminum intra se productum, licet non verbum, sed vnionem illam. Alij, & melius non ponunt vnionem aliquam informatiuam seu physicam produci per nostram intellectionem, sed intellectionem purè contemplari essentiam diuinam iam unitam in ratione speciei  
ex

expressæ, sed solum ipsam intellectionem dici unionem, quatenus est intentionalis apprehensio, & tendentia ad obiectum, de quo videri potest Caiejanus, prima parte, quæst. 27. artic. 1. & quæst. 76. artic. 2. Magister Bannez, ibi quæst. 27. artic. 1. dub. 1. ad primum argumentum. Nauarette tom. 1. controuers. 34. §. quarto, ad sextum argumentum. Ratio est, quia ille modus, vel est distinctus ab intelligere ipso, vel non. Si non, ergo non assignatur terminus actioni. Si est distinctus, vel est productus per intelligere quatenus est dictio, vel quatenus est contemplatio, & pura intellectio. Si quatenus dictio, erit verbum, quia est aliquid dictum seu locutum quod verbum est, si vt contemplatio, supponit verbum unitum, sicut nos contemplamur obiectum in verbo iam producto, & unito nobis, & tamen per illam contemplationem non producimus unionem verbi iam existentis in nobis, sed in verbo unito contemplamur. Et sicut si Deus meo intellectui vniret conceptum, qui productus fuit à Petro, possem elicere operationem terminatam ad illum, & vnientem me illi, non vnione informationis conceptus, ~~quæ~~ iam supponitur, sed vnione contemplationis, & apprehensionis, quæ est ipsamet cognitio, ita Deus se ipso vnit suam essentiam in ratione speciei impressæ, & expressæ, physico modo, intellectus verò elicit actum, qui est vnitiuus apprehensiuè seu cognoscibiliter idest tendendo ad obiectum, non reali in formatione ipsum vniedo. Et cum dicitur, quod intellectus trahit rem ad se, & reddat

obiectum intellectum applicatè ad se. *Respondetur*, quod hæc tractio, & applicatio fit contemplando, & attingendo obiectum cognoscibiliter, non vniendo informatiue, & realiter essentiam seu terminatiue, sed circa unitam realiter, intelligendo, & apprehendendo.

*Ad primam confirmationem respondetur*, quod cum Deus vnitur in ratione verbi, non supplet, quod hoc verbum dicatur procedens à nostro intellectu, hæc enim denominatio suppleri non potest, ita vt dicatur aliquis terminus vitaliter procedens, vel genitus si vitaliter non procedit, sed solum vnitus. Quod autem supplet Deus est quod hoc verbum dicatur repræsentare obiectum per modum termini repræsentatiui, non per modum termini procedentis, & producti à nostro intellectu. Esse autem terminum repræsentatiuum intelligibiliter, per se habet diuina essentia, & suppleri potest in ratione causæ formalis terminantis, & in se vitaliter repræsentantis, non tamen ab isto viuente seu intelligente procedentis, sed ei vniti, sicut si conceptum vnus Deus vniat alteri intellectui.

*Ad secundam confirmationem respondetur*, ex supra dictis non posse substantiam Angeli esse per se speciem expressam, quia non est per suam substantiam suum intelligere, & intelligi in actu vltimo, & sic non potest repræsentari vt intellecta nisi per aliquam accidentalem qualitatem superadditam, sicut nec ipsum intelligere, & intelligi est substantia Angeli, sed operatio superaddita, quod est signum, ipsam substantiam Angeli, & secundum se non

se non esse in actu ultimo intelligibilitatis, sed actuabilem esse. Et ad replicam, quod etiam distinguitur in nobis verbum ab intelligere.

*Respondetur*, quod distinguitur, ut terminus ab ipso formatus, & productus, sicque ab eo distinctus, representatiue tamen ipsum obiectum ut intellectum imbibens; substantia autem Angeli, non formatur nec procedit ab intelligere, ut terminus eius, nec potest solum extrinseca intellectione acta formari, quia ista formatio non est per solam lucis asperersionem sicut colores redduntur lucidi, sed per intrinsecam formationem representationis vitalis, & in actu secundo, quod ex se substantia Angeli non habet.

### ARTICVLVS III.

*An sint tres operationes intellectus, & quid sint?*

**D***icitur* in nostro intellectu tres operationes intellectus, quæ sunt simplex apprehensio, enunciatio, seu iudicium, & discursus, experientia in nobis testatur, & in summulis saepius explicuimus, affirmatque D. Thom. in postea. lection. 1. & colligitur ex Arist. in hoc 3. de anima, text. 21. lect. 11. apud D. Thom. ubi Philosophus docet dari duas operationes intellectus scilicet, simplicium apprehensionem, & compositionem. Nec enunciationem vocat, sed compositionem, ut hoc homine etiam discursum comprehendat, qui compositione quadam constat,

non enunciatiuo modo, sed illatiuo conceptus coniungente. Circa has ergo operationes dubiola aliqua se offerunt.

*Primò inquires*, vnde oriatur, quod in homine istæ operationes distinctæ sint.

*Respondetur*, ex imperfectione nostri intellectus id prouenire, quia procedimus de imperfecto ad perfectum, & de potentia ad actum. Ita sumitur ex Diuo Thoma 1. parte, quæst. 58 artic. 5. vbi docet: *Quod quia intellectus noster procedit de potentia ad actum, & de imperfecto ad perfectum, cognita seu visa aliqua re, non statim attingit quidquid illi conuenire potest, indiget ergo transire ad aliud, & componere cum illo, vt cognoscat ei conuenire, intellectus autem Angeli, quia in genere intellectuali perfectus est, statim visa aliqua re penetrat quidquid illi conuenit, quia non utitur discursu, sed comprehensione, & sic in eo datur simplex, & vnicus modus operandi, qui tamen ita virtuosus est, vt æquiualeat nostro discursui, & multiplicatis actibus: sicut etiam in naturalibus res generabiles, & corruptibiles, quæ procedunt de imperfecto ad perfectum successiue acquirunt suam perfectionem, & non vnico actu: quæ verò incorruptibiles sunt, non acquirunt suam perfectionem successiue generando, & corrumpendo, sed statim illam habent à principio, vt cælum. Sic in spiritualibus anima rationalis, quæ infima est in gradu intellectiui, ideoque vnitur corpori corruptibili, acquirit successiue suam perfectionem scientiæ, & non utitur indiuisibili comprehensione, sed discursu, & compositione, Angeli verò quia*

quia sunt perfectè separati à corpore, & communicatione ad corpus; sunt etiam perfecti intellectus, nec habent successiue acquirere scientiam; sed comprehensiue, & simplici actu penetrante quidquid est in obiecto.

*Dices;* ergo saltem quoad illa, quæ naturaliter non conueniunt alicui rei, sed moraliter vel supernaturaliter, poterit Angelus compositione *vti*, & successiue acquirere vnum post aliud. Et deinde quoad propositiones negatiuas, seu quoad diuisionem, cum possit res omnino disparatas, & quæ sub vna specie contineri non possunt negare de aliquo, non poterit id facere sine aliqua compositione specierum, & actuum, quia ad vnicam reduci non possunt, & consequenter, neque ad vnicum actum.

*Respondetur* aliquos ita concedere vt argumentum intendit in cognitione Angeli rerum supernaturalium, vel in diuisione, seu negatione facienda. Sed immeritò, quia supernaturale lumen non destruit, sed perficit naturam, & de se simplicius lumen est, & altius quam naturale. Itaque vel se accommodat naturæ intelligentis, & eius modo sicut de cognitione fidei docet S. Thom. 2. 2. quæst. 1. artic. 2. vel naturam eleuat, & rapit ad altiorum, & simpliciorum modum suum. Si primo modo, fiet in Angelis sine discursu cognitio supernaturalis, quia eius modo se accommodat, non illud destruit. Si secundo modo magis eleuat à discursu, quia ad altius, & simplicius lumen, & modum simpliciorum rapit intellectum. Atque ita in Angelis vnica specie à Deo infusa, vel attemperata representat subiectum, non solum sub forma ei natura-

turaliter manifestata, sed supernaturaliter, & ex obedientiali potentia conuenienti.

*Quod* verò dicitur de diuisione, & negatione. Respondetur quod Angelus quando cognoscit negando vnā formā, seu prædicatum de aliquo subiecto, quod in specie representatiua subiecti non continetur, vt si dicit lapis non est Angelus, ait quid simile quod in specie lapidis non continetur, & vult Angelus vtrumque extremum negatum distinctè, & expresse cognoscere, tunc coniungit duplicem speciem in ordine ad faciendam illam collationem, & comparisonem negatiuā, seu diuisiuā, sed non eliciet duplicem actum componentem; sed vnicum simplicem vtemem vtraque illa specie tanquam inadæquata vnius actus, & cognitionis; qua attingit vtrumque per modum vnius sic comparati. Non dicitur tamen compositio vel discursus ratione pluriū specierum concurrentium ad vnum actum elicendum modo inadæquato, sed ex pluralitate actuum ex diuersis speciebus formatorum, & per collationem aliquod tertium formantium non simplici modo vtraque specie vtemium, & elicientium vnicum actum. Si tamen velit Angelus quodlibet extremum negatum distinctè, & expresse in se videre, sed videre negationem alicuius per formā negatā, vt in conceptu vnius veritatis, contradictorium suum tanquam falsum agnoscat, ad hoc sufficiet videre ipsam affirmationem qua posita cognoscitur negatio eius vt falsa, & cognita aliqua natura, cognoscitur non esse aliquid aliud præter se, sed tunc illa negatio attingitur



gitur quasi in confuso, & in obliquo. Videatur S. Tho. 1. p. q. 53. art. 4. ad 2.

*Secundò inquires*, in quo consistat simplicitas apprehensionis, & compositio? Nam ex una parte multa complexa sunt, quæ pertinent ad primam operationem, ut ait Divus Thom. 3. de anima lect. 11. & 1. p. quæst. 17 art. 3. & q. 1. de veritate art. 3. Ex alia verò parte, nec ipsa compositio excludit simplicitatem, formatur enim propositio ex pluribus conceptibus, per modum vnici, & indivisibilis conceptus quia ille conceptus simplex qualitas est, ut diximus in summulis q. 5. art. 2. ergo simplicitas non obest compositioni.

*Respond.* simplicem apprehensionē aut compositam, non dici ratione ipsius simplicitatis, aut compositionis inesse qualitatis aut entitatis, nec iterum propter simplicitatem, aut compositionem obiecti etiam in ipsa entitate obiecti in se, sed composito præcipuè respicit aliquam constructionem artificiosam, quæ in ipsa cognitione formatur ex pluribus cognitionibus, simplex verò cognitio eam excludit.

*Ratio* est, quia quod præcipuè intellectus intendit per compositionem, & divisionem, est attingere veritatem artificio seu constructione, quia non potest comprehensione sicut Angelus, & vnico intuitu. Ergo illud dicitur ad simplicem operationem pertinere quod intelligitur sine illa constructione artificialiter compositiva, sed est ex remum, vel pars in ordine ad veritatem attingendam, ideoque non resolubilis in aliam partem, & hoc pertinet ad primam operationem. E contra

tra

tra verò quidquid habet rationem totius artificiali modo construibilis, & resolubilis, dicitur ad compositionem pertinere, quidquid sit an totum hoc sit representabile in vnica qualitate, & entitate an pluribus coordinatis, hoc enim per accidens se habet ad artificiosam constructionem veritatis. Vnde non dicitur simplex vel composita operatio penes simplicitatem vel compositionem conceptuum quasi physicam, & entitativam, sed artificiosam procedendo de vno ad aliud, quod saluatur etiam si totius compositi, & constructi vna imago producat, quæ entitatiuè vna sit; plura, inadæquata, & coordinata obiecta complectens, nam saltem præsuppositiuè debet plures actus, & conceptus supponere, ex quibus consurgat, & formetur imago illa comparando vnum ad aliud, quod in Angelo non est, qui non ex pluribus congregat veritatem, sed simplicitate intellectum resplendet, vt dicit S. Dyonisius 7. cap. de diuinis nomin.

*Quòd verò obijecitur de simplici operatione componente definitionem aut terminum complexum. Respond. quod non est compositio perfecta simpliciter consummare, quia non per modum totius, & terminando compositionem: sed imperfecta, qua solum componitur pars, & non totum, sicut cum formatur brachium aut caput, vtique illæ partes constant ex alijs partibus, vt brachium ex manu, & cubito, ossibus, carne, neruis, &c. tamen ista non componunt adhuc totum simpliciter, sed partem compositam, ideoque non confirmatur ibi ratio totius, nec sistit*

græ-

generatio, & formatio compositionis, quæ solum sistit in ipso toto. Verum est quod in istis artificialibus, præsertim rationis, quæ maxime ordinatione, & relatione fiunt, facile mutatur id quod est pars in totum, & è contra, sicut etiam in artificialibus realibus domus, quæ est pars alterius, potest separari, & fieri totum, & è contra, immodò aqua quæ modo est totum, fit pars vniendo alteri aquæ, & fit totum separando ab illa. Quandiu ergo aliquid sumitur ad modum partis, licet complexæ, & compositæ, ad primam operationem pertinet, quia illa constructura, seu formatio non simpliciter componit totum, aut veritatem adhuc manifestat, sed solum partem & extremum huius constitutionis. Quando autem per modum totius sumitur oratio siue enunciativa sit, siue non, pertinet ad ipsam comparisonem, & diuisionem, veritas tamen in sola enunciativa oratione inuenitur, de quo plura diximus in Summulis q. 5.

*Tertiò inquirens*, An secunda operatio sit idem quod iudicium, vel sit distinguenda duplex compositio, alia per modum enunciationis, alia per modum iudicij.

*Respondetur*, iudicium aliquando sumi largius pro quacumque discretionem inter vnum, & aliud, sicut etiam sensus externus discernit inter album, & nigrum, amaram, & dulce, quæ ratione dicit S. Thom. quodlibet. 8. art. 3. *Quod propria operatio sensuum est iudicium de proprio sensibili*, & de hoc egimus supra qu. 5. art. 2. Aliquando sumitur iudicium strictius pro assensu, vel dissensu circa aliquam veritatem vel falsitatem quæ fit affirmando aut negando.

## 210 *Quaestio XI.*

do. Et hoc modo aut fit per collationem & comparisonem extremorum, aut supponit illam, & cadit super illam assensus vel dissensus. Et ideo tale iudicium non inuenitur in brutis, quia collatione carent; in Angelis autem eminentiori modo, quia sine conferentia comprehendunt, & iudicant. In nobis autem quia affirmatione, vel negatione fit circa extrema coniuncta, seu veritatem non circa rem simplicem, ideo ad secundam operationem pertinet.

*Difficultas* autem est in duobus. Primum an iudicium sit actus distinctus ab enunciatione apprehensa, seu repræsentata, an idem sit formatio enunciationis, & iudicii? Secundum, dato quod sit actus distinctus an sit simplex actus, vel compositus?

*Ad primum Respondetur* sine dubio distingui enunciationem ut apprehensam, seu repræsentatam ab ipso iudicio quod est assensus, seu sententia mentis, aut adhesio ad unam partem determinatam. Et hoc à posteriori constat, quia aliquando apprehendimus aliquam enunciationem seu compositionem, & suspendimus iudicium, seu sententiam, sicut si dicamus, astra sunt paria an non? formatur aliqua compositio enunciativa prædicati de subiecto, nec tamen fertur iudicium sed suspenditur, quia nondum plenè cognoscitur veritas, nam si euidenter cognoscatur, non potest detineri iudicium, quia intellectus positus præmissis euidentibus, cogitur assentiri conclusioni, ut ostendimus q. 24. *Logicæ*. Vbi ergo non cogitur intellectus, potest suspendere iudicium, & tamen formatur, & repræsentata-

## Articulus III. 211

sentatur enunciatio quia formatur totum illud super quod potest cadere iudicium assensus, vel dissensus quod constat compositione subiecti, & prædicati, ergo distinguuntur enunciatio repræsentata, & apprehensa à iudicio.

*A priori* autem id manifestatur, quia diuersum est obiectum iudicii, & enunciationis tantum repræsentatæ. Nam per enunciationem apprehenduntur extrema ut coniuncta inter se, & fit collatio seu comparatio vnius extremi ad aliud iudicium autem facit comparisonem, & collationem illius propositionis compositæ ad id quod est in re vel ad principia à quibus dependet veritas rei. Et ideo iudicium hoc potest sequi post discursum, & reddit intellectum determinatum, & adhærentem illi veritati quia attingit, & comparat veritatem ad suas causas, vel ad id quod est in re, & ita certificatur, seu adhæret intellectus veritati ipsi prout si causis suis aut fundamentis comparatur. Ergo est diuersa utrobique comparatio, & obiectum, sicque erit diuersus actus quantum est ex natura rei. Et ideo veritas formalis inuenitur in hoc iudicio, ut sæpius dicit S. Thom. locis supra cit. licet significatiue inueniatur in enunciatione, eo quod veritas sumitur per conformitatem, & comparisonem rei enunciatæ ad id quod est, vel non est in re iuxta sua principia, & ideo ibi formaliter inuenitur ista comparatio fir, non vbi solum exprimitur unio extremorum.

*Vnde* conuincitur eorum sententia, qui non distinguunt inter conjunctionem extremorum inter se, quod fit in enunciatione, & comparatio-

rationem ipsius enunciationis ad id quod est vel non est in re, & ideo dicunt non distingui iudicium à compositione, seu enunciatione, vt docet P. Suarez lib. 8. de anima cap. 6. Conuincitur inquam quia iudicium formaliter loquendo non respicit representationem extremorum, vt comparatorum, & vnitorum inter se, sed ipsam enunciationem comparat per conformitatem, aut difformitatem ad esse, vel non esse in re, ideoque de se postulat distinctum actum, quia habet diuersam comparisonem, & obiectum. Non negamus tamen aliquando intellectum vnico actu complecti posse vtrumque, & simul vnire aliqua extrema inter se, & conformare ei, quod in re est, vt cum actu video Petrum esse album aut sedere, vt id pronuncio non enunciatiue tantum, sed etiam essetiue, & per assensum dicendo, Petrus verè est albus, seu absolute Petrus est albus, vbi implicite inuoluitur verè est, vel ita est in re; vnico tamen signo seu enunciatione exprimitur, quia non solum in verbo est significare possumus vnionem extremorum, sed etiam certificationem, & verificationem assensus, & assertionis. Itaque in iudicio inueniuntur hæc tria; præsuppositiue, compositio extremorum enunciatiua; formaliter assensus intellectus comparans extrema enūciata conformiter ad rem: consecutiue, discretio vnus à suo opposito.

*Ad 2.* aliqui dicunt iudicium esse actum compositum, quod affirmat P. Suar. loco cit. cōformiter ad suam sententiam, quod non distinguitur iudicium à compositione, & comparisonem vnitiua extremorum inter se, sicut enim

## Articulus III. 213

enim non possumus apprehendere propositionem simplici actu, ut in negatiuis clarius constat, itaneque simplici actu iudicare.

*Respondetur* tamen illud iudicium formaliter non requirere compositionem, sed præsuppositiuè, quatenus supponit plures actus, quibus formatur enunciatio, & super quæ cadit iudicium.

*Ratio* est, quia iudicium non format compositionem, & unionem extremorum, sed ipsam enunciationem, seu extrema vnita comparat ad id, quod est in re cum determinatione, & adhæssione intellectus. Ad hoc autem sufficit simplex actus comparatiuus, quia ad istum actum non pertinet vnire aliqua, & coniungere, sed eorum quæ coniuncta, & vnita sunt conformitatem ad esse, vtl non esse in re concipere, quæ est simplex comparatio, non vnitiua extremorum, sed extrema vnita supponens; & illa conformitas, seu comparatio ad id quod est in re sumitur non in actu signato, sed vt in exercitio determinans, & adherere faciens intellectum quod est assensus ad propositionem illam vt veram seu conformem rei, idem est enim dicere per assensum ita hoc est, ac dicere verè est, seu conformiter ad rem.

*Dices* hoc iudicium quod nos distinguimus à formatione enunciationis non pertinet ad secundam operationem, sed ad tertiam, discursus enim terminatur ad tale iudicium, tunc enim sistit discursus, cum resoluitur, & sententiatur conclusio, ergo non potest pertinere ad secundam operationem, quia secunda operatio est medium transcendendi ad vltimam iudi-

## 214 *Quæstio XL*

iudicium autem est terminus tertiaræ, in quo consistit discursus.

*Respond.* iudicium non esse diuersum, quia non est motus illatiuus, sed pertinere ad secundam operationem in qua est collatio, seu comparatio ipsius enunciationis compositæ ad id quod est in re cum adhæsiene intellectus, hoc ipso quod comparatur illi secundum conformitatem. Sic ergo secunda operatio quantum ad enunciationem præbet materiam discursui, & ordinatur ad illum, sed secunda operatio quantum ad assensum, & iudicium est finis, & terminus ad quem ordinatur discursus ut ad perfectionem quam intendit. Et hoc ideo quia in secundas operatione inuenitur veritas, vel falsitas, sed non innotescit statim ex simplici, & nuda enunciatione quæ est prima formatio secundæ operationis, & status eius imperfectus. Ad manifestandam autem veritatem, quæ ibi nondum potest innotescere, ordinatur inquisitio, & discursus, quæ probatione sua manifestet, & ordinet, ac determinet intellectum ad cognoscendum ita esse vel non esse in re. Qua probatione facta formatur consummata comparatio, & collatio secundæ operationis quæ est iudicium. Et ita secunda operatio in statu imperfecto, idest sine sufficiente manifestatione veritatis ordinatur ad discursum, & discursus rursus ad secundam operationem in statu perfecto, & consummato in quo quiescitur per assensum in veritate.

*Quarto inquires*, an per istas tres operationes formetur distinctus conceptus?

*Respondetur* de prima, & secunda operatione  
id est



## *Articulus III. 215.*

id expresse doceri à D. Thom. multis locis *ut* quodlib. 5. art. 9. & h. 9. de pot. art. 5. ex Arist. 5. de anim. text. 12. super quem locum etiam videri potest S. Tho. Non verò apparet quod discursui seorsum attribuat distinctum verbum seu conceptum, nam potius dum cogitamus, quod sit per discursum nondum perfectè formamus verbum, *ut* ex Aug. docet D. Thom. 1. p. q. 34 art. 1. ad 2. & opusc. 13. Formatur ergo verbum tam in prima, quam secunda operatione, quia in utraque est distinctum obiectum repræsentandum, in prima, ipsa natura seu quidditas rei, aut res ipsa in se, in secunda ipsa veritas, quæ non sufficienter explicatur per primam operationem, quia ibi repræsentatur res aliqua absolutè in se, in secunda incipit repræsentari secundum convenientiam, & comparisonem ad aliud, secundum quam explicatur veritas vel falsitas, scilicet quid ita sit, sicut repræsentatur convenire, vel disconvenire. Hoc enim si posset repræsentari in prima operatione, non indigeret procedere de potentia ad actum in secunda, sed haberet se sicut conceptus Angeli, qui statim intelligit non solum rem, sed etiam quidquid illi convenit, vel non convenit evoluendo, & comprehendendo totum. Noster autem intellectus cum procedat de potentia ad actum, non potest in prima apprehensione totum evolvere in actu, indiget ergo novo conceptu in secunda operatione evoluente, & repræsentante, quod in prima non potest. Nec sufficit dicere quod plures conceptus primæ operationis *ut* coordinati inter se, sufficiunt pro secunda. Contra enim  
est

est, quia non sufficit coordinatio successionis ita quod vnus conceptus post alium fiat, sed coordinatio proportionis, & conuenientiae secundum prædicationem nam potest aliquando post vnum conceptum simplicem succedere alius disparatè se habens, & disconueniens illi, ergo ad videndam illam conuenientiam, vel disconuenientiam, & proportionem vnus cum alio requiritur aliqua specialis cognitio, & penetratio vnus extremi ad aliud, & non sola coordinatio successionis in conceptibus, sed coordinatio super conuenientia conceptuum, & proportionem inter se.

*An verò* conceptus ille secundae operationis fit vnus entitatiuè, qui tamen coordinationem illam conceptuum simplicium respiciat vt plura obiecta inadæquata, sed per modum vnus coordinata, licet præsuppositiuè in prima operatione supponantur plures conceptus ex quorum coordinatione, & collatione resultet ille conceptus secundae operationis, diximus quæst. 5. summularum, & aliquid sequent. art. attingemus. Sufficit aduertere, quod S. Tho. 1. p. q. 85. art. 5. ad 1. dicit quod compositio, & diuisio intellectus per quandam differentiam, vel comparisonem fit. Vbi autem plura intelligi possunt sub vnica ratione comparisonis, vel differentiae aut vnitatis, vnica specie, vel vnica cognitione, aut conceptu attingi possunt, vt artic. sequen. dicetur; non ergo repugnat comparisonem illam, aut differentiam qua fit compositio aut diuisio, vnico conceptu terminari, licet formato, & collecto ex multis qui præcedunt in simplici, seu

## Articulus III. 217

seu prima operatione, ut ex illis collatiuè formatur secunda, in quo longè abest Angelo, qui licet rem compositam attingat, tamen non compositè nec collatiuè vnius ad alterum, nec formatur ex pluribus præsuppositis, & collatis, sed vnico intuitu, & comprehensione totum illud attingit: in nobis autem sicut mixtum fit ex miscilibus non actu existentibus, sed precedentibus, & alteratis, & corruptis, sic ex precedentibus conceptis collatis, vnus resultat qui compositus dicitur obiectiue, & ratione præsuppositorum.

Quod verò attinet ad discursum, cum non constet nisi pluribus præsuppositionibus non facientibus, aut componentibus vnā tertiam sed indifferentibus, videtur quod non producat distinctum verbum à propositionibus, sed illas cum diuersa modificatione, & habitudine, scilicet vt inferentes, vel vt illatas. Vnde sicut per discursum fit transitus de vna propositione ad aliam ita oportet ad producendum id quod propositionis est in illo conceptu, seu verbo concurrere secundam operationem, & quantum ad id quod motus, seu illationis est, concurrere tertiam, quod est respicere illud verbum seu conceptum vt modificatum. Et sic cum dicitur quod est distincta operatio, ergo habet distinctum verbum conceditur quod est distinctum modaliter, non realiter ab eo quod propositionibus ipsis representatur: cum verò ex simplici apprehensione proceditur ad representationem compositam, distinctum obiectum relucet in representanda quidditate, vel veritate. Et sic discursus secundum causalitatem (id est secundum

dum illationem ) præsupponit discursum secundum successionem ( idest secundum plures propositiones succedentes ) ut dicit S. Thomas, 1. p. q. 14. art. 7. non verò ex pluribus propositionibus unam facit.

## ARTICULVS IV.

*Virum intellectus possit plura per modum plurimum intelligere.*

**I**N hac parte sunt duæ sententiæ Prima, quæ attribuitur Scoto in 1. distinct. 3. q. 6. alijsque eius sectatoribus, & sequuntur Connimb. 3. de anim. c. 8. q. 6. art. 2. P. Suarez lib. 3. de anima cap. 7. & alij qui tenent posse per se plura ut plura cognosci etiam non attenta unitate tanquam formali ratione vel conditione requisita; Aristotelem autem, & D. Tho. oppositum dicentes explicant, quod loquuntur de cognitione perfecta, quia intensa cognitio unius remittit alterius cognitionem.

*Opposita* sententia est D. Thom. 1. p. q. 12. art. 10. & q. 58. art. 2. & q. 85. art. 4. & de veritate, quæst. 8. art. 14. & 1. contra Gent. cap. 55. Sequuntur communiter eius discipuli Caiet. & Ferrar. supra loca cit. Capr. in 2. distin. 3. q. 2. M. Bannez super quæst. 85. cit. & alij. Nec D. Thom. hoc affirmat de solo intellectu nostro aut sensu, sed vniuersaliter tam de sensu, quam de intellectu, tam nostro quam Angelico. Et ita reducitur hoc ad vniuersalem rationem, quæ omnem intellectum comprehendat. Sumitque hoc ex illo dicto Arist. 2. Topic. c. 4. *Quod contingit plura scire, non autem cogitare sensum intelligere.*

*Cum autem* certum sit quod diuerso tempore possumus plura intelligere per modum plurium, & per diuersos actus, difficultas est an simul, idest eodem tempore, potestque in duplici sensu controuerti.

*Primus*, an eodem tempore eliciendo plures actus, qui adæquati sint, & quilibet integrum habeat obiectum.

*Secundus*, an eliciendo tantum vnum actum qui plura habeat obiecta, non attendendo ad hoc quod reducantur ad aliquam unitatem, sed in sola pluralitate remanendo. Rursum videndum est ex quo principio repugnet intelligere plura, vt supra simul, an ex limitatione potentiae, vt aliqui existimant, qui consequenter affirmant solum repugnare intellectui intelligere plura, vt plura perfecte, eo quod subiectum ex sua limitatione non est capax plurium formatum perfecte, & adæquate, bene tamen imperfecte; an verò repugnet ex ipso modo operandi, & repræsentandi qui non potest tendere, nisi per modum vnius in obiectum suum, ratione cuius D. Thom. nunquam recurrit in hac parte ad limitationem potentiae operantis, sed solum ad repræsentationem specierum quas dicit se habere sicut figuras terminantes potentiam. Ergo de hoc oportet reddere rationem.

*Dico ergo* 1. Respectu vnius actus eliciendi non possunt plura intelligi per modum plurium, idest non reducendo illa plura ad aliquam rationem formalem vnam. Hæc cit. locis expresse ponitur à D. Thom. nec opus est verba referre, quia id ex professo probat, sed rationibus eius est probandum. In pri-

his ergo maximè hæc conclusio nititur experientia, quæ Philosophiæ est mater, videmus enim quod cum plura volumus comprehendere ad vnum nos colligimus, ipsa verò dissipatione distrahimur. Et redigimur ad vnum vel ad vnâ comparisonem vel differentiam, vel ad vnâ aliquam circumstantiam loci vel temporis, &c. atque ita sub aliquo modo unitatis pluralitas reduci debet, vt cognoscantur plura. Deinde instat ratio D. Thom. adducta, quia repugnat duas formas completas, & perfectas simul actuare idem subiectum, sicut, quod idem corpus figuratur duplici figura, aut duplici colore informetur, sed si redigantur in vnum sub quo plura attingantur, illud vnum erit ratio formalis, vel ex parte rationis formalis se tenebit, & illa plura materialiter, & inadæquatè attingentur. In qua ratione considerandum est, quod S. Doct. non loquitur de quibuscumque formis, sed de habentibus rationem aliquam termini, & perfectè, atque adæquatè existentibus in subiecto. Ad hoc enim seruiunt exempla allata de figura & colore, quia figura ex terminatione quantitatis resultat, color autem ex terminatione qualitatis quæ est perspicuitas, vt diximus supra q. 7. Talis ergo terminus quando est perfectus, idest vltimus, debet esse vnus, quia plures, & vltimi repugnant, si enim vnus terminus est vltimus non relinquit vltèrius terminabile subiectum, alias vltimus non esset, ergo repugnat quod alter vltimus ei adueniat. Species autem informant per modum terminantis, quia in esse representatiui se habent vice obiecti, obiectum autem est terminus

nus cognitionis . Sed tamen quia etiam est principium , ideò obiectum prout relucet in specie impressa , non est perfectè , & vltimatè terminus , sed virtualiter , & ideò non repugnat plures species impressas simul informare potentiam , sicut reseruantur in ea plures species repugnat autem esse plures species impressas . seu conceptus per modum plurium , quia ibi obiectum se habet per modum termini perfecti , & vltimi respectu cognitionis actualis .

*Sed dices* , hac ratione probari , quod non posset simul intellectus informari cognitione visionis beatæ , infusæ , & acquisitæ , quæ tamen fuerunt simul in Christo ; & Angelus simul cognoscit essentiam diuinam , essentiam suam , & alia . Vt huic obiectioni satisfiat plenius .

*Dico secundò* . Non repugnat plures operationes simul simultate durationis esse in intellectu , & vnâquamque suum terminum habere , dummodo sint diuersi ordinis , idest vna supernaturalis altera naturalis , vel vna deriuatur ex alia seu sit causa alterius , sic enim primus terminus non est vltimus simpliciter , sed subordinatur alteri . Sumitur ex D.Thom.q.8. de verit. art. 8. ad 6. & 11. & 14. vbi concedit quod si vnum est ratio intelligendi aliud , vnum eorum erit quasi formale , & aliud quasi materiale , & sic illa duo sunt sicut vnum intelligibile . Et sic dicit quod Angelus simul cognoscit se per suâ essentiam , & alia obiecta per alias species . Et similiter præmissas , & conclusionem simul attingit , quia minor , & conclusio simul tempore cognoscuntur , vt docet Philosoph. 1. Post.

rationem ipsius enunciationis ad id quod est vel non est in re, & ideo dicant non distingui iudicium à compositione, seu enunciatione, vt docet P. Suarez lib. 8. de anima cap. 6. Conuincitur inquam quia iudicium formaliter loquendo non respicit representationem extremorum, vt comparatorum, & vnitorum inter se, sed ipsam enunciationem comparat per conformitatem, aut difformitatem ad esse, vel non esse in re, ideoque de se postulat distinctum actum, quia habet diuersam comparisonem, & obiectum. Non negamus tamen aliquando intellectum vnico actu complecti posse vtrumque, & simul vnire aliqua extrema inter se, & conformare ei, quod in re est, vt cum actu video Petrum esse album aut sedere, vt id pronuncio non enunciativè tantum, sed etiam essentivè, & per assensum dicendo, Petrus verè est albus, seu absolute Petrus est albus, vbi implicite inuoluitur verè est, vel ita est in re; vnico tamen signo seu enunciatione exprimitur, quia non solum in verbo est significare possumus vnionem extremorum, sed etiam certificationem, & verificationem assensus, & assertionis. Itaque in iudicio inveniuntur hæc tria; præsuppositivè, compositio extremorum enunciativa; formaliter assensus intellectus comparans extrema enunciativa conformiter ad rem: consecutivè, discretio vnus à suo opposito.

*Ad 2.* aliqui dicunt iudicium esse actum compositum, quod affirmat P. Suar. loco cit. conformiter ad suam sententiam, quod non distinguitur iudicium à compositione, & comparisonem vnitiua extremorum inter se, sicut enim



## Articulus II. 213

enim non possumus apprehendere propositionem simplici actu, ut in negatiuis clarius constat, ita neque simplici actu iudicare.

*Respondetur* tamen illud iudicium formaliter non requirere compositionem, sed præsuppositiuè, quatenus supponit plures actus, quibus formatur enunciatio, & super quæ cadit iudicium.

*Ratio* est, quia iudicium non format compositionem, & unionem extremorum, sed ipsam enunciationem, seu extrema vnita comparat ad id, quod est in re cum determinatione, & adhæsiōe intellectus. Ad hoc autem sufficit simplex actus comparatiuus, quia ad istum actum non pertinet vnire aliqua, & coniungere, sed eorum quæ coniuncta, & vnita sunt conformitatem ad esse, vel non esse in re concipere, quæ est simplex comparatio, non vnitua extremorum, sed extrema vnita supponens; & illa conformitas, seu comparatio ad id quod est in re sumitur non in actu signato, sed ut in exercitio determinans, & adherere faciens intellectum quod est assensus ad propositionem illam ut veram seu conformem rei, idem est enim dicere per assensum ita hoc est, ac dicere verè est, seu conformiter ad rem.

*Dices* hoc iudicium quod nos distinguimus à formatione enunciationis non pertinet ad secundam operationem, sed ad tertiam, discursus enim terminatur ad tale iudicium, tunc enim sistit discursus, cum resoluitur, & sententiatur conclusio, ergo non potest pertinere ad secundam operationem, quia secunda operatio est medium transcendens ad vnam  
iudic-

## 214 *Quaestio XL*

iudicium autem est terminus tertiæ, in quo finit discursu.

*Respond.* iudicium non esse diuersum, quia non est motus illatiuus, sed pertinere ad secundam operationem in qua est collatio, seu comparatio ipsius enunciationis compositæ ad id quod est in re cum adhæsiōe intellectus, hoc ipso quod comparatur illi secundum conformitatem. Sic ergo secunda operatio quantum ad enunciationem præbet materiam discursui, & ordinatur ad illum, sed secunda operatio quantum ad assensum, & iudicium est finis, & terminus ad quem ordinatur discursus vt ad perfectionem quam intendit. Et hoc ideo quia in secundas operatione inuenitur veritas, vel falsitas, sed non innotescit statim ex simplici, & nuda enunciatione quæ est prima formatio secundæ operationis, & status eius imperfectus. Ad manifestandam autem veritatem, quæ ibi nondum potest innotescere, ordinatur inquisitio, & discursus, quæ probatione sua manifestet, & ordinet, ac determinet intellectum ad cognoscendum ita esse vel non esse in re. Qua probatione facta formatur consummata comparatio, & collatio secundæ operationis quæ est iudicium. Et ita secunda operatio in statu imperfecto, idest sine sufficiente manifestatione veritatis ordinatur ad discursum, & discursus rursus ad secundam operationem in statu perfecto, & consummato in quo quiescitur per assensum in veritate.

*Quarto inquires*, an per istas tres operationes formetur distinctus conceptus?

*Respondetur* de prima, & secunda operatione  
*id est*

## Articulus III. 215.

id expresse doceri à D. Thom. multis locis *ut* quodlib. 5. art. 9. & h. 9. de pot. art. 5. ex Arist. 5. de anim. text. 12. super quem locum etiam videri potest S. Tho. Non verò apparet quod discursui seorsum attribuat distinctum verbum seu conceptum, nam potius dum cogitamus, quod sit per discursum nondum perfectè formamus verbum, *ut* ex Aug. docet D. Thom. 1. p. q. 34. art. 1. ad 2. & opusc. 13. Formatur ergo verbum tam in prima, quam secunda operatione, quia in utraque est distinctum obiectum representandum, in prima, ipsa natura seu quidditas rei, aut res ipsa in se, in secunda ipsa veritas, quæ non sufficienter explicatur per primam operationem, quia ibi representatur res aliqua absolute in se, in secunda incipit representari secundum convenientiam, & comparisonem ad aliud, secundum quam explicatur veritas vel falsitas, scilicet quid ita sit, sicut representatur convenire, vel disconvenire. Hoc enim si posset representari in prima operatione, non indigeret procedere de potentia ad actum in secunda, sed haberet se sicut conceptus Angeli, qui statim intelligit non solum rem, sed etiam quidquid illi convenit, vel non convenit evoluendo, & comprehendendo totum. Noster autem intellectus cum procedat de potentia ad actum, non potest in prima apprehensione totum evolvere in actu, indiget ergo novo conceptu in secunda operatione evolvente, & representante, quod in prima non potest. Nec sufficit dicere quod plures conceptus primæ operationis *ut* coordinati inter se, sufficiunt pro secunda. Contra enim  
est

est, quia non sufficit coordinatio successionis ita quod vnus conceptus post alium fiat, sed coordinatio proportionis, & conuenientiae secundum praedicationem nam potest aliquando post vnum conceptum simplicem succedere alius disparatè se habens, & disconueniens illi, ergo ad videndam illam conuenientiam, vel disconuenientiam, & proportionem vnus cum alio requiritur aliqua specialis cognitio, & penetratio vnus extremi ad aliud, & non sola coordinatio successionis in conceptibus, sed coordinatio super conuenientia conceptuum, & proportionem inter se.

*An verò conceptus ille secundae operationis sit vnus entitatiuè, qui tamen coordinationem illam conceptuum simplicium respiciat vt plura obiecta inadæquata, sed per modum vnus coordinata, licet praesuppositiuè in prima operatione supponantur plures conceptus ex quorum coordinatione, & collatione resultet ille conceptus secundae operationis, diximus quaest. 5. summularum, & aliquid sequent. art. attingemus. Sufficit aduertere, quod S. Tho. 1. p. q. 85. art. 5. ad 1. dicit quod compositio, & diuisio intellectus per quandam differentiam, vel comparisonem fit. Vbi autem plura intelligi possunt sub vnica ratione comparisonis, vel differentiae aut vnitatis, vnica specie, vel vnica cognitione, aut conceptu attingi possunt, vt artic. sequent. dicetur; non ergo repugnat comparisonem illam, aut differentiam qua fit compositio aut diuisio, vnico conceptu terminari, licet formato, & collecto ex multis qui praecedunt in simplici, seu*

seu prima operatione, ut ex illis collatiuè formatur secunda, in quo longè abest Angelo, qui licet rem compositam attingat, tamen non compositè nec collatiuè vnus ad alterum, nec formatur ex pluribus præsuppositis, & collatis, sed vnico intuitu, & comprehensione totum illud attingit: in nobis autem sicut mixtum fit ex miscilibus non actu existentibus, sed precedentibus, & alteratis, & corruptis, sic ex precedentibus conceptis collatis, vnus resultat qui compositus dicitur obiectiue, & ratione præsuppositorum.

*Quod verò* attinet ad discursum, cum non constet nisi pluribus præsuppositionibus non facientibus, aut componentibus vnā tertiam sed indifferentibus, videtur quod non producat distinctum verbum à propositionibus, sed illas cum diuersa modificatione, & habitudine, scilicet vt inferentes, vel vt illatas. Vnde sicut per discursum fit transitus de vna propositione ad aliam ita oportet ad producendum id quod propositionis est in illo conceptu, seu verbo concurrere secundam operationem, & quantum ad id quod motus, seu illationis est, concurrere tertiam, quod est respicere illud verbum seu conceptum vt modificatum. Et sic cum dicitur quod est distincta operatio, ergo habet distinctum verbum conceditur quod est distinctum modaliter, non realiter ab eo quod propositionibus ipsis representatur: cum verò ex simplici apprehensione proceditur ad representationem compositam, distinctum obiectum relucet in representanda quidditate, vel veritate. Et sic discursus secundum causalitatem ( idest secun-

dum illationem ) præsupponit discursum secundum successionem ( idest secundum plures propositiones succedentes ) ut dicit S. Thomas, 1. p. q. 14. art. 7. non verò ex pluribus propositionibus unam facit.

## ARTICULVS IV.

*Utrum intellectus possit plura per modum plurimum intelligere.*

**I**N hac parte sunt duæ sententiæ. Prima, quæ attribuitur Scoto in 1. distinct. 3. q. 6, alijsque eius sectatoribus, & sequuntur Connimb. 3. de anim. c. 8. q. 6. art. 2. P. Suarez lib. 3. de anima cap. 7. & alij qui tenent posse per se plura ut plura cognosci etiam non attentata unitate tanquam formali ratione vel conditione requisita; Aristotelem autem, & D. Tho. oppositum dicentes explicant, quod loquuntur de cognitione perfecta, quia intensa cognitio unius remittit alterius cognitionem.

*Opposita* sententia est D. Thom. 1. p. q. 12. art. 10. & q. 58. art. 2. & q. 85. art. 4. & de veritate, quæst. 8. art. 14. & 1. contra Gent. cap. 55. Sequuntur communiter eius discipuli Caiet. & Ferrar. supra loca cit. Capr. in 2. distin. 3. q. 2. M. Bañez super quæst. 85. cit. & alij. Nec D. Thom. hoc affirmat de solo intellectu nostro aut sensu, sed vniuersaliter tam de sensu, quam de intellectu, tam nostro quam Angelico. Et ita reducitur hoc ad vniuersalem rationem, quæ omnem intellectum comprehendat. Sumuntque hoc ex illo dicto Arist. 2. Topic. c. 4. *Quod contingit plura scire, non autem cogitare sensum intelligere.*

*Cum autem* certum sit quod diuerso tempore possumus plura intelligere per modum plurium, & per diuersos actus, difficultas est an simul idest eodem tempore, potestque in duplici sensu controuerti.

*Primus*, an eodem tempore eliciendo plures actus, qui adæquati sint, & quilibet integrum habeat obiectum.

*Secundus*, an eliciendo tantum vnum actum qui plura habeat obiecta, non attendendo ad hoc quod reducantur ad aliquam unitatem, sed in sola pluralitate remanendo. Rursum videndum est ex quo principio repugnet intelligere plura, vt supra simul, an ex limitatione potentiae, vt aliqui existimant, qui consequenter affirmant solum repugnare intellectui intelligere plura, vt plura perfecte, eo quod subiectum ex sua limitatione non est capax plurium formatum perfecte, & adæquate, bene tamen imperfecte; an verò repugnet ex ipso modo operandi, & repræsentandi qui non potest tendere, nisi per modum vnius in obiectum suum, ratione cuius D. Thom. nunquam recurrit in hac parte ad limitationem potentiae operantis, sed solum ad repræsentationem specierum quas dicit se habere sicut figuras terminantes potentiam. Ergo de hoc oportet reddere rationem.

*Dico ergo* 1. Respectu vnius actus eliciendi non possunt plura intelligi per modum plurium, idest non reducendo illa plura ad aliquam rationem formalem vnā. Hæc cit. locis expresse ponitur a D. Thom. nec opus est verba referre, quia id ex professo probat, sed rationibus eius est probandum. In pri-

nus cognitionis . Sed tamen quia etiam est principium , ideò obiectum prout relucet in specie impressa , non est perfectè , & vltimatè terminus , sed virtualiter , & ideò non repugnat plures species impressas simul informare potentiam , sicut reseruantur in ea plures species repugnat autem esse plures species impressas . seu conceptus per modum plurium , quia ibi obiectum se habet per modum termini perfecti , & vltimi respectu cognitionis actualis .

*Sed dices* , hac ratione probari , quod non posset simul intellectus informari cognitione visionis beatæ , infusæ , & acquisitæ , quæ tamen fuerunt simul in Christo ; & Angelus simul cognoscit essentiam diuinam , essentiam suam , & alia . Vt huic obiectioni satisfiat plenius .

*Dico secundo* . Non repugnat plures operationes simul simultate durationis esse in intellectu , & vnamquamque suum terminum habere , dummodo sint diuersi ordinis , idest vna supernaturalis altera naturalis , vel vna deriuetur ex alia seu sit causa alterius , sic enim primus terminus non est vltimus simpliciter , sed subordinatur alteri . Sumitur ex D.Thom.q.8. de verit. art. 8. ad 6. & 11. & 14. vbi concedit quod si vnum est ratio intelligendi aliud , vnum eorum erit quasi formale , & aliud quasi materiale , & sic illa duo sunt sicut vnum intelligibile . Et sic dicit quod Angelus simul cognoscit se per suâ essentiam , & alia obiecta per alias species . Et similiter præmissas , & conclusionem simul attingit , quia minor , & conclusio simul tempore cognoscuntur , vt docet Philosoph. 1. Post.



*Quæ* exempla satis probant conclusionem, quia illa obiecta diuersis actibus cognoscuntur, quia diuersis speciebus, repræsentantur vt essentia Angeli per se, alia obiecta per species, & sic contingit variari cognitiones aliarum rerum, non variata cognitione suæ essentiæ. In præmissis autem, & conclusione sunt diuersi actus, quia est discursus secundum causalitatem in quo vnus actus est causa alterius, & sic diuersis actibus constat. Et hoc ideo est, quia quando vnus actus est ratio, & causa alterius, habet se vt illuminans illum, ab vno autem luminoso in eodem instanti multiplicari possunt plura lumina in toto suo spatio secundum virtutem suam, ergo similiter non repugnabit multiplicari lucem in spiritualibus in eodem instanti, quod fit dum ex vno actu illuminamur ad alium. Semper tamen hæc se habent per modum vnus, quia procedunt ordine quodam, & cum subordinatione vnus ad aliud, quatenus id quod illuminatum est, se habet vt formale ad id quod fit illuminatum, & sic facit vnum intelligibili modo. Similiter si vna cognitio sit supernaturalis; & alia naturalis non terminat potentiam secundum idem, sed vna secundum potentiam obedientialem alia secundum naturalē. Non repugnant autem duo termini, si sint respectu diuersorum, vel in diuerso ordine, quia sic non opponuntur, nec vnus excludit alium, sed solum intra eundem ordinem, & respectu eiusdem ideoque non repugnant scientia creata, infusa, & naturalis: quia sunt secundum diuersos ordines, & lumina

*Quod* si inites, quia substantia diuina, &  
creata

creata repugnant in eadem natura, licet sine diuersi ordinis. Respondetur esse diuersam rationem, quia per substantiam diuinam non additur entitas ipsi naturæ vt sit assumptibilis, sed eadem quæ termino creato terminata est debet assumi. Per lumen autem supernaturale crescit virtus intellectus diuersa, & ita diuerso actu terminabilis.

**SOLVUNTUR ARGUMENTA.**

**P**rimò arguit, ex P. Suarez. Quia simul videmus albedinem, & nigredinem, simulque audimus diuersos sonos, eorumque differentias percipimus, ergo, & plura possumus simul cognoscere, & per diuersos actus. Et quod per modum plurium, probatur, nam possumus videre duos homines, vel lapides non comparando vnum alteri, sed vt disparate se habentes, videmus enim quidquid sub sphaera visus nostri cadit, sine hoc quod omnia illa comparemus inter se. Et ratio est quia attentio potentiae est diuisibilis; habetque latitudinem, ergo potest diuidi illa attentio, & circa vnum poni media attentio, circa aliud, alia media, etiamsi omnia obiecta disparate se habeant, & sic simul intelligere plura vt plura.

*Confirmatur*, quia intellectus potest cognoscere plura per modum vnius comparisonis vel differentiae, vt etiam S. Thom. admittit, ergo etiã absolutè, nam comparatio non tollit difficultatem sed addit, quia extrema plura cognoscuntur & vltius comparantur.

*Confirmatur secundo*, quia etiam cum comparantur, cognoscuntur illa extrema per di-

## 224 *Quæstio XI.*

versas species, v.g. album, & nigrum, siquidem eorum pluritas, & diuersitas videtur, ergo non solum illa simul cognoscuntur quæ per vnâ speciem cognoscuntur. Si dicatur cognosci per plures ordinatas, quæ vnitatem ordinis vnâ sunt. Contra est, quia D. Thom. 1. p. q. 12. art. 10. dicit, quod si partes eiusdem totius diuersis, & proprijs speciebus intelligantur, non cognoscuntur simul, cum tamen etiam tunc cognoscantur vt ordinate se habentes, quia vt partes componentes.

*Respondetur* omnia illa videri reducta ad aliquem modum vnitatis, vel vt adunata in eodem loco seu medio, vel aliquo modo ordinata, alioquin si seorsum vnum ab alio videmus, statim visionem partimur. Et intellectus cum differentiam rerum cognoscit, etiam ad vnitatem reducit, quia ipsa differentia, comparatio vna est. Ad probationem dicitur quod etiam si visus non compareret illa plura inter se, potest tamen vnica visione attingere, videndo illa, vt aggregata in vno loco vel vt contigua aut componentia, vel vt propinqua aut distantia intra aliquam lineam, sub qua aggregat ea quæ vnica visione attingit, & sic semper reducit ad aliquam vnitatem, quam si soluit, visiones diuidit. Et ad rationem dicimus, quod licet attentio sit cum latitudine quoad intensionem sicque possit ad plura vel pauciora intra eandem sphaeram extendi, tamen quoad modum terminationis in actu, & operatione non habet latitudinem, sed si est vnica operatio, vnicam debet habere terminationem, licet sub illa varia obiecta materialia, & inadequata congregentur. Quod si diuiduntur

tur operationes, & in eis minuatur attentio, oportet quod vna se habeat vt ratio alterius ad hoc vt simul sint, vel quod sint diuersi ordinis explicatum est.

*Ad 1. confirmationem*, dicitur quod comparatio addit ad extrema aliquam cognoscibilitatem, sed non difficultatem, aliquando enim additio rei cognoscibilis non auget difficultatem sed faciliat, sicut lux addit rem visibilem coloribus, & probatio medij aliquid cognoscibile ad conclusiones, & tamen faciiliat, quia manifestant, sic comparatio, vel quaecumque reductio ad vnitatem rerum cognoscibilium, quia ordinat, & melius determinat intellectum, faciliat ad deducendum eum ad cognitionem, non reddit difficiliorem intelligentiam.

*Ad 2. confirmat. Respondetur*, solutione ibi data. Ad replicam dicitur quod D. Thom. loquitur quando partes totius non cognoscuntur vt ordinatae vna cum altera, & comparando cum illa, sic enim simul illae partes cognoscuntur, & vt redactae ad aliquam vnitatem; sed loquitur quando vna pars seorsum ab alia consideratur, & secundum id quod entitatis est in se, vel secundum habitudinem, quam habet ad totum, non ad alias partes, sicut si quis solum consideret oculum vel manum nihil de alijs partibus recordando.

*Secundo arguitur*, quia plures species intentionales simul sunt in aere, & per illum transcunt ad sensus, plures etiam species reseruantur in intellectu, & memoria, ergo non repugnat informari eandem potentiam, vel subiectum pluribus formis eiusdem generis. Nec

valet dicere quod sunt in esse imperfecto, & quasi infieri, non autem in esse perfecto. Contra enim est, tùm quia formam informare, & esse in actu completo est idem, sed tunc informant illæ formæ, ergo sunt in esse completo: tùm quia illæ formæ possunt informare visum externum, & elicere visionem, & tamen tunc non informatur vnica specie expressa, quia hæc non datur in oculo, neque vnica impressa, quia sunt plures, ergo potest cognoscere plura, idest, vt informatur pluribus speciebus.

*Confirmatur*, quia in propositione negativa, vt homo non est lapis, sunt plures species hominis, & lapidis, quæ non vniuntur, sed potius diuiduntur negatione. Et ita cognitione confusa plures species concurrunt quæ in vnum non ordinantur, manent enim confusæ in cognitione autem distincta vnum cognoscitur seorsum, & distinctè ab alio, vt conclusiones, & præmissæ. Possunt denique inueniri simul species diuersi ordinis vt supernaturales, & naturales, cur ergo non eiusdem generis?

*Respondetur*, iam supra datam esse differentiam, quod species impressæ in aere, vel in potentia sine actu cognitionis sunt formæ tantum informantes, non terminantes adæquatè, & in actu vltimo. Nusquam autem S. Thom. rejicit multitudinem specierum seu cognitionem plurium vt plura, ex eo quod plures formæ informantes sunt, sed ex eo quod adæquatè terminant, & figurant, nam plures formas accidentales specie diuersas inhærere, & informare eandem potentiam vel subiectum vt plures habitus, plures qualitates, quomodo po-

do potuit negare, aut ignorare Diu. Thom.

*Cum* ergo instatur, quod formam informare est esse in actu completo distinguo si sit forma tantum entitativa, transeat, si sit forma intentionalis, & intelligibilis, nego, in hac enim oportet, quod non solum informet entitativè, sed etiam intentionaliter, & non solum species impressa per modum principij, sed etiam expressa per modum termini, & tunc est in actu completo per modum terminantis, nec possunt in eadem re dari duo termini adequati, & ultimi. Ad secundam partem argumenti dicitur, quod licet in visu externo non formetur species expressa, elicitur tamen visio quæ terminatur ad objecta quæ extra sunt per modum unius disposita, siuè unitate ordinis vel loci, vel aggregationis, aut propinquitatis, &c. Et visio sic terminata ad objecta per modum unius est in actu completo.

*Ad confirmationem Respondetur*, omnia illa objecta aliquo modo uniri saltem sub conceptu differentiarum, & disconvenientiarum, quæ in re quidem separationem, aut divisionem aliquam ponit, sed in mente per modum unius comparationis divisiuæ accipitur, & sic extrema illa sub aliqua unitate rediguntur. In cognitione confusa plura accipiuntur per modum unius non ordinatè, & distinctè, sed aggregatione quadam, & indeterminatione, quæ etiam ad unitatem potentialem, & imperfectam reducitur. In cognitione præmissarum, & conclusionis sunt plures cognitiones ordinatæ, & quarum una est ratio, & causa alterius, illamque illuminat, & sic simul sunt quia coordinantur. De speciebus diversis ordinis,

iam diximus posse esse simul, quia fundantur in diuersis operationibus, & diuersis virtutibus: per eleuationem enim virtus crescit seu duplicatur, quia eleuatur, & sic diuersis operationibus terminabilis est, quod non currit in operatione, & virtute naturali, quæ est vnius generis, nisi vna operatio sit causa alterius, & coordinetur vnitæ ordinis seu illuminationis cum altera, vt explicatum est.

## Q V Æ S T I O XII.

*De appetitu, & loco motu.*

## ARTICVLVS I.

*An deus appetitus elicitus in animalibus,  
& quomplex sit?*



**D**ARI appetitum elicitum in animalibus, satis ipsa experientia notum est, tum in nobis, qui quotidie actus appetendi experimur, & patimur, tum in brutis, quæ moueri, & allici videmus aliquo conuenienti proposito, vel fugere, & deterri ab aliquo disconuenienti.

*A priori* autem demonstratur hæc veritas à D. Thom. 1. p. q. 19. art. 1. & q. 80. artic. 1. ex eo quod appetitus elicitus sequitur ad apprehensionem, & sic vbi datur intellectus dabitur appetitus intellectus, qui est voluntas, vbi

ubi autem datur apprehensio sensitiva dabitur appetitus sensitivus. Est autem ratio Div. Thom. in hunc modum. Omnis res hanc habitudinem ad suam formam seu perfectionem naturalem, quod si habet illam quiescat in ea, si non habet, tendat in eam, quod brevius in quæst. 80. citata exposuit dicens, quod ad quamlibet formam sequitur inclinatio ad aliquid, ut inductione ipsa manifestum est, cum videamus ad diversas naturas seu formas, diversas sequi inclinationes. Imò in omni entitate, siue sit forma, siue materia, si est proportio, & convenientia ad aliquid, siue intrinsecum, siue extrinsecum, hoc ipso datur in tali entitate inclinatio ad talem rem sibi coniunctam; & inclinationem hanc vocamus appetitum.

*Quare* hæc propositio, quod ad omnem formam sequitur inclinatio, per se est nota in hac materia, & ipsa inductione potest esse manifesta. Addit D. Thom. quod natura intelligens seu cognoscens in quantum cognoscens constituitur in actu per formam cognoscibilem, per quam res apprehendit, ergo ex ipsa sequitur inclinatio ad bonum sic apprehensum, hæc autem inclinatio vocatur appetitus elicited, seu voluntas, ergo in omni cognoscente talis appetitus datur.

*Hanc* rationem putant aliqui solum esse congruentiam desumptam ex proportionem ad res naturales, ut Pater. Vazquez, prima parte, quæst. 19. citata in commentario art. 1. & obijcit contra illam aliquas difficultates quæ ferè coincidunt cum eis quas ponit Caietanus in eodem articulo. Et reduci possunt ad tria



tria præ ipua . Primum , quia S. Thom. ponit intellectum constitui per formam intelligibilem , & inde infert debere dari appetitum ad bonum apprehensum per talem formam , cum tamen solum inferendum esset , dari appetitum ad ipsam formam ut quiescat in illa vel quærat illam . Vnde ergo infertur , deberi dari appetitum erga obiectum apprehensum per talem formam ? cum proportio ad res naturales solum inferat , quod ad formam detur inclinatio .

*Secundum* est , quia dato , quod forma intelligibilis sit ipsa res apprehensa in alio esse , scilicet in esse intentionali , adhuc consequentia S. Thom. non concludit intentum , tum quia ex forma apprehensa in quantum apprehensa infert appetitum ad ipsam rem in proprio esse naturali habendam , quod non apparet in cuius virtute inferatur , solum enim videtur ex forma apprehensa debuisse inferri inclinationem ad formam in eodem esse , non autem in esse naturali : tum etiam quia ad summum potest inferri inclinatio naturalis ad talem formam intelligibilem , quod verò sequatur appetitus elicitus ad ipsum bonum apprehensum per talem formam , non apparet quomodo inferatur : tum denique , quia ex eo quod intellectus fiat in actu per formam intelligibilem , solum sequitur aliqua inclinatio in ipso met intellectu ad talem formam , quod verò sequatur inclinatio quæ sit alia potentia distincta in ipso toto , quæ est voluntas seu appetitus elicitus , non apparet quomodo teneat .

*Tertium* denique est circa propositionem ,  
quam

## Articulus I. 231

quàm affert D. Thom. quod res ad suam formam naturalem hanc habet habitudinem, ut cum non habet eam tendat in ipsam, cum verò habet illam quiescat in ea. Quæ propositio implicans videtur, quia res non habens formam suam naturalem, caret esse hoc ipso, quod caret forma, quia per formam constituitur in esse, quo modo ergo potest appetere? Nec dici potest quod appetit formam naturalem, quæ est proprietas, non illam quæ est constitutiva rei in se. Nam contra est, quia hoc non servit intento D. Thomæ, inferre enim ex forma intelligibili appeti ipsum obiectum non autem proprietatem obiecti. Et deinde non solum dicit, quod potest appetere formam, quam non habet, sed etiam quamlibet perfectionem naturalem, ergo distinguit formam contra aliam perfectionem, forma autem est id quod constituit, alia autem perfectio non potest esse nisi proprietas aliqua vel accidens: ergo loquitur etiam de forma constituyente, quæ nullatenus appeti potest quando non habetur, quia sublata forma, cessat omnis appetitus.

*Ad primum respondetur*, D. Thom. supponere id quod certum est in hac materia, & aliàs sæpè probatum ab ipso, quod intellectus in esse intelligibili constituitur determinatè, & specificè per formam intelligibilem, ita quod potentia intellectiva sine forma intelligibili est indifferens, & indeterminata ad diversas formas intelligibiles, & ad diversas intellectiones, unde ex tali potentia solum potest sequi voluntas prout est potentia quædam etiam indifferens ad diversos modos, & determinat-

minationes appendi, intellectus verò actualis, & determinatus per formam intelligibilem, quæ sumitur ab obiecto, est radix, & principium actus determinati ex parte appetitus. Vnde optimè infert ex intellectu sic constituto, & determinato per formam intelligibilem sequi inclinationem non ad ipsam formam intelligibilem in quantum est intentionalis species, sed ad ipsum obiectum apprehensum, quia species non est forma in esse intelligibili actuans intellectum ratione eius, quod habet de entitate accidentali, sed ratione obiecti representati; hoc enim est, quod per se respicitur ab intellectu, ut ab illo actuetur in esse intelligibili, species autem solum se habet tanquam vices gerens obiecti. Igitur idem est sequi inclinationem ad formam intelligibilem, ac sequi ad ipsum obiectum, ut intelligibiliter determinat intellectum, siue determinet per se ipsum immediatè, siue media specie, ut gerente vices sui.

*Quare* appetitus qui sequitur ad intellectum sic informatum, non debet esse ad ipsam qualitatem quæ est species intentionalis, sed ad ipsum obiectum representatum, prout representatur conueniens, quia omnis inclinatio sequitur ad formam in quantum dicit aliquid conueniens ipsi ut appetatur. Potest autem in obiecto representato per speciem non solum proponi, & apparere ratio obiecti conuenientis ipsi intellectui, & ipsi esse intelligibili, sed etiam ipsi naturæ vel alijs potentijs, aut rebus, & ideo appetitus qui sequitur ad formam apprehensam, non solum debet esse ad appetendum id quod intellectus est, sed etiam

etiam id quod naturæ, & aliarum potentiarum, quia omnis ista conuenientia representari potest in tali obiecto.

*Ad secundam Respondetur* concludere intentum ratione D. Thomæ. Et ad primam impugnationem dicitur ex dictis quod ex forma apprehensa optimè inferitur appetitus ad ipsam in esse naturali, quia forma apprehensa non solum ostendit conuenientiam apprehensibilitatis ad intellectum, sed etiam realitatis ad naturam, & quia ex forma sequitur inclinatio ad id quod conueniens est in forma, si conueniens est intellectui ut apprehendatur, & naturæ ut acquiratur, vel fugiatur realiter, ad omne id debet se extendere appetitus, licet modus tendendi ad rem sit per cognitionem.

*Ad secundam impugnationem* dicitur efficaciter inferri ex forma apprehensa appetitum elicitum, ut expressus significat Diu. Thom. quæst. 80. citata artic. 1. ubi videri potest Caietan. eo quod potentia apprehendens, & ipsa apprehensio est aliquid distinctum à natura, ergo etiam oportet, quod inclinatio secuta sit aliquid distinctum ab ipsa natura, siquidem forma ad quam sequitur non est sola natura, sed aliquid apprehensum mediante actu elicitio distincto ab ipsa natura, & sic etiam ipsa actualis tendentia appetitus debet esse aliqua operatio egrediens à natura ut conformetur ipsi formæ ad quam sequitur.

*Quod* si est operatio egrediens, supponere debet potentiam, mediante qua egrediatur, quia natura creata substantialis  
non

234 *Quæstio XI.*

non est immediatè, & per se operatiua. Si verò substantia aliqua se ipsa sit operatiua, vel operatio ipsa, vt Deus, in tali natura operatio voluendi non distinguitur ab eius esse, sicut nec apprehensio ipsa, & intellectio; nec tamen dicitur appetitus ille naturalis vt distinguitur ab apprehensiuo, quia verè fit per cognitionem, licèt ipsa cognitio fit ipsa natura.

*Ad ultimam* impugnationem dicitur quod sicut intellectus intelligit non solum sibi ipsi, sed etiam toti supposito, quia omnes actus eius dirigit, & de omnibus iudicat propter suam vniuersalitatē, ita, & inclinatio inde secuta non est solum sibi ipsi, sed etiam toti supposito, quia illa potentia inclinans eiusdem vniuersalitatis est, atque apprehendens.

*Ad tertium argumentum* respondetur loqui D. Thom. absolutè, & indifferenter de omni forma comparata ad id, cuius est forma scilicet ad suppositum, quod quidem respectu formæ vt constituentis non inclinatur quærendo illam, sed quiescendo in illa, sed respectu formæ distinctæ, potest dari inclinatio ex parte eius, quod distinguitur non solum quiescendo, sed etiam quærendo, quando non habet illam, sicut homo, verbi gratia, non potest inclinari ad quærendam formam hominis, quia per illam constituitur, sed quiescit in illa, benè tamen materia hominis potest inclinari ad quærendam formam hominis, etiam quærendo illam quando non habet, quia materia non constituitur ipsa forma, sed actuatur ab illa.

*Potest*

## Articulus I. 235

*Potest* tamen res constituta per aliquam formam appetere esse ipsius, tum quiescendo in illo quantum ad id quod habet, tum etiam quærendo quantum ad id quod deest, sicut appetit conseruationem in esse, quia ista conseruatio est aliquid superneniens, & contingenter conueniens ipsi rei, scilicet conseruatio existentiae. Vnde intellectus constitutus in actu per formam apprehensam fertur in ipsam rem, vel quiescendo in illa si iam habet, vel quærendo si non habet, & hoc intelligitur de quacumque perfectione, quæ tali rei conueniens esse potest, siue sit proprietas eius, siue quodcumque accidens.

*Quomodo* verò D. Thom. procedat in hac ratione qua probat dari appetitum elicitum ex ipsa apprehensione cum apprehensio solum sit conditio, non verò ipsa ratio formalis appetendi, vt diximus in quæstione 13. physie.

*Respondetur* quod vt infra magis explicabitur D. Thom. non procedit ex sola apprehensione, seu ex esse apprehenso, sed ex ipsa forma apprehensa, vbi licet ly apprehensum sit conditio, seu status sub quo forma mouet ad appetitum elicitum, tamen ly forma, quæ tali apprehensioni subiicitur, rationem importat specificandi, quod infra amplius ponderabitur.

### SECUNDA DIFFICULTAS.

**C***irca* secundum punctum huius articuli de diuisione appetitus elicitum, constat pri-

## 236 *Questio XII.*

primò diuidi in appetitum rationalem, qui dicitur voluntas, & insensituum, qui etiam sensualitas appellatur. Secundò appetitus sensitivus diuiditur in irascibilem, & concupiscibilem.

De prima diuisione non est difficultas, quod fiat in membra realiter distincta cum vnus appetitus sit corporeus alter spiritalis, vnus comiterur animam separatam, alter destructo corpore non remaneat.

De secunda diuisione est difficultas an sint diuersæ potentia appetitus irascibilis, & concupiscibilis, & quomodo ex diuerso modo apprehensionis sumatur diuersitas appetituum.

*Circa* quæ aliqui sentiunt non esse diuersas potentias. Quod attribuitur Scoto in 3. dist. 26. quæst. 1. & sequitur P. Suarez lib. 5. de anima cap. 4. num. 2. & 3. Fundamentum est, quia sufficit vnica potentia apprehensiuæ ad mouendum irascibilem, & concupiscibilem, scilicet phantasia, seu imaginatiua, ergo sufficiet vnica potentia appetitiua, sicut in spiritalibus vnica voluntas; sicut enim à voluntate mouetur totum suppositum, ideoque sufficit vnica potentia vniuersalis, ita totum suppositum mouetur ab appetitu sensitivo præsertim in brutis, ergo sufficiet vna potentia, præsertim quia natura semper studet compendio, & vnitati.

*Secundo* quia actus irascibilis etiam versatur circa bonum concupitum, ordinatur enim irascibilis ad defendendum ea, quæ concupiscimus, vnde dicit Aristot. 8. de animalibus, quod pugna animalium est propter res concupitas

## Articulus I. 237

cupitas, vt propter cibos, vel venerea, & Iacobi 4. dicitur: *Vnde bella, & lites in vobis? nonne ex concupiscentijs vestris?* Ergo conuenienter eidem potentiae tribuitur concupiscere, & defendere concupitum, quomodo enim tuebitur vna potentia id quod alia concupiscit?

*Tertio* quia irascibilis tendit in ipsam affectionem rei concupitae, ergo substantialiter habet concupiscere, nec distinguitur ab eo nisi accidentaliter quatenus vincit impedimenta huius affectionis.

*Denique* si sunt potentiae distinctae, non est assignare, quae nam sit perfectior, nam ex vna parte irascibilis habet obiectum altius, vtpotè arduum, & eminens bonum, ex alia parte ordinatur ad concupiscibilem, quia defendit id quod concupiscimus, ergo melius est dicere quod est vna potentia.

*Nihilominus* oppositum est expressè Diu. Thom. 1. par. quaest. 81. artic. 2. vbi dicit esse duas species appetitus sensitui irascibilem, & concupiscibilem, & quod non reducuntur in vnum principium. Similiter idem affirmat in 3. de anima lection. 14. circa text. 41. vbi Aristot. docet quod in parte rationali est voluntas, in irrationali autem concupiscentia, & ira. Et subdit *si autem tria in anima, in vnoquoque erit appetitus*. Ratio, & fundamentum est à priori ex diuersitate obiecti supposita imperfectione, & materialitate appetitus sensitui, quae non potest in aliqua superiori, & vniuersali ratione vnire ista obiecta sicut voluntas. Itaque, obiectum formale appetitus est bonum appetibile ordinatum  
sensi-



## 238 *Quaestio XII.*

sensitiui, ergo illa distinguuntur in ratione formali talis obiecti, quæ distinguuntur in ratione formali talis boni; sic autem se habet obiectum concupiscibilis, & irascibilis, ergo ex vi obiecti formaliter, & realiter distinguuntur. Conseq. patet quia posita diuersitate obiecti, & non alicui ratione superiori vniente, per se sequitur distinctio potentiarum, sicut, & distinctio obiectorum.

*Minor* verò probatur, quia vt aliquid sit obiectum concupiscibile, sufficit quæcumque ratio boni conuenientis sibi, ad hoc enim ratione conuenientiae tendi debet per aliquem appetitum. At verò irascibilis respicit bonum sub quadam speciali conuenientia nempe vt arduum, & eminens. Nomine autem ardui non intelligitur solum id quod est difficile in se passiuè quasi impeditum vt possit consequi sic enim potius retraheret appetitum, & induceret fugam, dicit autem D. Tho. lect. illa 14. *Quod non habet rationem quod aliqui dicant, irascibilem dicere fugam mali.* Intelligitur ergo nomine ardui id quod actiuè est arduum, hoc est bonum vt habens eminentiam, & vim ad vincendas difficultates, non quia habeat illas in se, sed quia vincit illas, & resistit contrarijs, & corruptentibus, quæ præstant impedimentum, vt dicit D. Thom. quæst. 81. citata. Et ideo spes diuina, licet pro materia respiciat Deum vt rem assequendam, tamen formaliter respicit eum, vt auxiliantem, seu vincentem mala. Quare bonum sub ratione vincentis malum est obiectum irascibilis, non ipsum malum vt fugiendum præcisè, nam potius hoc pertinet ad concupiscentiam quæ fugit

## *Articulus I. 239*

fugit malum per tristitiam : bonum autem sub ratione conuenientis est obiectum concupiscibilis .

*Hæc* autem in ipsa ratione formali boni vt appetibilis contrarias , & diuersas rationes formales inducunt , nam ad eliciendum appetitum , concupiscibile simpliciter allicit , arduum verò comparatione illius potius videtur horrorem , & retractionem inducere eo quod contrario modo procedit , scilicet proponendo bonum laboriosum , asperum , & difficile , & vt vincens per virtutem , & vim ad propellendas illas difficultates , ergo in ipsa ratione boni appetibilis contrario , & distincto modo se habent ista bona , & quasi reducuntur ad differentiam actiui , & passiui , quod maximè distinguere solet potentias . Nec obstat quod vnum istorum coordinetur , vel subordinetur alteri , vt dicit P. Suarez , nam multas potentias , & habitus videmus subordinari inter se , & tamen propter hoc non sunt vnum , sed potius ob hoc distinctionem petunt , sicut sensus externi subordinatur internis , & artes , seu virtutes inferiores superioribus , nihil enim subordinatur sibi ipsi ,

*Cur autem* in voluntate vniantur istæ duæ rationes boni concupiscibilis , & irascibilis , nec petant duas potentias , optimè explicat D. Thom. 1. par. quæst. 82. artic. 5. & q. 22. de veritate artic. 4. quia voluntas respicit vniuersalem rationem veri , ergo sicut vnus intellectus æquiualeat omnibus sensibus , ita voluntas omnibus appetitibus . Et præsertim , quia voluntas non fertur in aliquod bonum , vt determinata , sed cum quadam collatio-

latione, & comparatione ad aliud bonum, quod potest comparatiuè ad istud accipere, vel relinquere, ergo oportet quod talis potentia vt respicit bonum collatiuè, & comparatiuè ad alterum habeat eminentiam super vtrumque, & sub ratione superiori illa comprehendat, cum ergo bonum irascibilis, & cupiscibilis possit appeti à voluntate collatiuè, & comparatiuè vnius ad aliud, consequenter oportet quod vnico, & eminenti modo vtrumque respiciat, appetitus autem sensitivus non vnico, sed diuerso modo, quia non appetit cum comparatione vnius ad aliud, sed quodlibet absolutè, & determinato modo. Quæ est explicatio S. Thomæ 22. de ver. art. 4.

*Quod* si dicas non posse quidem appetitum sensitivum esse simul irascibilem, & concupiscibilem ea eminentia qua voluntas, quia non respicit bonum vniuersale, neque modo comparatiuo, & collatiuo; posse tamen respicere vnica tendentia vtrumque sicut appetit centrum, & motu suo tollit impedimenta quantum potest, ergo similiter ad eundem appetitum pertinebit appetere rem per concupiscibilem, & tollere impedimenta, seu vincere difficultates, quod est irascibilis.

*Respondetur* appetitum innatum non esse virtutem, seu potentiam appetendi, sed esse habitudinem formæ ad id, quod est sibi conueniens, vnde calet appetitu ardui vt arduum est, nam virtus illa qua res inanimata vincit difficultates, & tollit contraria, non est virtus appetitiua, sed merè executiua, vnde non mirum quod vincat contraria, quia ad hoc  
ipsum

ipsum ordinatur executio. Cæterum ubi appetitus est virtus, & potentia superaddita, respicitque ipsam arduum vincendi contraria non solum per modum executionis, sed etiam per modum appetibilis, oportet distinguere appetitum arduum ab appetitu concupiscibili ob diuersitatem formalem boni in ratione appetibilis.

*A posteriori* verò probatur has potentias distinguere, tum quia requirunt distincta organa; & temperamenta, nam irascibilis requirit multum roboris, & viuaciores spiritus, ideoque residet in corde, unde diffinitur ira: *Quod est accensio sanguinis circa cor*, at verò concupiscibilis petit molliorem dispositionem & residet in hepate, per concupiscentiam enim dilatatur, seu demulcetur sanguis sicut per tristitiam costringitur. Distinctio autem per organa, & temperamenta, distinctas potentias inserit in rebus materialibus. Et eadem ratione requiritur distinctio inter istas potentias, quia videmus pugnare inter se passiones irascibilis, & concupiscibilis, & unam mitigare alteram, seu extinguere. Nec sufficit ad hoc diuersitas actuum, sicut odium opponitur amor, gaudium tristitiæ, & tamen sunt eiusdem potentiae. Nam contra est, quia passiones concupiscibilis, & irascibilis non se mitigant, & destruunt propter contrarietatem obiectorum sicut odium, & amor vel propter solum diuersum motum localem dilatationis, & constrictionis, sed propter diuersam alterationem, & temperamentum, quia concupiscentia dilatat molliendo, ira verò accendendo exasperat, quæ sunt signa

diuersi temperamenti, & organi atque ad eo, & potentiae.

*Ad primum* fundamentum P. Suarez dicitur etiam potentias apprehensiuas distingui, sicut, & appetitus, quia sensus communis, & phantasia apprehendunt res sensatas, idest vt conuenientes sensui, & sic potest regulare concupiscibilem: Aestimatiua autem apprehendit res non sensatas, idest secundum rationem vtilis, & conuenientis ad ipsum totum, & ad eius conseruationem, & defensionem, & sic regulare potest irascibilem, quae respicit bonum laboriosum, & arduum, non sensatum, seu secundum sensum. Ita ex Diuo Thoma 1. p. quaest. 82. art. 2. ad 2. constat. Quod verò dicitur de vnitae voluntatis respectu concupiscibilis, & irascibilis, iam solum est, & reddita differentia quare in parte intellectiua non diuiditur voluntas in irascibilem, & concupiscibilem, sicut in parte sensitiua.

*Ad secundum Respondetur* irascibilem supponere concupiscibilem, & ab eo originari, sicut etiam voluntas supponit intellectum, & ab eo deriuatur, & potentia motiua supponit appetitiuam. & ab ea deriuatur, nec tamen propter hoc sunt eadem potentia, sed diuersae, immò hoc est commune omnibus potentijs subordinatis, vt inferior supponat superiorem tanquam dirigentem, & mouentem, & tamen distinguatur. Sic ergo irascibilis respicit rem concupitam vt assequibilem vincendo difficultates, quod supponit rem esse concupitam vt fruibilem, & delectabilem, & quanto maior est concupiscentia, tanto for-

## Articulus I. 243

fortius insurgit irascibilis ad pugnandam, & tollendum eius impedimenta. Vnde irascibilis originatur à concupiscibili intendente, & amante, terminatur verò ad eam ut fruentem pacificè, ut constat ex Diu. Thoma 1. parte, quæst. 81. artic. 2. Nec est inconueniens quod vna potentia tueatur quod alia appetit, sicut quod exequatur per potentiam motiuam id quod desiderat per appetitiuam, & potentia vegetatiua ministrant sensitiuis alimentum, & spiritus, quibus indigent, & multæ aliæ potentia inferiores ministrant superioribus, & tamen sunt distinctæ.

*Ad tertium* dicitur, quod irascibilis appetit executionem, non tamen eo modo appetit, quo concupiscibilis, sed diuerso, ut explicatum est, & ita vtrique potentia conuenit appetere genericè sumptum, sed non sub eadem specifica ratione, ut Diu. Thom. docet quæst. illa 81. art. 2. Nec obstat quod ad eandem potentiam pertinet tendere in vnum, & fugere eius contrarium, id enim verum est de simplici fuga, & reiectione sui oppositi sicut ad concupiscentiam pertinet amor, & odium, tristitia, & gaudium circa opposita. Cæterum tendentia ad contrarium per modum victoriae, & propulsationis difficultatum, sic non sufficit simplex reiectio oppositi, sed requirit peculiarem aliquam eminentiam, seu formalem respicientem bonum ut vincens difficultates, sicut caritas simpliciter odit peccatum, & tamen distincta virtus poenitentia datur ad destruendum illud per modum expiatiua satisfactionis.

*Ad ultimum dicitur*, irascibilem esse simpliciter

## 244 *Questio XII.*

**p**liciter excellentiorem concupiscibili, ut docet D. Thom. quæst. 25. de verit. art. 2. eo quod obiectum eius est excellentius, utpotè bonum eminens vincens difficultates, quod maiorem actiuitatem debet habere, quia plus resistentiæ debet vincere, & quia dirigitur à nobiliori regula, idest ab æstimatiua, & rationibus insensatis, quæ inter sensibilia summum locum tenent, magisque accedunt ad rationem. Nec obstat quod deseruit concupiscibili, & ad eadem ordinatur, imò versatur circa media, concupiscibilis verò versatur circa finem amando, & fruendo.

*Respondetur*, enim quod ordinatur ad concupiscibilem non absolute, sed ut pacatè, & quietè fruentem, & remotis contrarijs, quod pertinet ad superiorem vim, sicut Rex ordinatur ad pacem, & quietem rustici, & tamen est superior illo, ita pax, & quies concupiscibilis est finis ipsius irascibilis, & tamen est superior concupiscibili, respicitque ipsum non ut finem cuius gratia, sed ut finem effectum, quia ordinatur ad fruitionem ipsam efficiendo illam, ut pacatam, & à contrarijs defensam. Et similiter non versatur circa media absolute sumpta, sic enim etiam pertinet ad concupiscibilem, sed circa media ut defensa, & resistendo difficultatibus, quod est respicere media modo superiori, & eminentiori, sicut requiritur ad vincendas difficultates, imò non solum media, sed etiam finem ipsum respicit non sicut concupiscibilis præcisè desiderando, sed respicit ut assequendum, difficultates vincendo, quod est respicere sub maiori actiuitate, & virtute ipsum

ipsum finem . *Circa* aliam difficultatem supra positam quomodo sumatur diuersa ratio formalis distinguendi appetitus ex diuerso modo apprehensionis , vt sumit D. Thom. 1. parte , quæst. 81. art. 2. cum tamen apprehensio solum se habeat vt conditio ipsius finis , seu boni appetendi .

*Respondetur* quod ipsa apprehensio formalis , vt dicit applicationem rei appetibilis ad appetitum non est formalis ratio specificans , vel distinguens ipsos appetitus , sed tantum conditio applicans . Caterum ipsum appetibile , quod tali apprehensioni , seu applicationi subest , distinguit appetitus secundum diuersum modum proportionis ad istum , vel illum appetitum . Itaque apprehensio radicalis ex parte ipsius obiecti appetibilis quatenus fundat apprehensionem magis , vel minus vniuersalem , aut vt simpliciter amabile , vel secundum rationem ardui , & vincentis difficultates , aut secundum alias similes rationes , sic pertinet ad rationem formalem specificantem , & distinguentem appetitus . Ipsa verò apprehensio non radicaliter ex parte obiecti , sed formaliter sumpta ex parte potentæ , applicationem , seu conditionem dicit non rationem formalem , quod expressè deducitur ex Diu. Thoma quæst. 25. de ver. artic. 1. ad 6. & quæst. 22. artic. 4. ad 1. & 1. 2. quæst. 30. artic. 3. ad 2. prout ostendimus , & deduximus in 2. physicor. quæst. 13. artic. 1. vbi etiam ostendimus quomodo apprehensio , ita sit conditio finis , quod non sit supplebilis , eo quod non possit aliquid



esse volitum quin præcognitum. Videatur  
ibi.

## ARTICVLVS II.

*Quæ sit radix libertatis in voluntate?*

**D** Ari liberum arbitrium in nobis, tum ex  
sacris litteris, tum experientia ipsa no-  
tius est, quam ut probatione indigeat. Dici-  
tur enim Ecclesiastici 15. *Relinquit eum in*  
*manu consilij sui*, & Iosue 24. *Optio vobis da-*  
*tur eligite hodie, quod placuerit*, & 1. Corinth.  
2. *Potestatem habens suæ voluntatis*, &c.  
Denique quot peccata tot sunt testes liber-  
tatis nostræ, sine qua nullum potest esse  
peccatum.

*Difficultates* autem quæ circa libertatem  
istam explicandam ortæ sunt, variae, & mul-  
tiplices ac penè inextricabiles factæ sunt.  
Plura ad Theologos pertinent. In præsentia  
ad tria capita reducimus, secundum quod li-  
bertas voluntatis ad tria potest respicere;  
primò ad radicem internam ex quo oritur;  
secundò ad causam externam, ex qua depen-  
det quæ est Deus eiusque concursus, quomo-  
do cum illo componatur contingentia vo-  
luntatis; tertio ad obiectum circa quod ver-  
satur, quomodo videlicet ab illo habeat in-  
differentiam, vel necessitatem.

*Circa* primum punctum suppono, quod  
libertas formaliter in voluntate consistit, ut  
docet D. Thom. 1. parte, quæst. 83. articul. 3.  
tum quia à voluntate elicitur præcipuus actus  
liber qui est electio eo quod maxime resplen-  
det

det libertas actionis in eligendo vnum , & reiiciendo aliud , electio autem est actus voluntatis , quia versatur circa bonum , eligitur enim ad id quod disconueniens , quæ est ipsa ratio boni , aut mali . Tum , quia dominium , quod maximè pertinet ad potestatem liberam formaliter inuenitur in voluntate , eo quod de illo dicimur habere dominium , quo utimur cum volumus , & quod est in manu nostra , vnde non debet esse à principio extrinseco totaliter , sic enim solum passiuè , & non dominatiuè erga illud nos haberemus , sed debet esse à principio intrinseco , & non potest esse ex impetu naturæ , sic enim esset omninò determinatum non indifferenter , & cum potestate ad vtendum , vel non vtendum , quod requiritur ad dominium , natura autem ex determinatione agit . Nec potest esse solum principium cognoscitiuum , quia hoc etiam necessitatur , & determinatur ab ipso obiecto , & ex naturalibus principijs , ergo oportet quod sit principium voluntarium , quod est ipsa voluntas vnde tunc maximè dicimur esse voluntarij in aliquo actu quando cum pleno dominio illum agimus , & non interueniente aliqua necessitate , vel seruitute .

*Dico ergo primò .* Indifferentia libertatis consistit in potestate dominatiua voluntatis non solum super actum suum ad quem mouet , sed etiam super iudicium à quo mouetur . Vt explicetur conclusio oportet distinguere rationem indifferentiæ , quæ opponitur necessariò , & constituit liberum , vnumquodque enim contrarium magis elucescit ex ordine ad suum contrarium . Igitur necessarium ,

## 248 *Quæstio XII.*

ut dicit D. Thom. quæst. 22. de verit. art. 6. importat duo, primum est esse fixum, & immutabile, & sic opponitur casuali seu contingenti, & fallibili. Secundum est quod sit determinatum ad vnum cum carentia potestatis ad plura, & sic opponitur libero, quod est cum potestate ad vtrumlibet, siue habeat contingentiam siue non in Deo enim liberum caret contingentia, & habet omnimodam infallibilitatem cum summa libertate.

*Indifferentia* etiam est duplex, alia passiva, siue potentialitatis, alia actiua, siue potestatis. Prima est imperfecta, & non conducit ad agendum, sed magis obest, quanto enim aliquid magis est potentiale ad plura, & indeterminatum, magis elongatur ab agendo, & indiget determinari, & actuari, ut de facto operetur. Quare indifferentia potentialitatis non est de ratione liberi, sed si inuenitur in agente libero est imperfectionis, quia non est sufficienter in actu, & ita quanto magis tollitur, & remouetur ista potentialitas, tanto magis perficitur libertas, quia reducitur in actum.

*Ac* verò potentia actu seu potestatis, adhuc est duplex, quædam est indifferentia solum per modum vniuersalitatis in agendo, quatenus aliqua causa est æquiuoca, & non solum vnum effectum agere potest, sed etiam plures, & diuersæ speciei, & hoc etiam potest inueniri in causis necessarijs, nam etiam sol plura potest agere, & sensus, & intellectus plures actus elicere: Alia est indifferentia dominatiua, seu arbitratiua, quæ ita habet eminentiam ad agenda plura quod non potest

## Articulus II. 249

test obligari, & coartari ad agendum, sed potest agere, vel non agere. Et hanc indifferentiam dicimus consistere in hoc, quod non solum habeat potestatem super actum seu effectum ad quem mouet, sed etiam super iudicium à quo mouetur, ita quod in manu sua habeat discernere, & iudicare, & auertere illud iudicium à quo mouetur, quod quia non habet brutum, cuius appetitus non potest auertere iudicium semel positum, ideò caret libertate.

Ita docet D. Thom. quæst. 24. de veritate, artic. 1. in fine ubi inquit: *Homo per virtutem rationis indicans de agendis potest de arbitrio suo iudicare in quantum cognoscit rationem finis, & eius quod est ad finem, & habitudinem, & ordinem unius ad alterum, & ideò non est solum causa sui ipsius in mouendo, sed etiam in indicando, & ideò est liberi arbitrij, ut si diceretur liberi iudicij de agendo, vel non agendo.* Et ibidem art. 2. inquit: *Iudicium est in potestate indicantis secundum quod potest de suo iudicio iudicare, de eo enim quod est in nostra potestate possumus iudicare. Iudicare autem de iudicio suo est solius rationis quæ super suum actum reflectitur, & cognoscit habitudinem eorum de quibus indicat, & per quæ indicat unde totius libertatis radix est in ratione constituta.* Et de eodem videri potest, 1. parte, quæst. 83. artic. 1. & quæstion. 6. de malo, artic. 1.

*Et ratio est, quia voluntas habeat plenum dominium suarum actionum, oportet quod à suo mouente non coartetur, & determinetur, sed potius ab ipso mouente eius*

libertas, & indifferentia conferuetur, & perficiatur, ergo oportet, quod habeat potestatem non solum super id ad quod mouet, sed etiam super id à quo mouetur, quod est iudicium, & hoc est habere potestatem dominatiuam, idest potestatem arbitrandi, & discernendi. Consequenter patet, quia si semel posito iudicio, voluntas non posset arbitrari de illo, nec haberet potestatem supra suum mouens, hoc ipso, vel maneret totaliter alligata illi iudicio, & sic non maneret libera, sicut in brutis posito iudicio, appetitus alligatur illi, & non potest illud auertere, vel non posset homo pro sua voluntate disponere de agendis, & applicare intellectum ad arbitrandum, sed casualiter gubernaretur. Nec potest instari in pramotione Dei, supra quam non habemus potestatem, ut possimus illam auertere, & tamen sumus liberi.

*Respondetur* enim, quod ut infra, & sequenti articulo dicemus, pramotio Dei etsi non sit dependens à nostra potestate, est tamen propter suam vniuersalitatem radix, & principium nostræ potestatis, & modi indifferentis, & dominij; unde etsi non possit voluntas super ipsum, tamen non tollitur libertas, quia potius ab illo datur super omnes potentias animæ, non super id quod est extra, qualis est Deus.

*At verò* si supra iudicium internum non haberet dominium, caret libertate dominatiua super omnes potentias animæ, & supra præcipuam quæ ceteras dirigit, scilicet intellectum.

*Quod si dicas*, voluntatem Dei esse liberam

## Articulus II. 251

& tamen non posse iudicium suum semel habitum mutare vel auertere, quia est immutabile. Similiter Angelus post perfectam electionem manet inflexibilis iudicij, nec potest illud auertere, & tamen est liber, ergò libertas non petit dominium supra iudicium suum.

*Responderetur* voluntatem Dei ita habere in manu sua suum iudicium, quod est ipsummet iudicium suum, & ita operatur omnia secundum consilium voluntatis suæ. Sed quia hoc iudicium est summè perfectum, nec operatur operatione temporali, sed æterna, ideo dominium voluntatis eius non est dominium mutandi iudicia, & actus suos faciendo illos temporales de æternis, sed iudicium illud unicum existens, & immutabile quoad entitatem potest liberè mutare omnia obiecta, & propter eminentiam suam habere rationem volitionis, & nolitionis eiusdem obiecti. Undè talis causa eadem manens potest immutare omnia, & non causare idem propter eminentiam suam ad omnia; licet semel applicato actō illo pro volitione determinate non possit immutari talis respectus, quia æternus est, licet in ipsamet æternitate ex meritis obiecti potuisset oppositum velle, non tamen ex suppositione, quod iam est volitum. Ad illud verò de Angelo dicitur, quod modo etiam potest mutare iudicia circa illas res de quibus non perfectè, & totaliter deliberat. De illis verò de quibus iam perfectè deliberavit dicitur esse inflexibilis iudicij, non ex defectu domini, & potestatis supra illud iudicium, sed ex perfecta, & totali adhesionē

ad illud, & ita ex sua voluntate fit immobilis non contra illam. Et simpliciter habet dominium illius iudicii etiam quoad mutationem, quia potuit non eligere illud à principio, licet ex suppositione, quod velit adhærere illi, non possit illud mutare propter perfectam comprehensionem rerum, & perfectam determinationem ad id quod eligit ex tali comprehensione, & hoc est simpliciter esse liberum, solum verò ex suppositione, quod sic perfecte velit adhærere, esse immobilem.

*Dico secundò proxima, & immediata radix libertatis in voluntate est indifferentia iudicii in ratione. Constat ex eisdem locis Div. Thom. allatis, & specialiter videri potest 1. 2. q. 17. art. 1. ad 2. ubi inquit: Radix libertatis sicut subiectum est voluntas, sed sicut causa est ratio. Et idem habet 1. p. q. 83. art. 1. & q. 24. de verit. art. 1. & q. 26. de malo, art. 1. & 1. contra gent. cap. 85.*

*Ratio verò sumitur ex præced. art. quia omnis appetitus elicitus sequitur ad apprehensionem seu ad formam apprehensam: sed voluntas prout libera est appetitus elicitus, ergo ut sic debet sequi, & radicari in aliqua apprehensione indifferenti, nec enim inclinatio potest excedere vim formæ ad quam sequitur, & habere in se plus quam contineatur in forma, ergo appetitus ille prout indifferens, non potest sequi ex forma apprehensa sine indifferentia quæ est forma determinata, & coarctata ad unum. Undè videmus quod quando iudicium caret omni indifferentia, & solum est coarctatum ad unum, motus qui sequitur in voluntate est indeliberatus, &*  
carens

carens libertate, ergo ita dependet appetitus  
vt liber à forma apprehensa indifferenter, sicut  
quilibet appetitus elicitus à forma apprehensa,  
& cognita vt sic.

*Difficultas* verò est an taliter requiratur in-  
differentia iudicij ad libertatem voluntatis;  
vt stante iudicio indifferenti, repugnet volun-  
tatem necessitari. Quæ quæstio non potest  
latius disputari in præsentī, quia multa tangit,  
quæ ad determinatōem voluntatis spectant,  
sed breuiter punctum difficultatis attingemus  
quantum deseruit ad explicandam libertatem  
voluntatis. In hac ergo difficultate P. Suarez  
Prologomeno 1. de gratia, cap. 2. tenet id non  
repugnare, nec ex parte omnipotentis diui-  
næ, quia potest voluntatem creatam quando  
voluerit vbi voluerit, & quomodo voluerit  
immutare, vt docet August. in Enchiridion.  
cap. 98. ergo posito iudicio indifferenti, po-  
test voluntatem immutare ad necessitatem.  
Ex parte autem voluntatis non est repugnan-  
tia, quia cum potestas dominatiua habeat duas,  
partes, scilicet, ad agendum, & non agendum  
poterit impediri quoad vnā partem, & quo-  
ad aliam ordinari à Deo ad operandum im-  
pedita potestate ad agendum aliud, cum enim  
omnis potestas creata sit subiecta, & deriuata  
à diuina, potest impedire illam quoad vnā  
partem, negando verbi gratia, concursum  
suum ad nolendum, & dando solum concur-  
sum ad volendum. Accedit quod in re præ-  
determinatio Physica quam ponunt Thomi-  
stæ datur à Deo stante iudicio indifferenti, &  
antecedenter ad vsum libertatis immititur illa  
qualitas in voluntatem qua determinatur ad  
vnā



## 254 *Questio XII.*

nam partem tantum, ita quod illa posita voluntas non potest resistere, & oppositum facere, quæ licet ab illis non vocetur necessitas sed determinatio, tamen in re nihil amplius requiritur ad necessitandum, quia illa qualitas extrahit voluntatem à sua naturali indifferentia. D. Thom. quæst. 28. de verit. art. 8. fateretur posse voluntatem necessitari à Deo, sed non cogi.

*Nihilominus dico tertio.* Repugnat necessitari voluntatem stante iudicio indifferenti, quo dirigitur talis voluntas in illa operatione. Hæc conclusio communiter tenetur inter recentiores Thomistas, ut iudicat M. Ban. 1. p. q. 19. art. 10. dub. 1. §. *sed dices*, in secundo corollario. Aluarez in lib. de auxilijs disput. 126. conclus. 5. & tenet etiam P. Vazq. prima parte disputatione 99. capit. 8. & videri etiam potest disput. 90. cap. 2. n. 8. & disp. 98. cap. 5. n. 31.

*Ratio* verò est: quia ad hoc ut necessitetur voluntas stante iudicio dissonanti, requiritur, quod ponatur in voluntate tale impedimentum, quod non solum de facto efficiat unum, & non aliud, hoc enim quomocumque de facto operatur, interuenire debet, neque enim potest utrumque oppositum operari, sed alterum tantum. Requiritur ergo tale impedimentum, quod impediatur voluntatem non solum ne faciat, sed ne facere possit oppositum etiam si ab indifferenti iudicio moueatur; implicat autem, quod non destructa voluntate tollatur ab ea potentia ne possit oppositum eius quod proponitur sibi cum indifferentia, siquidem hoc essentialiter postulat potentia  
volun-

## Articulus II. 255

voluntatis, ut respectu obiecti determinatè, & sine indifferentia propositi, moueatur voluntas determinatè, & sine indifferentia; respectu autem obiecti indifferentis, habeat potestatem ad vtrumlibet. ergo si tollitur per impedimentum non solum quod de facto non faciat hanc partem, vel omittat, sed quod non possit oppositum respectu obiecti indifferentis, hoc ipso tollitur per tale impedimentum potentia voluntatis, & essentialis eius ratio. Quod præsertim vrgetur, quia non stat obiectum indifferens proponi, & non moueri voluntatem ab illo ut indifferenter proposito alias si ab illo non mouetur, tunc vel mouetur ab alio, vel à nullo. A nullo moueri non potest, quia sic ferretur voluntas in incognitum vel omnino nihil ageret quod est non moueri, nec necessitari ad aliquem actum, sed suspendi ab omni actu; si ab alio vel ut indifferenti, vel ut necessariò, & determinato. Si ut indifferenti, est eadem ratio, ac de primo. Si ut necessario, tollitur casus in quo procedimus, nempe quod stante iudicio indifferenti, voluntas necessario velit. Vndè etiam in hoc casu iudicium ipsum indifferens non ligatur, ut solum repræsentet vnum, & occultet aliud, ex cuius repræsentatione constat eius indifferentia, tunc enim destruitur casus, quia non manet iudicium indifferens, sed id quod repræsentatur, & proponitur solum apparet ut determinatum ad vnum, & sic est perindè ac si iudicium indifferens non sit. Si autem iudicium indifferens ad vtrumque apparet, & mouet, ex quo supponit in voluntate esse potentiam hic, & tunc mobilem ad vtrumlibet, si qui-

## 256 *Questio XII.*

quidem à mouente indifferenti hic, & nunc mouetur, stante autem potentia mobili ad vtrumlibet, & de facto sic mota ab obiecto, non stat tolli potentiam ne possit vtrumlibet quod requiritur ad hoc vt necessitetur, ergo implicat necessitari voluntatem stante iudicio indifferenti mouente voluntatem, siquidem non habet aliud motuum ex parte obiecti.

*Denique* alia est implicatio quia dictamen iudicij indifferents est aliud quod proponitur voluntati cum aduertentia, quod operetur circa illud, si velit, sic enim proponitur quod ex vi propositionis potest omittere, quandiu enim hoc non aduertitur, remanet naturalis, & indeliberata propositio, sicut in actibus pro primis, Stante ergo iudicio indifferenti cum illa plena aduertentia, si Deus necessitat voluntatem per suam impressionem, vel concursum, aut destruit illud iudicium, aut conseruat? Si destruit non currit casus, sed stat pro nobis, quia tunc non stante, sed destructo iudicio indifferenti necessitatur voluntas. Si conseruat, ergo conseruat falsam aduertentiam quia iudicium indifferens est illud, quod proponitur cum plena aduertentia, & tali iudicio quod possit omittere, & tamen voluntas tunc alligata, & coarctata non potest omittere. Quomodo ergo continuatur indifferencia iudicij, quod talem aduertentiam petit?

*Dices*: Illam aduertentiam solum esse quod possit voluntas omittere quantum est ex meritis obiecti, quod in illo casu etiam verificatur, siquidem non ex vi obiecti, sed ex im-

## Articulus II. 257

impressione extrinseca necessitatur voluntas?

*Sed contra est* : Quia illa aduertentia, quæ præcisè ex meritis obiecti est, & non absolute, non est practicè indifferens, nam si voluntas sentit se impeditam, itaque non possit resistere, quia illa datur illa determinatio, & coarctatio, ergo perinde est tali voluntati sic affectæ proponere aliquid, vt indifferens ex meritis obiecti, ac si proponeretur aliquid indifferens appetitui bruti, hoc enim esset proponere aliquid vt indifferens potentiæ impeditæ ad vtendum illo, & sic non mouebitur illa potentia ab illo dictamine vt indifferenti, sed solum ab altera parte illius dictaminis, ergo vel altera pars occultatur, seu non proponitur voluntati, vel proponitur? Si proponitur, ergo mouet illam sub ratione indifferentiæ cum tamen potentia voluntatis supposito impedimento indifferens non sit, sed necessitata, & non potens nisi ad vnum sicut potentia bruti. Si autem occultatur, & solum proponitur vna pars dictaminis, ergo non manet dictamen indifferens, siquidem non proponitur cum indifferentia, & sic verum est quod stante dictamine indifferenti, & non reducendo illud ad dictamen determinatum, & necessarium, non tollitur indifferentia voluntatis, quia manet potentia mobilis ab indifferenti iudicio, si iudicium ipsum indifferens stat, iudicium enim ipsum indifferens, motio est indifferens voluntatis.

*Ad fundamentum* oppositum patet ex dictis istam repugnantiam esse ex parte voluntatis, vt est potentia mota, & subordinata iudicio, sic enim non stat subordinari iudicio, indif-

indifferenti, mouerique ab illo stante indifferētia, & voluntatem ipsam manere sine potentia ad vtrumlibet, vt explicatum est. Vnde quando dicitur potestatem voluntatis nostrę totaliter esse subiectam voluntati diuinę. Respondetur, ita esse sed conuenienti modo, non repugnanti, conueniens autem modus vt est subijciat Deus voluntatem sibi non contra radicem indifferētię illius, quę est iudiciū indifferens, sed iuxta illud, vel mutando dictamen indifferens si voluntas necessario operatura est. Et similiter potest Deus mouere, & mutare voluntatem quando voluerit, & quomodo voluerit, quia potest mutare dictamen indifferens in aliud indifferens vt velit liberē, vel in necessarium vt feratur necessariō, vel totaliter suspendere vt nihil velit, non tamen vt stante indifferēti iudicio velit.

*Ad id quod dicitur de prędeterminatione physica, quam nos ponimus. Respond. esse longē disparem rationem, vt dicemus sequenti articulo, quia hęc physica motio non coarctat potestatem voluntatis, sed appetit cor intendere his, quę proponuntur per rationem sicut dicitur Actor. 16. de Lydia purpuraria, cuius Dominus aperuit cor intendere his, quę à Paulo dicebatur. Itaque sunt oppositę motiones, physica prędeterminatio quę aperit cor, & physica motio, quę potestatem cordis claudit necessitando ad vnum. & arguere ab vno ad aliud non habet apparentiam, & multō minus quod dicit P. Suarez citato loco numero octauo in fine, quod prędeterminatio physica extrahit voluntatem à sua connaturali indif-*

indifferentia, quod est non distinguere de indifferentia potentiali, seu suspensiva, & de actiua, seu dominatiua, nam à prima extrahit prædeterminatio, quæ actu mouet ad operandum actum determinatum, sed non ad operandum determinatè ex parte modi operandi, & ideò conseruat secundam indifferentiam, quæ ex parte modi operandi se tenet. Et omnia mouentia voluntatem, ad hoc mouent vt voluntas non maneat perplexa, & suspensa, sed vt actum determinatum eliciat, non tamen vt modum volendi, & se liberè determinandi tollant. Et cum in isto genere Deus sit actualissimum, & vniuersalissimum agens, & radix ipsa libertatis, mouet ipsam voluntatem vltima actualitate ad actum, vt non sit perplexa, & suspensa circa ipsum, eius tamen modum operandi conseruat, qui est modus se determinandi, licèt dependenter à motione diuina, quæ licèt ex parte Dei immutabilis, & infallibilis sit, ex parte tamen effectus quem operatur, aliquid liberum, & mutabile operatur.

*Quod si tandem quæras, quid sit ista libertas seu dominatiua potestas in ipso actu libero, & elicto?*

*Respondetur* multos sentire solum esse denominationem extrinsecam, non aliquid physicum, vt docet P. Vazquez, prima secundæ, disputat. 34. cap. 3. referens se ad disputat. 95. vbi de actu peccati, & moralitate eius id docet, consistere scilicet in respectu ad obiectum dissonum, qui respectus est dominatio rationis seu relatio relationis. Nam idemmet actus amoris secundum entitatem elicitus cum plena aduertentia est liber, remota aduertentia

tia non est liber, ordo autem in actu ad plenam aduertentiam, ordo rationis est, & denominatio extrinseca, quia non procedit actus realiter ab ipsa aduertentia, sed regulatur extrinsecè ab illa. Et idemmet actus charitatis in via si continuetur separata anima cum visione beata, vel quotidie cum animæ purgatorij beatificantur, actum charitatis in quo actualiter perseuerant, continuant visa Dei essentia, quia charitas non excidit, sed eiusdem speciei est in via, & in patria, & tamen in via est actus liber, in patria, necessarius, ergo idem actus numero transfertur de libero in necessariū, & sic non ponit aliquid reale intrinsecum immutans actum.

*Ceterum* difficultas hæc non est magni momenti. Satis tamen probabile est actum liberum in ratione libertatis realem aliquam habitudinem dicere ad suum principium liberum, ratione cuius dicitur in actu secundo liber.

*Ratio* est quia licet ille actus non procedat realiter ab aduertentia iudicij, procedit tamen realiter à voluntate, quæ realiter dependet, & mouetur ab obiecto proposito per iudicium, ergo si aduertentia mutatur, mutatur iudicium regulans ipsam voluntatem, quia sine aduertentia non applicatur, nec regulat ipsam, ergo etiam habitudo voluntatis ad tale iudicium habens distinctam aduertentiam mutatur, sicut si simile respicit alterum simile, si mutatur vnum, mutatur relatio, seu respectus ad illud: constat autem quod voluntas respicit realiter intellectum. & dictamen eius, sicut mobile suum mouens, ergo mutato dictami-

ne,

### *Articulus III. 261*

ne, incipit nouo respectu reali illud respicere, quia est nouum mouens respectu voluntatis mobilis, ergo similiter actus huius mobilis incipit noua relatione respicere illud dictamen, & aduertentiam liberam eius secundum quam mouetur, & à qua realiter pendet, ergò cum libertas actus consistat in respectu, & habitudine ad principium liberum, & hoc principium sit voluntas, vt mota, & dependens realiter à tali iudicio ( siuè physicè, siuè moraliter dummodo realis dependentia sit ) consequenter est sufficiens fundamentum, vt realis relatio detur in ipsa ratione liberi, quæ est in actu voluntatis. Quare licet aduertentia non sit principium effectuum actus liberi, est tamen motiuum ex parte obiecti, ab obiecto autem mouente, aut terminante realiter dependet actus, & realiter respicit illud relatione mensurari ad mensuram ( quæ realis est, ) & mobilis ad suum mouens. Similiter adueniente visione Dei clara sine dubio existimo valde mutari voluntatem in actu amoris, aut non eundem numero continuari, quia incipit procedere ille amor non solum cum maiori intensiōe, quam antea, quod sufficiebat ad mutationem realem etiam in eodem actu, sed exit cum excellentiori perfectione tanquam actus quiescentis in fine habentis summum gradum, maximum feruorem, & multas alias perfectiones, quæ vel petunt nouum actum exire, vel eundem notabili mutatione reali, sicut etiam quando intenditur amor, licet maneat idem actus, realiter tamen perficitur, & immutatur. Charitas ergo non exidit, sed tamen perficitur.



## ARTICVLVS II.

*Quomodo originetur libertas voluntatis à radice extrinseca, quæ est Deus?*

**S**icut libertas voluntatis dependet à radice intrinseca, quæ est indifferentia iudicii; ita dependet à radice extrinseca agente, quæ est Deus, & ab objecto indifferenti circa quod versatur.

*Tota difficultas* consistit in componendo contingentiam, & indifferentiam voluntatis cum summa immutabilitate, & infallibilitate Dei mouentis, de quo latius spectat ad Theologos. Nobis sufficit in præsentì sententiam D. Thom. proponere, & notare ea, quæ conducunt ad soluenda argumenta, seu sophismata, quæ in hac parte mirum in modum multiplicantur.

*Ignitur* D. Thom. perpetuo reducit libertatis, & indifferentiæ nostræ conseruationem in actibus suis ad ipsam dependentiam, & participationem, quam habent à motione, & participatione diuina, quæ propter suam vniuersalissimam virtutem non solum habet mouere, & determinare ad actum faciendum, sed etiam participare, & communicare ipsum modum, quo causa debet illud facere; infallibilitas autem quæ fundatur in vniuersalitate virtutis præbentis omnia iam substantiam, quam modum actus, impossibile est, quod destruat modum operandi liberum, quia præbet, & communicat illum ex ipsa vniuersalitate operandi omnia, Quare vniuersalitas  
operan-

## Articulus III. 263

Operandi infert infallibilitatem, quia si omnia comprehendit, non potest deficere in tota vniuersalitate; & infallibilitas vniuersalitatis non violenter, neque contra modos causarum inferiorum operatur, sed dando illos, & conseruando consequitur infallibilitatem. Videndus est D. Thom. q. 6. de malo art. 1. ad 3. vbi inquit: Deus mouet voluntatem immutabiliter propter efficaciam virtutis mouentis, quæ deficere non potest, sed propter naturam voluntatis motæ, quæ indifferenter se habet ad diuersa, non inducitur necessitas sed operatur libertas, sicut etiam in omnibus prouidentia diuina infallibiliter operatur, & tamen à causis contingentibus proueniunt effectus contingenter, in quantum Deus omnia mouet proportionabiliter vniuersumquodque secundum modum suum. Idem docet 1. p. q. 19. art. 8. ad 3. contra gent. c. 94. vbi inquit: Hoc quod ponitur prouisum esse à Deo ut sit futurum, si sit de genere contingentium poterit non esse secundum se consideratum, sic enim prouisum est ut sit contingens potens non esse, non tamen est possibile, quod ordo prouidentie deficiat, quin contingenter eueniat, unde potest poni, quod iste non sit regnaturus, si secundum se consideretur, non autem si consideretur ut prouisum. Et in 1. ad Anibal. dist. 47. q. vnic. art. 4. ad 2. inquit: Quod licet contrarium eius, quod est volitum à Deo non possit stare cum voluntate diuina, possibilitas tamen ad contrarium potest stare cum ea propter contingentiam cause medię, & hoc sufficit ad hoc quod effectus sit contingens, & non necessarius. Et quod loquatur de voluntate Dei, ut prædeterminante causas istas, patet ex his, quæ docet in corpore

## 264 *Quæstio XII.*

pore articuli , *Quod voluntate Dei non solum res in esse producuntur , sed etiam rebus producendis modum quo producantur prædeterminavit , unde cum voluntas Dei efficiatur impletur oportet , quod res fiant , & eo modo fiant , sicut voluntas divina disposuit .* Quare prædeterminatio Dei secundum *Diu. Thom.* non solum prædeterminat effectum causæ , sed etiam modum ipsam , quo causare debet , scilicet modum contingentie , seu libertatis , vel necessitatis , & ideo nullum istorum modorum tollit , sed perficit .

*Deniquè videndus est Diuus Thom. 1. Perin. lect. 14. ubi inquit : Quod voluntas divina intelligenda est ut extra totum ordinem entium existens , ut causæ quædam profundens totum ens , & omnes eius differentias , sunt autem differentie eius possibile , & necessarium , & ideo ex ipsa voluntate divina originantur necessitas , & contingentia in rebus , & distincti utriusque secundum rationem proximarum causarum , ad effectus enim , quos voluit necessarios ordinavit causas necessarias , ad effectus verò quos voluit esse contingentes , ordinavit causas contingenter agentes , id est potentes deficere .*

*Et secundum harum conditionem causarum effectus dicuntur , vel necessarij , vel contingentes , licet omnes dependeant à voluntate divina sicut à prima causa , quæ transcendit ordinem necessitatis , & contingentie .*

*Ita Diuus Thomas . In quam doctrinam sine dubio Caietan. incidit 1. par. quæst. 22. artic. 4. qui non inueniens aliquid quod perfectè quieraret intellectum in componendo*

### Articulus III. 265

inevitabilitatem diuinæ providentiæ cum  
euitabilitate effectus liberi, seu contingen-  
tis, nec reperiens aliquid à Diuo Thoma  
dictum super hoc, tandem dicit suspicari  
quod sit aliquid in Deo eminentius, & al-  
tius quam euitabilitas, vel inevitabilitas, ve  
expassiua prouisione euentus, neutrius com-  
binationis alterum membrum sequatur, Et si  
sic est, inquit, quiescet intellectus non eui-  
dentiæ veritatis, sed altitudine inaccessibili  
veritatis occultæ. Magis ergo quiesceret Ca-  
ietan. si hoc ipsum reperisset in Diuo Thoma  
sicut habet in isto loco ponendo in Deo ali-  
quid eminentius quam necessitas à quo deri-  
uetur contingentia ipsa, & necessitas in cau-  
sis. Et illam eminentiam vocamus non infal-  
libilitatem, quæ non extrahit causas à suo  
modo, vel indifferentia, sed potius illam dat,  
& præbet. Vndè implicat, quod aliquid ei  
resistat, quia si resisteret hoc ipsum deriuare-  
tur à Deo, quia operatur omnia, & sic iam  
non esset resistentia, sed datio, seu donatio.  
Dat tamen Deus ipsum posse resistere, & pos-  
se facere oppositum. Vndè quando dicitur,  
quod inspirationi diuinæ potest resisti non  
intelligitur de resistentia respectu ipsius cau-  
salitatis, & ordinis diuini in causando, huic  
enim vniuersalissimo modo nihil potest resi-  
stere, cum extra totum illum ordinem nihil  
ponatur, sed intelligitur de resistentia respec-  
tu obiecti propositi, & effectus ad quem est  
illa inclinatio, & motio. Quare in ipsa vni-  
uersalitate operandi, & mouendi omnes cau-  
sas, tam quoad substantiam actus, quam quoad  
modum fundatur infallibilitas in agendo ex

contingentia, & libertate ex parte nostra, & ex parte Dei simul cum omnimoda mutabilitate hanc enim causat illa vniuersalissima Dei causalitas, & ideo eius causalitas ineuitabilis est, quia vniuersalissima, & omnia complectens; & tamen effectus in se, & secundum ordinem inferiorum causarum est mutabilis, quia hoc ipsum causat Deus, & sic non lædit, cum causa, & radix illius sit.

*Sed dicunt* aliqui discipuli Scoti sufficere ad hoc ipsum decretum, & voluntatem Dei sine motione, & qualitate aliqua physica operante in voluntatem, & præsumte nostram libertatem, nam physica qualitas, nec antiquis fuit nominata, nec est possibilis, quia nihil creatum potest esse altius voluntate, & ei dominari, sicut illa qualitas seu motio deberet dominari, voluntati; nec si daretur, libertatem relinqueret, quia mouet determinatè ad vnum; & non cum ea eminentia qua voluntas diuina quæ infinita est, illa autem qualitas infinita non est, & sic mouet Deus (inquiunt) per sympathiam quandam, quia posito eius decreto statim flectitur, & obedit creatura.

*Sed contra est*, quia hoc ipso quod aliqua virtus est superior in agendo respectu alicuius mobilis oportet quod mobile subiiciatur non solum virtuti mouenti, sed etiam motui eius, si enim est mobile, debet esse capax motus, seu subijci virtuti vt actualiter mouenti, ergo hoc ipso quod voluntas est mobilis, & inferior seu subiecta virtuti diuinæ, debet esse inferior eius motione; motio enim non operatur ratione suæ entitatis, sed ratione virtu-

## Articulus III. 267

tis cuius est motio; sic motio artificis subijcit sibi materiam artis. Non est ergo causa aliqua creata altior voluntate ut possit illam mouere intus, sed tamen motio diuina, licet entitatiuè sit entitas creata, virtute tamen diuina agit, subdit voluntatem Deo. Nec tollit hæc motio libertatem sed præstat, quia dat non solum facere determinatum actum, sed modum quo actus faciendus est, scilicet ut liberè fiat, & cum potestate indifferenti quam non lædit; sed causat ut radix eius. Quin potius sympathia illa qua creatura subordinatur Deo multò magis tollit libertatem, aut non habet infallibilitatem in se intrinsecè. Etenim sympathia illa si datur consistit in naturali quadam sequela, & necessaria subordinatione, quam habet creatura ad Deum, ut ipso volente non possit non sequi operatio in creatura, ergo posita Dei voluntate, & decreto, voluntas nostra naturali sequella, & ex ipsa via, & pondere naturæ quatenus creata est prorumpit in actum, ergo multò magis tollitur libertas per istam sympathiam, seu naturalem sequelam, quam per positiuam Dei motionem, siquidem posita Dei voluntate naturali sequela sequitur ille voluntatis actus & sic fiunt hic omnes consequentiæ, quæ in prædeterminatione physica, quod non possit voluntas resistere illi Dei voluntati, quod maneat determinata ad vnam, &c. & hoc tanto fortius quanto non dependet hoc ab aliqua Dei operatione perficiente, & adiuuante, sed solum naturali sequela voluntatis id sequitur.

Si autem non sequitur naturalis sequella,

posita voluntate Dei, sed morali quadam, & contingenti sequella, sequitur quod posita voluntate Dei, non manet infallibile, quod effectus fiat, sed oportebit per aliquam operationem vincere illam contingentiam, & non per solam sympathiam. Quod si potest subiectio creatæ voluntatis ad Deum fundare infallibilitatem operandi sine necessitate, cur non poterit qualitas illa creata, quæ est virtus Dei fundare eandem infallibilitatem non necessitando voluntatem? Quam qualitatem physicam, licet antiqui sub hoc nomine, & significat one non ponant, rem tamen significatam omnino ponit D. Thom. & similiter prædeterminationem, ut ostendimus, quæst. 25. Physic. artic. 1. negat enim D. Thom. esse qualitatem permanentem, & per modum habitus 1. 2. quæst. 110. artic. 2. affirmat tamen habere rationem motus, fierique à Deo in anima; & quæst. 3. de potentia artic. 7. ad 7. affirmat habere esse illam virtutem actualem qua Deus mouet causas sicut colores habent esse intentionale in aere, & virtus artificis in instrumento, quod totum dicit realitatem ut distinguitur à morali seu extrinseca denominatione, aut ente rationis, & hoc vocamus physicum, non sumendo physicum pro eo quod pertinet ad ens mobile, & corporeum, hac enim ratione quomodo in voluntate, & spiritali natura motio corporea deberet poni? sed sumitur pro eo, quod est reale, & intrinsecum ut distinguitur contra motionem moralem extrinsecam, aut fictam.

*Unde etiam obiter colligitur Div. Thom. quan-*

## Articulus III. 269

quando loquitur de motione qua Deus mouet voluntatem, & determinat eius potentialem indifferentiam, non loquitur de motione morali, sed de intrinseca attingente voluntatem intra se, quam idèò physicam, idèst realem vocamus.

Nam motio moralis prius attingit rationem, quam voluntatem, cum fiat media persuasione, vel propositione obiecti, hæc enim vocatur motio moralis ad distinctionem eius, quam fit intra voluntatem, non medio obiecto alliciente, sed motione operante, & immutante. Hoc autem modo Deum immutare, & non solum proponendo obiectum, aut alliciente, mille locis expressissimè docet S. Thom. vt 1. par. quæst. 105. art. 4. & 106. art. 2. & 111. artic. 2. & 116. artic. 1. & prima secundæ quæst. 6. artic. 1. ad 3. quæst. 9. artic. 6. & quæst. 75. artic. 3. & quæst. 80. artic. 1. & quæst. 3. de malo, artic. 3. ad 15. quibus locis distinguit de mouente ex parte obiecti, & persuasionis, quod conuenit obiecto proposito, & de mouente interius, vt condistinguitur ab obiecti motione, & hoc secundum attribuit Deo, ergo plus attribuit, quam motionem moralem. Et hæc est expressa doctrina August. contra Pelagium qui etiam fatebatur Deum operari in nobis per gratiam suadendo omne quod bonum est (quæ est motio moralis) vt patet in lib. de gratia Christi, contra Pelag. capit. 10. Quod totum dicit August. reduct ad legem, & doctrinam non ad subministrationem virtutis. Vnde concludit, cap. 24. *Non lege atque doctrina insinuante forinsecus, sed interna, atque oculis*



*mirabili, ac ineffabili potestate operari Deum in cordibus hominum non solum veras reuelationes, sed etiam bonas voluntate. Vbi non solum excludit extrinsecam persuasionem per sensus factam, sed etiam non sufficere docet internam, quæ consistit in reuelatione, & tenet se ex parte obiecti, sed vlt. rius debere dari operationem intra voluntatem, quæ iam non est moralis motio, quia non fit mediante obiecti propositione.*

*Et autem argumentis, seu sophismatibus, possit responderi quæ in hac parte multiplicantur, verbi gratia, quod stante motione Dei, quæ non est in mea manu, nec possum eam auertere, non stet actum voluntatis non poni; quod sit determinata illa motio ad vnum & sic sequitur quoque voluntatem determinari; quod illa suppositio motionis diuinæ est omnino antecedens voluntatis actum, ergo illa stante non stat facere oppositum, nec illi resistere, atque adeò non stat libertas. Hæc, & alia similia, quæ istam impossibilitatem diuinæ determinationis cum nostra indifferentia concernunt, æquiucant de necessitate consequentiæ, & consequentis; de sensu composito, & diuiso. Qui ab aliquibus sic intelligitur, quod sensus diuisus fiat diuidendo, & separando concursum Dei, quasi sine ipso indifferens maneat voluntas, sensus autem compositus intelligatur posito ipso concursu Dei, & prædeterminatione, & ea posita tollatur indifferentia. Sed hæc intelligentia rudis est, & longe distans à nostra sententia, qui potius dicimus ipsum motum seu prædeterminationem Dei in voluntate perficere liber-*

*tatem*

### *Articulus III. 271*

tatem; non auertere. Sed sensus compositus, & diuinus debet sumi secundum diuersas formalitates, seu considerationes in eodem concursu, seu auxilio Dei, & in voluntate repositas, & componendo secundum vnā, vel sub vnus respectu, præcisè non explicatur libertas) & non dicimus quod tollatur, sed quod non explicetur, ) sed modus infallibilitatis, diuidendo autem illam considerationem, & accipiendo sub alia, explicatur libertas, sicut in eodem effectu vt præcisè consideratur formalitas, seu respectus vnus causæ ex illa parte adhuc non intelligitur habere esse, vel non tale esse, consideratus verò ex alia parte habet illud. Sic ergo in motione, vel prædeterminatione Dei considerari possunt tres habitudines, seu formalitates, & totidem in causa libera creata. Ex parte Dei consideratur modus operandi, qui ex parte ipsius Dei se tenet, quia est diuinus, & immutabilis, & vniuersalissimus. Secundò ordo ad determinatum effectum in se. Tertiò ordo ad modum quo effectus procedit, tam ab ipsa causa creata, quam vt subest motioni diuinæ. Ex parte causæ creatæ consideratur primò ipse effectus in se, & in sua substantia, secundò modus quo illum efficit, verbi gratia necessariò, vel contingenter. Tertiò ordo ad primam causam, à qua participatur, & ad ipsum modum, quo prima causa operatur illum. Cum ergo Deus mouet causam secundam liberam, seu contingentem, si consideretur causa illa, vt operans effectum modo sibi proprio, sic operatur illum modo contingenti, & cum potentia ad deficiendum, vel resistendum illi, & ad-

resistendum motioni diuinæ, ut causanti talem actum, & talem modum siquidem hoc ipsum causat diuinus concursus, nempe ut tali modo fiat ut possit resisti ipsi actui, & consequenter ipsi motioni, ut talem actum, modumque attingit. At verò si totum hoc scilicet actum voluntatis creatæ, & modum eius comparemus, & componamus cum ipso concursu secundum modum, quo tenet se ex parte Dei, sic est inuitabile, quod eueniat non effectus solum, sed effectus cum modo, scilicet, effectus liberè factus, quia totum hoc prouidet, & causat Deus, inuitabiliter ex parte sua, sed euitabiliter ex parte rei factæ immò etiam quando solum dat sufficientem concursum, & non efficacem, adhuc operatur inuitabiliter ex parte sua, quia id quod intendit in illo concursu, inuitabiliter fit, scilicet, quod homo habeat principium, unde operetur, sed quod de facto non operetur.

*Et secundum istam distinctionem, & habitudines in ipso diuino concursu repertas verificantur oppositæ propositiones, quæ de eodem affirmari videntur. Dicitur enim ex vna parte, quod inspirationi, & illuminationi diuinæ possumus resistere ut dicitur in Concilio Trident. sessio. 6. cap. 6. & inde probatur nos liberè operari, quia illi possumus resistere, quia ipsum posse resistere, est signum infallibile operationis liberæ; sed tunc consideramus ipsam Dei motionem existentem quidem in homine, sed in sensu diuiso, hoc est, considerando in illa, non habitudinem ad modum operandi ex parte Dei, qui*  
*immu-*

### Articulus III. 273

immutabilis, & infallibilis est, sed diuidendo ab illo modo, consideramus solum habitudinem ad causam, & modum causæ creatæ, quem ipse etiam diuinus concursus intendit, & attingit. Ex alia verò parte dicit scriptura Esth. 13. *Non est qui possit suæ resistere voluntati*, & Roman. 9. *Voluntati eius quis resistet?* Et Augustin. de correctione, & grat. cap. 14. *Deo volenti saluum facere nullum humanum resistit arbitrium*. Et D. Thom. prima secundæ, quæst. 10. artic. 4. ad tertium. *Si Deus mouet voluntatem ad ea inquit, impossibile est poni, quod voluntas ad illud non moueatur, non tamen est impossibile simpliciter, unde voluntas à Deo non ex necessitate mouetur*. Quod utique procedit posita motione Dei non ablata. Et quæst. 112. artic. 3. *Si ex intentione Dei mouentis est, quod homo cuius cur mouet; gratiam consequatur, infallibiliter ipsam consequitur*. Vbi tota infallibilitas à D. Thoma ab Augustino, à scriptura reducitur ad ipsam voluntatem, & motionem Dei, cui nihil resistit, non ad præscientiam aliquam rei faciendæ ante omnem istam voluntatem Dei; & tunc fit sensus compositus nostræ voluntatis cum voluntate, & motione Dei, ut explicat modum immutabilem, & vniuersalissimum ex parte Dei.

Ex dictis colliges, quomodo rectè intelligatur definitio libertatis: *Quod est facultas, seu potentia, quæ positis omnibus requisitis ad agendum potest agere. Et non agere*. Quæ definitio communiter est apud omnes recepta. Et intelligenda est in omni amplitudine positis omnibus requisitis tam ex parte causarum

secundarum mouentium, quam ex parte causæ primæ, quia ut diximus etiam posita diuina motione, & prædeterminatione potest voluntas agere, vel non agere, quia hoc ipsum posse resistere, & dissentiri, præbet, & conseruat illa diuina motio, licet de facto non resistet, nec dissentiet comparando voluntatem sic motam cum ipso modo mouendi Dei immutabili, & infallibili, definitio autem libertatis non dicit quod positis omnibus requisitis libertas non aget, sed quod potest non agere, eo quod nullæ requisita possunt illam potestatem tollere, multò minus diuina præmotio, quæ propter suum vniuersalissimum modum operandi est causa huius potestatis libertatis creatæ, eamque non tollit, sed conseruat, & perficit tanquam radix illius. Vndè perperam P. Suarez Prologomen. 1. supra citato cap. 3. carpit Thomistas, quasi dicant potentiam esse liberam, quæ positis omnibus requisitis potest non agere excipendam tamen esse præmotionem diuinam si ly omnibus requisitis sumatur collectim in sensu diuiso, idest aliquam illarum conditionum tollendo, potest libertas agere. Et contra hoc procedit eius impugnatio, quia ablata aliqua conditione requisita, etiam quæcumque causa naturaliter agens potest non agere, sicut sol potest non illuminare clausa fenestra. Sed nos iam supra reiecimus illam intelligentiam sensus compositi, & diuisi, & ideo non est, quod immoremur in respondendo Patri Suarez, sed sufficit dicere, quod positis omnibus requisitis etiam motione Dei prout præbet determinationem ad actum, tol-

tollendo quidem indifferentiam potentialem, & suspensiuam, præbendo autem, & conseruando modum indifferentia actualis, & potestatis dominatiuæ, potest oppositum facere voluntas; licet si consideretur modus operandi ex parte Dei, qui est immutabilis, & intendit aliquid in indiuiduo fieri, non stet oppositum poni, quia non stat destrui illam immutabilitatem; sed sicut optimè saluatur immutabilitas actus diuini cum libertate ipsius, quæ potest oppositum, etiam saluatur eadem immutabilitas cum libertate creata causata à se, quæ est participatio quædam libertatis diuinæ per quam potest modo suo proprio oppositum facere, licet immutabili modo ex parte Dei fiat. Itaque tunc prædeterminatio Dei, & motio vniuersalissimæ suæ causalitatis tollet libertatem nostram, quando immutabilitas actus diuini tollet contingentiam, & mutabilitatem causæ creatæ Plura de his ad Theologos mittamus, pro Philosopho enim naturali hæc sufficiant, de illis verò agemus Deo dante primo tomo prima parte præsertim vbi ostendemus excludendam esse scientiam mediam, ne sumatur infallibilitas diuinorum decretorum ex suppositione effectus creati præuisi ante omne decretum Dei.

\* \* \* \*

\* \* \*

\* \*

\*

## ARTICULVS IV.

*Circa quæ obiecta versetur libertas :*

**A**D discernendum obiecta , in quæ voluntas fertur liberè , & in quæ necessario distinguendum est de libero quoad exercitium , & quoad specificationem , & similiter de necessario . Quoad specificationem dicitur necessarium , quod ex ipsa ratione obiecti caret aliqua ratione terminante alium actum quam talis speciei , v. g. amoris , & non odij. Quoad exercitium dicitur quod ex parte subiecti talem habet dispositionem , quod non potest non elicere hunc determinatum actum. Itaque necessitas specificationis tenet se ex parte principij specificantis , & cum hoc sit obiectum , oportet explicari penes id quod ex parte obiecti se tenet , scilicet , quando ex parte obiecti nihil repræsentatur mali , quod possit odio haberi , & ita excludit libertatem contrarietatis , id est posse amore , vel odio habere . Necessitas quo ad exercitium tenet se ex parte principij operantis , & cum hoc sit subiectum , oportet explicari penes id quod tenet se ex parte subiecti , & efficientiæ , id est quando subiectum est taliter affectum , quod non potest suspendere actum circa aliquod obiectum , & ita excludit libertatem contradictionis , quod est velle , & non velle . Et opposito modo debet explicari libertas specificationis , & exercitij.

*Inde obiter colligo , quod licet possit dari obiectum circa quod necessitetur voluntas*  
*quæ*

## Articulus IV. 2 77

quoad exercitium, vt in visione clara Dei, tamen hæc necessitas non prouenit formaliter ex obiecto, vt obiectum est, sed ex ipsa dispositione subiecti circa tale obiectum. In quo veram existimo sententiam Caiet. 1. p. q. 2. art. 2. Quam sequitur Bannez ibidem.

*Ratio* est, quia obiectum formaliter solum est principium specificandi, & sic ab ipso prout tale non prouenit formaliter necessitas exercitij, sed exercitium, seu elicientia formaliter prouenit à subiecto operante, & eius necessitas ex dispositione, & statu subiecti, est enim voluntas talis naturæ, quod si toto pondere fertur in obiectum, fertur necessario, quia nihil remanet, quo possit detinere, & suspendere elicientiam, tunc autem fertur toto pondere, quando adæquatur vniuersalitati eius totaliter obiectum etiam cum plena aduertentia, tunc enim cum voluntas ratione suæ naturæ, & formalis rationis sit determinata ad bonum vt sic, quando ex omni parte, & totaliter proponitur bonum in omni sua vniuersalitate, & plenitudine, non est in voluntate indifferentia, sed totalis determinatio ad tale bonum. Nec tamen quando dicimus naturaliter, & necessariò ferri voluntatem ad tale bonum, fertur per modum appetitus innati, sed elicti licet necessariò, & ita dicitur naturalis illè appetitus, quia necessarius, non quia innatus, & procedit enim ex cognitione immò ex plena aduertentia, & ideo maxime est voluntarius, quia ex maxima, & plena cognitione, scilicet ex visione Dei, & ex principio interno, scilicet ex ipso pondere voluntatis.

*Quibus*





## Articulus IV. 279

est bonum necessitans quoad specificationem quod in ipsa ratione formali, quæ specificat voluntatem, non habet nisi rationem boni, quod est proprium specificatiuum voluntatis, voluntas autem necessitatur non exire limites suæ specificationis, alias mutaret essentiam, & speciem suam, ergo quando in aliquo obiecto non est nisi proprium specificatiuum voluntatis, tunc tale obiectum non est capax odij, & sic necessitat voluntatem, vt si tendit in illud, tendat per modum amoris, quia non est in obiecto nisi specificatiuum amandi, quod est bonum, ergo sicut coarctatur voluntas ad suam rationem formalem specificatiuam, ita ad amandum illud obiectum quoad specificationem. Et ex hoc etiam probatur. quod beatitudo necessitans voluntatem non est beatitudo materialiter sumpta in aliquo, & vt induit rationem obiecti, quod appetitur, sed beatitudo vt exercet rationem formalem propter quam aliquid appetitur. Vnusquisque enim desiderat quiescere in bono, quæ est benè, seu beatè se habere, & hoc est vltimum per modum finis, quod vnusquisque petit, & ideo induit rationem formalem propter quam cætera appetuntur quia est ipsa ratio formalis quæ in fine desideratur, ideo enim aliquid pro fine habetur, quia in eo intenditur quiescere tanquam in bono, ipsa ergo beatitudo, seu quies vltima in bono sicut est ratio formalis appetendi finem, ita est ratio motiua propter quam cætera appetuntur. Cum ergo voluntas in omni suo actu debeat respicere aliquem finem, & à ratione formali motiua finis moueri, hæc autem est idem quod beatitudo sumpta

pro

280 *Quaestio XII.*

pro ratione formali beatitudinis quod est *velle* benè se habere, seu quiescere in bono, sicut non potest voluntas exire limites suae rationis formalis specificatiuae, & motiuae, ita nec potest non necessitari ad beatitudinem vt ratio formalis est, quia hæc est ipsa ratio boni.

*Vnde* colligitur, quod si beatitudo ipsa pro materiali aliquo sumatur in quo existimatur inueniri ratio formalis beatitudinis, non necessitatur voluntas ad talem beatitudinem materialiter, & obiectiue sumptam: nisi constet, & manifestè appareat voluntati, rem illam esse, cui adæquatè, & vniuersaliter conueniant omnes conditiones beatitudinis, quod est esse omne bonum, quod solum potest constare videndo Deum ipsum, Deus autem cognitus non in se, sed per connotationem ad creaturas, & per viam remotionis, licet in se sit summum bonum, tamen, dum non apparet positiue in se ipso, sed per effectus, non terminat adæquatè voluntatem, nec necessitat quoad specificationem quia negatio non est specificatum, sed positio boni, nec necessitat bonum admixtum alicui limitationi. Omnia autem bona quæ non repræsentantur vt plene bona, vel connexionem necessariam habentia cum pleno bono, displicere possunt voluntati, & non necessitant illam.

*Dicas*, qui peccat sciens se amittere beatitudinem, facit contra ipsam beatitudinem, ergo displicet ei de facto, & efficaciter, licet vellet non amittere illam, sicut qui proiecit merces in mare displicent ei merces non absolute, sed vt onerantes, & exponentes periculo, ergo simpliciter beatitudo, licet absolute non displicat

## Articulus IV. 281

ceat, tamen ut prohibens illud peccatum displicet, & sic non necessitat quoad specificationem quia potest considerari ex aliqua parte, ex qua non sit appetibilis.

*Secundo*, qui se ipsos occidunt, aut sunt in inferno, displicet eis ipsum esse, & vivere quatenus consideratur ut miseris plenum, ergo non necessitat quoad specificationem, & ut adæquatè, & plenè bonum, sed ut obiectum displicentiæ pro aliqua parte.

*Ad primum Respondetur*, quod peccans diuer- tit à vera beatitudine ad apparentem, & ab eo quod in re, & materialiter est vera beatitudo, ad id quod sibi proponitur, & apparet tanquam beatitudo, vult enim delectari aut quiescere in aliquo bono quod est beatè seu benè se habere quantum ad rationem formalem, errat tamen in ipsa materiali re quam eligit ad quiescendum, non ergo beatitudo formalis ut formaliter considerata, seu ut ratio appetendi unquam displicet, id est nunquam est ratio displicendi, sed semper necessitat quod specificationem, licet materialis beatitudo quam amittit, id est res illa in qua dicitur esse beatitudo, non necessitet quoad specificationem, sed considerari possit ut pœnalis, & onerosa hic, & nunc ex aliqua parte.

*Ad secundum similiter Respond.* quod etiam qui se occidit habet odio esse materialiter consideratum, & ut subiectum miseriæ, non formaliter, quia ipsum non esse desiderat sub aliqua ratione essendi liberum à miserijs, quæ sunt mala quædam, & defectus essendi. Addo quod qui se occidit, intensius desiderat esse formaliter consideratum, quam qui se non occi-

## 282 *Questio XII.*

occidit, quia ex eo quod ita ardentem appetit esse sine miserijs quod non potest illas tolerare nec carere quiete vel delectatione, ideo ita intense mouetur ad destruendam miseriam, quod est ipsa vita, non vult tolerare, quam tamen tolerat alter, qui non ita ardentem appetit esse sine miserijs. Unde constat quod qui se occidunt, nimis appetunt beatitudinem seu conditiones eius quales sunt delectatio, abundantia, carentia, miseriæ, &c. quia neque ad horam patiuntur carere illis, ita ut si careant, etiam subiectum quatenus carens illis velint destruere, & sic qui amat animam suam perdet eam, idest ex nimio amore perdet.

*Primum* quod dicimus in conclusione, scilicet necessitari voluntatem quoad exercitium ab ipsa visione clara Dei, sumitur ex ratione insinuata à D. Thom. 1. part. q. 82. art. 2. quia voluntas videntis Deum per essentiam videt omne bonum Exod. 33. *Ego ostendam tibi omne bonum*, & sic de necessitate inhæret Deo, sicut ex necessitate volumus esse beati.

*Cuius* rationis vis in eo consistit, quia viso summo bono non potest proponi cessatio amandi ipsum nisi proponatur cessatio volendi esse beatum, quia vellet relinquere totalem & vniuersalem rationem beatitudinis quæ per illud exercitium habetur, & amatur, ergo non potest displicere illud exercitium, quo tale summum bonum amatur, nisi displiceat ei vniuersalis ratio boni quæ in illo exercitio habetur, hoc autem esset egredi limites suæ rationis formalis specificantis quæ continetur sub vniuersali ratione boni seu beatitudinis,   
plura

plura de his spectant ad Theologos citato loco  
1.p.& prima secundæ,q.10.

A R T I C V L V S V.

*Verum voluntas sit perfectior potentia  
intellectu?*

**C**ertant in hac difficultate scola D. Tho.  
& Scoti. Existimat enim Scot. in 4.  
distinct. 49. q. 4. voluntatem esse potentiam  
perfectiorem intellectus; eumquæ sequitur eius  
scola, alijque plures vt Bonauentura, Ægi-  
dius, Argentinas, Gabr. Mai. ad eundem distin.  
49. Fundamentum sumitur ex quatuor præ-  
cipuis conditionibus, quæ astruere possunt no-  
bilitatem alicuius potentia, scilicet ab obie-  
cto, ab efficacia potestatis, ab acta, seu eff:ctu  
præstantiori, ab opposito suo, quod est dete-  
rius.

*Ab obiecto* sumitur prima ratio, quia obie-  
ctum voluntatis est perfectius; vtpotè ipsum  
bonum, quod est perfectio, & actualitas entis,  
& respicit ipsum esse, in quod voluntas ten-  
dit; existentia etiam est maxima actualitas, &  
perfectio in ente, & bonum ipsum est perfe-  
ctius quam verum, cum perfectio entis per boni-  
tatem explicetur, & ynumquodque intantum sit  
bonum in quantum perfectum, & integrum. Er-  
gò obiectum proprium voluntatis est excellen-  
tius obiecto intellectus.

*Ab efficacia potestatis* deducitur secunda  
ratio: Nam obiectum voluntatis est bonum;  
seu finis, qui est prima causarum, & ideò ha-  
bet voluntas potestatem mouendi, cæteras  
poten-

## 284 *Questio XII.*

potentias, & dominium super illas, etiam super intellectum : ergo tanto præstantior est voluntas intellectu, quanto imperans imperato, superior inferiori, potentia formaliter libera; ea, quæ formaliter est necessaria, licet radicaliter sit libera, præsertim cum nulla alia potentia possit habere dominium supra voluntatem, ergo ipsa est actualior, & perfectior omnibus, quia potestas mouendi in actualitate fundatur.

*Ab actu, & effectu* tertia ratio deducitur : quia præstantissimus actus voluntatis, qui est charitatis excedit præstantissimum actum intellectus, unde charitas excellentior est reliquis virtutibus Paulo attestante 1. Corinth. 13. *Maior autem horum est charitas* : & constat, quia per actum charitatis magis aliquis appropinquat Deo, & ultimò disponitur ad gratiam, ergò oportet, quod ipsa potentia etiam sit præstantior simpliciter intellectu. Unde D. Thom. 1. par. q. 82. art. 3. fatetur, quod cognitio eorum quæ infra nos sunt est perfectior amore eorum, respectu verò rerum, quæ supra nos sunt præstantior est amor cognitione, ergo præstantissimus actus voluntatis excedit præstantissimum intellectus, & sic ipsa potentia simpliciter est præstantior. Ab effectu etiam patet. Tum, quia à voluntate simpliciter denominamur boni, vel mali; non ex actu intellectus. Tum, quia inter spiritus angelicos, ordo qui excedit in amore, scilicet Seraphim est simpliciter perfectior reliquis, tiam quam Cherubim, qui excedit in scientia ergo ex amore sumitur maior excellentia inter spiritus, & consequenter inter potentias.

*Ab op.*

## Articulus V. 285

*Ab opposito* denique deducitur quarta ratio. Quia illud est simpliciter perfectius, cuius oppositum est pessimum oppositio enim, & destructio alicuius tanto est deterior, quanto id, quod destruit est excellentius, ergo quando aliquid est pessimum, eius oppositum est optimum. Inter peccata autem, odium Dei, quod directe opponitur charitati est pessimum inter omnia vitia, etiam peius infidelitate, ergo amor eius qui est oppositum est excellentior omni cognitione.

*Oppositam* sententiam tenet S. Thom. prima parte, q. 82. art. tertio, & contra gent. cap. 26. & q. 22. derit. art. 11. videndus est etiam prima parte, q. 26. art. 2. ubi intellectualem operationem dicit esse perfectissimam in qualibet intellectuali naturæ, & Caietan. ibi, & q. 82. citata cum alijs interpretibus D. Thom. ad prædicta loca, & Suarez 5. de anima capit. 9. Vazquez 1. 2. disp. 14. capit. 8. Rub. & Conim. in præsentia, & in 2. de anima alijsque plures. Itaque hæc sententia docet intellectum esse perfectiorem simpliciter, quam voluntatem, possetamen voluntatem esse secundum quid perfectiorem. Vocamus autem perfectionem simpliciter potentiae, illam, quæ desumitur ex obiecto secundum modum mouendi, & mutandi potentiam, hoc enim est, quod pertinet ad ipsam substantiam, seu essentiam potentiae quæ essentialiter desumitur ex ordine ad obiectum formaliter consideratum, & sic potentia quæ altiori modo immutatur ab obiecto dicitur habere rationem obiectiuam altiore. Perfectio autem secundum quid provenit ex alijs conditionibus præter istam, & pertinentibus ad obiecta  
mate-



## ARTICULVS IV.

*Circa quæ obiecta versetur libertas?*

**A**D discernendum obiecta, in quæ voluntas fertur liberè, & in quæ necessario distinguendum est de libero quoad exercitium, & quoad specificationem, & similiter de necessario. Quoad specificationem dicitur necessarium, quod ex ipsa ratione obiecti caret aliqua ratione terminante alium actum quam talis speciei, v. g. amoris, & non odij. Quoad exercitium dicitur quod ex parte subiecti talem habet dispositionem, quod non potest non elicere hunc determinatum actum. Itaque necessitas specificationis tenet se ex parte principij specificantis, & cum hoc sit obiectum, oportet explicari penes id quod ex parte obiecti se tenet, scilicet, quando ex parte obiecti nihil repræsentatur mali, quod possit odio haberi, & ita excludit libertatem contrarietatis, id est posse amore, vel odio habere. Necessitas quo ad exercitium tenet se ex parte principij operantis, & cum hoc sit subiectum, oportet explicari penes id quod tenet se ex parte subiecti, & elicientiæ, id est quando subiectum est taliter affectum, quod non potest suspendere actum circa aliquod obiectum, & ita excludit libertatem contradictionis, quod est velle, & non velle. Et opposito modo debet explicari libertas specificationis, & exercitij.

*Inde obiter colligo, quod licet possit dari obiectum circa quod necessitetur voluntas*  
*quæ*

## Articulus IV. 277

quoad exercitium, vt in visione clara Dei, tamen hæc necessitas non prouenit formaliter ex obiecto, vt obiectum est, sed ex ipsa dispositione subiecti circa tale obiectum. In quo veram existimo sententiam Caiet. 1. p. q. 82. art. 2. Quam sequitur Bannez ibidem.

*Ratio* est, quia obiectum formaliter solum est principium specificandi, & sic ab ipso prout tale non prouenit formaliter necessitas exercitij, sed exercitium, seu elicientia formaliter prouenit à subiecto operante, & eius necessitas ex dispositione, & statu subiecti, est enim voluntas talis naturæ, quod si toto pondere fertur in obiectum, fertur necessario, quia nihil remanet, quo possit detinere, & suspendere elicientiam, tunc autem fertur toto pondere, quando adequatur vniuersalitati eius totaliter obiectum etiam cum plena aduertentia, tunc enim cum voluntas ratione suæ naturæ, & formalis rationis sit determinata ad bonum vt sic, quando ex omni parte, & totaliter proponitur bonum in omni sua vniuersalitate, & plenitudine, non est in voluntate indifferentia, sed totalis determinatio ad tale bonum. Nec tamen quando dicimus naturaliter, & necessario ferri voluntatem ad tale bonum, fertur per modum appetitus innati, sed elicti licet necessario, & ita dicitur naturalis illè appetitus, quia necessarius, non quia innatus, & procedit enim ex cognitione immò ex plena aduertentia, & ideo maxime est voluntarius, quia ex maxima, & plena cognitione, scilicet ex visione Dei, & ex principio interno, scilicet ex ipso pondere voluntatis.

*Quibus*

## 278 *Quæstio XII.*

*Quibus suppositis : Dico, quod obiectum necessarium quoad specificationem etiam datur pro hac vita, & est vnum tantum, scilicet beatitudo in communi, inquantum est ratio formalis appetendi bona. In beatitudine autem duo includuntur, scilicet esse, & bene esse, seu beate esse, si enim aliquis non est, nec beatus est, & similiter si bene non est, beatus non est, & sic proprium esse, & bene esse necessitant quoad specificationem, & quidquid necessarium est quoad specificationem ad aliquid istorum reducitur. Reliqua verò omnia, quæ cum his duobus non habent necessariam connexionem, liberè sunt appetibilia. At verò quoad exercitium nihil necessitat voluntatem si aduertenter procedat, nisi solum Deus clarè visus. Prima pars sumitur ex D. Thom. 1. 2. q. 10. art. 2 præsertim ad 3. vbi inquit : *Quod finis ultimus de necessitate mouet voluntatem, quia est bonum perfectum, & similiter illa, quæ ordinantur ad hunc finem, sine quibus finis haberi non potest, sicut esse, & vivere, & huiusmodi, & q. 6. de mal. art. vnic. ad 7. Nullum bonum, inquit, superat virtutem voluntatis quasi ex necessitate eam mouens, nisi id quod est secundum omnem considerationem bonum, & hoc solum est bonum perfectum quod est beatitudo, quod voluntas non potest non velle, ita scilicet quod velit eius oppositum potest tamen non velle actu, quia potest tamen auertere cognitionem beatitudinis, in quantum mouet intellectum ad actum suum. Videatur etiam S. Doct. 1. p. q. 82. art. 2. & q. 22. de verit. art. 3. & 6.**

*Ratio autem sumitur ex dictis, quia illud est*

## Articulus IV. 279

est bonum necessitans quoad specificationem quod in ipsa ratione formali, quæ specificat voluntatem, non habet nisi rationem boni, quod est proprium specificatum voluntatis, voluntas autem necessitatur non exire limites suæ specificationis, alias mutaret essentiam, & speciem suam, ergo quando in aliquo obiecto non est nisi proprium specificatum voluntatis, tunc tale obiectum non est capax odij, & sic necessitat voluntatem, ut si tendit in illud, tendat per modum amoris, quia non est in obiecto nisi specificatum amandi, quod est bonum, ergo sicut coarctatur voluntas ad suam rationem formalem specificativam, ita ad amandum illud obiectum quoad specificationem. Et ex hoc etiam probatur. quod beatitudo necessitans voluntatem non est beatitudo materialiter sumpta in aliquo, & ut induit rationem obiecti, quod appetitur, sed beatitudo ut exercet rationem formalem propter quam aliquid appetitur. Vnusquisque enim desiderat quiescere in bono, quæ est bene, seu beatè se habere, & hoc est ultimum per modum finis, quod unusquisque petit, & ideo induit rationem formalem propter quam cætera appetuntur quia est ipsa ratio formalis quæ in fine desideratur, ideo enim aliquid pro fine habetur, quia in eo intenditur quiescere tanquam in bono, ipsa ergo beatitudo, seu quies ultima in bono sicut est ratio formalis appetendi finem, ita est ratio motiva propter quam cætera appetuntur. Cum ergo voluntas in omni suo actu debeat respicere aliquem finem, & à ratione formali motiva finis moveri, hæc autem est idem quod beatitudo sumpta  
pro

## 280 *Quæstio XII.*

pro ratione formali beatitudinis quod est *velle* benè se habere, seu quiescere in bono, sicut non potest voluntas exire limites suæ rationis formalis specificatiuæ, & motiuæ, ita nec potest non necessitari ad beatitudinem ut ratio formalis est, quia hæc est ipsa ratio boni.

*Vnde* colligitur, quod si beatitudo ipsa pro materiali aliquo sumatur in quo existimatur inueniri ratio formalis beatitudinis, non necessitatur voluntas ad talem beatitudinem materialiter, & obiectiuè sumptam: nisi constet, & manifestè appareat voluntati, rem illam esse, cui adæquatè, & vniuersaliter conueniant omnes conditiones beatitudinis, quod est esse omne bonum, quod solum potest constare videndo Deum ipsum, Deus autem cognitus non in se, sed per connotationem ad creaturas, & per viam remotionis, licet in se sit summum bonum, tamen, dum non apparet possiuè in se ipso, sed per effectus, non terminat adæquatè voluntatem, nec necessitat quoad specificationem quia negatio non est specificatum, sed positio boni, nec necessitat bonum admixtum alicui limitationi. Omnia autem bona quæ non repræsentantur ut plene bona, vel connexionem necessariam habentia cum pleno bono, displicere possunt voluntati, & non necessitant illam.

*Dicas*, qui peccat sciens se amittere beatitudinem, facit contra ipsam beatitudinem, ergo displicet ei de facto, & efficaciter, licet vellet non amittere illam, sicut qui proiecit merces in mare displicent ei merces non absolute, sed ut onerantes, & exponentes periculo, ergo similiter beatitudo, licet absolute non displiceat

## Articulus IV. 281

ceat, tamen ut prohibens illud peccatum displicet, & sic non necessitat quoad specificationem quia potest considerari ex aliqua parte, ex qua non sit appetibilis.

*Secundo*, qui se ipsos occidunt, aut sunt in inferno, displicet eis ipsum esse, & vivere quatenus consideratur ut miseris plenum, ergo non necessitat quoad specificationem, & ut adæquatè, & plenè bonum, sed ut obiectum displicentiae pro aliqua parte.

*Ad primum Respondetur*, quod peccans diuertit à vera beatitudine ad apparentem, & ab eo quod in re, & materialiter est vera beatitudo, ad id quod sibi proponitur, & apparet tanquam beatitudo, vult enim delectari aut quiescere in aliquo bono quod est beatè seu benè se habere quantum ad rationem formalem, errat tamen in ipsa materiali re quam eligit ad quiescendum, non ergo beatitudo formalis ut formaliter considerata, seu ut ratio appetendi unquam displicet, idest nunquam est ratio displicendi, sed semper necessitat quoad specificationem, licet materialis beatitudo quam amittit, idest res illa in qua dicitur esse beatitudo, non necessitet quoad specificationem, sed considerari possit ut pœnalis, & onerosa hic, & nunc ex aliqua parte.

*Ad secundum similiter Respond.* quod etiam qui se occidit habet odio esse materialiter consideratum, & ut subiectum miseriæ, non formaliter, quia ipsum non esse desiderat sub aliqua ratione essendi liberum à miserijs, quæ sunt mala quædam, & defectus essendi. Addo quod qui se occidit, intensius desiderat esse formaliter consideratum, quam qui se non occi-

## 282 *Questio XII.*

occidit, quia ex eo quod ita ardentè appetit esse sine miserijs quod non potest illas tolerare nec carere quiete vel delectatione, ideò ita intensè mouetur ad destruendam miseriam, quod est ipsa vita, non vult tolerare, quam tamen tolerat alter, qui non ita ardentè appetit esse sine miserijs. Vnde constat quod qui se occidunt, nimis appetunt beatitudinem seu conditiones eius quales sunt delectatio, abundantia, carentia, miseriæ, &c. quia neque ad horam patiuntur carere illis, ita vt si careant, etiam subiectum quatenus carens illis velint destruere, & sic qui amat animam suam perdet eam, idest ex nimio amore perdet.

*Primum* quod dicimus in conclusione, scilicet necessitari voluntatem quoad exercitium ab ipsa visione clara Dei, sumitur ex ratione insinuata à D. Thom. 1. part. q. 82. art. 2. quia voluntas videntis Deum per essentiam videt omne bonum Exod. 33. *Ego ostendam tibi omne bonum*, & sic de necessitate inhæret Deo, sicut ex necessitate volumus esse beati.

*Cuius* rationis vis in eo consistit, quia viso summo bono non potest proponi cessatio amandi ipsum nisi proponatur cessatio volendi esse beatum, quia vellet relinquere totalem & vniuersalem rationem beatitudinis quæ per illud exercitium habetur, & amatur, ergo non potest displicere illud exercitium, quo tale summum bonum amatur, nisi displiceat ei vniuersalis ratio boni quæ in illo exercitio habetur, hoc autem esset egredi limites suæ rationis formalis specificantis quæ continetur sub vniuersali ratione boni seu beatitudinis,   
plura

## Articulus V. 283

plura de his spectant ad Theologos citato loco  
1. p. & prima secundæ, q. 10.

### ARTICVLVS V.

*Verum voluntas sit perfectior potentia  
intellectu?*

**C**ertant in hac difficultate scola D. Tho.  
& Scoti. Existimat enim Scot. in 4.  
distin. 49. q. 4. voluntatem esse potentiam  
perfectiorem intellectus; eumquæ sequitur eius  
scola, alijque plures vt Bonauentura, Ægi-  
dius, Argentinas, Gabr. Mai. ad eundem distin.  
49. Fundamentum sumitur ex quatuor præ-  
cipuis conditionibus, quæ astruere possunt no-  
bilitatem alicuius potentia, scilicet ab obie-  
cto, ab efficacia potestatis, ab acta, seu effe-  
ctu præstantiori, ab opposito suo, quod est dete-  
rius.

*Ab obiecto* sumitur prima ratio, quia obie-  
ctum voluntatis est perfectius; utpotè ipsum  
bonum, quod est perfectio, & actualitas entis,  
& respicit ipsum esse, in quod voluntas ten-  
dit; existentia etiam est maxima actualitas, &  
perfectio in ente, & bonum ipsum est perfe-  
ctius quam verum, cum perfectio entis per boni-  
tatem explicetur, & vnumquodque intantum sit  
bonum in quantum perfectum, & integrum. Er-  
gò obiectum proprium voluntatis est excellen-  
tius obiecto intellectus.

*Ab efficacia potestatis* deducitur secunda  
ratio: Nam obiectum voluntatis est bonum;  
seu finis, qui est prima causarum, & ideò ha-  
bet voluntas potestatem mouendi, cæteras  
poten-



284 *Quaestio XII.*

potentias, & dominium super illas, etiam super intellectum : ergo tanto præstantior est voluntas intellectu, quanto imperans imperato, superior inferiori, potentia formaliter libera; ea, quæ formaliter est necessaria, licet radicaliter sit libera, præsertim cum nulla alia potentia possit habere dominium supra voluntatem, ergo ipsa est actualior, & perfectior omnibus, quia potestas mouendi in actualitate fundatur.

*Ab actu, & effectu* tertia ratio deducitur : quia præstantissimus actus voluntatis, qui est charitatis excedit præstantissimum actum intellectus, unde charitas excellentior est reliquis virtutibus Paulo attestante 1. Corinth. 13. *Maior autem horum est charitas* : & constat, quia per actum charitatis magis aliquis appropinquat Deo, & ultimò disponitur ad gratiam, ergò oportet, quod ipsa potentia etiam sit præstantior simpliciter intellectu. Unde D. Thom. 1. par. q. 82. art. 3. fatetur, quod cognitio eorum quæ infra nos sunt est perfectior amore eorum, respectu verò rerum, quæ supra nos sunt præstantior est amor cognitione, ergo præstantissimus actus voluntatis excedit præstantissimum intellectus, & sic ipsa potentia simpliciter est præstantior. Ab effectu etiam patet. Tum, quia à voluntate simpliciter denominamur boni, vel mali; non ex actu intellectus. Tum, quia inter spiritus angelicos, ordo qui excedit in amore, scilicet Seraphim est simpliciter perfectior reliquis, etiam quam Cherubim, qui excedit in scientia ergo ex amore sumitur maior excellentia inter spiritus, & consequenter inter potentias.

*Ab op-*

## Articulus V. 285

*Ab opposito* denique deducitur quarta ratio. Quia illud est simpliciter perfectius, cuius oppositum est pessimum oppositio enim, & destructio alicuius tanto est deterior, quanto id, quod destruit est excellentius, ergo quando aliquid est pessimum, eius oppositum est optimum. Inter peccata autem, odium Dei, quod directe opponitur charitati est pessimum inter omnia vitia, etiam peius infidelitate, ergo amor eius qui est oppositum est excellentior omni cognitione.

*Oppositam* sententiam tenet S. Thom. prima parte, q. 82. art. tertio, & contra gent. cap. 26. & q. 22. derit. art. 11. videntur est etiam prima parte, q. 26. art. 2. ubi intellectualem operationem dicit esse perfectissimam in qualibet intellectuali naturh, & Caietan. ibi, & q. 82. citata cum alijs interpretibus D. Thom. ad prædicta loca, & Suarez 5. de anima capit. 9. Vazquez 1. 2. disp. 14. capit. 8. Rub. & Conim. in præsentis, & in 2. de anima alijsque plures. Itaque hæc sententia docet intellectum esse perfectiorem simpliciter, quam voluntatem, possetamen voluntatem esse secundum quid perfectiorem. Vocamus autem perfectionem simpliciter potentiae, illam, quæ desumitur ex obiecto secundum modum mouendi, & mutandi potentiam, hoc enim est, quod pertinet ad ipsam substantiam, seu essentiam potestatis quæ essentialiter desumitur ex ordine ad obiectum formaliter consideratum, & sic potentia quæ altiori modo immutatur ab obiecto dicitur habere rationem obiectiuam altiore. Perfectio autem secundum quid provenit ex alijs conditionibus præter istam, & pertinentibus ad obiecta  
mate-

## 286 *Questio XII.*

materialia, vel ad alias conditiones, seu circumstantias extrinsecas præter genus causæ obiectivæ, & specificantis, ut benè aduertit Caiet. i. p. q. 26. citat. art. 2. Itaque respectuè ad rationem specificatiuam potentia, seu obiectiuam reliqua omnia comparantur, ut perfectiones secundum quid.

*Igitur* quod intellectus sit altior voluntate ex vi specificationis obiectivæ, fundatur in eo, quia modus specificandi intellectus est immaterialior, actiuior, & perfectior, quam voluntatis, magisque recedens à potentialitate, & concretionem, ergo potentia ipsa est perfectior. Consequentia optima est, quia immaterialitas est segregatio à materialibus, & potentialibus conditionibus, omnis autem imperfectio fundatur in potentialitate, & materialitate, quæ limitationem, & oppositionem dicit ad actualitatem, ergo quanto aliquis modus obiecti, & potentia est immaterialior, tanto est actualior, & perfectior, quia magis segregatur à potentialitate. Antecedens verò probatur. Quia obiectum intellectus immutat ipsum abstractiori, & immaterialiori modo, quia sic mouet intellectum, ut possit ad omnia penetrare, quæ in obiecto sunt, & sub quocumque statu, & conditione, siue existentia, siue non existentia, præscindendo componendo, diuidendo, &c. Undè dicitur intellectus quasi intus legens, quia usque ad vltima ingreditur quantum est de se, nisi ex defectu luminis, vel specierum impediatur, voluntas autem nihil horum facit, sed factum ab intellectu supponit, & prout sibi propositum fuerit obiectum sic inclinatur, nec ita amplè

## Articulus V. 287

amplè ad omnia se extendit, sed solum ad rationem conuenientis, & licèt feratur in finem per modum intendentis, & mouentis ad illum, tamen hoc ipsum debet prius ab intellecta abstractiori modo attingi, & proponi, aliàs voluntas non mouebitur. Igitur in attingentia obiectiua, primum locum obtinet intellectus, licet in motu quasi applicatiuo, & effectiuo voluntas excedat, sed tamen genus mouendi effectiuè est posterius genere obiectiuo in potentijs, ab obiecto cum sumitur specificatio, motus autem finis, quæ est prima causarum, licèt exerceatur per voluntatem non tamen incipit ab ipsa, sed ab intellectu proponente, & alliciente voluntatem. Vnde constat, quod in genere obiectiuo, & finali intellectus simpliciter est primum mouens, & in attingentia obiectiua primo apprehendit, & attingit obiectum, voluntas autem ex eius apprehensione mouetur, ergo in vi motionis specificatiuæ eminet intellectus supra voluntatem.

Et ita liberius, & abstractius procedit attingendo obiectum sub quocumque statu possibilitatis, vel existentia sub præcisione, vel sub compositione in ordine ad se; vel ad alia, & secundum omnes formalitates reperi- biles in obiecto, voluntas autem solum sub illo statu quo potest allicere, & mouere per modum conuenientis, & secundum aliquem ordinem ad existentiam, & assequibilitatem.

Denique intellectus propinquior est ipsi animæ, & prius sequitur ad illam tanquam prior passio quam voluntas, non tanquam dispositio

ratio ad voluntatem requisita, quin potius voluntas se habet ut inclinatio consecuta ad intellectum ut ad formam, ergo in dignitate, & immaterialitate magis accedit ad naturam animæ intellectus, magisque de illa participat quam voluntas, quanto enim aliqua propria passio immediata est suo principio, seu essentiae à qua sequitur, tanto est perfectior, quia sequens passio dependet ab ipsa, non è contrà, & vnumquodque quanto naturaliter propinquius est suo principio, tanto perfectius est.

*Quod* verò voluntas secundum quid sit altior intellectu, constat ex dictis, quia est primum mouens in genere efficiendi, & applicandi alias potentias quoad exercitum, ergo in hoc genere excedit intellectum, qui solum mouet obiectiue; idque etiam probant argumenta facta in contrarium, ut constabit ex eorum solutione.

*Ad primum* ergo fundamentum in oppositum negatur obiectum voluntatis in formali ratione obiecti, & modo immutandi potentiam esse perfectius, licet in re, & materialiter aliquando sit perfectius. Et cum dicitur, quod obiectum ipsius est bonum & finis, distingo, bonum, & finis prius ab intellectu apprehensus, & mediante ipso regulans, concedo, non apprehensus perfectius in ratione obiecti attingitur sub ratione quidditatis, & consequenter altiori, & abstractiori modo, & sic bonum non est perfectius vtro in ratione immutandi obiectiue potentiam. Quare non est existimandum, quod bonum, & finis, & existentia non pertineat etiam ad intellectum  
sed

sed pertinent altiori modo, quatenus in ratione cuiusdam quidditatis attinguntur, non sub eo modo quo attinguntur à voluntate, scilicet sub exercitio mouentis finaliter, qui motus cum sit alectiuus, & ordinatus ad assequendam rem in esse, minus immaterialis, & abstractus est. Vnde cum etiam bonum, & finis attingantur ab intellectu, modo tamen altiori, non potest fieri ex hoc argumentum ad probandum quod voluntas sit perfectior potentia intellectu. Et hoc expressit S. Thom. prima parte, q. 82. art. 3. ubi inquit: *Quod obiectum intellectus est ipsa ratio boni appetibilis, bonum autem appetibile, cuius ratio est in intellectu, est obiectum voluntatis.* Vbi dicendo quod ratio boni est obiectum intellectus, significat, quod secundum rationem, & quidditatem attingitur ab intellectu, qui est modus altior, & abstractior, à voluntate verò non attingitur ratio boni, idest quidditas, sed motio, & exercitium boni. Nec obstat dicere quod verum est quoddam bonum particulare, & sic est minus in ratione boni ipsa ratione boni vniuersali. Dicitur enim quod etiam bonum est quoddam verum, & sub eo continetur, vnde ad inuicem se continent, & continentur, sed tamen etiam ipsa ratio vniuersalis boni ab intellectu attingitur, vnde ex hac parte non est inferior ipsa voluntate, quia totum quod attingit voluntas, vniuersaliter etiam attingit intellectus sub altiori ratione obiectiua, scilicet sub ratione veri, licet ipsum verum ut res quædam est contineatur sub bono, sicut etià bonum continetur sub vero.

*Ad secundum Respondetur, probare, quod*

voluntas sit altior intellectu in vi causae motiuae, & applicatiuae quoad exercitium, non in vi causae obiectiuae, & specificatiuae, in hoc enim semper est eleuator modus specificandi in obiecto intellectus, quia modo magis immateriali immutat, & hoc est maioris nobilitatis in vi obiectiuae specificationis. Et idem dicitur de formali libertate, & necessitate, hoc enim non pertinet per se ad perfectionem obiectiuae specificationis, sed ad modum mouendi ex parte subiecti, & tandem ipsam formalem libertatem habet voluntas ab intellectu vt à radice participare. Vnde ex hoc non est imperfectior intellectus, sed perfectior radicaliter.

*Ad tertium* quoad primam partem de actu charitatis. *Respondetur* in primis ex Caietan. 1. p. q. 26. art. 2. & q. 82. art. 3. quod charitatis actus non est excellentior perfectissimo actu intellectus qualis est visio beata, oportet autem comparisonem istam actus ad actum semper fieri ex aequo, idest perfectissimi actus vnius potentiae cum perfectissimo actus alterius, non autem cum alijs actibus minus perfectis quos potest vincere charitas. Secundo dicitur, quod actus charitatis est perfectissimus ratione rei attractae, & coniunctionis ad ipsam, non ratione modi specificandi obiectiuae, hic enim in intellectu semper est altior, & abstractior, vt dictum est. Sed tamen potest dici aliquis actus voluntatis simpliciter perfectior actu intellectus, non in modo obiectiuae specificationis, sed in aliquo effectu particulari, quia scilicet aliquod obiectum prout in re contingit esse perfectius, quam

quam in modo intelligendi, & voluntas modo affectiuo tendens ad rem vnitur obiecto, & tangit illud vt est in re, & sic in ratione coniunctionis, & vnionis affectiuæ, perfectior dicitur actus voluntatis, quàm intellectus, quando in obiecto ipso voluto inuenit in re tantam immaterialitatem, & perfectionem vel maiorem quam intellectus. Sed hoc non est ex ipso modo proprio, & intrinseco potentiz, quo tendit ad obiectum, sed ex perfectione ipsa quam obiectum habet in se. Vnde si tale obiectum, immediatè vniatur intellectui vt fit in visione beata, etiam in ratione vnionis erit excellentior actus. Et quando Diu. Thom. dicit amorem rerum superiorum esse nobiliorem cognitione ipsarum, loquitur in sensu valdè formali, scilicet de rebus superioribus quatenus manent in statu superiori ad ipsum intellectum, ita quod non immediatè intellectus coniungitur illis, tunc enim licet ex modo intrinseco potentiz, intellectus altiori, & nobiliori modo procedat, tamen quia non adæquat in coniunctione ad obiectum iste modus, id quod in obiecto est, quia sibi non sufficienter apparet, ideo in ratione coniunctionis manet inferior voluntate siue simpliciter ille voluntatis actus est nobilior, quia coniunctio ad rem nobiliorem, & superiorem semper præminet reliquis omnibus: sicut etiam vnio hypostatica simpliciter est nobilior quocumque actui intellectus, vel voluntatis, quia ad supremum ordinem eleuat, & summè Deo coniungit.

*Ad secundam partem argumen. de effectibus*  
Respond. quod attinet ad primum effectum



scilicet reddere hominem simpliciter bonum quod facit voluntas in intellectu, dicimus, quod ille effectus est in genere morali, non in genere specificationis obiectivæ physicae in quo intellectus supereminet, & de quo solum hic agimus. Vel secundo quod istum effectum moralem rectificandi non habet voluntas ut contraposita intellectui, quia ratione solum debet fieri comparatio, sed ut subiecta regulæ rationis, & ita à ratione participat rectificationem ut à perfectiori principio. Unde non rectificat sola voluntas, sed etiam ratio, idque tanquam perfectius principium, licet non denominetur aliquis simpliciter rectus nisi ab ipsa voluntate, in qua consummatur rectificatio, ut voluntaria, licet inchoetur à ratione ut à regulante. Quoad alium effectum de ordine Seraphinorum, dicimus denominari ab excessu amoris non tanquam à perfectiori simpliciter, & in se, sed à perfectiori quem influunt in alios, vel in quo specialiter excelluerunt in via. Denominatio enim ordinis Hierarchici, potius sumitur ab officio, & manere quod exercent in alios, quam ab eo, quod in se sunt. In alios autem non possunt influere visionem beatam, seu lumen gloriæ, quia gloriam solus Deus dat. Extra visionem autem beatam perfectior est charitas, quam quælibet alia scientia unde cum Seraphim ministrant Deo in perficienda ista virtute in alijs, hinc est quod denominantur ab isto perfectissimo ministerio quasi ardentes, & incendentes.

*Ad ultimum* dicitur, quod odium Dei potest considerari, vel in esse physico ut opponitur

## Articulus VI. 293

nitur amorì, vel inesse morali, vt importat specialem auersionem à Deo in ratione charitatis. Primo modo non est pessimum odium physicè, sic enim peior est priuatio gloriæ, & perpetua damnatio, quæ est maxime elongatio à Deo in termino. At verò secundo modo, pessimum est odium, quia magis directè opponitur conuersioni Dei, quam facit charitas, & sic est magis directa auersio, sed hoc est in genere moris potius, quam in genere amoris physicè cōsideratū; nos autem solum loquimur in genere physico, & obiectiuo, non de perfectione in esse morali.

### ARTICVLVS VI.

*Virum voluntas moueat alias potentias  
imprimendo aliquid reale in  
illas?*

**E**T si in hac difficultate multi sint modi dicendi, præcipuè tamen possunt reduci ad tres sententias.

*Prima* affirmat, quod quando duæ potentia in eadem anima existentes, ita se habent quæ vna subordinatur alteri, & mouetur ab illa tunc non requiritur aliqua motio physica, & realis impressa à potentia mouente in motam, sed sufficere radicationem, & coniunctionem in eadem anima, ratione cuius per naturalem sympathiam, vna potentia operante, vt appetente, alia ei subordinata operatur, & exequitur. Hanc sententiam, aut tenent, aut probabilem reputant plures Authores etiam ex Thomistis, Coniung. 7. Physic. cap. 2. q. 1.

## 294 *Quaestio XII.*

artic. 7. Idque dicunt esse multorum Philosophorum huius temporis. Idem docent 1. Post. cap. 1. quaest. 4. artic. 4. & Vazq. 1. 2. disput. 34. cap. 3. Montefinos 1. 2. quaest. 9. artic. 1. quaest. 4. num. 92. & M. Nauar. 2. tom. in 1. par. quaest. 14. artic. 8. cont. 10. § 4. ad secundam partem argumen. & M. Ledesm. lib. de auxilijs, quaest. vnica artic. 3. pag. 82. quamuis oppositam, vt probabiliorrem admittat pag. 152. & M. Torres, tom. 1. de Relig. quaest. 81. artic. 7. disp. 3. Fuit autem hæc sententia olim Scot. in 2. dist. 42. quaest. vnica conclus. 3. Immò influxum Dei in causas secundas vult Scotus esse per sympathiā, non per qualitatem impressam, sed ex mera subordinatione causæ secundæ ad ipsum. Hanc sympathiam aliqui influxum, seu motionem moralem vocant, sumendo moralitatem pro extrinseca subordinatione, qua nihil ponitur in re mota.

*Secunda sententia* solum agnoscit concurrentem simultaneum voluntatis cum alijs potentijs, ita quod ex voluntate, & potentia inferiori fit quasi vna integra causa, quæ operatur illum effectum, non autem quod aliquid præuium motione sua imprimat voluntas in alijs potentijs ad operandum. Ita Conimbricens. in lib. Ethicorum disput. 4. quaest. 3. articul. 1. & 3. de anima, cap. 13. quaest. 5. art. 3.

*Tertia sententia* fatetur per motionem vnius potentiae n. aliam quæ effectiuè mouet, aliquid reale imprimi in potentia mota, ratione cuius operatur vt subordinata alteri. Hanc sententiam ex Caiet. 2. 2. quaest. 23.

art.

## Articulus VI. 295

art. 8. docet M. Ledesma vbi supra pag. 152. & pro ea etiam videri potest M. Martinez 1. 2. quæst. 9. artic. 1. dub. 3. Idem sentit Magister Torres vbi supra loquendo de actibus elicitis ab vna virtute existente in alia potentia, vt cum religio elicit orationem, fides confessionem vocalem, & similia, secutus in hoc Caiet. 2. 2. quæst. 81. artic. 4. ac denique posse vnâ potentiam, vel habitum vnius potentiaë aliquam impressionem realem ponere per suam motionem in alia potentia, vel habitu, valdè commune est inter Thomistas, immò si qui ponunt motionem per sympathiam, seu radicationem in eadem anima, non tam ex proposito id tractant, quam ponunt differentiam inter motionem Dei in causas secundas, & voluntaris in suas potentias, quod licet ista fiat per sympathiam, & radicationem, illa non nisi per realem motionem.

*Per resolutionem* ex mente Diui Thomæ tradamus, aduertendum est quod motio vnius potentiaë in aliam potest dupliciter intelligi. Primò sic, quod ex tali motione recipiat potentia mota aliquam maiorem virtutem ad producendum effectum aliquem seu perfectionem vltra id quod potest ex propria virtute, sicut cum ex motione charitatis eleuatur fortitudo, vel temperantia non solum ad operandum temperatè, vel fortiter, quod est propriæ virtutis, sed etiam propter Deum supernaturaliter amatum, seu cum habitudine ad illum, quod ex se non poterat, de quo etiam plura exempla statim afferemus. Secundò sic, quod potentia mouens solum applicet, & determinet potentiam

motam inferiorem ad operandum actum sibi proprium, non tamen perfectiorem, aut elevationem, quam sit in se, sicut si voluntas applicet visum ad videndum, & auditum ad audiendum, & nihil amplius; & tunc inquirimus, an potentia mouens imprimat aliquid potentiae motae, ut maneat applicata.

*Dico ergo primò:* quando potentia inferior, vel virtus operatur aliquid ultra proprium modum suum, non quasi habitualiter, & permanenter; sed in aliquo actu ex actuali participatione superioris potentiae, non potest hoc fieri per solam sympathiam, & radicationem in eadem anima, sed per impressionem realem, & physicam à voluntate, vel virtute superiori deriuatam ad inferiorem. Hæc sententia perpetuò docetur à Diuo Thoma qui nusquam meminit illius sympathiae, seu radicationis, sed solum impressionis, diffusionis, virtutis relictæ ex potentia superiori, quæ omnia immutationem realem explicant factam à potentia superiori in inferiori, & aliquid reale in ea relictum quod ad effectum aliquem realem ordinatur. Et in primis pondero illum locum D. Thom. quæst. vigesima secunda de verit. art. 13. ubi inquit: *Quandocunque sunt duo agentia ordinata, secundum agens dupliciter potest agere. Pro modo secundum quod competit suæ naturæ, alio modo secundum quod competit natura superioris agentis, impressio enim superioris agentis manet in inferiori, & ex hoc inferius agens non solum agit actione propria, sed actione superioris agentis, sicut sphaera solis mouetur propria*  
*motu*

motu, qui spatio unius anni expletur, & motu etiam primi mobilis, qui est motus unius diei. Similiter aqua movetur motu proprio tendente in centrum, & habet quendam motum ex impressione lune, quæ movet ipsam, ut patet in fluxu maris. Ratio autem, & voluntas sunt quædam potentie operative ad invicem ordinate. Unde voluntas potest habere duplicem actum, unum qui competit ei secundum suam naturam, in quantum tendit in proprium obiectum absolute, & hic actus attribuitur voluntati simpliciter ut velle, & amare, quamvis ad hunc actum præsupponatur alius rationis à quo proponitur obiectum. Alium verò actum habet, qui competit ei secundum id, quod ex impressione rationis relinquitur in voluntate, cum enim proprium rationis sit ordinare, & conferre, quandocunque in actu voluntatis apparet aliqua collatio, vel ordinatio, talis actus erit voluntatis non absolute, sed ut motæ, & directæ à ratione. Idem docet è converso de actu intellectus ut moto à voluntate, & ex eius impressione speciali operante, in 1. 2. quæst. 17. artic. 1. ubi docet imperium esse actum rationis ut motæ ab efficacia voluntatis. Et hanc virtutem, seu motionem docet esse sicut impulsam, & alterationem in 1. p. quæst. 82. artic. 4. Dicitur, inquit, aliquid movere per modum agentis sicut alterans movet alteratum, & impellens impulsam, & hoc modo voluntas movet intellectum, & omnes vires animæ ut Anselmus dicit. Ita D. Tho.

Quod verò aliqui respondent quod voluntas efficax dicitur impellere, quia eo ipso quod ponitur eius motio efficax sequitur pro-

pter sympathiam de necessitate operatio in alijs pot ntijs. Dicitur etiam voluntas mouere quasi alterans, quia propria operatio alterius potentiae quæ à voluntate mouetur est quædam alteratio perfecta. Sed contra est, quia si voluntas dicitur alterans, vel impellens, quia operatio potentiae motæ ab ea est alteratio, vel quia sequitur effectus in potentia inferiori posita voluntate sine alia motione, ergo relinquit Diuus Thomas in explicatum id quod intendebat explicare, scilicet quomodo ipsa voluntas sit mouens, si enim voluntas dicitur alterans, quia eius effectus in potentia mota alteratio est, restat videre an hunc effectum in potentia mota, voluntas faciat alterando, idest motione aliqua physica vel non, & hoc intendebat ibi Diu. Thom. & proponebat explicare, ergo diminutè procedit, & ab intento diuertit, si proponendo explicare quomodo voluntas moueat, solum explicat quod eius effectus ponatur in potentia inferiori, vel quod sit alteratio in potentia mota.

*Secundò* videndus est Diuus Thomas in 3. distin. 23. quæst. 4. artic. 1. vbi docet virtutes motas à voluntate ab ea recipere formam aliquam ipsius, secundum quod omne mouens, & agens imprimit suam similitudinem in motis, & patientibus. Et ibidem distinct. 27. quæst. 2. art. 4. quæstiuncula 3. od. 5. inquit: *Quod unaquæque virtus quæ est in inferiori potentia habet quandam formam quæ est virtus ex participatione superioris potentie, sed formam, quæ est hæc virtus habet ex natura propriae potentie per determinationem ad pro-*

proprium obiectum, & hanc formam, & modum ponit virtus circa suum actum, & iterum illam formam, & modum quem habet ex superiori. Quod verò istud quod habet ex superiori sit aliquid intrinsecum, & reale inferiori, aperte dicit D. Thom. quæst. 14. de verit. articuli 3. ad 4. ubi inquit: *Quod id quod ex charitate relinquitur in fide est fide intrinsecum*, constat autem charitatem mouere fidem, ergo motio ista, & impressio potentie mouentis in potentiam motam non potest apud Diuum Thomam explicari per sympathiam, & colligationem potentiarum in anima, quæ nihil imprimit intrinsecum in potentia mota, nec formam aliquam participatam à superiori vt in effectum suo illam imprimat, ergo secundum D. Thomam motio potentie superioris per impressionem nouam fit, non per sympathiam.

Denique D. Thom. 1. par. quæst. 56. art. 2. dicit: *Quod una virtus pertinere potest ad plures potentias, ita quod in una sit principaliter, & se extendat ad alias per modum diffusionis, vel per modum dispositionis secundum quod una potentia mouetur ab alia, & secundum quod una potentia accipit ab alia.* Ergo non ex colligatione in eadem essentia, sed ex extensione per modum alicuius diffusionis, vel dispositionis dicitur una potentia mouere aliam.

**Fundamentum** conclusionis sumitur ex dictis, quia vt constat in exemplis allatis à D. Thoma quæst. illa 22. de veritate, aliquando virtus inferior habet elicere actum physicè, & realiter non solum secundum virtutem.



propriam, & connaturalem, sed etiam secundu-  
 dum virtutem participatam à superiori po-  
 tentia, sed ad hoc non sufficit sympathia, &  
 colligatio naturalis potentiarum in vna na-  
 tura, nec sola extrinseca coniunctio, & assi-  
 stentia potentiae superioris ad inferiorem,  
 ergo necessaria est motio, seu impressio rea-  
 lis de nouo facta. Maior constat exemplis  
 illis D. Thom. de mari fluente, & refluxente  
 ex impressione Lunæ, de sphaëris inferioribus  
 raptis à primo mobili, de voluntate non sim-  
 plici modo volente, sed cum aliqua collatio-  
 ne, & comparisonem ex participatione di-  
 scursus. Minor verò probatur, quia illa sym-  
 pathia, & colligatio potentiarum neque im-  
 mutat potentiam inferiorem in se, aliquid de  
 nouo illi addendo, & confortando ipsam,  
 neque in sua radice, hoc est in ipsa natura,  
 quia vt supponit hæc sententia quando supe-  
 rior potentia operatur, nulla realis mutatio  
 fit in inferiori potentia ex tali operatione,  
 & multò minus in ipsa natura, quæ est eius  
 radix, aut in vnione potentiarum, si enim  
 natura, vel vnio mutatur realiter, cur non  
 multò melius ipsa potentia seu virtus? Solum  
 ergo fit mutatio in ipsa potentia superiori ope-  
 rante, cuius actu posito sine alia mutatione  
 sed solum per naturalem colligationem alte-  
 rius potentiae sequitur actus in inferiori, &  
 sic actus superior purè concomitanter se ha-  
 bet, non verò realiter perficit naturam, vel  
 inferiorem potentiam. Sed potentia, quæ  
 nec in se, nec in sua radice immutatur, non  
 potest perfectiorem, & excellentiorem effe-  
 ctum elicere quam ante, siquidem à causa creata  
 eodem

eodem modo se habente, sequitur idem effectus, ergo si realiter, & physicè maior, & excellentior effectus progreditur ab inferiori, quam eius connaturalis virtus possit ex se, necessario à superiori debet perfici, & immutari realiter.

*Confirmatur* hoc, quia virtus inferior ex colligatione in eadem natura, & radice cum potentia superiori, vel habet maiorem perfectionem permanentem, & perpetuò, sicut calor in animali habet generare carnem, imaginatiua in homine discurre, & tunc non ex colligatione ad potentiam superiorem, ut operantem hic, & nunc, sed ex ipsa prima emanatione à natura accipit illam maiorem virtutem, & perfectionem. Vel potentia inferior non ex ipsa prima emanatione, sed ex operatione, & motione superioris hic, & nunc facta habet perfectius operari, in quo casu loquimur in præfenti, & ad hoc non sufficit sympathia, seu colligatio potentiarum, sed requiritur noua aliqua immutatio, & impressio in potentia inferiori, quæ illi virtutem addat, seu ad perfectiorem effectum realiter virtuosiores reddat, eo quod effectus ipse perfectior debet realiter exire à tali virtute inferiori, in illo autem principio à quo exit immediatè effectus aliquis, oportet esse proportionem cum tali effectui exeunte; sola autem unio, vel colligatio potentiarum in eadem natura non facit maiorem proportionem in potentia quoad hunc effectum determinatum, quia illa unio, & colligatio semper manet eadem, & de se indifferens est ad omnes effectus potentiarum, ergo ex vi illius præ-

præcisè non potest reddi virtuosior potentia inferior, quando solum existente motione, & operatione causæ superioris, inferior perfectius operatur, & non ex dimanatione prima à tali natura redditur potentia illa perfectior. Denique hæc sympathia non potest intelligi sufficiens pro potentijs quæ non despotice seruiunt voluntati, sed cum aliqua resistentia, ex sola enim colligatione, & conjunctione ad ipsam non flectuntur eius imperio, sed resistere possunt, ergo indigent motione aliqua, & impressione vincente earum resistentiam.

*Dico secundo.* Etiam motio superioris potentia, quæ tantum applicat inferiorem ad agendum secundum eius virtutem propriam, nec aliam maiorem superaddit, non fit per solam sympathiam, & colligationem potentiarum in vna natura, sed per realem impressionem, & immutationem in ipsam. Hæc conclusio sumitur ex eisdem ferè locis Divi Thom. allegatis, quia in pluribus eorum loquitur de potentia superiori applicante, & imperante tantum inferiori, non virtutem de nouo operatiuam ei communicante, & præsertim videri potest 1. 2. quæst. 10. art. 1. & 1. par. quæst. 82. artic. 4. & in locis supracitatis, ubi loquitur de motione charitatis imperantis.

*Ratio*, & fundamentum est, quia diuerso modo exeunt actiones ab inferiori potentia, quando subordinatur in sua applicatione, & exercitio voluntati, quam si non subordinaretur, ergo non solum quando confertur noua virtus, sed quando virtus propria exercetur,

tur, & applicatur ad actum, oportet intrinsecè, & realiter perfici potentiam ut tali modo exeat actus. Consequentia patet, quia talis modus non affigitur actui producto ab extrinseco, sed cum illo nascitur ex sua potentia, & ita præsупponit in potentia principium sufficiens ad producendum illum, hoc autem non habet nisi ex superioris potentiae applicatione, ergo. Antecedens primum probatur, quia cum illae potentiae exercent suos actus ut imperatae, & applicatae à potentia superiori, exeunt cum aliqua nova habitudine, tum ad finem potentiae imperantis, tum ad ipsam efficientiam potentiae imperantis. Ad finem quidem, quia iste actus imperatus & procedens à potentia inferiori, hoc ipso quod ex illo imperio procedit, subordinatur illi fini superioris potentiae, sicut cum actus temperantiae sit propter charitatem, subordinatur fini charitatis, & recipit mercedem charitatis, induit ergo habitudinem aliquam ad talem finem, & sicut respicit realiter obiectum suum, ita, & finem sibi appositum qui ut circumstantia finis se habet, illique subordinatur obiectum. Ad efficientiam autem potentiae imperantis, quia egreditur ille actus ut voluntarius, & mobilis ad nutum voluntatis, vel virtutis imperantis, à quo potest cohiberi, vel emitti, quod non habent alij actus ei non subiecti, ut actus nutritivae, vel augmentativae, ergo diversâ habitudine respicit iste actus voluntatem imperantem & applicantem, quam actus qui ei non subduntur, nec ab ea possunt cohiberi, vel omit-  
ti. Et iste respectus non est rationis, sed rea-  
lis,

lis, verè enim, & in re detinet voluntas aliquos actus aliarum potentiarum, & ad libitum vitur, quibusdam despoticè ad nutum, quibusdam cum resistantia, ergo non est cur istæ habitudines non sint reales, fundamentum enim, & terminus reales sunt, scilicet potentia illæ, & actus, vsus, & detentio, vel cohibitio voluntatis, quæ in re fiunt, cur ergo non fundabunt respectum realem? & sic actus progrediens cum tali respectu, vel sine illo, diuerso modo immutatus exit à sua potentia.

Nec potest hic locum habere illa sympathia seu colligatio potentiarum, hæc enim vnio potentiarum non est sufficiens ad determinandam potentiam inferiorem magis modo quam ante ad eliciendum voluntariè actus suos, & dirigendum ad talem finem potius quàm ad alium, siquidem vnio illa naturalis est, & eodem modo semper se habens, & perseuerans, & communis seu indifferens ad omnes potentias quæ sunt in anima, & ad actus earum, ex quo ergo principio determinatur ista potentia, & actus ad faciendum actum tali modo, & cum habitudine ad talem finem, & quod fiat cum tali applicatione, aut intentione, vel impulsu, &c. si ipsa operatio voluntatis nihil immutat in potentia illa inferiori, nec realiter determinat, cum tamen indifferens sit? Nec vnio illa, & colligatio potentiarum ad positionem actus potentia superioris est principium determinandi, & applicandi inferiorem potentiam, quia cum ipsa vnio, & colligatio etiam communis, & indifferens sit de se ad omnes actus, & potentias,

tias, restat de ea eadem difficultas, à quo principio determinetur, siquidem actus potentiae superioris non ponit aliquid, nec determinat ipsam unionem, sicut neque potentiam, est enim eadem ratio de potentia inferiori, & de unionem ipsa.

Denique sympathia ista non operatur nisi per modum naturalis sequelae, & connexionis ut dicunt Authores oppositi, & specialiter Montefinos loco citato. Naturalis autem sequela non habet locum in his, quae fiunt ex libero imperio voluntatis siquidem actus potentiae inferioris non se habet ut propria passio consecuta ad positionem superioris, nec egreditur ab ipsa superiori potentia per emanationem, sed elicitur ab inferiori potentia ex applicatione superioris, non ergo habet hic locum naturalis sequela, non enim procedit ille actus ut consecutus naturaliter, sed vortus, & elicitus ab inferiori, convenientius ergo ponitur ex impressione, & motione superioris oriri, quam naturali sequela consequi.

Quod verò dicunt aliqui sufficere concurrentem simultaneum voluntatis cum potentijs inferioribus in effectum suum, nec requiri motionem illam applicantem, non habet locum in praesenti, primò ex generali ratione quia simultaneus concursus non est in causam, sed in effectum, vnde potest convenire etiam causis non subordinatis sicut duo portantes lapidem habent simultaneum concurrentem in ipsum motum, non unus subordinatur, & applicatur ab alio in operando. Itaque aliud

aliua est dependere causam vt consequatur effectum, seu vt effectus ponatur ab alia causa, aliud est subordinari alteri causæ, & esse inferiorem illa in causando. Ad primam dependentiam sufficit concursus simultaneus diuersarum causarum, immò etiam dependet causa ab applicatione, & reliquis conditionibus sine quibus non causat, nec tamen subordinatur illis vt causa inferior, sed ad hoc requiritur, vt causa superior moueat, & applicet inferiorem vt causet, non in effectum solummodo influat. Deinde ille simultaneus influxus non habet locum in præsentì, quia voluntas non potest partialem influxum habere in actum intellectus, aut appetitus, cum eius influxus, & actus solum sit volitio, non autem partialiter potest intellectuum actum elicere. Si ergo nihil est intellectus etiam partialiter à voluntate, sed totum ab intellectu, quomodo intelligi potest quod simultaneo concursu influat in actum intellectus, vel vltèrius potentia, quam mouet sicut duo portantes lapidem quorum vterque aliquid motus elicit? Multo minus potest intelligi, quod voluntatis influxus simultaneus non sit partialis cum influxu aliarum potentiarum, sed identificatus cum illo, ita vt sit totaliter ab intellectu, & totaliter à voluntate. Hoc enim esse non potest nisi sit sicut causa prima eius radix in operando. Vnde nihil etiam partialiter potest esse à causa secunda, quod non sit etiam à prima. Nulla autem causa creata potest ita sibi subordinare causam inferiorem, vt nec partialem concursum habere possit qui non egrediatur ab inferiori, quia  
nulli

## Articulus VI. 307

nulli causæ creatæ subordinatur alia in omni ratione entis. Quod si talis dependentia datur in causa inferiori respectu superioris, multò magis oportebit determinari à causa superiori, & applicari ad agendum per motionem in ipsam causam, vtpotè sibi omni modo subordinatam ad operandum. Vndè per hunc modum simultanei concursus non evitatur præmotius, sed fundatur.

### SOLVUNTUR ARGUMENTA.

**P**rimò arguitur ex P. Vazquez disp. illa 34. ubi supra. Quando aliqua causa secunda habet propriam virtutem sufficientem, & concursum causæ primæ, nec nova ratio in effecta resultat, quæcumque alia causa accedat superuacanea est, nec omninò conducit ad eam actionem, sed in alijs potentijs est integrum principium ad producendas suas operationes secundum omnem rationem quæ in illis reperitur, ergo quantocumque voluntas velit in eas physicè influere, superuacue se habebit. Maior est per se nota, quia quod integrè fit ab vna causa secunda, non potest naturaliter fieri simul ab alia, superuacue ergo talis causa accedit ad producendum talem effectum, nec oppositum in aliquo exemplo constare potest. Minor probatur, quia intellectus, vbi gratia, aut sensus posito lumine, & specie est integrum principium producendi suas operationes, ergo tales potentie possunt integrè suas operationes producere.

*Confirmatur*, quia plures potentie sunt in nobis.



nobis quarum vna sine alia non potest, vt intellectus non potest operari sine sensu, nec sensus exterior sine interiori, vt patet in dormientibus, aut non attendentibus, ligatis enim sensibus internis, nihil per externos sentimus, & tamen nihil reale influunt istæ potentie in alias postquam sunt actuatae sua virtute requisita, & specie, ergo neque oportebit voluntatem influere in alias potentias etiam si sine illa operari non possint, alioquin ubique vna potentia sine alia non posset operari, deberet præmouere illam, & influere in eam.

*Respondetur*, distinguendo maiorem, & minorem argumenti. Ad maiorem; quod fit integrè ab vna causa non potest ab alia naturaliter fieri, distingo, quod fit integrè in omni genere, tam quoad specificationem, quam quoad exercitium, concedo: quod fit integrè in suo genere, sed non quoad aliquam conditionem, verbi gratia, quoad applicationem, vel quoad aliquem modum, aut perfectionem, altioris virtutis non indiget altera causa, vel mouente, vel perficiente, aut eleuante, aut applicante, nego. Ad minorem, potentia inferior habent sufficiens principium ad operandum distingo, ad operandum intra suum genus ex parte specificationis, concedo; ex parte exercitij, seu applicationis ad operandum, vel operandum iuxta participationem alterius potentie, nego. Et licet concursus diuinus sufficiat ad applicandum causam secundam, tamen quia non tollit leges, & subordinationem aliarum causarum, quas non venit soluere, sed adimplere, ideo etiam alia  
causæ

causæ superiores, quæ mouent inferiores ad operandum sua motione, & influxu aliquid imprimunt causis inferioribus, vt applicent eas ad operandum. Nec valet responsio Vazquez quod cœlum solum influit in hæc inferiora tollendo ea, quæ impedire possunt operationem causarum secundarum, & applicando ea quæ disponere possunt, non autem per se influendo in ipsas causas inferiores. Sed tamen hoc mirum est, quod cœlum potest applicare causas disponentes, & remouere impediētes, & applicare non possit per se operantes? Nam illa applicatio in causas disponentes, quomodo est à cœlo nisi motu suo imprimat aliquid in ipsas? Si verò imprimit cur etiam non poterit imprimere aliquid in causas per se operantes? præsertim in illis effectibus, qui excedunt propriam virtutem causæ inferioris, & ex particulari virtute cœli procedere debent, vt quod mare fluat, & refluat ex impressione lunæ, quod aquæ ascendant ad montes, quod fiant comete, vel aliæ similes impressiones à cœlesti virtute productæ, quæ non solum fiant per remotionem impedimentorum, sed per positiuam communicationem virtutis ad illos effectus occultos, & excedentes.

*Ad confirmationem* negatur minor in eo in quo vna causa dependet ab alterius operatione. Et ad probationem dicimus, quod intellectus ad intelligendum non oportet, quod accipiat à phantasmatis nisi in eo genere, in quo dependet, scilicet obiectiue, efficienter enim dependet ab intellectu agente producente species ex phantasmate

tan-

## 310 - *Questio XII.*

tanquam ex obiecto , & in isto genere aliquid imprimitur intellectui , scilicet species , & rursus vt intellectus actu intelligat , requiritur quod conuertatur ad phantasmata, sed non indiget alio influxu , quia nec aliam habet dependentiam à phantasma-  
te .

Similiter sensus exteriores dependent ab interioribus non absolutè vt applicentur ad operandum , sed quantum ad subministrationem spirituum animalium , sine quibus non exercetur sensatio , vt patet in dormientibus ; sed communicatio istorum spirituum , quæ realis est , non fit per actum sensus interni , qui est cognitio , sed per subministrationem à virtute naturali effectiuam eorum , quæ illos distribuit ad sensus . Vel dependent sensus externi ab internis non in ipsa elicientia sensationis , sed in iudicio , quod formatur de illis in sensu communi , vbi consumatur tota sensatio externa , vnde qui est distractus reuera videt , & sentit externè , sed non aduertit , quia non iudicat , & ita quantum ad hoc iudicium dependent sensus externi ab internis non quantum ad ipsam visionem , vel sensationem quam eliciunt .

*Secundo arguitur .* Quia voluntas solum habet operationem immanentem , ergo extra se non efficit aliquem effectum ; patet consequentia , quia alias illa actio esset transiens , & non immanens in ipso agente . Antecedens autem probatur quia non potest voluntas operari aliquem actum , qui non sit velle , seu appetere , volitio autem , seu appetentia solum , est actus immanens denominans volentem

ergo

ergo solum potest operari operatione immanente. Quod si dicatur illam volitionem denominare volentem ipsa voluntatem in qua existit, & à qua elicitur, cæterum effectivè posse aliquid imprimere per modum transeuntis in alia potentia, quæ non reddatur volens, sed voluntarie applicata ad operandum. Contra est, quia ista virtus non est explicabile quid sit, ut sequenti argumento ponderabimus. Et deinde redit argumentum, quia ista virtus derivari debet media volitione, illa autem volitio est actus immanens, & sic non potest operari in alias potentias, solum enim operatur ubi est, ad operandum autem extra se requiritur actio transiens.

*Respons.* aliquos tenere quod voluntas non solum est elicitiva actus immanentis, sed etiam transeuntis ab eo distincti, ut sentit Caiet. 3. de anima cap. 6. Oppositum verò sentit Ferr. 2. contra gent. cap. 82. & Capreol. in 2. quest. 1. q. 2. ad argumenta Aureoli contra primam conclusionem. Et hoc probabilius videtur. Dicimus ergo actionem immanentem virtualiter esse transeuntem, & posse habere aliquem effectum extra se, eo quod actus immanens est eminentior transeunte, cum naturaliter sit directivus illius; actio enim transiens est actio executiva, immanens verò imperativa, & directiva, per voluntatem enim & intellectum dirigimus ea, quæ agenda sunt unde potentia immanenter operantes naturaliter sunt digniores potentis operantibus transeunter, illasque subordinant sibi. Quare actus immanens eminentior est transeunte in dirigendo, & sic eminenter, & virtualiter potest

potest transeunter agere vt conueniente  
 possit potentias inferiores mouere directione  
 sua. Et hoc sumitur ex D. Thom. in opuscul.  
 11. art. vbi dicit : *Quod Angeli non possunt mo-  
 uere aliquod corpus per contactum quantitatis  
 um sine incorporei, sed per contactum virtu-  
 tis : nihil autem in Angelis est aliud quam eorum  
 intellectus cum, & ipsi à Dionysio intellectus,  
 vel mentes nominantur, unde eorum motione,  
 à virtute intellectus procedunt : ipsa autem  
 conceptio intellectus secundum quod habet effi-  
 caciā transmutandi aliquid, imperium nomi-  
 natur. Unde si mouent, nullo modo, nisi per im-  
 perium mouere possunt.* Ita D. Thom. qui lo-  
 cus satis manifestus est. Idem probatur ex-  
 perientia sensuum interiorum, videmus enim  
 ad considerationem rei appetibilis immutari  
 sensibiliter corpus, vel concupiscendo, vel ira-  
 scendo, ergo imaginatio vim habet immutan-  
 di, seu mouendi spiritus qui motu suo etiam  
 sanguinem mouent. Nec posset vnus sensus  
 emittere species in alios nisi actus eius qui in-  
 manens est vim haberet producendi transeun-  
 ter tales species, & mouendi spiritus animales  
 quibus insident species ipsæ intentionales.  
 Quare actus appetendi immanens est, & red-  
 dit potentiam volentem, sed habet pro effe-  
 ctu vltiori talis volitionis motum aliquem,  
 seu impressionem causatam in potentia infe-  
 riori, quæ non reddit illam volentem forma-  
 liter, sed ministerialiter, id est subordinatam, &  
 ministrantem appetitui, seu voluntati in suis  
 actibus.

*Ad replicam* verò Respond. illam virtutem  
 cui impressionem emanare medio actu voli-  
 tionis

tionis, qui licet habeat terminum immanentem intra se, tamen quia virtualiter est transiens, potest ulterius habere effectum in aliquo extra se, nec enim repugnat vnum actum habere plures effectus ordinatè se habentes. Et coniungitur seu tangit voluntas potentiam quam mouet virtualiter, nam cum mouet intellectum æquè immediatè est in anima intellectus quam voluntas, & sic potest immediatè mouere ipsum. Quod si motus corpo ali modo faciendus sit, vt cum phantasia mouet appetitum, hoc fit mediantibus spiritibus animalibus qui mouentur ab ipsis sensibus non solum vt in illis communicentur species intentionales, sed vt moueatur appetitus sensitivus quatenus motis spiritibus mouetur sanguis, & sic peruenire potest motio illa ad locum appetitus, qui est in corde, vel hepate.

*Tertiò arguitur*, quia non potest explicari quid sit illa impressio realis, quam potentia superior ponit in inferiori; nam in primis non est qualitas, præsertim in motione, quæ solum applicatur potentia inferior ad exercitiũ operationis, nam qualitas non inclinatur nisi ad qualitatem similem, ergo ponere qualitatem solum pro exercitio operis, & non pro aliqua specie facienda omnino fictitium est. Pateat consequentia, quia illa qualitas cum sit derivata à voluntate, v. g. in intellectum, debet in intellectu ponere aliquid simile ipsi voluntati, seu modo voluntatis, quidquid autem in operatione intellectus relucet siue, quoad speciem, siue quoad indiuiduationem, siue quoad vitalitatem vel intensionem, totum est generis apprehensivi non volitivi. Secundo non potest esse aliquis modus quo

denominetur ille actus voluntarius aut liber, quia hoc solum pertinet ad extrinsecam denominationem; pendet enim ex hoc solum quod detur advertentia in ratione, qua posita actus qui ante non erat liber, redditur liber. Hoc autem nihil intrinsecum in eo ponit. Nec est modus aliquis applicationis vel coniunctionis, aut propinquitatis, quia semper illa potentiae sunt coniunctae, & applicatae in eadem anima, & super hoc additur alius modus, & non explicatur quid sit. Nec est aliqua relatio, tum quia haec per se non est activa, tum quia requirit novum fundamentum ut consurgat, & hoc oportet explicare quid sit. Nec denique ponit solum influxum simultaneum in effectum, hic enim non est in potentiam ut reddat eam motam, & applicatam, sed in effectum ut reddatur productus.

*Respondetur* virtutem illam, seu motum causae superioris in inferiorem numquam se habere per modum qualitatis permanentis, & habitualis, quia potentia inferior non manet permanentiter, & habitualiter ordinata ad illam operationem vel applicationem, sed quando causa superior voluerit, & ita solum per modum transeuntis potest illa motio illi dari, quando scilicet applicaverit causa superior; & duraverit eius motio. Est ergo illa motio qualitas aliqua per modum transeuntis, sicut causa prima inquit in causis secundis, & causa principalis in instrumentalem, idque vocat S. Thom. quod sit aliquid per modum diffusionis, & dispositionis, secundum quod una potentia movetur ab alia, & accipit ab alia; sicut dicitur 1. 2. q. 56. ar. 6. Et haec dispositio seu diffusio respicit aliquam peculiarem  
ratio-

## Articulus VI. 315

rationem in actu potentiae inferioris, & motu  
relucentem, verbi gratia, voluntas mouetur  
ab intellectu, & participat ab ipso non solum  
elicere volitionem quoad substantiam ipsius  
velle, sed etiam quoad modum, v. gratia quod  
modo collatio velit, & similiter intellectus  
motus à voluntate non solum habet produ-  
cere intellectionem, sed cum tali modo scili-  
cet cum efficacia mouendi, & applicando in  
exercitio; quod ex se non habet intellectus,  
sed participatiuè à voluntate, quæ est primum  
in genere mouentium efficaciter quoad exer-  
citium, & sic imprimit intellectui vnde pro-  
ducatur actus suos, cum efficacia mouendi alia  
vt docet D. Tho. q. 22. de verit. art. 13. Quod  
si tantum applicet voluntas potentias inferio-  
res ad actus proprios, tunc motio voluntatis  
non ponit aliquid in potentia inferiori perti-  
nens ad virtutem pro nouo effectu faciendo  
qui excedat propriam virtutem, sed ad facien-  
dum proprium suum actum cum nouo mo-  
do, idest cum subiectione ad potentiam supe-  
riorem, seu ad voluntatem, & similiter cum  
habitudine, & ordine ad finem aliquem de-  
terminatum sibi præstitum à superiori, & hæc  
subiectio seu actualis subordinatio, aliqua no-  
ua habitudo est in inferiori actu respectu su-  
perioris, requiritque aliquem nouum modum,  
seu mutationem in tali actu, qui modus seu  
habitudo cum afficiat ipsum actum intrinse-  
cè, oportet quod cum eo egrediatur, & paria-  
tur à potentia à qua immediate exit, & sic sup-  
ponat in ipsa potentia inferiori sufficiens prin-  
cipium, & rationem præbendi istas habi-  
tudines, & formandi actus cum illis, & hoc



## 316 *Questio XII.*

à superioris potentiae motione debet haberi.  
*Ultimò arguitur*, quia voluntas non mouet,  
 nec applicat alias potentias nisi per imperium,  
 sed imperium non potest aliquid reale imprimere  
 potentijs imperatis ergo. Maior à nobis  
 conceditur, voluntas enim mouet, vt superior, &  
 vt imperans.

*Minor probatur*, quia imperium formaliter  
 est actus intellectus non voluntatis, vt docet  
 S. Thom. prima secundae quaest. 17. art. 1. actus  
 autem intellectus nihil reale ponit in alijs po-  
 tentijs, solum enim denunciat, & aduertit;  
 quid agendum sit, hæc autem aduertentia ni-  
 hil reale ponit in alijs nisi rem esse cognitam, &  
 denunciata.

*Et confirmatur*, quia in brutis non datur impe-  
 rium vt ibidem determinat S. Thom. art. 2. ergo  
 non poterunt applicari aliæ potentiae ab appeti-  
 tu sensitivo mediante phantasia, immèdiatè au-  
 tem non apparet quomodo ex ipso actu appeti-  
 tus deriuetur virtus aliqua ad alias potentias.

*Respondetur*, admittendo quod voluntas  
 non mouet nisi mediante imperio; vnde dicit  
 S. Thom. quaest. 17. cit. artic. 2. ad 1. *Quod vis*  
*appetitiua dicitur imperare motum in quantum*  
*mouet rationem imperantem*; immò illæ solum  
 potentiae mouentur à voluntate quæ ex ap-  
 prehensione natæ sunt moueri. Et videmus  
 quod deficiente aduertentia etiam postquam  
 quis voluit, & eligit, nulla potentia inferior  
 mouetur ad executionem. Ad minorem  
 ergo negamus quod imperium seu actus præ-  
 cticus intellectus non habeat vim mouendi  
 alias potentias, & imprimendi aliquid in illas,  
 non vt præcisè cognitio est aduertentia, sed vt  
 effica-

efficaciam habet ex motione voluntatis sibi adiuncta, & ex motione voluntatis sibi communicata, iam enim ut diximus ex D. Thom. 14. de verit. art. 5. ad 4. constat quod charitas quæ est in voluntate imprimit aliquid intrinsecum fidei quæ est in intellectu, & ex his quæ docet 22. de verit. art. 13. & alijs locis supra allatis etiam constat voluntatem mouere intellectum, & aliquid illi imprimere. Deinde verò intellectus motus à voluntate potest mouere alias potentias, tum voluntatem ipsam, quæ sibi coniuncta, & immediata est in anima; tum imaginatiuam quæ intellectui subordinatur, sicut particulare agens vniuersaliori, sicut corpus cœli motui Angeli, & per imaginatiuam corporali modo mouetur appetitus, deinde membra; sic enim ab intellectu per imperium moueri sensitiuum appetitiuum docet S. Thom. 1. 2. q. 17. art. 7. præsertim ad secundum, & ex illa motione per imperium rationis, & motionem imaginatiuæ in appetitum sequi aliquam qualitatem quæ ex motu locali cordis consequitur, apertè ibi affirmant.

*Ad confirm. respondetur*, Quod bruta, licet non habeant imperium quantum ad id, quod imperium dicit de collatione, & ordinatione vnius ad alterum, quod rationis est, benè tamen quantum ad id, quod dicit de efficacia, & impetu mouente, & ita appetitus sensitiuus in eis mouetur ab apprehensione faciente imperium ex instinctu naturæ non ex ordinatione rationis, illi autem apprehensioni efficaci non potest resistere appetitus, sed statim mouet cor, & inde alias vires, quæ ad motum pertinent.

## ARTICVLVS VII.

*Utrum dicatur potentia loco motiua distincta ab appetitu, & quomodo inueniatur in anima separata?*

**L**Oquimur de potentia loco motiua quantum ad motum progressiuum, qui solus ab apprehensione dependet, motus enim naturalis ut fit in corde, vel in graui, & leui non dependet ab appetitu, neque ab apprehensione. De potentia ergo loco motiua secundum motum progressiuum est duplex sententia etiam inter Thomistas.

*Prima* affirmat motum hunc elici actiue ab ipso appetitu, non verò ab ipsis membris, sed in illis recipi si rectè sunt disposita ad recipiendum motum, & sic membra non mouentur, sed mouentur à principaliori membro, in quo est appetitus nempe à corde. Quæ sententia sumitur ex Caiet. 3. de anima, c. 62. alias 10 & Ferr. 2. cont. gen. c. 82. & eam probabiliorem reputat M. Ban. 1. q. p. 78. ar. dub. 1.

*Fundamentum* sumitur, tum ex autoritate, tum ratione, Autoritate, quia ita sentire videtur D. Thom. 1. p. q. 75. art. 3. ad 5. ubi inquit: *Quod alia vis motiua est exequens motum per quam membra redduntur habilia ad obediendum appetitui, cuius actus non est mouere, sed moueri.* Et 2. contra gentes, cap. 82. in fine inquit: *Quod virtus, quæ dicitur exequens motum facit membra esse obediens imperio appetitus, unde magis sunt virtutes perficientes corpus ad moueri, quam virtutes mouentes.* Consonat Aristotel. 3. de anim. text. 48. & 54. ubi docet:

*Quod*

*Quod appetitus est id quo animal mouet, id uero quod mouetur est animal, organum uero motus aliquid corporeum est. Et de eodem uideri potest in lib. de motu animal. lect. 4. apud D. Tho. ubi dicit: Principia mouētia esse phantasiā, intellectum, electionem, uoluntatem, & concupiscētiā.*

*Ratione probatur: quia ad motum progressum non requiritur aliud principium eliciens motum, quam principium impellens, impulsus autem quædam inclinatio est, & appetitus, nec requiritur ad hoc, aliud principium elicitium, ex parte autem membrorum sufficitabilitas ad recipiendum hunc impulsus his enim de rebus positus, sequitur motus, & quodcunque aliud principium eliciens superfluum uidetur. Ad hæc uidemus variari motum ad quamlibet variationem appetitus siue quoad uerementiam impulsus, siue quoad modum, & figuram motus. Conueniens etiam est quod eadem potentia, quæ est inclinatiua ad motum sit affectiua eius, ad quod inclinat, affectio autem fit per motum, ergo motus est effectus potentæ inclinantis, quæ utique est appetitus.*

*Oppositum tenent plures authores, ut Nazarius 1. par. q. 54. art. 5. qui citat pro se, Zumel. Caiet. Ripam, & alios, sequitur etiam P. Suarez lib. 5. de anima, cap. 10.*

*Fundamentum sumitur etiam ab authoritate, & ratione. Authoritate D. Thom. qui semper distinguit potentiam executiuam motus à potentia appetitiua; illique aliquam actionem tribuit, licet cum subiectione, & obedientia ad appetitum, quas potentias in illis ipsius locis pro opposita sententia citatis agnoscit distinguens unam ut imperantem, aliam ut*

exequentem, licet hæc, quia mouet vt mota, magis videatur moueri, quam mouere. Et expressius 1. p. q. 78. art. 1. ad 4. dicitur quod sensus, & appetitus in quantum huiusmodi non sufficiunt ad mouendum nisi superaddatur eis virtus aliqua, nam in immobilibus animalibus est sensus, & appetitus, non tamen habent vim motuam. Hæc autem vis motiua non solum est in appetitu, & sensu vt imperante motui, sed etiam est in ipsis partibus corporis, vt sint habilia ad obediendum appetitui animæ mouentis. Et eandem virtutem distinctam à voluntate videtur agnoscere in Angelis q. 6. de potent. art. 3. ad 2. & in quæst. de anima art. 13. ad 13. Et actionem distinctam ei tribuit in 2. contra gent. cap. 36. *In nobis, inquit, actio virtutis motiua est media inter actum voluntatis, & effectum, vt in præcedentibus ostensum est* Denique opusc. 43. cap. 5. distinguit vim exequentem motum ab imperante, & dicit: *Quod vis exequens est vis exterior, quæ diffusa est in musculis, & lacertis, & nervis membrorum.* Aristot. etiam loci citatis ab opposita sententia, aliquod organum corporeum ponit pro principio motus distincto ab appetitu.

*Ex ratione* etiam sumitur fundamentum: Quia virtus illa, quæ ponitur in membris ad obediendum appetitui, licet illi subordinetur verè tamen vitalis est, ergo non potest esse merè passiuæ, sed oportet quod sit actiue mouens, seu eliciens. Anteced. prob. quia illa virtus non requiritur præcisè vt motus recipiatur passiuè, & inhæreat in subiecto, ad solam enim inhærentiam impulsus, non requiritur virtus aliqua, & qualitas cui immediatè

inhæ-

inhæreat, sicut in lapide videmus recipi inhæ-  
siuè impulsu sine hoc quod præsupponatur  
virtus aliqua in lapide ad recipiendum, requiri-  
tur ergo illa tanquam virtus vitalis eliciens, &  
producens motum. Vndè, & communiter actio-  
nes istæ quæ motu membrorum fiunt, vt am-  
bulare, scribere, pingere, & similes motus vitales  
dicuntur, & ex illis maxime discernimus viuen-  
tia à non viuentibus. Si autem passiuè se habe-  
rent membra in isto motu, non magis mouere-  
tur animal in illis quàm mouetur iaculum, vel  
lapis impulsus, quæ à proijciente recipiunt vim  
impulsuam passiuè.

Ad hæc videmus motus istos externos vi-  
taliter fieri, & tamen præuenire appetitum, vt  
cum aliquis mouet pedes aut oculos inaduer-  
tenter, nec tamen tunc mouet vt res inani-  
mata, cum non moueatur motu grauitatis de-  
orsum, sed eleuando pedem, vel conuertendo  
oculos retrorsum. Postremò appetitus dici-  
tur frequenter à D. Thom. locis allegatis prin-  
cipium motus vt imperans, non vt exequens  
nihil autem imperat sibi ipsi, sed virtuti distin-  
ctæ, ergo oportet quod virtus executiua, &  
obediens non sit in re passiuæ, patiens enim vt  
patiens non mouetur imperio, sed actione,  
eliciens autem actionem mouetur ab imperio.

Hæc secunda sententia sine dubio apparet  
probabilior, & inhærentior menti S. Thom.  
meliusque explicat quomodo vna pars orga-  
nica mouet aliam, quod stare non potest si so-  
lùm est virtus passiuæ in membris seu parti-  
bus organicis, non verò motiuæ alterius partis  
& eliciuæ motus, nam appetitus non est in  
omnibus membris, sed in vno tantum, ergo

si in membris non est virtus actiua motus, omnia membra præter illud in quo est appetitus mouebuntur passiuè, quomodò ergo vna pars organica mouet aliam? *Ad 1. opposita.* sent. ex authorit. D. Tho. sumptum. *Resp.* D. Tho. in primo loco aperte distinguere in isto motu duplicem potentiam, alteram imperantem alteram exequentem: Cum autem dicit per hanc exequentem reddi membra habilia ad obediendum appetitui, & eius actum esse moueri, non mouere, sensus est quòd reddit membra habilia hæc potentia motiua vitaliter, & animaliter, licet ex subiectione ad appetitum, cuius est pars organica, & ministerialis. In virtutibus autem ministerialibus magis re- lucet moueri, seu obedire alteri, quam mouere, & agere, licet agendo obediat, & moueatur sicut mobile vitale, non vt mouens principale, sed vt organicum, & ministeriale. In secundo loco ex cont. gent. non dicit absolutè D. Thom. quod actus potentiae motiuae est moueri, sed quod magis perficit ad moueri, eo quod facit membra obedire appetitui. Vbi ly *facit* actiuitatem, & elicientiam dicit, quia vitali actione facit obedire, & subijci appetitui, sed vt mouens organicum & motum, non vt primò mouens.

Et ad Arist. dicitur quòd præter appetitum, & phantasiam, quæ sunt principalia, & imperantia in hoc motu, etiam admittit principium organicum, & ministeriale, quod in libro de motu animalium dicit non solum esse cor, sed etiam nervos, & iuncturas, & spiritus, quibus de vna parte fit motus ad aliam, sicut in rotis horologii, quibus istas organicas partes cõparat Philos. & de illis late ibi differit, vt videri pòtest apud D. Th. ibi lect. 5. 7. & 8.

*Ad*

## Articulus VII. 323

*Ad 1. rationem respond.* quod impulsus per modum amoris est elicitivè ab appetitu, sed impulsus per modum executionis est imperativè ab appetitu, & elicitivè à potentia motiva membrorum, indeque derivatur ad projecta externa, & ad aerem deferentem illa, ut differuimus 7. *Physic. q. 23.* Quare posita efficacia, appetitus imperantis, & habilitate membrorum vitaliter obediens, idest per aliquam actionem, quæ ex subiectione, & motu appetitus agat, sequitur motus vitalis membrorum, non merè passivè se habentibus membris. Quare non est superflua ista vis activa ut motus ille sit vitalis etiam in executione membrorum.

*Ad 2. respond.* variari motum ad variationem appetitus directivè, non elicitivè, eo quod variatio illa sit etiam in membris executibus vitali modo, & sic non merè passivè se habentibus ad appetitum, sed etiam elicientibus motum. Similiter ut potentia inclinativa, & intendens assequatur suum finem; sufficit quod medijs instrumentis, & organis sibi subiectis, & elicientibus executivè motum; assequatur id quod intendit, non passivè se habentibus.

*Circa secundum punctum*, de potentia motiva animæ separatae, suppono, hanc quam habet in corporeis organis, non manere in anima separata, quia hæc omnino corporea est, utpotè à corporeis organis dependens. Sed difficultas est in duobus. Primum an reuera anima separata habeat vim se movendi activam sicut Angelus. Secundum an ista vis sit aliquid distinctum à voluntate, & imperio practico efficaci. Et circa primum sumi-



## 324 *Questio XII.*

tur difficultas, ex eo quia anima separata non potest se mouere, nisi ad modum Angeli per contactum virtutis, non quantitatis, quia caret illa, sed anima separata non potest habere contactum virtutis, quia non potest habere motum erga alia corpora, vt docet Sanctus Thomas 1. par. quæst. 117. artic. 4. & quæst. 16. de malo artic. 10. ad 2. eo quod virtus animæ est determinata ad mouendum corpus proprium, & viuificatum à se, & solum mediante illo poterit alia mouere; cuius signum est, quia non potest mouere anima membrum aridum, quia non est viuificatum à se, si autem haberet in se vim motiuam, posset illud mouere, nec enim impediretur eius exercitium à corpore, sicut nec impeditur exercitium intelligendi: posset etiam anima recedere à corpore vincendo dispositiones eius, & iterum motiua virtute corpus intrare, & informare, sicut informat alimentum de nouo. Quæ omnia cum absurda sint, non possumus ponere vim motiuam in anima nisi mediante corpore, eo verò remoto nullum aliud corpus per se mouet, ergo neque se mouet per contactum virtutis actiue, mutando loca.

*Propter hoc fundamentum existimant aliqui animam separatam se non mouere, sed moueri ab Angelis, quod aliquibus Thomistis suppresso nomine attribuunt Conimb. tract. de anima separata disp. 6. artic. 2. Vltèrius verò existimauit Durandus in 3. dist. 22. quæst. 2. animas, neque se mouere, neque moueri, eo genere motus, quo corpora, neque eo genere motus quo Angeli, quia non*  
pos-

possunt mouere corpora. De anima vero Christi solum dicit descendisse per effectus quos causauit in inferno, quamuis neque hoc pertinaciter asserat, sed fatetur se alium modum probabiliorem ignorare. Alij verò authores, qui non possunt negare animam Christi descendisse realiter ad lymbum Patrum, licet per alios effectus descenderit ad infernum terrendo damnatos, dicunt tamen descendisse virtute diuina, quasi motam à verbo, sicut instrumentaliter potest mouere alia.

*Ceterum* vtraque sententia stare non potest. Et quidem Durandi sententia præterquam quod non saluat in proprietate descensum Christi ad inferos, ex se ipsa redarguitur, quia vel animæ sanctorum erant in lymbo seu inferiori parte terræ, vel non? si non erant, ergo neque per præsentiam, neque per effectum eo descendit anima Christi, quod est totaliter negare articulum Fidei de descensu animæ Christi, contra illud ad Ephes. 4. *Quod autem ascendit, quid est nisi quia descendit primum inferiores partes terræ?* Et fuisse animas in inferno dicitur 1. Petri 3. *In quo, & his qui in carcere erant spiritibus veniens prædicauit, qui aliquando fuerunt increduli, quando expectabant Dei patientiam in diebus Noe, qui utique spiritus animæ erant separati: ergo erant in carcere, idest in aliquo certo loco ubi ante non erant.* Si verò dicatur ibi realiter fuisse animas ad quas Christus misit effectus suos, ergo sicut illæ animæ eo deportatæ, aut motæ sunt, potuit etiam anima Christi eo moueri. Alia verò sententia ex eo improbat, quia secundum fidem animæ Christi  
*sti rea-*

Si realiter descendit, & fuit mota ad loca inferiora, & non merè passiuè deportata, aut descendens sicut lapis, vel res proiecta, neque instrumentaliter mota, sed vitaliter, ergo habet potentiam se mouendi. Non fuit passiuè deportata tantum, quia absolutè dicitur descendisse, quod rei portatæ non adaptatur propriè, sicut neque ascendisse verificabitur, nisi propria virtute ascenderit. Dicitur etiam penetrasse omnes inferiores partes terræ Ecclesiast. 24. non penetrat autem propriè, qui solum deportatur ab alio. Non fuit instrumentaliter mota, quia vitaliter descendit, idest per se non vt lapis per grauitatem, nec sicut res proiecta, quæ impulsu fertur vt instrumentum; si autem vitaliter descendit habet potentiam vitalem intrinsecam se mouendi, & ista non potuit sibi ab extrinseco superaddi à Verbo, aliàs vitale principium non esset, debuit ergo ex se eam habere, siuè hæc potentia sit ipse intellectus practicè operans siuè alia vis distincta. Ad hæc S. Thom. 1. par. quæst. 53. art. 1. in argumento sed contra, probat Angelum moueri: *Quia de fide est animam beatam moueri vt patet in descensu Christi ad inferos*, & in 3. p. q. 52. art. 1. ad 3. dicit: *Quod anima Christi descendit ad inferos eo genere motus quo Angeli mouentur*, constat autem Angelos mouere se vitaliter, ergo, & anima Christi.

*Quare simpliciter hæc sententia tenenda est quod anima separata vitaliter mouetur in loco, cum enim habeat intellectum, & voluntatem, & non vbique existat, sed in parte determinata vniuersi, potest habere voluntatem existendi in alio loco propter aliquam*

conue-

conuenientiam, sicut anima Christi voluit  
esse in limbo Petrum, & animæ Purgatorii  
volunt esse in cœlo, & diues ille in inferno  
petiuit vt Lazarus mitieretur ad se Luc. 16.  
& anima Samuelis apparuit Suli Eccles. 46.  
& 1. Reg. 28. ergo si potest habere appeti-  
tum mutandi loca, debet ei esse prouisum à  
natura de virtute qua possit acquirere locum.  
Patet consequentia, tum quia Aristot. tribuit  
potentiam motus progressiui illis animalibus  
quæ habent vim cognoscendi res distantes,  
& appetendi illas, frustra enim daret illis ap-  
petitum, si negaret vnde possent consequi,  
quod appetunt; tum etiam quia si anima ap-  
petit alibi esse per se loquendo maneret im-  
mobilis, & frustrata omni illo appetitu, vel  
solum per accidens, & fortuito posset id con-  
sequi, si aliquis Angelus vellet, illam depor-  
tare, quod quam incongruè dicatur in illis  
nobilissimis substantijs, quod res istæ solum  
fortuito eis prouisæ sunt, de se satis patet.  
Et hanc sententiam tenet Caiet. 3. par. qu. 52,  
artic. 1. §. quoad. 3.

*Ad fundamenta opposita respondetur.* Ad  
primum conceditur, animam contactu vir-  
tutis moueri, Et præterquamquod potest  
aliquam qualitatem, vel effectum occultum  
operari in corpore; nam de anima Christi di-  
cit S. Thom. in 3. dist. 22. quæst. 2. articul. 2.  
operatam fuisse aliquam lucem in illis parti-  
bus terræ; loquendo de motu locali, dicen-  
dum est aliquem posse producere in corpo-  
ra, licet multò debiliorem naturaliter quam  
Angeli. Et cum oppositum adducitur ex  
Dno Thoma, quæst. illa 117. respond. quod  
D. Thom.

## 328 *Questio XII.*

D. Thom. loquitur de virtute animæ in vi formæ non in vi Spiritus, & de virtute motiua organicè, quia loquitur de anima virtute suæ naturæ, per quam determinatur ad viuificandum corpus, hac enim vi non potest anima separata. Subdit verò D. Thom. *Quod super hoc aliquid potest ei conferri virtute diuina.* Quod non est idem, quod conferri per miraculum, & supernaturaliter, sed ratione status separationis, vt benè explicat Caiet. vbi supra 3. parte, sicut enim animæ separatæ conferuntur species infusæ virtute diuinæ ratione status sine miraculo sicut, & Angelis, ita confertur vis motiua, non quantum ad ipsam potentiam mouendi, quæ naturaliter ab intrinseco conuenit, sed quoad expeditionem huius potentie, quia cum motus fiat per dictam n. practicum intellectus, non possunt fieri ista dictamina ad mouendum localiter per modum spiritus, & non per modum formæ informantis, nisi per intellectum independentem à phantasmatis, & modo purè spirituali intelligentium, & hoc accipit ex vi status separationis, & specierum infusarum à Deo, potestque perfici virtute diuina, vt fortius moueat corpora quam naturaliter possit aut quod etiam dæmones cohibeat.

*Cum verò instatur,* quia alias posset mouere anima membrum aridum, & à corpore recedere.

*Respondetur* non posse animam vi illa potentia motiua nisi pro statu separationis, aut nisi totaliter dominetur corpori vt anima beata reunita corpori, quæ independentem à virtute organica mouebit illud. Nunc autem sicut intelligit dependentem à phantasmate,

imate, ita mouet dependenter à virtute organica, & appetitu sensitivo regulato per phantasiam, anima verò separata mouet independenter ab omni virtute organica, & consequenter debet regulari per cognitionem independentem à phantasmate. Sicut autem in hac vita diuinitus aliquando communicatur raptus quo intellectualis cognitio independenter à phantasmate fiat, aliquando anima eleuat seum corpus virtute motu non organica, quæ ad illam cognitionem sequi potest. Nec potest anima recedere à corpore stantibus dispositionibus quibus informat illud quia non potest vt nisi virtute organica quandiu non intelligit vt separata, sed dependenter à phantasmate, per virtutem autem organicam non potest à suo corpore separare, cum organum corpus sit: Nec in partes alimenti intrat motu locali, quia id non fit per apprehensionem à qua necessario dependet localis ille motus, vnde valde ruditer imaginantur, qui informationem in nouas partes alimenti, aut recessum ab illis motu locali anime fieri æstimant, sed naturali informatione, aut corruptione corporis.

*Circa secundum* an vis motiua anime sit distincta ab intellectu, & voluntate, supposito quod non est organica, neque indiget anima quod partes, seu membra obediunt appetitui, cum careat partibus, res est magis pertinens ad Theologos, qui id tractant agendo de Angelis, solum enim videtur requiri potètia distincta vt producat motus per actionem transeuntem, quia intellectus, & voluntas sunt potentie immanentes.

*Quare si actus immanens non est virtualiter*

iter transiens, omninò oportet ponere distinctam potentiam ab intellectu, & voluntate, quæ actionem transeuntem motus localis producat. Si verò actus immanens virtualiter est transiens, cessat ratio multiplicandi istas potentias in spiritu separato qui non mouetur organicè, nec in eo membra obedire debent appetitui, sed solum transeuntem motum ponere in re mota. Certè D. Tho. opusc. 11. artic. 3. dicit: *Angelos conceptione intellectus quæ est imperium calos mouere.* At verò quæst. 6. de potentia artic. 3. ad 2. dicit: *Quod in Angelis mediante voluntate, & voluntas mediante virtute, & virtus immediate mouet motum localem;* ubi ly virtus condistinguitur à voluntate. Quod vtique verum est, sed possumus respondere, quod virtus illa distincta à voluntate est intellectus practicus, vt habens efficacem conceptionem imperij, nec illam tertiam virtutem cogunt illa verba nos ponere. Et hæc sufficiant

pro Commentarijs in Libros de Anima, & in totam Philosophiam  
ad laudē Sauatoris nostri

Dei, Beatissimæ Virginis, & S. Thomæ Aquinatis.

**L A V S D E O.**

**INDEX**

# INDEX RERVM

## NOTABILIVM.

### A

**A**CTIO identificata cum motu, modaliter differt à passione, quaest.

11. art. 1.

pag. 176.

Actio immanens est virtualiter transiens, quaest. 12. art. 6.

311.

Actio intellectus agentis est vitalis, & transiens virtualiter, non formaliter, quaest. 10.

art. 1.

69.

Actus immanens in quo excedit transeuntem q.

12. art. 6.

311.

Amor rerum superiorum, est nobilior cognitione earum. q. 12. artic. 5.

291.

Anima separata mouetur motu vitali, locali.

q. 12. art. 7.

327.

Aliud est cognoscere res directè, & aliud distinctè. q. 10. art. 4.

111.

Anima in statu separationis intelligit singularia, per species à Deo tunc sibi infusas. q. 10.

art. 5.

135.

Anima pro hoc statu non potest res spirituales immediatè, & in se attingere. q. 10. art.

3.

100.

Aristotelis sententia circa animæ immortalitatem. q. 9. art. 1.

17. & 18.

Anima rationalis non potest desinere nisi per subtractionem concursus diuini conseruatiui.

q. 9. art. 5.

24.

Ani-



## *Index rerum notabilium .*

- Anima** intellectiva indiuiduatur per ordinem ad corpus . q. 9. art. 1. 35.
- Anima** in statu separationis intelligit se per se ipsam , in statu verò vnionis per species à rebus acceptas . q. 9. art. 1. 36.
- Anima** rationalis est vera forma corporis . q. 9. art. 2. 39.
- Anima** rationalis est spiritualis. q. 9. art. 2. 40.
- Anima** informando corpus verè , & propriè existit , & non tantum est ratio illi existendi . q. 9. art. 2. 43. & 44.
- Animæ** indiuidualiter multiplicantur , ad multiplicationem corporum quæ informant . q. 9. art. 2. 42.
- Angelus** in sua cognitione exprimit verbum . q. 11. art. 2. 202.
- Angelus** caret iudicio , & discursu , sed sola apprehensione gaudet . q. 11. art. 3. 204.
- Angelus** neque circa supernaturalia vtitur discursu . q. 11. art. 2. 205.
- Angelus** quomodo cognoscit contraria , & opposita . q. 11. art. 2. 206.
- Appetitum** elicitedum dari in homine ostenditur . q. 12. art. 1. 229.
- Appetitus** sensitivus duplex , & Irascibilis , & Concupiscibilis . q. 12. art. 1. 237.
- Appetitus** isti sunt duæ potentia realiter inter se distinctæ . q. 12. art. 1. 237.

## B

- B** Eati clarè videntes Deum , non formant verbum mentis . q. 11. art. 2. 187.
- Bruta** habent imperium quantum ad id quod imperium dicit de efficacia , non quantum ad id ,

## ***Index rerum notabilium.***

id, quod dicit de collatione, & ordinatione. q. 12. art. 6. 317.

Bonum conueniens, & arduum, non potunt in voluntate duas potentias, secus autem in sensu. q. 12. art. 1. 239.

### **C**

**C**ausalitas, & qualitas in vna entitate possunt conuenire. q. 11. art. 1. 173.

Capacitas cognoscibilitatis oritur tanquam ex radice, ex immaterialitate. q. 10. art. 3. 96.

Capacitas potentiae intellectiuae entitatiue est naturalis terminatiue verò obedientialis. q. 10. art. 3. 104.

Capacitas intellectus nostri in intelligendo est infinita syncategorematicè, non categorematicè. q. 10. art. 3. 106.

Conceptus formati ab intellectu, seu verbum non repræsentant, directè singularia materialia. q. 10. art. 4. 119.

Conceptus reflexi repræsentantes singularia materialia sunt determinati, & non confusi. q. 10. art. 4. 122.

Corporeum instrumentum virtute superiori eleuatum, potest effectus spirituales producere. q. 10. art. 2. 80.

Charitatis actus est simpliciter imperfectior actu visionis beatificæ. q. 12. art. 5. 290.

Cælum quomodo influat in hæc inferiora. q. 12. art. 6. 309.

Concursus simultaneus voluntatis cum potentijs inferioribus ad illarum effectus, non est sufficiens ad mouendas illas. q. 12. art. 6. 305.

pag.

Cogni-

## ***Index rerum notabilium.***

- Cognitio singularium non exigit semper, reflectionem supra potentiam, & actum, sed supra phantasmatum.** q. 10. art. 4. 128.
- Conscientia est applicatio scientie, suae principiorum practitorum ad operandum.** q. 10. art. 5. 154.
- Conscientia non est distincta potentia ab intellectu, neque aliquis habitus illius, sed actus.** ibid. 154.
- Cur in homine tres operationes intellectus inter se distinguuntur.** q. 11. art. 3. 204.
- Conscientia pertinet ad intellectum, & non ad voluntatem, quatinus hanc praesupponat.** ibid. 154.
- Conscientia dicitur bona vel mala, applicatiue & regulatiue.** ibid. 154.
- Cur in Angelis non detur intellectus agens, sicut in nobis.** q. 10. art. 1. 163.
- Cur ex collatione gradus corporeitatis ab anima rationali non colligamus illam esse corpoream, sicut ex hoc principio alias formas colligimus esse corporeas.** q. 9. art. 2. 58.
- Conceptus mentalis seu verbum, manifestat representando, intellectio vero operando, & cognoscendo.** q. 11. art. 1. 170.
- Creatum verbum etiam si daretur, nunquam representaret Deum.** q. 11. art. 2. 189.
- Compositio, & simplicitas conceptuum vnde desumatur.** q. 11. art. 3. 207.
- Compositio mentalis duplex, alia per modum enunciationis, alia per modum iudicii.** q. 11. art. 1. 170.

# *Index rerum notabilium .*

## **D**

- D**ictio supponit intellectionem , & intellectionis dictionem . q. 11. art. 1. 178.
- Deus clarè visus necessitat voluntatem quoad exercitium . q. 12. art. 4. 278.
- Dictio , & intellectio differunt vt res , & modus . q. 11. art. 1. 165.
- Differentia inter rationem inferiorem , & mouens inferius . quæst. 10. art. 5. 151.
- Denominatio Seraphinorum , & Cherubinarum à quonam desumpta , & imposita fuit . q. 12. art. 5. 292.
- Differunt inter se , intelligere quidditatem , & intelligere ad modum quidditatis . q. 10. art. 4. 116.
- Differentia inter modum cognoscendi corpora imaginatiua , & intellectus . q. 9. art. 1. 35.
- Duplex modus corruptionis , per se , & per accidens . q. 9. art. 1. 24.
- Deus neque terminum vitalem , neque actionem vitalem per se ipsum immediatè supplere potest . q. 11. art. 2. 202.
- Duæ cognitiones sibi subordinatæ , quarum vna est supernaturalis , & alia naturalis , possunt stare simul in intellectu , simulate durationis , & vnaquæquæ suum terminum habere . q. 11. art. 4. 221. & 222.

## **E**

- E**A quæ fiunt ab vna causa integrè , & adæquatè in omni genere , non possunt fieri naturaliter ab alia . q. 12. art. 6. 308.

Ext-

## ***Index rerum notabilium .***

**Exteriores sensus dependent ab interioribus ratione spirituum animalium . q. 12. art. 6. pag. 310.**

**Extrínseca assistentia intellectus agentis , non eleuat phantasmata ad producendas species intelligibiles . q. 10. art. 2: 77.**

**Ex intellectu agente deriuatur motio quædam virtuosa , in phantasmata , qua eleuantur ad producendas species . q. 12. art. 2. 89.**

**Ens rationis continetur sub obiecto adequato intellectus nostri . q. 10. art. 3. 100.**

**Ens naturale , & supernaturale vt conueniunt sub communi ratione intelligibilis finire , cadunt sub obiecto adequato intellectus nostri . q. 10. art. 3. 109.**

**Ex eleuatione supernaturali , non accipit intellectus nouam specificationem , sed tantum quandam accidentalem participationem supernaturalem . q. 10. art. 3. 103.**

**Expediuntur quædam loca D. Thom. de intellectu agente , in statu separationis . q. 10. art. 2. 85.**

**Existentiæ conuenit per se , formæ per se subsistenti , in tertio modo per se citatis , siuè solitarie . q. 9. art. 1. 27.**

**Esse perse conuenire formæ quomodo intelligatur q. 9. art. 1. 26**

**Existentiæ conuenit supposito vt quod , formæ vt quò . q. 9. art. 1. 38.**

**Explicatur illud . Vnus est interitus hominum , & iumentorum . q. 9. art. 2. 44**

**Explicatur mens Aristotelis de incorruptibilitate animæ . q. 9. art. 2. 45.**

**Existentiæ animæ intellectiue eminenter vt Quo est corporea , formaliter autem , & vt.**

## *Index rerum notabilium.*

- & vt Quod spiritualis . q. 9. art. 2. 49  
Existencia animæ intellectiux, quia est eminē-  
ter co poreā , potest communicari corpori ,  
sicut , & ipsa anima . q. 9. art. 2. 49  
Esse animæ generatur , & corrumpitur ad gene-  
rationem , & corruptionem compositi , non  
absolutè sumptum sed vt communicatum .  
q. 9. art. 2. 50.  
Explicatur illud axioma D. Thom. Quicumque  
intelligit ex hoc ipso quod intelligit &c. q.  
11. art. 2. 143.  
Expeditur illa propositio D. Thom. Ad om-  
nem formam sequitur inclinatio . Et ratio-  
nes contra eam adductæ diluuntur . q. 12.  
art. 1. 230. & seq.  
Excellentior est appetitus irascibilis concupisci-  
bili . q. 12. art. 1. 244.

### **F**

- F**ormatur verbum in prima, & secunda ope-  
ratione non tamen in tertia. q. 11. art. 3. 215.  
Finis creaturæ rationalis est . Viuere secundum  
rectam rationem, & virtutem. q. 9. art. 1. 28.  
Formis materialibus non competit per se, &  
immediatè existencia sed compositio . q. 9.  
art. 2. 47.  
Formalitas intellectiōis potius cōsistit in actua-  
tione quam in origine . q. 11. art. 1. 167.

### **G**

- G**radus corporeitatis confertur ab anima  
intellectiua materiæ , vt eminenter  
*Phil. Nat. Pars IV.* P est

## *Index rerum notabilium.*

est corpora . q. 9. art. 2.

52.

### **H**

**H**umanus intellectus distinguitur specie ab Angelico , & in ratione proprietatis , & in ratione potentiae . q. 10. art. 3. 106.

Homo incipit intelligere à phantasmatibus procedendo ad vniuersalia , Angelus ab vniuersalibus ad singularia . q. 10. art. 4. 119.

Homo procedit ab accidentibus , ad substantiā , Angelus verò à substantia ad accidentia. ibid.

Humana libertas consistit in potestate dominatiua voluntatis , tam supra actum , quam supra iudicium intellectus regulatiuum. q. 12. art. 2. 247.

### **I**

**I**ntellectus agens est perfectior , & imperfectior possibili . q. 10. art. 1. 70.

Illustratio phantasmatum duplex . q. 10. art. 2. 71.

**I**n intellectu possibili duo reperiuntur in ordine ad suum obiectum , capacitas , & virtus seu actiuitas . q. 10. art. 3. 94. & seq.

Intellectus vt potentia passiuus est , habet distinctum obiectum , ab obiecto , sui ipsius vt actiuus est . q. 10. art. 3. 94.

Intellectus intelligens rem quo ad An est , non abstrahit à quod quid est. q. 10. art. 4. 118.

Impugnatur sententia asserens phantasmata materialiter tantum concurrere ad causandas species . q. 10. art. 2. 78.

Immortalitas animae ex Sacra Scriptura deducitur ,

# ***Index rerum notabilium.***

- tur . q. 9. art. 1. 19.  
**I**n tellectus noster dependet in intelligendo à  
phantasmatibus pro hoc statu. q. 9. art. 1. 34.  
**I**n quonam consistat excellentia animæ supra  
intellectum . q. 9. art. 1. 37.  
**I**n statu coniunctionis cum corpore , anima in-  
tellectiva , tantum in potentia est incommu-  
nicabilis . q. 9. art. 2. 47.  
**I**n tellectus agentis munus, subministrare species  
intelligibiles intellectui possibili pro hoc sta-  
tu . q. 10. art. 1. 54.  
**I**n tellectus agens realiter distinguitur à possibili.  
q. 10. art. 1. 61.  
**I**n tellectio nostra , mediat inter sensitivam , &  
Angelicam cognitionem . q. 10. art. 1. 79.  
**I**mperium mouendo efficaciter imprimit quali-  
tatem transeuntem potentijs motis. q. 12.  
art. 6. 317.  
**I**mpulsus per modum amoris fit elicitiuè ab ap-  
petitu . q. 12. art. 6. 323.  
**I**mpugnatur Durandus negans motum animæ  
separatæ q. 12. art. 7. 325.  
**I**n tellectio non est actio de prædicamento actio-  
nis, sed de genere qualitatis. q. 11. art. 1. 158.  
**I**n tellectio est actio virtualiter productiua ver-  
bi . q. 11. art. 1. 162.  
**I**n tellectio fit ab intellectu per emanationem .  
q. 11. art. 1. 162.  
**I**n tellectio distinguitur à verbo tanquam res à  
re . q. 11. art. 1. 165.  
**I**n tellectio explicatur per modum vltimæ actua-  
litis . q. 11. art. 1. 167.  
**I**n telligere se habet ad speciem , sicut esse ad for-  
mam . q. 11. art. 1. 168.  
**I**n tellectus glorificatus non conuertitur ad phā-  
tasma



## *Index rerum notabilium.*

- tasmata . q. 10. art. 4. 133.  
 Intellectus immediatus sequitur animam quam  
 voluntas . q. 12. art. 5. 287.  
 Intellectio fit cum mutatione metaphysica. q. 11.  
 art. 1. 174.  
 Imago duplex , exterior siue instrumentalis , &  
 interior siue formalis . q. 11. art. 2. 185.  
 In omni intellectione circa obiectum creatum , &  
 etiam circa Deum non clarè visum formatur  
 necessario verbum . q. 11. art. 2. 187.  
 Intellectio nullum modum vnionis producit,  
 qui sit ratio vnitua essentiae diuinæ per mo-  
 dum speciei expressæ , cum intellectu beati .  
q. 11. art. 2. 201.  
 Iudicium distinguitur ab enunciatione appra-  
 hensæ . q. 11. art. 3. 210.  
 Iudicium oppositum enunciationi , caret compo-  
 sitione . q. 11. art. 3. 213.  
 Inascibilis respicit bonum vt arduum , concupis-  
 cibilis vt conueniens . q. 12. art. 1. 238.

### L

- L**ibertatis radix, est indifferentia iudicij pra-  
 ctici . q. 12. art. 2. 252.  
 Libertas duplex quoad specificationem, & quo-  
 ad exercitium . q. 12. art. 4. 276.  
 Loco motuum est distincta potentia ab appeti-  
 tu . q. 12. art. 6. 317.  
 Læsa aut impedita phantasia , intellectus impe-  
 ditur . q. 10. art. 2. 76.  
 Licet non semper intellectus cognoscat quiddi-  
 tatem semper tamē omnia cognoscit ad mo-  
 dum quidditatis , q. 10. art. 4. 117.

# *Index rerum notabilium,*

## M

**M**emoria sensitiva recordatur præteritum, & conseruat species . q. 10. art. 5. 145.

Memoria intellectiva non distinguitur ab intellectu possibili . q. 10. art. 5. 147.

Motio vnius potentiæ ab alia dupliciter explicatur . q. 12. art. 6. 295.

Motio inferioris potentiæ à superiori ad agendum connaturaliter, fit per realem immutationem, & impressionem qualitatis. q. 12. art. 6. 302.

Motio resultans in potentias inferiores ex applicatione superiorum, explicatur conuenienter ad modum qualitatis transeuntis. q. 12. art. 6. 314.

Moraliter probatur, & deducitur immortalitas animæ . q. 2. art. 1. 27.

Mediantibus speciebus, influit intellectus agens in intellectionem . q. 10. art. 2. 84.

Motio spiritualis potest recipi in re corporea, absque detrimento sui . q. 10. art. 2. 89.

Modus cognoscendi Angelorum propositiones negatiuas. q. 11. art. 3. 206.

## N

**N**ecessitas ponendi verbum, oritur ex duplici capite . q. 11. art. 2. 180.

Nullam lucem intellectus agens impunit phrasmatibus, in productione specierum intelligibilium . q. 10. art. 2. 76.

Non datur modus vnionis superadditus in-

## ***Index rerum notabilium.***

- ter materiam, & formam qui fit ratio forma-  
lis vniendi . q. 9. art. 2. 49. & 50.  
**Necessitas conuertendi se ad phantasmata**, vnde  
oriatur. q. 10. art. 4. 128.  
**Non datur memoria intellectiua**, quod actum  
recordationis . q. 10. art. 5. 146.  
**Necessitas duplex**, specificationis, & exercitij .  
q. 12. art. 4. 276.  
**Naturalis sympathia potentiarum**, non est suffi-  
ciens ad hoc, vt vna potentia possit mouere  
aliam . q. 10. art. 6. 303.  
**Neque motuum**, neque terminatum obiectū  
intellectus nostri est analogum . q. 10. art. 3. 31.



- O** dium Dei, est peius omnibus peccatis cō-  
tra ipsum . q. 12. art. 5. 293.  
**Obiectum intellectus** est simpliciter perfectius  
obiecto voluntatis in ratione obiecti forma-  
liter . q. 12. art. 5. 288.  
**Occidentis se ipsos** quid nam magis appetant, ef-  
se, an verò non esse ? q. 12. art. 4. 281.  
**Ordo tractandorum in hoc libro** ex mente Ari-  
stotelis . 11.  
**Ostenditur intellectum agentem** non esse sub-  
stantiam quandam separatam ab anima . q.  
10. art. 1. 56.  
**Obiectum in sola specie** ab intellectu agente for-  
mata redditur actu intelligibile . q. 10. art. 2. 71.  
**Obiectum terminatum intellectus nostri**, pro  
statu coniunctionis, est omne intelligibile, fi-  
nito modo attingibile. q. 10. art. 3. 23.  
**Obiectum specificatum intellectus nostri** pro  
hoc

## *Index rerum notabilium.*

- hoc** statu, est quidditas rei materialis. q. 10. art. 3. 24.  
**Obiectum** pro statu separationis, quidditas animæ. q. 10. art. 3. 24.  
**Obiectum** specificatum cuiuscunque intellectus Angelici est propria substantia spiritalis. q. 10. art. 3. ibid.  
**Obiectum** intellectus nostri ut passivus est distinguitur genericè ab obiecto sui ipsius ut activus est. q. 10. art. 3. 103.  
**Obiectum** quod de se non est intelligibile actu, & sufficienter immateriale vel quod est absens ex se potentie petit verbum. q. 11. art. 3. 181.

### **P**

- P**otestas denominativa voluntatis explicatur. q. 12. art. 2. 259.  
**Phantasma** per modum instrumenti concutitur cum intellectu agente, ad producendas species intelligibiles. q. 10. art. 2. 739  
**Phantasmata** habent actionem præviam, ad actionem intellectus agentis. vide. q. 10. art. 2. 82  
**Potentia** intellectiva sumpta secundum suam capacitatem, non petit obiectum specificatum, sed tantum terminatum. q. 10. art. 3. 102  
**Principium** intellectualis operationis, debet esse independens in essendo à corpore. q. 9. art. 1. 23.  
**Potentia** debet esse expers obiecti quod, non verò rationis formalis sub qua, ad hoc ut exeat in actum. q. 9. art. 1. 36  
**Perfectio** est duplex simpliciter, & secundum dum

## ***Index rerum notabilium.***

- dum quid . q. [12. art. 5.](#) 288.  
 Peccantes contra beatitudinem quomodo refu-  
 giant illam . q. [12. art. 4.](#) 281.  
 Plura per modum plurium , non possunt vnico  
 actu percipi ab intellectu, benè tamē per mo-  
 dum vnius . q. [11. art. 4.](#) 219.  
 Pars intellectiua caret memoria , quatenus est  
 recordatiua præteritorum, gaudet tamē illa,  
 vt est cōseruatiua [specierum. q. 10. art. 5.](#) 145.  
 Præterita quomodo cognoscantur ab intellectu.  
 q. [10. art. 5.](#) 149.  
 Practicum , & speculatiuum non petunt distin-  
 ctas potentias . q. [10. art. 5.](#) 151.  
 Potentiæ superiores eleuant inferiores ad ope-  
 randum per impressionem qualitatis Physicæ,  
 & realis . q. [12. art. 6.](#) 296.

### Q

- Q**uamuis datur intellectus agens non tamē  
 sensus agens . q. [10. art. 1.](#) 64.  
 Quid sit operatio intellectualis explicatur. [q. 9.](#)  
 art. [1.](#) 20. & 21.  
 Quomodo intellectus pro hoc statu cognoscat  
 spiritualia . q. [9. art. 1.](#) 22.  
 Quare substantia verbi supplet substantiam  
 creatam . q. [9. art. 1.](#) 48.  
 Quodnam munus erit intellectus agentis in ani-  
 ma separata . q. [10. art. 1.](#) 69.  
 Quare obiectum visus non est omnino, & totali-  
 ter sensibile, sicut obiectum intellectus est to-  
 taliter intelligibile . q. [10. art. 3.](#) 97.  
 Quodnam est obiectum intellectus nostri  
 vt actius est , & quod eiusdem vt pas-  
 sivi . q. [19. art. 3.](#) 94.

Quo-

## *Index rerum notabilium.*

- Quomodo, hæc duo obiecta inter se comparantur. q. 10. art. 3. 92. & 96.  
Qualiter intellectus eleuatur ad visionem beatificam. q. 10. art. 3. 103.  
Quare intellectus humanus, non habet congenitas species. q. 10. art. 1. 63.  
Quinque sunt necessaria ad intellectionem connaturalem. q. 11. art. 1. 157.

### R

- R**atio superior, & inferior, non sunt duæ potentia. q. 10. art. 5. 150.  
Radicatio Phantasie in anima non est sufficiens ad hoc, vt possit species instrumentaliter producere. q. 10. art. 2. 76.  
Reflexio super phantasmata quomodo fiat ab intellectu. q. 10. art. 4. 121.  
Ratione naturali ostenditur immortalitas animæ rationalis. q. 9. art. 1. 20.  
Reijcitur sententia asserentium, intellectum agentem esse habitum primorum principiorum. q. 10. art. 1. 58.  
Ratio superior respicit legem æternam inferior temporalem. q. 10. art. 5. 150.  
Reflexio duplex, vna super actum, altera super phantasmata. q. 10. art. 4. 128.

### S

- S**pecies impressa duplex, intellectus agentis, & possibilis. q. 10. art. 4. 111.  
Singularitas dupliciter potest attingi, signatè, & exercitè. q. 10. art. 4. 111.  
Singulare attingitur ab intellectu, per modum

## ***Index rerum notabilium.***

- ad id quidditatis . q. 10. art. 4. 112.
- Species impressa à singularibus abstracta, non representat directè singulare sub exercitio singularitatis . q. 10. art. 4. - 112.**
- Status unionis cum corpore, connaturalior est animæ intellectivæ quam status separationis. q. 9. art. 2. 39.**
- Status separationis à corpore, non est violentus animæ, potest tamen dici præternaturalis. q. 9. art. 2. 43.**
- Singulare quemdam modum essendi, & operandi, habet anima in corpore, quem non habet separata . q. 9. art. 2. 50.**
- Specialis modus iste essendi causatur à Deo in anima, estque spiritualis, non tamen habet rationem unionis . q. 9. art. 2. 50.**
- Sufficientia quinque sensuum externorum assignatur . 1.**
- Singularia cognoscuntur ab anima separata. q. 10. art. 4. 127.**
- Species Angelicæ directè representant singularia, non autem species intellectus nostri à phantasmatibus abstractæ. q. 10. art. 5. 132. & seq.**
- Species formatæ ab intellectu possibili ex præconceptis speciebus non representant directè singularia, sed tantum distinctæ. q. 10. art. 4. 125.**
- Speculativum, & practicum in quo differunt inter se . q. 10. art. 5. 151.**
- Synderesis non est distincta potentia ab intellectu . q. 10. art. 5. 152.**
- Synderesis est habitus principiorum practicè regulantium . q. 10. art. 5. ibid.**
- Synderesis ad potentiam cognoscitivam, & iudi-**

## *Index rerum notabilium.*

- iudicatiuam pertinet . ibid.  
Synderesis versatur circa bonum , & malum di-  
rectiuè . ibid.  
Species impressa non est sufficiens , ad terminan-  
dam intellectiōem . q. 11. art. 2. 183.  
Species impressa continet obiectum per modum  
intelligibilis , verbum autem per modum in-  
tellecti . q. 11. art. 2. 193.

### V

- V**oluntas pro hoc statu necessitatur à bea-  
titudine in communi , quoad specifica-  
tionem . q. 12. art. 4. 278.  
Voluntas simpliciter est imperfectior intellectu  
secundū quid tamen excedit ipsum . q. 12.  
art. 5. 285.  
Voluntas superat intellectum ratione motio-  
nis . q. 12. art. 5. 290.  
Voluntas moraliter reddit hominem bonum cū  
participatione rationis . q. 12. art. 5. 292.  
Volitio est actus immanens, virtualiter transiens  
q. 12. art. 6. 317.  
Variatio appetitu, variatur motus directiuè . q.  
12. art. 6. 323.  
Visus cur non potest eleuari ad audiendum , si-  
cut intellectus ad Deum clarè videndum .  
q. 10. art. 3. 96. & 105.  
Variæ sententiæ de obiecto specificatiuo intelle-  
ctus nostri . q. 10. art. 3. 92.  
Virtuti nullum præmium correspondet in hac  
vita . q. 9. art. 1. 28.  
Virtus non præmiatur illis quæ illam connatu-  
raliter spectant . q. 9. art. 1. 29.



V. D. Fulgentius Orighetus  
Rector Pœnitentiariæ pro  
Illustriss. & Reuerendiss.  
D. Iosepho Musotto Vica-  
rio Capitulari Bononiæ.

*Reimprimatur*



Fr. Vincentius Vbaldinus Vi-  
carius Generalis S. Officij  
Bononiæ Ordinis Prædi-  
catorum.



